


58,452/13 SUPP

BORSIERI G





Digitized by the Internet Archive
in 2016

https://archive.org/details/b28745371_0002

4 3 74

INSTITUTIONUM
M E D I C I N Æ
P R A C T I C Æ

Q U A S
AUDITORIBUS SUIS PRÆLEGEBAT

JO: BAPT. BURSERIUS
DE KANILFELD,

Editio Quarta Veneta.

VOLUMEN SECUNDUM.
D E F E B R I B U S.



V E N E T I I S, 1802.


Apud Josephum Orlandelli.

N O M I N E .

q^m. FRANCISCI EX NICOLAO PEZZANA.

CUM REGIA FACULTATE, AC PRIVILEGIO.





P A R S A L T E R A.

D E

FEBRIBUS CONTINUIS CONTINENTIBUS.

§. CXCIV.

CONTINUAS continentes * appellavimus (§. LXI.) eas febres, quæ uno quasi circuitu sua stadia, sive tempora percurrunt, & συνέχοι a Græc- Synochi cis dicuntur. Hinc *simplices*, sive unius circuitus præ reliquis febrium generibus & videntur esse, & reputantur. Ita tamen earum continuitas accipienda est; ut non quovis tempore, una, eademque febris vis, atque eadem symptomatum intensio urgeat, sed in principio, & remissione morbi omnia mitiora sint; graviora vero in augmento, & statu, quemadmodum in aliis morbis fieri consuevit.

* Scire autem oportet, MORTONUM febres, quas alii remittentes, & *synecheas* vocant, continentes nominasse, nova sane, ac insolita vocis usurpatione; quod errore ne, an studio fecerit, non satis liquet.

✠ 2

§. CXCV.

§. CXC.V.

Quam
in his con-
tinuas

Non tamen putandum est, ut apposite, recteque monet TORTIUS (a), LIEUTAUDIUS (b), SAUVAGESIUS (c), HÆNIUS (d) alique optimi harum rerum judices, hujusmodi febres sine ulla omnino gravioris intensificationis vicissitudine usque ad finem procedere. Nam etsi neque, ut *Remittentes*, statis quibusdam horis manifesto ingravescant & remittant, neque intermissionem habeant, ut *Intermittentes*; plerumque tamen matutino tempore non nihil defervescunt, siue paullo lenius affligunt: a pastu vero, vel post meridiem, vel ad solis occasum, vel ex quacunque causa evidenti, uti medela, animi affectibus, sermone, vigilia paulatim & lente invalescunt, vel deim ex ipsa causarum intensificatione, aut symptomatum, accidentiumque accumulatione subinde & sine ordine exacerbantur. Non ergo tantam in iis, esse quisquam credat continuitatis uniformitatem, ut nulla unquam remissio, nullumque incrementum observetur: nam uno, vel altero tempore mitius, aut gravius habent ægrota-ntes; sed hujusmodi variationes neque adeo manifestæ, neque adeo constantes, ordinatæque, ut in vere remittentibus, esse solent. Quod si probe animadvertissent illi, qui *continentis* vocabulum strictim, & prout rigor significatus exigit, sumplerunt, fortasse non dubitassent, an unquam (§. LXI.) hujusmodi febres incidant, aut viâ a quopiam fuerint, cum licet rariores, non tamen clinicorum effugiant diligentiam (e).

(a) Therap. special. l. 1. cap. VIII. p. 63.

(b) Précis de Med. livr. 1. sect. 1. p. 2.

(c) Nosol. method. cl. c. ord. 1. charact. ord. & gen. 1.

(d) De

(d) De febr. divis. Divis. IV. schol. 1.

(e) Vid. SELLIVS Rudiment. Pyretolog. Ordin. 1. Gen. 1. p. 94. sub fin. *qui propria observatione existere hujusmodi febres cognovit.*

§. CXCVI.

In hisce sanguinem præcipue affici, atque a flatu naturali peculiariter deisciscere, plerique probabile visum (a) est; quod tanta continuitas vix se possit, sustinere, nisi primarius ejus fomes in ipso sanguine insideret; hinc has febres *venosas* nuncupavit BALLONIUS (b), ut a *gastricis*, sive fomitem in abdomine, aut intestinis habentibus eas distingueret. Fieri interdum potest, ut in ventre quidem fomitis origo sit, sed tanta jam copia in sanguinem influxerit, quæ ad febrilem æstum eodem tenore ad finem usque morbi alendum valeat. Quæ primo modo sit febris continens, dicitur *primaria*, sive *essentialis*; quæ secundo, *secundaria*. Hinc intelligitur, qua ratione febris *intermittens*, aut *remittens* in *continentem*, quod sæpe accidit, transmutari interdum possit.

(a) Vid. SELL. l. c. ord. 1.

(b) Oper. T. 1. L. 2. epid. p. 78. edit. Thevart.

§. CXCVII.

Si quis tamen velit, non semper in his (§. CXCIV.) sanguinem vitari, aut infici, neque in omnibus febrilem fomitem eidem inesse, sed quandoque aliis in humoribus, & præsertim in lymphatico latice, aliisque in sedibus eum contineri; imo etiam non raro nervos, & cerebrum, & reliquas

solidas partes potissimum laborare, aut affici; non repugnabimus, dummodo tale vitium ponatur, a quo febrilis motus ita sustentetur, ut continenter, & sine notabilibus remissionibus suum curriculum absolvat. Variæ enim ephemerarum, & synochorum species, itemque lentæ nervosæ, atque hecticæ, quæ ad continentes referri solent, uni sanguini quacumque ratione vitiato non videntur tribui posse; quod jam veteribus ipsis fuit optime animadversum, & proinde variâ causarum tum ratio, tum sedes singulis adsignata est, ut in sequentibus peripsectum fiet. Præcipua autem febrium genera, de quibus seorsum hic agendum erit, tamquam *continentium* ordine comprehensis, sunt *ephemera*, *synochus imputris*, *synochus putris*, *Continens lenta maligna*, *nervosa dicta*, atque *hectica*.

EPHEMERA.

§. CXCVIII,

Quid Ephemera?

Ephamera Græcis, *Diaria* nostris est ea febris, quæ unica accessione intra diem unum, sive Nycthemerum, vel paullo amplius spatium terminatur. Suum enim curriculum absolvit, modo septem, modo duodecim, modo decem & octo, aut etiam quatuor & viginti horarum intervallo. Interdum quoque ad horas, quod summum est, triginta sex extenditur. Quando intra hosce terminos concluditur, *simplex*, & *legitima* plerisque nominatur. Ulterius vero producta, ut tertio, aut quarto die tantummodo decedat, nomen *ephamera extensæ*, seu *plurium dierum*, vel etiam *febris simpliciter continentis* apud quamplurimos obtinuit.

Ephamera simplex, sive legitima.
Extensa, sive plurium dierum.

§. CXCIX,

§. CXCIX.

Scire autem oportet, eam, cum diem unum, *Ephemera symptomatica remittens.* excedit, non semper continentis in modum, nec semper una duntaxat accessione decurrere, sed quandoque remittentium more alias, atque alias successive minores habere accessiones, donec ex toto finiatur; uti pluries a nobis compertum est. Sed, quando id evenit, plerumque *ephemera symptomatica* est, non *primaria*, & tunc potius ad remittentes febres referenda videtur. Si vero *primaria* fuerit, & tamen pluribus, ut dixi, accessionibus ad finem perducatur, quod interdum evenire etiam concedimus, tunc ea fortasse non inepte *duplicata*, aut *triplicata*, *ephemera* dici posset.

§. CC.

Pura, & simplex *ephemera* fere semper a causa *Causa & signa.* movetur evidentibus, vigilia, mentis contentione, curis, mœrore, ira, æstu solis, calore balnei, exercitatione, labore, lassitudine, temulentia, repletione, inedia, nimia evacuatione, subito frigore, fumo carbonum, similibusque. Quod tamen, GALENO (a) iudice, etsi ab *ephemera* inseparabile sit, aliis quoque febribus, quarum non paucæ a causa quadam evidenti sæpe incipiunt; commune observatur. Juvenes, ut plurimum, sanguineaque temperie præditos, & ceterum sanos, & bene ante habentes in primis adoriri solet. Non eam, inquit LOMMIUS (b) *cibi antecedit fastidium; non spontanea corporis lassitudo, sed neque gravior somnus, multatæ oscitatio, neque horror, aut frigus: verum*

repente tota accedit, neque graviore incommôdo; ubi jam esse cœpit, molesta est; dolorem intelligo capitis, atque ventriculi, itemque nauseam, æstum, corporis inquietudinem, & hujusmodi. Totum vero corpus suavi calore perfunditur, qualis in ira percitis, aut vino fardis percipi solet: suavitas enim caloris perpetuum, & proprium hujusce febris signum (c) existit. Cutis mollis, atque humida est. Arteriarum autem motus protinus magnus est, sed modice celer, & frequens, nec vehemens, æqualior tamen, liberior cum mollitudine, & justioris ordinis, quam in prima statim reliquarum febrium accessione esse consuevit.

(a) De differ. febr. lib. 1. cap. 7. text. 2.

(b) Medicin. observ. l. 1. febr. diaria,

(c) GALEN. l. c.

§. CCL.

Signa
quædam
expendun-
turs

Celeritas autem pulsus magis in diastole, quam in systole se prodit; quod minus arteriæ vellicantur, ideoque minus celeriter contrahuntur. Parva enim causa (a) est, quæ arteriarum fibras irritat, atque ad contractionem allicit. Urinam nihil, aut parum certe mutari in hac febre ajunt, excepta ea, quæ in ejus fine prodit; quæ aliquanto saturatior, & concocta esse perhibetur. At aliis inseparabile, & proprium videtur primo statim die eam concoqui. Non solvitur profusis sudoribus, ut febres intermittentes, sed sæpe aucta solum insensibili perspiratione; interdum copioso halitu, & humido vapore, aut madore; interdum etiam sudore, sed minime multo. Hoc tamen nequaquam perpetuum est: non raro enim vidi febriim hujusmodi largis sudoribus, hæmorrhagia narium, vomitu,

mitu ; aut alvi fluxu itemque pustulis circa labia enatis solutam.

(a) SCARDON. de cognosc. & curand. morb. lib. 4. cap. 2. p. 65. in comment. (b) GALEN. l. c.

§. CCII.

Neque perpetuum est ; eam sine horrore , & frigore repente , inopinatoque invadere : nam com-
pertissimum habeo , non raro ab horrore , aut frigore ipsam exordiri ; imo etiam cum dorsi , capitisque dolore , nausea , aut vomitu conjungi , quod præcipue evenit *ephemeræ extensæ* , sive *plurium dierum* , eique potissimum , quæ æstivo tempore , & in quibusdam anni constitutionibus quasi populariter increbrescit . Id etiam constantissimum , & pene solumne est in illa ; quæ erysipelas exterius erupturum antecedit , quæque ideo ephamera *erysipelatosa* a quibusdam (a) appellatur . Quamquam , ut libere dicam , febris hæc neque semper ephemeræ modum servat , ideoque inepte a non nullis ad ephemeræ (b) refertur , neque ad febres puras , & solitarias spectat , sed potius ad morbos exanthematicos febriles , de quibus singillatim , & seorsum alibi differendum erit .

Quæ rarius contingunt.

(a) SYDENHAM observat. med. circa morb. acut. histor. & cur. sect. 6. cap. 6. p. 322. edit. Patav. 1700.

(b) VOGEL. Gen. morb. cl. 1. Gen. 68. & de cogn. & cur. præcip. hum. corp. affect. §. XLVII.

§. CCIII.

Ceterum ubi sine frigore , aut horrore aggreditur , facile hoc ipso a febribus intermittenti-
bus ,

Quomodo ab intermittenti-
bus et remittenti-
bus distinguitur.

Item a synocho putris.

bus, & remittentibus distinguitur; quia hæc fere semper a frigore, aut horrore inchoare solent. Verum si frigus, aut horror ejus initium faciant, tunc sane non ita planum, atque expeditum est, eam ab illis, aut ab aliis *continentibus* certo internoscere. Tunc vero ex ejus progressu dilucidanda res est. Nam si longior accessio fuerit, uti est, quando diem unum excedit, tum intermittentis, aut remittentis accessionem suo circuitu superat. Synochos vero ob brevitatem non adæquat. Verum hæc omnia plurimum variantur. Hinc sæpe accidit, ut non nisi post ejus discessum a reliquis discerni queat. Quare diariam omnem curasse facilius interdum est, quam novisse.

Prognosis.

§. CCIV.

Quando in synochum simplicem aut putrem degenerat; aut in hecticam.

Hinc fere sequitur, ut hæc ipsa prius nocere possit, quam cognosci. Plerumque tamen, si *pura* & *benigna* est, periculo vacat; non item *complicata*, & *maligna*, de quibus infra verba fient. Generatim biliosos homines negotiis deditos facilius, & gravius occupat. Quando in *extensæ* modum transcurrit, timor est, ne in synochum impetrem, aut putrem vergat. Primum cognoscitur ex majore æstu, majoreque faciei rubore; alterum vero fieri, docente Avicenna (*a*) significant remissio sine sudore aut madore, aut si cum sudore fiat, sine tamen *apyrexia*, atque *horripilatio*; pulsus inæqualis, celer, parvus, contractus; calor acer, & siccus; dolor capitis, si non defuerit, perseverans; & omnia demum intensiora symptomata; quamquam tunc dubitari licet, ephemerae ab initio fuerit, an ipsa jam synochus putris.

Quod

Quod si causæ vehementius corpus afficiant, atque homo sicciſſimo habitu ſit, diutiusque febris, quam ejus natura ferat, protrahatur, in hecticam permutari eam poſſe, vetuſtiſſima opinio eſt. Id autem indicari dicunt a calore ad carpum, ſi manu tangatur, magno, a febris aſſidua, & continenter æquali, a caloris in omnibus membris poſt cibum incremento, a pulſu duro, parvo, ſed æquali, atque a reliquis deinceps hecticæ indi- ciiis. Verum hinc quoque quæri poteſt, utrum ephemera tunc tranſeat in hecticam, an vero ab initio jam hectica fuerit? HIPPOCRATES omnes febres, quæ a bubonibus ſunt, *malas* appellavit, præter *ephemeræ*. Raro autem febris a bubonibus ephemeræ inſtar occurrit. *Suppuratoria* enim eſſe ſolet, & per varios circuitus procedit, plus minus gravis, & longa, pro diverſa tumoris natura, ex quo oritur. Verum eſto ephemera. An quia a bubone, non ideo abſolute mala? Bubo malignus & peſtilens, ſi eam excitarit, quid erit ipſa lethalius? Limitanda ergo HIPPOCRATIS ſententia videtur.

(a) Lib. IX. Fen. I. Tract. I. cap. 8.

(b) Aphoriſm. 55. ſect. IV.

§. CCV.

Ephemera pura, & primaria ab una, vel altera ^{*Ætiologia.*} cauſarum evidentium, quarum frequentiffimas ſupra (§. CC.) jam tetigi, ſine ulla majori ſanguinis humorum labe præcedente, ut monet LUDWIGIUS (a), procreatur. Per eas quippe vel ſenſibilitas ſolum, vel irritabilitas ita concitatur, ut febrilis perturbatio non ingens, neque diu permanſura conſequatur; vel aliquid acre in ipſo ſanguine evolvitur, vel in eundem inferitur, vel id, quod

quod excerni debuisset, retinetur in corpore, & tale est, ut alterutram, quam memoravi, vim afficiat, sed facile, & brevi e corpore emitti possit. Neque ex illis tantummodo causis eam progigni crediderim, verum etiam ex sanguinis copia, congestione, dolore, vulnere, contusione, fractura, luxatione, partu laborioso, difficultate catameniorum, lacte in mammis congesto, tumoremque dolorificum inferente, catarrho, similibusque aliis; & tum ephemera erit *secundaria*, aut *symptomati-*
ca, a pura illa, & legitima non parum diversa. Non ergo semper ab inquinato sanguine proficiscitur, ut *excrementita* haberi queat, quemadmodum nimis præpropere QUERNÆO (b) visa est. Namque haud illico *excrementitiis* febribus adnumeranda est, quod nulla coctione, ut loquuntur, purulenta egeat, & cito, facileque solvatur; cum id potius causæ levitatem, & facilem emendationem aut ablationem significat, quam impuram, *excrementitiæque* naturam.

(a) Instit. Med. Clinic. P. I. cap. I. §. CCXXXIX.

* Morborum spirituum ephemeram ex præconcepta, opinione crediderunt veteres. Hinc fortasse CEL. SCARDONA (De cognosc. & curand. morb. lib. IV. cap. 2. p. 58: & seq.) ad eos accessit, cum scripsit, proximam ejus causam esse spirituum concitationem. Id autem ostendere putat animi pathemata, fumumque carbonum, aliasque hujusmodi remotas causas, quibus ipsa excitatur, & nervi in primis affici videntur. Verum non omnes causæ remote in nervos agunt: Non immerito igitur, ut opinamur, positum & constitutum a nobis est, sensibilitatem, aut irritabilitatem, aut utramque vim in ephemera commoveri, ita tamen, ut inde orta febris non ingens sit, & cito conquiescat.

(b) Des Fievr. contin. T. 2. p. 349.

§. CCVI.

Ephemerarum differentiarum non paucæ reperiuntur apud auctores. Ufu non carent quædam communes, quibus distinguuntur in *primarias*, *secundarias*, *symptomaticas*, *sporadicas*, *epidemicas*, *benignas*, *puras*, *complicatas*, *malignas*. Nec valde absum, ut etiam in *putridas* distinguere possint; nam non video, cur cum sanguinis proclivitate quadam ad putrescendum conjungi quandoque nequeant. Reliquæ a causis, quæ eas moverint, ductæ facile possunt omitti, cum cuilibet medico eas indaganti in mentem veniat *. Sic pariter illæ quæ a tempore, quo periodice quasi, & de more redire solent, *menstruæ*, *bimestres*, *trimestres*, *annuæ* dicuntur, notissime videntur. Nosologi (a) inter ephemeræ species collocant *febrem lacteam puerperarum*; quæ tamen raro ephemera est, &, cum plerumque remittentis typum habeat, alibi a nobis peculiariter describetur.

* Inter veteres AVICENNAS, & inter recentiores FORESTUS ephemeræ diviserunt in tot species, quor sunt earum causæ evidentes; ideoque apud eosdem alia est ephemera ex tristitia & mœrore; alia ex spe, & timore; alia ex meditatione, & cogitatione; alia ex ira; ex vigiliis; ex somno, & quiete; ex gaudio; ex metu; ex labore; ex evacuatione; ex dolore; ex syncope; ex fame; ex siti; ex oppilatione; ex satietate nauseativa, & repletione; ex apostematibus; ex siccitate, & asperitate; ex calore vel aeris, vel balnei; ex constipatione a frigore; ex vino; ex cibis calidis aliisque similibus causis. Hunc spectant ephemeræ symptomaticæ dolorum, vulnerum, fracturarum, luxationum, contusionum HOFFMANNI, menstrua, sive catameniales RAMAZZINII, & FREINDII, erysipelatosæ SYDENHAMII, & SENNERTII, aliæque apud SAUVAGESIUM commemorata, quarum
cura.

curatio cum a morbi primarii curatione omnino pendeat, idcirco satis erat eas indicasse:

(a) SAUVAG: l. c:

Curatio.

§. CCVII.

Quam
potus den-
dus.

Non negligenda tamen est caussarum evidentium consideratio, quia earum varietati curatio accommodari plane debet. Præcipue vero sedulo querendum est, an *simplex* ephemera sit, an *extensa*; an *benigna*, an *primaria*, an *secundaria*, aut *symptomatica*? Ubi simplex est, levique ex causa oritur, curatio ferè absolvitur sola abstinence, aut tenuissimo victu; copioso potu, tepido, temperante, blandissime aperiente, & diapnoico, interdum injecto clymate, quo alvus eluatur. Potui autem detur vel aqua purissima, vel succo limonum acidulata, vel decoctum hordel, vel foliorum Thee, vel florum sambuci, vel emulsa, ut vocantur, ex seminibus frigidis. Si æger sanguine abundet aut febris ex plethora orta sit, quam tum *plethoricam* nominant nostri (id vero cognoscitur ex lauta victus ratione præcedente, ex liquorum vinosorum largiore usu; vita deside, otio, temperamento sanguineo, habitu corporis pleniore, consuetarum excretionum defectu faciei rubore, venarum plenitudine, calore totius corporis, vividiori arterialium, temporalium in primis, pulsatione; spirandi aliqua difficultate, membrorum torpore, & gravitate, pulsu magno, & pleno) quam citissime sanguinis copiam minuere oportet venæ sectione, tuncque præsertim, cum doleat caput, aut time-ri possit, ne febris ultra producat; quod maxime usuvenit, quando secunda jam die nullus fu-

Quando
sanguis
mitti de-
beat.

dor prorumpit, nec febris mitescit. Quo in casu etiam iterari sanguinis missio debet. Simili ferme modo curanda quoque est ephemera *extensa*; itemque *symptomata*, metum inflammationis (§. CCV.) afferens; non omissis in eam, quæ propius ad morbum primarium respiciunt.

§. CCVIII.

Nec prætermitti possunt ea, quæ saburram de *Quando purgandum.* ventriculo, aut intestinis excutiunt, si febris a crapula, a vino, a repletionem, a foribus retentis ortum duxerit, quemadmodum id ex anamnesi, signisque conjunctis facile innotescet. GALENUS (a) *Balneum:* eos, qui balneo assueti sunt ubi febris jam defecit, lavandos jubet; nam reliquias morbi, si quæ supersunt, balneum dilcutit, corpus humectat, & refrigerat. Hodie verò, cum rarior sit balnei usus; quiete, pariori victu, perspirationis cura, & leni primarum viarum expiratione id præstamus. Atque hæc de *ephemera benigna*, & *pura* intelligantur. Complicatae enim, aut malignæ alia omnino ratio est. Et quidem quod ad complicatam attinet, prout cum ea complicantur alieni affectus, aut plures causæ eam excitant, varia etiam, atque aliena, insolitaque phænomena exhibet, quæ aliquantulum etiam ipsam curationem, atque exitum variare possunt, quod in symptomaticis ephemeris (§. CCV. n. *) quæ ad complicatam plerumque spectant, potissimum elucet.

(a) De Art. curand. ad Glaucon. l. I. p. 31. & 39; edit. Junt. in 8. Venet. 1542.

EPHEMERA MALIGNA.

§. CCIX.

Quid e-
phemera
maligna.

De epide-
mica.

Malignam ephemeram voco eam, quæ brevitatē sui curius, & continuitate continenti ephemeram omnino æquat; periculosis vero symptomatibus longe superat, utpote quæ causam habet venenatam, animalibus & vitalibus viribus infensorem, difficillime subigendam, & plerumque lethiferam. Prout vero causa isthæc vel sponte in corpore gignitur, vel a communi aeris infectione dimanat, vel per miasma contagiosum communicatur, sic quoque vel *sporadica* est, vel *epidemica*, vel a *contagio*. Rarissimus quidem morbus est, cujus tamen non desunt funestissima exempla. De *epidemica* igitur primum verba faciam, & præsertim de ea vulgatissima specie, quæ *ephemera sudatoria* a SAUVAGESIO (a) nuncupatur,

(a) Nosolog. Metod. cl. 2. Gen. 1. spec. 7.

Ephemera sudatoria, epidemica.

§. CCX.

Morbi
historia.

Morbus ab effusis sudoribus, qui eum comitatur, nomen obtinuit. In Anglia primum observari cœpit, quoad novimus, anno 1483. inter milites HENRICI SEPTIMI apud portum Milfordiensem. Eodem quoque tempore Londini a die vigesima secunda septembris, usque ad octobris finem caput extulit, ut narrat CAJUS ANGLUS. Denique quinques æstiva semper tempestate Britanniam revisit: primum scilicet anno 1485, sive, ut alii volunt, 1486,

secundum anno 1506; tertium anno 1517, & tunc ingenti adeo clade, ut trium fere horarum spatio plures optimatum, plurimos plebejorum, imo in quibusdam oppidis dimidiam incolarum partem deleverit. Quartum rediit anno 1528, tuncque ægri intra sex horas vita exuebantur, Rege ipso HENRICO OCTAVO in summum discrimen adducto, cum plurimi ex aulicis Proceribus interirent. Quintum, postquam anno 1529. totum Belgium, totam inferiorem Germaniam, Zelandiam, Brabantiam, Flandriam, Daniam, Norvegiam, Galliamque peragrasset, iterum in Angliam cum multorum perniciæ pedem intulit.

* Synonyma.

Ephemera Britannica SCHENCKII, observat. medic. p. 763. Sudor anglicus WILLISII Pharmacop. rational. Par. I. sect. V. cap. 3. pag. 473. Febris Anglica RAYMUND. JO. FORRIS, de Febr. pag. 333. Febris pestilentialis contagiosa unius diei CAJI ANGELI de Ephem. Britan. Hydronosus FORESTI, obs. med. L. VI. obs. 8. Hydropyretion, sudor Anglicus, & febris in sudatoria SENNERTI de febr. l. IV. cap. XV. Ephemera pestilens, & contagiosa FRACASTORII, de Morb. contag. lib. 2. cap. 5. Ephemera pestilentialis quibusdam, & præcipue LIEUTAUDIO, précis de Med. Pratiq. l. I. p. 41. Sudoriferus morbus BATAVIS. La suette GAL-
LIS.

Diagnosis.

§. CCXI.

Plerumque epidemice grassatur singulari in aliqua regione post humidum, caliginosumque cœ-
ium, tempore in primis æstivo, aut autumnali, soletque tres, vel quatuor menses tantummodo perdurare. Incipit morbus a magna virium jactura,
BURSER. Vol. II. B ani-

Symptomata.

animique deliquiis . Interdum tremor ingens , & horror convellens antecedit, inde acer subsequitur cutis mador, qui mox in sudores profusissimos, & continuos convertitur, sæpe non prius desituros, quam vita defecerit; quod ut plurimum intra quatuor & viginti horas contingit . Fere semper insolitus adest interiorum partium æstus, atque ardor, sitis inexplebilis, ingens cum desperatione timor, anxietas summa præcordiorum, ventriculi ægritudo quædam cardialgica, lumborumque dolor . Interdum accedit cephalalgia, cordis palpitatio, quæ etiam morbo depulso, remanere diu solet . Septima ab ingressu morbi hora omnia increscunt . Tunc delirium supervenit, major virium dejectio, imo exsolutio, & profundissimus somnus . Hora decima quinta malum extremos habet labores . Rarissime vomitus insequitur, licet stomachum dolor vexet, quod in tanta ejus anxietate mirum est .

§. CCXII.

Qui pul-
sus, quæ
respiratio.

Qui ma-
gis obno-
xii. Nul-
li bubo-
nes, nulla
exanthema-
mata.

Pulsus jam ab initio celeritate, frequentia, inæqualitate febrem testatur; interdum etiam fit magnus, & vehemens . Respiratio citæ est, atque anhelosa . Robustiores malum hoc præcipue adoritur; infantibus, senibus, pauperibusque sæpe parcit; reliquos ferme omnes & corripit, & enecat . Indigenæ, etsi in exteras regiones emigrent, non tamen fuga incolumes servantur: advenæ contra vix unquam media in epidemica hac lue infici visi sunt . Insuper animadvertendum est, raro hæmorrhagias ægrotantibus supervenire, neminemque ex iis, qui hac febre correpti sunt, bubonibus, aut exanthematis obnoxium esse solere, & si quæ in summa cute pustulæ erumpunt, morbillis similes esse, rarissimeque id accidere, iisque duntaxat,

qui

qui jam e morbo evaserunt. Nam sæpe per plures
 mentes nocturnis diffluunt sudoribus; unde cutis
 rubore suffunditur. Hinc aliquam similitudinem ha-
 bere videtur cum *febre miliari sudatoria*; vulgo *la*
suette miliaire SAUVAGESII (a), quamquam hæc
 ab *ephemera sudatoria* vere discrepat, quod pustu-
 las miliares citissime, & jam inter initia ad cutim
 propellit, atque ad septimam, aut decimam quar-
 tam diem protrahitur.

(a) Nosol. method. cl. III. ord. 1. Gen. V. spec. 3.

Causa.

§. CCXIII.

Probabile admodum videtur, subtilissimum, &
 summo opere noxium venenum id esse, quod mor-
 bum efficit. Fortasse aliquid in ipso aere incogni-
 tum; at venenatæ indolis continetur, quomodo-
 cunque natum, aut a putridis terræ effluviis sup-
 peditatum. Quod verosimile redditur ab humida,
 & nebulosa tempestate, quæ morbum præcedere
 solet, atque a magna vi avium sub arboribus,
 cum in Anglia lues hæc desæviret, necatarum in-
 venta, quæ sub aliis abscessus cicctis magnitudine
 gerebant. Potest etiam virus istud corporibus, quæ
 aliunde veniat, innasci; nam prægressæ humidæ,
 & calidæ tempestates; aerisque constitutiones la-
 xando solidas partes, perspirationem cohibendo,
 humoresque ad putredinem proclives reddendo sic
 universam æconomiam animale pervertunt, ut
 aliquid intus gignatur, quod veneni instar agat,
 epidemicamque perniciosissimam febrem invehat,
 non aliter solvendam, quam profuso, & continua-

Causa
 peculiari
 virus.

to sudore qui nimirum illud noxium, & subtilissimum venenum expellat.

Prognosis.

§. CCXIV.

Sævissimum igitur malum est, & celerrime lethiferum, quippe quod, ubi primum in aliquam civitatem impetum facit, singulis diebus pestis instar quingentos, aut sexcentos occupat; & ferme omnes intra quatuor, & viginti horas de medio tollit. Quidam intra sex, vel septem horas interimuntur, & si qui diem integram superant, eos convalituros esse, plerumque licet sperare. In tuto tamen res esse nequit, nisi elapsis viginti quatuor horis; sed tunc etiam timori adhuc locus superest, ne æger in eundem morbum relabatur. Qui morbi vim eludunt, effugiuntque, assiduis penè, copiosisque sudoribus servantur: illi contra, quibus sudores non satis diu manant, vel illico pereunt, vel in magnum discrimen adducti febre pessimi moris subsequente periclitantur*. Sed id fortasse evenit iis, qui non *ephemera* hac, sed alia febre mali moris, aliquid epidemicæ constitutionis in se recondente correpti fuerint; quod neque novum, neque difficile omnino putaverim.

* LIEUTAUDIUS. (*Précis de Med.* l. 4. p. 43.) nescio quo fundamento, scribit, non nullos ad diem quartam, septimamque pervenire feliciter posse. Fatetur tamen ipse, id rarissimum esse. Nobis vero etiam ab *ephemeræ sudatoriae* natura omnino alienum videtur, cum unius diei morbus a CAJO ANGLO esse dicatur. Puto autem, LIEUTAUDIUM deceptum fuisse descriptione, quam evulgavit BOYERUS illius epidemicæ febris, qua apud Bellovacos saeviit anno 1750. aut

alteriut; de qua mentionem fecit VANDERMONDIUS in Tomo XII. Diarii Medici, quatum neutra fuit ephemera sudatoria, ut mox infra animadvertam, licet pro tali habita fuerit.

Curatio.

§. CCXV.

Experientia edocemur, non alia quam spontanea cutis excretionem malignum virus, unde huiusmodi febris nascitur, melius, certiusque expelli. Sudores enim quocumque modo imminuti, abrupti, aut suppressi mortem certissime afferunt. Quapropter omni cura entendum est, ut sudor libere prodeat; diuque continuetur. Aegroti diligentissime a frigore arcendi sunt. Si sudores sponte remittant, stragulis impositis, diaphoreticisque medicamentis revocentur. Inter hæc primis illis temporibus; quibus id morbi genus apparuit; celebrabantur hoc nomine Terra sigillata, Bolus armenia, Dictamnus, Carduus Benedictus, Zedoaria, Tormentilla, Nymphaea, Borrage, Aqua acetosæ, & scabiosæ, aliaque huius census, quæ non modo sudoribus promovendis, sed etiam malignitati perdomandæ accommodata credebantur: quorum tamen non nulla hodie vix, ac ne vix quidem apud nos huiusmodi laudem merentur. Neque ludandi finis fiat, nisi viginti quatuor horis exactis. Tunc primum & stragula minuere, & sudores quam diligentissime abstergere, sine periculo ut plurimum facere; ferunt. Interdum vero, præsertim in robustioribus, sudores iterum, atque iterum ad duodecimam usque vicem ciere oportet; quod tam maxime necessarium ducitur, ubi venenum non satis expulsum videatur; morbusque non ex toto de-

*Quomodo
sudor prom-
overi
debeat.*

*Quomodo
a sudore
cessan-
dum est.*

§. CCXVI.

Viribus
quomodo
consulere
oporteat:

Sed inter sudandum prudenter viribus prospicere necesse est. Si hæ languere ob sudoris nimiam copiam incipiant, erigendæ, reficiendæque sunt cardiacis, alexipharmacis, atque antisepticis medicamentis, uti vino, succo mali citrei, granatorum, acetosæ, aliisque in peste, malignisque morbis adhiberi solitis; sudorque ita gubernari debet, ne ei æger prorsus succumbat. Observatum enim est, nimio sudores eliciendi studio, dum supra vires stragulis onerabantur ægri, magnam eorum partem suffocatam esse. Cardialgia quoque non parum negotii hoc in morbo facessit. Huic igitur occurrendum docet SAUVAGESIUS (a) aqua florum aurantiorum, cinnamomi, hordeata, mero, confusione hyacinthina, aut Kermesina, Theriaca, a quibus illud etiam boni præstatur, ut vires recreatæ sudori ferendo pares evadant. Acetum quoque, aquæ theriacales, omniaque aciescentia videntur hic esse convenientissima. Fortasse non male cessissent camphora, liquor anodynus mineralis HOFFMANNI, Moscus, Spiritus MINDERERI, aliaque hac ætate summopere celebrata.

Cardial-
gia quibus
sedetur:

(a) L. c. sub fin. capit. de ephemera,

§. CCXVII.

Necesse est
sanguinis
missionem:

Quod attinet ad sanguinis missionem, noxia nunquam non deprehensa hæc est in hujusmodi lue, nec ullo modo per se opportuna esse posse videtur. Neque audiendus BOYERUS, qui in ea contitutione, quæ non multis ante annis Bellovacos misere afflixit, venæ sectionem non parum profuisse

* Neque
vatis:

fuisse narrat; nam idem auctor, re melius perpen-
sa, fateri postea debuit, morbum illum ab *ephemera sudatoria* fuisse valde diversum (a). Discrimen enimvero cuique patebit, si descriptio *sudoris Anglici*, sive *ephemera sudatoria* conferatur cum descriptione morbi Bellovacorum, a MALOVINIO in *Historia morborum epidemicorum &c. Parisiis observatorum* (b) typis edita. Catharsis quoque nullum locum invenit, nisi interdum in morbi fine, eo-
que jam superato. Fortasse ingruente morbo non inutile fuisset leniter vomitum ciere. Notum enim est, quantum emetica morborum fomitibus partem ejicere in epidemicis, contagiosisque morbis possint, quantumque sudoribus promovendis faveant. Magni etiam interest, quo regimine diætetico uti expediat. Generatim primis quinque ab ingressu morbi horis omnis potus proscribendus est, post has concedi quidem potest; sed loco alimenti sit. A carnibus omnino ægri abstineant, nec inter sudandum somno, in quem pronissimi sunt, indulgere unquam sinantur, nam nisi omni studio evigilare cogantur, veterno obruti extinguuntur.

Catharsis non convenit. Quid de emesi sentiendum.

(a) LIEUTAUD synops. univers. Prax. med. lib. I. sect. I. sudor anglie. p. 31. edit. Patav. 1777. *Febris autem, quam anno 1750. BOYERUS in Bellovacis curavit, erat quoddam febris maligna putrida genus, cui nomen miliaris sudatoria impositum fuit a SAUVAGESIO (Nosol. method. cl. III. spec. 9.) A nostra differt quoque ea, quam vidit, descripsitque anno 1759. VANDERMONDIUS (Journal de Med. T. XII. pag. 354.). Nam erat & ipsa de genere miliarium, qua producebatur ad septimam usque diem, perperam vocata la suette.*

(b) Hist. Acad. Roy. ann. 1747. p. 563.

§. CCXVIII.

Nolo quidquam hic desiderari eorum ; quæ ad regimen hujus acutissimi morbi conferre usus comprobavit. En POLYDORI VIRGILII in hanc rem saluberrima præcepta: *Post ægrotantium, inquit ipse, plurima experimenta, & observationes, a juvantibus, & ledentibus factas, ita usu venit, ut remedium unicuique promptissimum inventum sit, quod huiusmodi est. Si quis interdum sudore corripitur, cum vestitu protinus cubatum eat; si nocte & in lecto, tum quiescat, nec se e loco moveat, usque ad viginti quatuor horas exactas; interim ita se stragulis oneret, quo non provocetur sudor, sed sua sponte moliter stillat, cibi nihil capiat, si tandiu famem tolerare possit, neque plus potionis consuetae, ac calefactæ hauriat, quam modice satis sit ad sitim extinguendam. Inter hanc curationem imprimis caveat, ne manum quidem, aut pedem suum refrigerandi, recreandique causâ extra stragula proferat, quod facere lethale est (a).* Nostrum nequaquam esse arbitror quidquam in hac regiminis ratione carpere, tamquam ad superstitionem usque evecta; nec, quid hodie sudoriferorum vituperatores dicturi sint, sollicitè inquirere; cum una omnes reliqui voce affirmant, in hac pestilenti ephemera istud fuisse præsentissimum auxilium, quemadmodum in quamplurimis morbis virulentis ab eorum exordio esse consuevit, ut id quod noxium est, atque volatile, citissime evaporetur.

(a) WILLISIO referente Pharmac. Rational. P. I. sect. V. cap. III. pag. mihi 473. col. *

Ephamera sudatoria sporadica.

§. CCXIX.

Rarissime hic morbus (§. CCX.) sporadicus occurrit, vel saltem rarissime, quod sciam apud medicos de eo mentio facta invenitur. Unus LIBU-
TAUDIUS memoriæ prodidit, se in homine triginta annorum, qui *e levi morbo convalescens* lætè No-
socomium *Versaliense* deferere parabat, eundem
semel vidisse. Is enim in hunc *severissimum sudorem*
(hoc est, *ephemeram sudatoriam*) subito incidit,
quo intra quatuordecim horas, variis frustra ten-
tatis, raptus fuit (a). Curatio sporadicæ non erit
absimilis ab ea, quam supra (§. CCXV. ad
CCXVIII.) recensui; donec experientia, & ratio
meliolem, efficaciorēque detexerit.

*Ephamera
sudatoria
sporadica.*

(a) Synops. cit. l. i. sect. i. p. 31.

Ephamera gangrænosæ.

§. CCXX.

Ad ephemeram malignam (§. CCIX.) reducenda quoque videtur rara quidem, sed non ita, ut
ephamera sudatoria (§. CCX. & CCIX.), species
illa, quæ ob gangrænam in aliqua exteriori parte
citissime subsequenter, & præcipiti fato enecan-
tem, gangrænosæ dici potest. Hæc sporadica esse
solet, nunquam, quoad mihi hætenus licuit co-
gnoscere, epidemica. Primus omnium eam descri-
psit HIPPOCRATES brevi quidem, ut solet, at lu-
culentissima historia (a). En ejus ipsissima verba:
Critoni in Thaso petis dolor incepit fortis a digito
ma-

*Hippocratis
descriptio.*

magno erecte ambulanti; decubuit eadem die, horridus, anxiosus, parum subcalesfactus; nocte deliravit. Secunda tumor per totum pedem, & circa talum subruber cum contensione: phlyctænæ parvæ, nigræ: febris acuta: furebat: ab alvo autem sincera, biliosa, submulta prodierunt; Obiit secunda die à principio *.

(a) I. epid. ægr. IX.

* Utor versione, qua usus est HIERON. MERCURIALIS in Prælect. Pisan. in Epid. Hippocratis historia.

§. CCXXI.

Galeni ad
hunc lo-
cum com-
mentatio.

GALENUS in commentario, quo hanc HIPPOCRATIS historiam (a) breviter explicat, malignum, & veneficum aliquid à natura in crus protrusum, unde dolor, tumor, & pustulæ nigræ orirentur, existimat, sed tanta copia, ut ea pars omne vitium recipere nequiverit; ideoque reliquum ad caput delatum desipientiam, & mortem perpetrasse. Non valde a GALENI sententia abest CL. MERCURIALIS, qui itidem venenum quoddam in corpore genitum arguit, quod pedem in primis occupavit, gravissimumque dolorem, deinde gangrænosas etiam phlyctænas in eo procreaverit, & demum venenatos, putridosque halitus ad præcordia, & cerebrum transmisit, atque illa, quæ memoravimus, teterima, exitiosaque symptomata induxerit. Utcunque res sit, certum, ratumque habendum esse puto, febrem hoc malum *ephemeræ malignæ* in modum comitatam esse; incertum vero, ac dubium, an *primariâ*, vel *symptomatiçâ* exstiterit, cum non satis ex historia constet, dolorne, an febris antecesserit, quamquam verosimile sit, eodem tempore, quo pes dolere cœpit, etiam febrem accessisse;

nam

Mercurialis
hæc opinio.

nam decubuit eadem die Crito & horruit anxiosus, & parum subcalesfactus. Huc fortasse pertinet historia, quam PETRUS A CASTRO refert (b) de muliere quadam febre maligna correpta, quæ statim secundæ die cœpit conqueri de acutissimo pollicis dextri pedis dolore, qui intra horas viginti quatuor ægrota-tem de medio sustulit. Nulla quidem ibi mentio facta est de tumore, aut rubore loci affecti, sed probabile videtur ad dolorem gangrænam accessisse, & subitæ mortis causam fuisse; nisi illud hic accidisse quis velit, quod secundo Epidemiorum, sectione prima narratur de Temeni nepte, cui ex morbo forti ad digitum decubuit, qui cum non sufficeret ad suscipiendum, recurrit, & mortua est. Sed Hippocraticæ Critonis historiæ multo similior est illa, quam memoriæ prodidit CAROLUS RICHA (c) Jurisconsultum juxta Theatinorum domum, qua ad forum itur olitorium, febris a cœnaprehendit; noctem laboriosam transegit. Postridie per totum pedem ad talum usque tumor subruber, ac tensus valde apparuit, cujus in centro atrum quid aderat, ac subnigrum. Insania correptus est. Ex alvo mere biliosa plurima processere. Paullopost convulsionibus a capite subortis celeri fato interiit. Ingenii erat tetrici admodum, atroque vultu, atque hominum consortio omnino alienus, ceu mysanthropos alter.

(a) In prim. Epid. Hippocr. comment. III, N. 26.

(b) De febr. malign. punct. Sect. 3. aph. XLI. p. 61.

(c) Constit. epid. Taurin. alter. hist. 6. 43.

§. CCXXII.

Si quis forte HIPPOCRATIS historiam, eique similem CAROLI RICHÆ ad Erysipelatis quoddam genus spectare judicet, contra ac HIPPOCRATI ipsi, GALENO, MERCURIALI, aliisque commentatoribus visum est, omnem, ut spero, de erysipelate suspicionem auferet non absimilis observatio ægrota-
tionis, quæ nobilem quemdam virum immatura, & celerrima morte non pridem interemit. Morbi cum eo, de quo egimus, similitudo, & rara, malignaque ejus natura, paucis cognita, nec a Medicis satis notata postulat, ut aliquanto fusius a nobis exponatur. Is quinquaginta tres annos natus, temperamento sanguineo, & bono corporis habitu præditus, mediocriter carnosus, imaginandi vi, & mentis acie acutissima pollens, jam ab aliquot annis, postquam nimirum frigida, imogelida, ut Cl. cujusdam Medici auctoritati pareret, sibi caput non semel aspersisset, queri cœpit de quibusdam capitis incommodis, & præsertim de quadam ejus, ut dicebat, inanitate, & confusione, ob quam a lectione, & studiis literarum, quibus assueverat, abstinere cogebatur. Hinc vehementi angebatur metu incidendi aut in amentiam, aut in apoplexiam. Attamen diserte, nitide, & copiose, si quis alius, loquebatur, memoria admirabili valebat, & cum in conviviis, tum in conventibus nobilium hominum, acumine ingenii, idearum perspicuitate, judicii præstantia, atque eloquii facili ubertate omnes in sui admirationem trahebat. Ipse tamen asseverabat, id a se quidem fieri, sed non sine summa animi contentione, atque indicibili totius mentis conatu. Ceterum bene appetebat, comedebat abunde, digerebat perfecte, naturaliter dejiciebat, somni-

*Alia historia hip-
procatice
similis.*

*Anæmne-
st.*

no tranquillo fruebatur, atque omnes vitæ functiones recte obibat, sic ut sanissimum eum dixisses.

§. CCXXIII.

Interim pulsus ei erant, prout mihi non semel visi sunt (nam me quoque pluries consuluit) paulo frequentiores, duriusculi, atque inæquales, plus minus pro majori, vel minori mentis perturbatione. Timorem vero desipiendi, aut repente obeundi, quo assidue conflictabatur, augebat permolestus quidam tensionis sensus, quem circa universum caput, intimumque cerebrum continenter percipere se dicebat. Quamobrem quotidie semel, iterumque, imo crebrius medicum aut ad se accersiebat, aut conveniebat ipsemet, ut cum eodem de sua valetudine ageret; tantoque mortis, aut stultitiæ pavore premebatur, ut longius a domo sua abesse non auderet. Hac igitur tristi, & melancholica affectione occupatus nullo unquam modo induci potuit, ut longius iter in exterarum regiones capesseret, quemadmodum pluries ei a Medicis, quos consulebat, propositum, inculcatumque fuit; aut cum uxore, quæ ætate, & specie florebat, concumberet, aut paullo remotiora in loca, quam solebat, se se transferri sineret.

Continuatur anæsthesia

§. CCXXIV.

*Initium
morbi.*

Tandem mense octobri an. 1779. proxime elapsi, postquam levem dolorem rheumatico similem, qui collum, & scapulas corripuerat, solisque frictionibus cito decesserat, esset conquiesctus; quadam die cum, nocte tranquillo somno transacta, e lecto consueta hora, nempe decima sexta italica vel paullo serius surgeret, deambulans de uno in aliud cubiculum, repente sensit sibi crus sinistrum dolore quodam impeditum. Aderat de more Chirurgus; qui illico suram, nam in hac insidere dolorem assererat, diligenter speculatus est; manibusque etiam contrectavit, ut qua, atque unde doleret, detegeret. At ea & colore, & molitudine omnino naturalis apparuit; contrectata nec magis ullibi doluit, nec ullam duritiem, ne quidem interiori, aut altius abditam tangenti exhibuit. Idcirco Chirurgus, ne rem negligere videretur: totum crus manu aqua Reginae Hungariae madida perfricuit; eumque utpote valde meticulosum bono esse animo iussit. Dolor autem levis ita fuit, ut impedimento non esset, quo minus pransum, veluti consueverat, apud amicum foras prodiret. Post prandium, in quo non defuit ei appetitus, dolor increvit. Ipse etiam leviter inhorruit, & frigit. Hinc accitus Chirurgus (erat hora circiter vigesima secunda italica) cum pulsus febrilem invenisset, videretque eum vix pedi affecto insistere præ dolore posse, suavor fuit, ut domum se transferendum curaret, ut in lectulo conquiesceret; medicumque, quoniam febricitabat, etiam consuleret. Itaque nocte ingruente domum curru vectus est. Scalas vero nec descendere, nec ascendere potuit.

*Dolor in
crure.*

Febris.

tuit. Necessè ideo fuit, ut a duobus famulis gestaretur. Hi autem vehementer mirati sunt corporis pondus insolitamque gravitatem. Ægro demum in lectulo reposito, Medicus, & Chirurgus iterum crus inspicere, contrectare, & rimari: sed nihil in eo vitii deprehendunt. Suspiciuntur idcirco dolorem istiusmodi prodromum esse erysipelatis erupturi. Quia vero dolor acerbior videbatur, cataplasma emolliens, quo leniretur, admovendum interim censent. Hora quarta noctis iusculum tenue forbillavit cœnæ loco. Deinde doloris tormentum ita auctum est, ut cataplasma, quod moleste, ægreque ferebatur, removendum fuerit. Non tamen, *Nox irre-* eo detracto, minuebatur. Interea sitis magna accessit. Urinæ rubræ, & quasi sanguinæ prodire. *quieta ob* Nox ferme tota infomnis, ac irrequieta fuit; nam *dolorem* *auctum,* *& febrem* hora tantummodo decima, nempe paullo ante auro-
ram insequentis diei, Nob. vir aliquantulum con-
quiescere cœpit.

§. CCXXV.

Postero mane cum febris nequaquam remitteret; dolor acerbe excrucietur; sura tota tumeret, & prædura esset; expectandum erysipelas non appareret; & pulsus magnus, validus, durusque inveniretur; Medicus injecto prius enemate, quo alvus exoneraretur, mittendum e brachio sanguinem duxit. Detractæ igitur decem unciaë sanguinis, qui non solum firmiter concrevit, sed crustam etiam inflammatoriam, sive ut vocant pleuriticam exhibuit, valde crassam, & conspicuam. Circa meridiem accersitur alius Chirurgus, ætate, doctrina, atque usu probatissimus, ut dolens crus intueretur, suumque de morbi genere iudicium ferret.

Hic

Tumor totius cruris prædurus.

Sanguis missus.

Accitus alius Chirurgus.

Hic ruborem nullum exteriorem, qualis in erysipellate esse solet, offendit, uti ab eo postea mihi narratum fuit: contra vero invenit pedis articulum, tendinem Achillis, & musculos suræ enormiter tumidos, tenfos, duros; quod in erysipellate, morbo scilicet cutis, nequaquam videre est. Hinc conjecit, aliud morbi genus illud esse, quam putaretur; & quoniam æger ex patre affectibus podagricis obnoxio natus erat, superioribusque diebus rheumatici cujusdam doloris ad collum, & scapulas indicia non defuerant, aliquid arthritici mali fuisse judicavit. Quam ob rem auctor fuit, ut totum crus prædurum decocto emollienti, & discutienti, in quo sapo venetus solutus esset, calide foveretur, uti continuo factum fuit.

*Suspicio
arthritici
morbi.*

§. CCXXVI.

*Signa im-
minentis
gangrenæ.*

Delirium.

Hora vigesima prima ejusdem diei subfrigit toto corpore cum pulsibus depressis, & parvis. Exacerbari tunc febris credita est; verum hora vigesima tertia pulsus in eodem omnino depressionis statu pergebant, nec quidquam se se erexerant; quod sane fatiscentis naturæ potius, quam novæ accessionis effectus videbatur. Dolor cruris aliquantum minutus erat, tensio non nihil mollita; color vero dubius. Erant enim, quibus sublividus appareret, dum aliis, etiam non imperitis, non item. Si quæ igitur coloris mutatio contigerat, vix hæc distinguere poterat, ambiguaque videbatur. Hora quarta vespertina incepit desipere, & quodammodo furere; tentabat enim e lecto exilire, anxius, irrequietus, anhelans. Pulsus, qui nunquam inter hæc se se extulerant, parvi, obscuri, inæquales; crebri multo

ma-

magis evaserant. Hora decima versus novam lucem deteriora omnia cum pulsuum tanta imbecillitate, ut pene deficerent. Tunc color cruris manifeste lividior; respiratio rara, anxiosa, difficilis; mens perturbata; singultus frequens proximum exitum indicabant. Brevi enimvero sensuum expers factus, aphycticus, stupidus, ad horam usque decimam tertiam cum morte colluctatus, tandem obiit; die nimirum secunda ad finem properante, ex quo dolor inceperat; horis vero quadraginta circiter ab ingressu manifestiore febris, atque adaucto cruris dolore. Dum animam agebat, crus totum a pede ad coxendicem usque, ut a medico peritissimo, qui accitus huic tragœdiæ interfuit, accepi, striis satis conspicuis in longum porrectis, nigricantibus, & livescens notatum apparuit. Cuncta hæc ex fide, & sermone eorum, qui Nobili viro adstiterunt, conscripsi. Non enim potui ego, alibi occupatus, eidem præsto esse.

Mors.

Cruris color nigricans.

§. CCXXVII.

Præceptis adeo, atque inopinata perniciem magnæ cunctis admirationi fuit; medicis vero, & chirurgis, qui in auxilium occurrerant, disceptandi causam præbuit. Alii enim erysipelas malignum, quod cito in gangrænam abiisset, accusabant; alii arthriticum humorem acerrimum, & fortasse sua e sede ad interiora demum conversum. Nec facile decerni poterat, quorum potior esset ratio. Nam abfuit cutis rubor roseus, qui erysipelatis proprius est, & contra non cutis, in qua erysipelas sedem habet, sed interiores, muscularesque partes doluerant, intumuerantque, & si qua gangræna insequuta est, prout nigricans cruris color ultimo vitæ indicabat, non ab erysipelate, cujus nullam,

An Erysipelas malignum fuerit.

An metastasis arthritici humoris?

aut certe valde anceps indicium extiterat, profecta esse videbatur. Arthritici porro humoris tanta interdum esse potest malignitas, ut plurima, & lethalia mala, imo subitam mortem ab eo illatam sæpius viderint clinici. Neque nobismet ipsis deficiunt exempla gangrænæ, & sphaceli ab ejusmodi causa progeniti. At nunquam antea arthritide laboraverat, vir illustris, neque articuli solum, sed supra præcipue in eo affecta fuit, neque adeo præceps gangræna arthriticos dolores, quando eos subsequitur, subsequi consuevit, Quid vero de metastasi arthritici humoris sentiendum putem? Detulit certe non nihil crus affectum, & prædurum; dolorque mitior evasit secunda die ingruente ad vesperam. An metastaseos id signum? Sed commune id quoque gangrænæ nascentis. Si vero cruris tumor, & dolor ex eo remisit, subseditque, quod illinc arthriticæ materiæ pars maxima recessit, cur tamen crus nigricavit, cur gangræna sædatum?

§. CCXXVIII.

An ab atra bile malum?

Affectio melancholica, qua jamdiu mœrebat ægrotans, aliquam de atra bile in abdominis visceribus coacervata, & demum repente mota, atque in circuitum acta suspicionem creare posset. Certum, probatumque est, atram-bilem interdum tantam acritatem contrahere, ut veneni erodentis, corrumpentisque naturam adepta pessimas febres, & mortiferas, quocunque feratur, sistaturque, partium siderationes facile inferat. At nulla in nob. viro coloris, aut habitus atrabilaris significatio, nulla viscerum abdominalium labes, nulla hærentis sanguinis in iis indicia, nulli flatus, nulli borborygmi, nulla digestionis, reliquarumque functionum

num in imo ventre depravatio antecesserant, ut compertissimum mihi est.

§: CCXXIX.

Ergo, sive ab arthritico humore latitante, atque *anoma'o*, sive ab *erysipelatode*, sive ab *atrabi-* Etiologia.
lari id mali derivandum quis velit, illud semper cum GALENO, & MERCURIALI verosimillimum credam, humorem venenatæ indolis fuisse, qui in hujusmodi viro paullatim genitus; & repente evolutus tantam perniciem attulerit. Is enim juxta GALENUM erumpens, non modo febrim excitare potuisset, si hæc cum incipiente morbo accesserit, quod tamen in nostro ægro non satis constitit; verum etiam partim a viribus vitæ in crus detrusus dolorem, tumorem, & gangrænam; partim ad cerebrum, pulmones, & præcordia circuitu vitali delatus delirium, anxietates, difficilem respirationem, & vitæ finem præstitit. Quod si in ipso crure malignum humorem & genitum, & evolutum cum MERCURIALI malueris; facile intelligis, dolorem ibi primum, tumoremque cum febre, quemadmodum supra narratum est, oriri debuisse, & demum gangrænam ipsiusmet cruris. Vides etiam, cur absorpto in venas necrotico, putridoque tabo, cordis, pectoris, cerebri, nervorumque functiones labefactatæ, imo cum vita ipsa cito deletæ fuerint. Alterutra explicatione uti poteris, prout febris dolorem antecesserit, aut consequuta sit, sive, quod perinde est, prout primaria, aut secundaria febris isthæc videatur; quamquam interdum ita febris & dolor synchrona esse possunt, ut distinctioni huic nullus sit locus; quo casu ut primariam eam haberi licebit.

Curatio.

§. CCXXX.

Indicationes.

Sanguinis missio.

Cucurbitula.

Hirudines.

Scarificatio.

In summo igitur isto vitæ discrimine, atque adeo celerrimo, lethiferoque morbo vix suppetit quod tantæ opponas ruinæ. Insensissimum vitalibus, animalibusque facultatibus venenum, irritabilitatem, sensibilitatemque destructurum, cuncta citissime corrumpens postulare videtur vel sui correctionem, vel evacuationem, & simul mitigationem, symptomatum. Correctio vero vix speranda est, cum neque peculiariis veneni natura nobis nota sit, neque antidotum ullum habeamus, quo illud obtundi, aut immutari queat. Præstabit ergo quanta possumus velocitate ejus evacuationem moliri. GALBENUS (a), & MERCURIALIS (b) in hujusmodi calamitate non dubitant protinus sanguinis missionem proponere. Ea enim tum a dolore, qui inflammationem ciere potest, tum a febris magnitudine videtur exposci. Sed magna tamen opus est prudentia in administrando hoc artis præsidio, ubi venenata, & maligna subest humoris natura, quæ vitæ viribus adversatur, gangrænamque, aut putrefactionem accelerat. Itaque si plethora, si ætas, si corporis habitus, si pulsuum ratio, si vehemens febris, si dolor acutus, & reliqua consentiant, sanguinem utique mitti oportet, sed protinus ab initio, & antequam putris corruptio prævaleat, & manu quidem suspensa, nec liberali. Ubi vero anceps mittendi sanguinis indicatio est, tutior ejus detractio per cucurbitulas reputatur. Deinde leniter, si qua in primis viis saburræ suspicio est, ec-

coprotico medicamento, aut clystere satis valido excutiatur. Parti autem, quæ tumet, dolet, & tenditur, multoque magis si caleat, & rubeat, hirudines admoveri possunt, ut quodammodo detumescat. Sin hoc non sufficiat, crebris, altisque incisionibus pertundenda, ut venæ ad exeundum via paretur, atque avertatur gangrænæ metus. Quod si, ut in *Critone*, jam nigræ vesiculæ membrum scedariht, vitamque in eo emoti doloris, & tumoris imminutio, colorisque mutatio ostenderint; neque scarificationes quidquam profecerint, *MERCURIALIS* modo memoratus spem omnem in ejus *Amputatione membri.* amputatione esse positam arbitratur. Verum, quando hoc crudele auxilii genus vitari non potest, maturandum strenue est; antequam gangrænösus humor totum corpus inficiat; nam eo infecto, supervacaneum, & prorsus inutile illud esset.

§. CCXXXI.

Dum hæc aguntur, curandum diligentissime, & citissime est, ut venenum, quodcunque fuerit, mitigetur, atque e corpore expellatur; ejusque effecta teterrima inhibeantur. Itaque alexipharmacis, antisepticiisque efficacissimis, & præcipue iis, quæ sudores provocant, mature uti convenit. In his eminent camphora, radix *Serpentariæ Virginianæ*, *Contrayervæ*, *Polygalæ*. Cortex *Peruvianus*, *Elixir Vitrioli*, spiritus *MINDERERI*, variâ forma, & satis vallda, sed partitis vicibus data. Nec aliena *Volatilia* sunt volatilia, ut sal volatile, cornu cervi, viperarum, succini, spiritus salis ammoniaci, & celebris illa compositio, quæ constat ex spiritu salis ammoniaci cum calce parato, & oleo succini inti-

me commixtis, quæ a LUCIO nomen habet. Horum actionem, & vim plurimum interest copioso, crebro, temperanti, atque antiphlogistico potu, subacido nimirum, aperienti, & ni calido, egelido certe adjuvare, & perficere. Opportunissimum quoque puto statim ab initio, in primis si vires langueant, extrorsum vim morbi cantharidibus brachiis, vel femoribus impositis avocare. Loco autem dolenti noxia sunt, quæ reprimunt, aut discutunt, ob timorem metastaseos. Ab his igitur probe cavere oportet. Sufficiet ergo dolori, tensioni, & spasmo leniendis aqua tepens cum lacte remixta, ex qua spongia, aut lintea expressa imponi, & subinde renovari poterunt. Plura temporis brevitatis, acutissimusque mali cursus ne cogitari quidem permittit, nedum fieri.

Ephemera a contagio, sive a miasmate putrido.

§. CCXXXII.

Hæc edere paranti opportune mihi redduntur literæ, quas ad me dedit Kalendis Maji hujusce anni 1780. amicissimus, expertissimusque Medicinæ clinicæ Professor publicus, & Nosocomii militaris, quod Vindobonæ est, Medicus ordinarius, Cl. JACOBUS REINLEINIUS. In his, postquam de febre putridissima, quæ in milites atrociter sæviit, quæque ab eo ipso evitari non potuit, certio rem me fecit, casum mecum communicat cujusdam puellæ, quam *ephemera* maligna ex *pestifero* propemodum *miasmate*, sive ex *contagio* (§. CCIX.) repente orta, & terrificis, insolitisque symptomati-

Febris
putrida
militum e-
pidemicæ
affligens.

bus

bus stipata e medio sustulit. Exscribam verba ipsa, quibus funestissimam historiam expressit: Morbus ipse, inquit, qui tot militibus ateo infensus fuit tam quoad symptomata, quam quoad curam, idem fuit, quem Authores febrim putridam appollant: dejectus neoconductorum militum animus, nostalgia auxerunt periculum: plurimos rapuerunt recidivæ. De egregia infusi florum Arnicæ virtute antiseptica quotidiana experientia fuit convictus, & forte huic ego quoque vitam debeo, qui nec corticem peruvianum, nec camphoram, nec acida mineralia ferre potui. Formidabilem effectum, quem contagium hoc apud quosdam milites, qui Infirmariorum, ut vocantur, munere fungebantur, præstitit, silentio hic præterire non possum. Homines isti sani, robusti (tot Hercules credidisses) simul & semel collabebantur; facies fuit ex flavo livida; oculi semimortui, excavati; nasus acuminatus, frons, & cutis rigida; extrema superiora, & inferiora in principio pallida, paulopost frigida, successive livida, nigra: pulsus debilissimus: respiratio summe anxiosa; vomitus continuus materiæ viridis, æruginosæ, fætidiæ; lingua humida, tremula, obsessa; sitis pauca; alvus tarda, enematibus sollicitata viridis, cadaver redolens; hypochondria tensa; tristitia summa. Sub finem tertiæ, quartæ, etiam sextæ diei inter anxietates maximas, frequentia animi deliquia, & convulsiones secuta est mors. Paella sedecim annorum, fortis, sana, chirurgi filia, percupida videndi cadavera, sæpe ingrediebatur locum, in quo cadavera ad humationem asservabantur. Hæc die quadam, dum ex eo loco, ubi cadavera erant disposita, egrederetur, illico quasi temulenta facta est, & ad suum cubiculum reversa statim inhorruit primum, deinde incaluit cum pulsu febrili, atque incepit vomere materiam viridem, æruginosam, porraceam, paullo post aphona evasit, & levibus in principio,

Servi ab
agrotis,
sive vale-
tudinarii
contagio
corrupti,
quibus
symptoma-
tibus affi-
ciebantur.

Historia
ephemera
a conta-
gio.

tandem enormibus toto corpore convulsionibus correpta fuit. Quidquid ori inditum est, ipsa aut non deglutivit, aut revomit; enemata ipsa statim dimisit. Sanguis e vana detractus nihil vitii ostendebat, si solito majorem densitatem exceperis. Post viginti quatuor horas vocatus ipsam vidi cadaveris simillimam; pulsus vix erat sensibilis, tetanus maxillam inferiorem tenebat, convulsiones continuæ, dejectiones alvine involuntariæ mephitim cadavericam spirantes. Curavi subito applicari hirudines ad arterias temporales, & post aures, quæ aliquot uncias sanguinis extraxerunt. Iniesta fuere enemata repetita ex chamomilla cum largiori dosi camphoræ. Fuerunt etiam applicata ejusmodi fomenta abdomini, nuchæ, & extremitatibus inferioribus vesicantia. Ut tetanus maxillæ inferioris solveretur, adhibita cataplasmata emollientissima, camphora, & succino permixta, sed omnia incassum. Trigesima sexta ab invasione hora expiravit. Chirurgorum, & Infirmariorum plurimi, qui, dum insolitam illam debilitatem veneni jam suscepti prænunciam animadverterunt, statim quesiverunt auxilium. Evacuata per datum emeticum materia viscida, interdum biliosa, & sumpto postmodum per epicrasim spiritu MINDERERI cum infusio florum Arnicæ, ortoquæ inde copioso sudore periculum feliciter evaserunt. Hactenus præclarissimus REINLEINIUS. Ad hanc ephemeram malignam a contagio, sed pestilenti, & lethifero oriundam referri potest primum pestis genus, quod Massiliæ ann. 1720. immanem stragem edidit. Eo correpti inordinate horrebant, cum pulsu parvo, molli, raro, aut frequenti, inæquali, contracto, & depresso. Tanta vero erat capitis gravitas, ut ægre illud attollere possent, stupore, & turbatione affecti, veluti temulenti. Obtusus fixus, & obscurus visus acies terrorem, & desperationem testabantur.

Mors.
Quomodo
contagione
infecti cu-
tabantur.

tur. His accedebant vox tarda, subinde intercisa; querula; lingua fere semper alba, demum sicca; subrubra; facies pallida, plumbea, macilenta, cadaveris similis; lipothymiae frequentissimæ; anxietates summæ; vires omnes dejectæ; deliquia, sopores, nausæ, & vomitus. Qui sic ægrotabant, spatio ut plurimum aliquot horarum, uniusve noctis, vel diei, aut ad summum bidui, aut tridui deficiebant viribus vitæ omnino destituti; vel tremoribus, motibusque convulsivis suffocati; quin extrorsum tumor ullus; aut exanthema ullum erumperet (a).

(a) MURATORI *Relazione della Peste di Marsiglia* p. 4.
Item vid. descriptionem, quam dederunt Medici Monspelli:
CHICOYNEAU, VERNY, & SOULLIER.

§. CCXXXIII.

Itaque quotiescunque putridum contagium, sive *Curatio*
mialma septicum hominem ingreditur, totumque nervorum systema afficit, quantocius danda opera est, ut salivalis, gastricusque latex, quem lues infecit, proximiori via expurgetur; & quidquid penitus corpus occupavit, cutis spiraculis emandetur; antisepticiisque medicamentis corrigatur. Quare ea ipsa curatio convenit; quæ venenatis, & contagiosis morbis adhiberi solet. Blandis nempe emeticis, post sanguinem detractum in plethora summa, præmissis, ad sudorifera, antiseptica, & leniter sedantia properandum est, qualia, & spiritus Mindereri, acetum Bezoarticum, Aqua Theriacalis, Aqua Lucii, Theriaca, Diascordium Fracastorii, Mithridatium, succus mali medici aqua dilutus, decocta rad. Contrayervæ, Serpentariæ Vir-

ginianæ, Arnicæ, florum Tiliæ, Melissæ, Sambuci, Camphora, Molchus, & alia hujus generis pro circumstantiarum, temperamenti, ætatis, sexus, anni temporis ratione. Neque aliena sunt omnia, quæ revellentia dicuntur, uti cantharides, cuti de more, ut vesicam excitent, impositæ, cucurbitulæ scarificatæ, frictiones, balnea pedum, ipsumque regimen diaphoreticum; quale REINLEINIUS utile (§. CCXXXII.) ad venenatos halitus cito e corpore expellendos in ægrorum curatoribus expertus est. In illa Massiliensi ephemera pestilenti (§. CCXXXI.), ut facile ex ejus descriptione patet, nullus erat sanguinis missioni locus. Et si cuiquam detractus fuit, paullo post is moriebatur. Emetica quoque, & cathartica frustra tentabantur, quin imo sæpius exitium accelerabant. Neque cardiaca, & sudorifera, ad quæ tantummodo confugere solebant Medici prudentiores, aliquid boni præstabant; ni fortasse interdum vitam aliquantulum producerent. Indomita adeo erat, invincibilisque contagio.

SYNOCHUS SIMPLEX * SIVE SYNOCHA.

§. CCXXXIV.

Synochus simplex est ephemera extensa valde affinis.

Synochus simplex, sive *Synochæ*, ut ab aliis vocatur, *ephemera extensa* valde affinis est, sed aliquanto gravior, & longior. Ideo ephemeris a GALENO adnumeratur. Omnium brevissima quatuor diebus, longissima vero septem plerumque finitur. Illam *synocham legitimam*, hanc *extensam*, quemadmodum de ephemera dictum est, distinctionis causa appellandam censent non nulli (a). Utraque *synochus imputris*, nominatur, ut ab alio febris genere, quæ *synochus putris* passim dicitur, apte distin-

Synocha legitima, & extensa.

Antequæ sejungeretur (6). Nullum enim humo- Cur impu-
tris vo-
cata?
em in illa putrescere GALENUS, veteresque qui
eum sequuti sunt, putabant. Hinc etiam *Synochus*
simplex ab aliis dicta est. Quanquam vero febris Cur sim-
plex?
hæc continuitatem continentem exhibeat, tres ta-
men differentia pro diversa incedendi ratione a
Veteribus ei attribuuntur. Prima est *Homotona*, si- Ejus dif-
ferenti-
tres.
ve *Acmaistica*, quæ nempe a principio ad finem
usque eundem fere gradum servat, altera *Epac-
maistica*, sive *anabatica*, quæ ab ipso ingressu paul-
latim increfcit, donec remittat, & desinat: tertia
denique *Paracmaistica*, quæ post primam intensio-
rem accessionem gradatim, & sensim decrefcit us-
que ad finem. At multis hujusmodi differentia vi-
dentur imaginationis figmenta. Ego tamen non An fictitia
hujusmodi
differen-
tia?
ausim eas, ut fictitias, omnino rejicere, cum ex-
perientia didicerim, magnam esse huic feбри pro-
cedendi varietatem, nihilque videatur repugnare,
quo minus causa febrim excitans aliquando eodem
in gradu persistat, donec subigatur, vel aliquan-
tulum successive evolvatur, motumque febrilem
adaugeat, donec minuatur, atque e corpore sece-
dat; vel sensim minuatur, ut demum statim tempore
tota evanescat. Sæpe enim post unum, vel al-
terum diem febris remittit, licet sub vesperam non
nihil, ut reliquæ continentes, intendatur, sed in
dies levius, donec prorsus cesset. Proprium autem
febris hujusce est a causis manifestis oriri, conti-
nentis naturam habere, atque intra septem aut ad-
summum novem dies desinere.

* Synonyma.

Synochus imputris GALENI, Diff. febr. lib. 2. *Synochus*
simplex RIVERII, Prax. med. lib. XVII. sect. 1. cap. 1.
continens non putrida LOMMII, observ. medic. pag. 2. *Sy-
nocha*

nocha simplex JUNCKERI, Tabul. 58. Febris continens, si-
ve Synocha STAHLII Casual. min. cas. 87. Synocha SA-
YAGESII, Nosol. Method. clas. 2. gen. 2. Febris Synocha
VALCARENGHII, De præcip. Febr. §. XXIII. Febris acu-
ta simplex STORCKII, Ann. Medic. 2. mens. Julio 1759.
Febris continua simplex LIEVTAUDII, synops. lib. 1. sect. 1.
Febris continua depuratoria, siue defœcatoria QUESNÆI,
Traité de fevr. contin. Tom. 2. p. 354. Continens inflam-
matoria simplex SELLII, Pyretolog. method. rudiment. p. 103.
Ephemera plurium dierum QUORUNDAM. Febris continens,
siue homotona, item septimanaria ALIORUM. Neque hic cre-
das synonymorum finem esse. Tanta enim est hodie nomina
pro lubitu innovandi licentia, atque intemperantia, ut, ni-
si aliquantum coerceatur, eorum numerus excrescere demum
debeat in immensum, & plurimum memoria & temporis re-
quiratur ad ea sola sine ullo propemodum fructu perdiscen-
da. Hinc nomina a Veteribus imposita, & per plura jam
secula a scriptoribus usurpata etsi interdum minus propria,
retineo libentius. Nova enim, ut ut plerumque aptiora, sæ-
pe tamen barbariem sapiunt, aut confusionem pariunt, caus-
samque præbent priscorum libros versantibus, ut non intel-
ligant, quibusnam veterum hac recentia respondeant, aut
morbum pro morbo dæcepti accipiant.

(a) VALCARENG. l. c.

(b) GALEN. l. c. qui omnes febres putres vocavit, &
esse credidit, præter ephemeræ, in quibus hanc quoque Sy-
nochum ponebat, & præter hæcticas, uti supra; ubi de di-
visione febrium agebatur, animadvertum est.

Causæ.

§. CCXXXV.

Causas easdem habet, quas Ephemera (§. CC.),
sed validius agentes, aut graviores, incidentesque
in-

in corpus non quidem impurum, sed sanguine turgens, aut cholericum, aut ad effervescendum aliunde proclivius. Hinc ejus etiam symptomata fere conveniunt cum iis, quæ in *ephemera* esse solent, hoc solum discrimine, quod *ephemera*, ut paullo ante tradidi, repente corripit, & brevi, si ultra viginti quatuor horas extendatur, mitior evadit, brevique remittit, neque adeo intensum, ut ab initio, calorem comitem habet. Synochus contra lentiori passu, & veluti pedetentim ingreditur, atque in dies invalescit ad quartam usque, si septima die finienda sit, inde paullatim decrescit, & finitur. Raro evenit, ut diu in eodem gradu consistat, donec tamen ex toto decedat. Si vero quarta die solvi debeat, hæc omnia, uti patet, maturius contingunt. Quoniam vero eadem omnino causæ utrique feбри, *ephemeræ* scilicet, & *synocho* simplici communes sunt, sed in *synocho* validius, diutiusque quodammodo agentes; necesse est, ut symptomata eadem quoque in utraque, sed in hac vehementiora consequantur. Hinc factum est, ut a quibusdam tam veterum, quam recentium *synochus* hæc veluti *ephemeræ* intensior gradus, sive productio ejus quædam habeatur.

§. CCXXXVI.

Præter illa *synochi* differentias, quas supra (§. *Alia differentia* CCXXXIV.) memoravimus, pro causarum varietate, quæ eam efficiunt, aliæ etiam, atque aliæ distinctiones oriuntur. Quare alia est *sanguinea*, sive *plethorica**, alia *cholericæ*, sive *ardens sine periodo***, & sic porro, ut de *ephemera* dictum est; itemque *primaria*, *symptomatica*, *secundaria*, *sporadica*, *epidemica* esse potest, ut reliqui morbi, &
ite-

iterum subdividi multifariam adhuc pro circumstantiarum ratione. Ad hoc febris genus transferri solet *Synocha putrida* SENNERTI (a), quamquam hoc nomine non *Synocham* simplicem, sed *Synochum* vere *putrem*, de qua postea dicam, exprefferit. Non tamen is ego sum, ut omnem a synocha putredinem, aut malignitatem semper abesse contendam. Quidni etiam putrida, & maligna esse possit? Rectius quidem prætermitti hic possunt quædam aliæ species, ut *scorbutica* LINDENII (b), catarrhalis HOFFMANNI, HENISCHII, & RIVERII (c) *tragæda* RAMAZZINI (d) aliæque a SAUVAGESIO (e) commemoratæ, utpote quæ aut ad alios morbos, aut ad febres remittentes, intermittentesve pertinent, non ad Synochos, sive continentes.

* Synonymia.

Synocha plethorica; synocha septimo die soluta FRID. HOFFMANNI De febr. sec. 2. cap. 1. & observ. 4. Spec. 1. SAUVAGESII, Nosol. Class. 2. Gen. II. Febris sanguinis Avicenn. Tom. 2. p. 43. *Synocha simplex* FRID. HOFFMANNI De febrib. p. 110. *synocha sine putredine* SENNERTI De febr. lib. 1. c. 6. & l. 2. c. 10. *Febris inflativa* HEURNII, Sauv. l. c.

** Synonymia.

Synocha ardens spec. 2. SAUVAGESII. *Synocha biliosa* SENNERTI De febr. lib. 2. cap. 10. *Synocha causodes* MANGETI Biblioth. Med. *Synochus causonides* GILBERT. ANGLI fol. 56. *Choleric febris* FRID. HOFFMANNI de febrib. sec. 2. c. 2. obs. 5. *Synocha biliosa* FERNELLI, Sennert. l. 1. c. 6.

(a) De febr. l. 2. cap. XI. *Plerumque eam nasci autumat SENNERTUS ab impedita transpiratione, & sanguine in*
ve-

venis, ut veteres loquuntur, putrescente, sive potius leviter inflammato: Nam sanguis putrescens apud ipsos idem est, ac phlogisticus, ut postea videbimus. Eam vocat ipse putridarum simplicissimam (non synocharum, ut male alii credunt; multa enim putridarum genera, ut alibi §. LVIII. monuimus, veteribus erant) facillimamque curatu. Duplicem putat esse, aliam puram & legitimam, aliam notham, sive spuriam. Illam raro septimam diem excedere, hanc ad decimam quartam etiam extendi, coctionisque signa in ea apparere. Itaque ad Synochos putres omnino spectat, vel si ad Synochum simplicem velis, profecto non differret a synocha sanguinea, & plethorica.

(b) Descriptionem Synochi scorbuticæ, quam dedit SAUVAGESIUS; si consulas, facile intelliges, vel symptomaticam eam fuisse; vel cum scorbuto complicatam; vel ob contagium a parentibus scorbuticis susceptum a Synochi simplicis natura descivisse, lethumque ob veram sanguinis corruptionem die septimo attulisse.

(c) SAUVAGESIUS unam, eandemque febrim existimavit Synocham catarrhalem HOFFMANNI cum catarrho epidemico HENISCHII; & cum febre epidemica ANONYMI apud Riverium inter observat. addit. obs. X. & cum catarrho RIVERII cent. 1. obs. X. Sed; si quid judico; non parum huiusmodi morbi differunt inter se, & speciatim a Synocha simplici valde distant. Singulorum descriptiones una simul comparentur. Descriptio febris epidemica, quam FRID. HOFFMANNUS vocavit Synocham catarrhalem, sive synocham compositam An. 1729. extat apud eundem l. de febr. sect. 2. cap. 1. obs. V. Si eam rite perpenderis, deprehendes, catarrhum epidemicum fuisse cum febre plus minus gravi conjunctum, aut si febrim malueris cum appellare, nequaquam, sive durationis tempus, sive typi rationem consideres, febribus continentibus accensendam esse. Nam sæpe, quando gravior morbus erat, ad decimam quartam diem protendebatur, quod Synocha simplici minime convenit; & præterea vespertinis horis exacerbabatur, quod quotidianis continuis remittentibus proprium est: ut nihil dicam de exanthemate miliari, aut petechiali, quod in ea erumpebat non raro & exi-

exitioque erat. Neque vir aliquin doctissimus ad continentium febrium classem retulit febrem catarrhalem HOFFMANNI, cum de ea sermo incidisset. Sed puto, non eum mentem intendisse ad hæc HOFFMANNI verba: Fluxiones catarrhales ad vesperam exacerbata caloris fecerunt incrementum, noctemque inquietam, donec decimo quarto ut plurimum die discesserunt penitus. Jure igitur, eo quod febris ista vespere ingravesceret, noctemque molestiorem faceret, ad remittentes a nobis revocata est. Synochus vero epidemica composita cum catarrho A. 1580. G. HENISCHII describitur in Commen. in ARETÆUM pag. 315. Hæc quidem ratione durationis ad Synocham magis accedit, nam quarto ut plurimum die, interdum, sed raro, longius protrahebatur ad septimum, & nonum diem. Nulla vero ibi mentio fit de continuitate continenti, probabileque est, cum catarrhalis morbus esset, vespere exacerbatum esse, & mane remissiones habuisse. Quam ob rem, si ad febres referendus sit, ad remittentes procul dubio spectabit, non ad continentes. Adde, HOFFMANNI descriptionem non parum ab illa HENISCHII discrepare: atque adeo unam, eandemque morbi speciem complecti. Potius cum HENISCHII morbo convenit febris epidemica A. 1580. quam Anonymus apud RIVERIUM describit; quamquam hujus descriptio aliquantum ab illa HENISCHII desleat, neque ita accurata, atque absoluta sit, ut de specifica morbi natura aliquid decerni queat. Id unum certum, manifestumque est, utrumque morbum catarrhum epidemicum fuisse plus minus malignum, atque exitiosum. Catarrhus demum cum aliis symptomatibus a RIVERIO cent. 3. obs. X. descriptus nulla febre stipabatur, ideoque nequaquam cum superioribus confundi debet.

(d) RAMAZZINIUS (constit. epid. urban. An. 1591.) febres ab æstivo calore maxime genitas descripsit. Febres autem istæ tertianæ intermittentes erant, ac ut plurimum exquisitæ, & quæ die septima, ac etiam citius, post unam, vel alteram phlebotomiam per sudorem judicabantur (§. XXXIV.). In sequenti paragrapho febrem tragœdæm Abderitarum ex LUCIANI

cem-

commemorat, non quod ea, quam in illa constitutione *Muriniensi* observaverat, tragæda esset, sed ut ostenderet, im-
 medicum æstum causam ejus fuisse, ac proinde esse etiam
 posse febrium tunc regnantium, adspectu quidem terribi-
 lium, nec sine mentis emotione, sed quæ postea die septi-
 ma, oborto sudore, post celebratam liberali manu phlebo-
 tomiam, solverentur. Febris igitur isthæc RAMAZINI erat
 tertiana intermittens; cum diathesi inflammatoria fortasse
 complicata, aut cum sanguinis nimia copia, & fervore con-
 juncta, nequaquam ad Synochos spectans. Jure etiam omi-
 to Speciem septimam, nempe Synocham dolorum, & spe-
 ciem octavam, sive Synocham cephalalgicam D. RAZOUX,
 quas habet SAUVAGESIUS; nam febris, quæ comitatur do-
 lores, & phlogoses vulnerum, ambustionum, phlegmonum,
 bubonum suppurantium, tendinum punctorum, arthritidis,
 rheumatismi, nephralgiæ, proctalgia a mariscis, aliorum-
 que morborum nunquam continens est, sed exacerbans, at-
 que inæqualiter decurrens, interdum etiam intermittens;
 ideoque male synochis accensetur. Nec quæ atrocem cepha-
 lalgiam ex vermibus narium causa obsidentibus consequeba-
 tur, a D. RAZOUX ita describitur, ut Synocha fuisse dici
 possit. In ejus enim historia (*Journal de Medec. T. IX. p.*
415.) nec de typo febris, nec de tempore, quo desit,
 quidquam prolatum est. Cur igitur Synocha symptomatica
 dicatur, cum ipsemet RAZOUX, eam nomine non don-
 averit?

(e) Nosol. method. l. c.

§. CCXXVII.

Magni autem refert, utrum synochus hæc (§. *Pura, im-*
 CCXXXIV.) sit simplex, pura, & vera, an im- pura, a-
 pura, anomala, aut complicata. Hinc enim non & compli-
 catum symptomata, & procedendi ratio, verum cata.
 etiam cura ipsa variantur. Simplex, & pura inci- pura ci-
 pit plerumque sine frigore, & sine horrore, To- gna.

BURSER. Vol. II.

D

tum

tum corpus segnescit, at quadam veluti lassitudine fractum, aut contusum videtur, atque æstuat. Succedit manifestior cutis mador. Caput vel dolet, vel gravius perſentitur. Facies præcipue tumet, rubet intensius, & calet. Altior occupat somnus; multum arteriæ temporum pulsant; respiratio magna subdifficilisque est; pulsus plenus, vehemens, creber, & velox, at æqualis, mollisque, eo casu excepto, in quo primæ viæ vitiosis succis scateant, aut a vermibus infestentur. Tum enim, antequam ejciantur, spasmos excitant; unde pulsus parvus, duriusculus, atque inæqualis efficitur. Sed tunc complicatum malum est. Urinam a naturali non multum aliena esse consuevit. Initio tamen, ut plurimum aquea, paullatim vero rubicunda, aut alba, crassa, & turbida sit; præsertim ubi febris attingit tertiam, aut quartam diem. Mador autem cutis, quem cito apparere diximus, sensim augetur adeo, ut remittente jam morbo, aut quavis ejus remissione in plenum sudorem prorumpat. Interdum etiam si plethoricus, juvenisque sit æger, vel quarta, vel septima die supervenire visa est narium hæmorrhagia, quæ feberi finem imponit. Quandoque sola etiam insensibilis transpiratio id præstat. Nec rarum est, alvi fluxu morbum quoque feliciter solvi *.

* *Synochus simplex, quem anno 1779. Julio mense curavit cl. STORCKIUS (Ann. Med. secund.) sic sub febris acutæ simplicis titulo ab eo describitur: Symptomata ejus erant levia: exiguus solummodo capitis dolor, sitis mediocris, sicca tussicula, & febris admodum mitis observabantur. Lingua fuit plerumque alba, oculi vivaces, raro turbidi, respiratio naturali fere æqualis, cutis mollis. Alvus bonæ consistentiæ, & coloris, fere quotidie sponte prodiit. Urinæ sub initium fuerunt ruffæ, finiente tertio morbi die*

turbidæ, & quarto die posuerunt sedimentum copiosum, album, glutinosum (quale calculo laborantibus commune est): Sæpissime quarto die ortus est copiosus sudor per univetsum corpus; & desit tunc febris, & urinæ sensim naturales factæ sunt: Si vero quarto die sudor nullus observatus fuit; tunc urinæ continuârunt crassum ponere sedimentum, & septimo die citra omnem sensibilem evacuationem ægri a febre liberati sunt; & vires suas brevi recuperarunt: Ultra septimum diem febris acuta simplex (*sic vocat Synocham*) nunquam duravit: Tres tantum hoc mense ægri fuerunt, quibus septimo die miliaria albâ eruperunt. Nihilominus & his eodem die febris cessavit; ceperunt redire vires; viguit appetitus; & omnis actio, & functio; uti iis, in quibus talia non contigerunt &c. Scire autem licet, præcedente mense Junio fuisse miliaria exanthemata morborum præcipuum; sive stationarium: cumque constitutio epidemica semper morbis intercurrentibus aliquid suppeditet suæ indolis; aut faciat, ut succedentes morbi aliquid præcedentium in se retineant, nil mirum, si in hac Synochi specie interdum miliaria eruperint, benigna, & salutaria; quamvis communiter à Synocho abesse soleant:

§. CCXXXVIII.

Atque hæc quidem Synocho simplici; & puræ communiora. Sunt tamen quædam cuique propria. In sanguinea, quæ frequentius juvenes; virosque plethoricos; & sanguineis evacuationibus assuetos, quovis anni tempore; sed præcipue verno; aut æstivo corripit; graviora omnia eveniunt. Sæpe sanguis copiosius in caput; fauces; pectus; aut in abdominis viscera irruens; congestiones quasdam quasi inflammatorias procreant; hinc manifestiora earum partium symptomata se produnt, ut turgidior; rubicundiorque facies; insignior oculorum ru-

bor, & lacrymatio, gravior capitis dolor, temporum pulsatio, vertigo, sopor, interdumque mentis etiam aberratio, in faucibus deglutendi aliqua difficultas, in ore sitis, atque ariditas linguæ. Si pulmones, & præcordia magis afficiantur, mox urgent pectoris angustia, difficilior, & crebrior respiratio, anxietas, cordis palpitatio, virium, animique dejectio. Quod si ventriculi vasâ sanguis oppleat, nausea, vomitus, aut vomendi cupiditas, & quandoque singultus accedunt. Similis congestio sanguinis in intestinorum tunicis molestissimas inflationes facit, alvum adstrictam, aut liquidam & fœtidam; in mesentericis arteriis, & venæ portæ ramis dolorem fixum circa primam lumborum vertebam, decubitus infuetum, jactationem, & si spinalis medulla petatur, torporem, languorumque artuum aut etiam convulsiones, HOFFMANNO (a) referente, qui tamen multa ex præconcepta opinione sibi confixisse videtur. Utcunque res sit, *sanguineam* detegunt temperamentum sanguineum, & plethoræ signa.

(a) De febr. sect. 2. cap. 1.

§. CCXXXIX.

*Cholerica
signa.*

In *Synocha cholerica*, sive *ardente sine periodo* (§. CCXXXVI.) quæ accenditur tum, cum causæ (§. CCXXXV.) in biliosum, sive calidum & siccum corpus, alioquin sanum inciderint, nullæ quidem putredinis ex veterum mente in pulsu, aut urinis notæ inveniuntur, verum calor acer in cute arida ferit manum tangentis, os amarescit, appetitus dejicitur, sitis, vigiliæ, & capitis dolor magis excruciant. HOFFMANNUS his addit anxietates, æstus internus, crebras dejectiones, viribus

bus infensas, & quasi animi defectionem inferentes *. Sed præcipua, & veluti pathognomonica ejus signa sunt calor ardens, & sitis ingens (a). In his enim ardentium omnium febrium natura sita hodie a plerisque reputatur. Distinguitur vero a febre *ardente periodica*, sive *cum periodo*, quæ ad intermittentes, aut remittentes spectat, quod nullas accessiones, & remissiones manifestas, & certas habeat. FERNELLIUS, alique in *Synocha* hujusmodi bilem præter modum effervescent, febremque movere opinantur. At FERNELII opinionem, nunquam admitti debeat, ita accipiendam rite monet SENNERTIUS (b), ut non vera bilis hepatica, aut *ekcrementitia* pro hujusce febris causa intelligatur, sed tenuior, calidior, atque acrior sanguinis pars, cui bilis etiam nomen veteres indidit; sive, quod eodem recidit, sanguis in se, qui in cholericis præsertim, tenuior, fervidior, acriorque est, ex causa evidenti effervescent.

* Suspicio HOFFMANNUM hic falli; nam hæc symptomata tum locum habent, cum a biliosa in primis viis congesta colluvie gignitur. Tunc febris biliosa quidem est, non tamen continens, nec homotona, sed periodice exacerbans, & remittens, sic, ut ad Remittentium classem, ut gastrica omnes, omnino pertineat. At si unquam in *Synocha* biliosæ humores copia, aut qualitate peccantes primas vias obsideant, hi non ut causa, sed ut effecta ipsius febris habendi sunt, aut, ut complicatio quadam gastrica saburra, cum febre ipsa conjunguntur; sic ut eorum excretionem morbus tantummodo minuat.

(a) Galen. 2. de meth. cap. 1. & 9. cap. 3. & 5. de diff. febr. 2. cap. 2. & de cris. 2. cap. 6. (b) l. c.

§. CCXL.

*Varietas
sympto-
matum
unde?*

Universim varietatem aliquam facit aut temperamentum, aut ætas, aut cacochymia, aut aeris constitutio, aut anni tempus, aut plurium causarum complicatio; quorum si ratio habeatur, symptomatum, atque accidentium novitas, aut diversitas Medicum nequaquam occupabit, neque in errorem adducet. Facile enim ipse perspiciet, quid cuique causæ, aut complicationi tribui debeat, quid proprium, quid insolitum, quid accessorium morbo sit. Plurimum autem refert nosse, quinam morbi antecesserint, quænam sanguinis diathesis prævaleat, quænam morborum genera potissimum dominantur: nam omnes tum febres sporadicæ, aut intercurrentes, atque adeo ipsa synochus simplex antecedentium, aut concomitantium morborum naturam quodammodo induunt, aut æmulantur; quo fit, ut non parum earum symptomata discrepent, aut præter propria cuique morbo, etiam aliena, atque insolita se adjungant. Quapropter Synochus modo tussim, modo diarrhœnam, modo lateris dolorem, modo peticulas, modo exanthemata miliaria, aut alia hujusmodi secum trahit, ut *catarrhalis*, aut *inflammatoriæ*, aut *gastricæ*, aut *petechialis*, aut *miliaris* speciem mentiatur. Sic, opinor, interpretandi sunt scriptores, quando *Synochas* cum *peticulis* aut *miliaris*, aliisque morbis complicatas referunt. Atque hoc sensu *putrida*, aut *maligna* dici etiam poterit.

§. CCXLI.

*Discrimen
inter Syno-
chum
imputrem,
& putrem.*

Ceterum Synochus simplex distinguitur a Synocho, ut vocant, *putri*, quod posterior hæc diutius tra-

trahatur, ægros gravius symptomatum cumulo afficiat, functionesque omnes evidentius, & pertinacius lædat, & quod vere *inflammatoria* sit. Præterea, ut animadvertit QUESNÆUS (a), Synochus putris incipit cum horrore, pulsū statim contracto, profundo, inæquali, calore acri, mordaci, ardente, urinis tenuibus, flammeis, coloratis, interdum aqueis, & pallidis, diuque talibus. Item aliæ febres in ipso initio magnum horrorem, aut longius frigus plerumque excitant, sed simul inter initia mitiores videntur, deinde sensim ingravescunt, donec summum gradum attingant. Contra Synocha imputris nullo, aut certe levissimo horrore aggreditur, & gravibus mox adscitis Symptomatibus se prodit, caloremque generatim non acrem, nisi *cholericæ* fuerit, comitem habet, qui calor semper ejusdem tenoris est, & si unquam remittit, brevissimam ejusmodi remissionem esse, ex STAHLIO docet SAUVAGESIUS. Pulsus insuper exhibet plerumque magnos, & plenos, nisi cum cacochylia primarum viarum, ut supra (§. CCXXXVII.) animadversum est, forte complicetur, aut malignitatem recondat; (nam in malignis pulsus parvus, debilis, humilis, atque inæqualis esse consuevit,) & summam virium lassitudinem adjunctam plerumque habet. Malignitatem vero ipsa recondit, vel quod ex venenato principio oriatur, vel ea sit aeris constitutio, quæ malignos morbos gignit, unde eorum particeps & ipsa quodammodo fiat.

Complicata cum malignitate aut cacochylia.

(a) Des Fievr. contin. T. 2. p. 294. 295.

Prognosis.

§. CCXLII.

*Plerumque
periculis
expers est.*

*Inter de-
purati vas
passim po-
nitur.*

*Quando
periculum
periculat.*

Synochus simplex plerumque salutaris est, quia Natura a superfluis humoribus, inutilibusque excrementis per sudorem, urinas, vel alias excretiones, interdum etiam per solam auctam perspirationem se se exonerare in ea annititur. Hinc a QUESNÆO (a) inter *depuratorias*, sive *defœcatorias* ut ipse vocat, collocatur, hoc est, inter eas febres, quæ, quoniam a causa facile per corporis emissaria sine coctionis purulentæ subsidio transmittenda profluunt, ideo *acriticæ* ab eodem dicuntur. Si plethora tamen fuerit insignior, aut grave aliquod erratum vel ab ægro, vel a Medico admittatur, multa timeri possunt, quæ nimia vasorum plenitudo, aut vehemens sanguinis motus inferre solent. Speciatim periculi plura habet, quam ephemera, eoque deterior est, quo crassior, densior, aut impurior sanguis plethoram faciat, aut quo manifestior scorbutica labes, aut malignitas, aut alia prava complicatio cum ea copuletur. Neque discrimine prorsus vacat, cum *ardentis* naturam assumit; nam facile tum interiores partes inflammatione, aut gangræna corripì possunt, ni citæ & apta medendi ratio succurrat, aut in *hecticam*, ut docet GALENUS (b), degenerat. In universum *impura*, & *maligna* ceteris perniciosior est.

(a) L. c. Tom. 2. pag. 354.

(b) De differ. febr. l. 1. cap. VIII.

Curatio.

§. CCXLIII.

Natura
opus ple-
rumque
commis-
tendum.

Sæpe sola Natura motu febrili se liberat. Cum enim, ut verè, sapienterque scribit SAUVAGESIUS (a), hujusce febris principium, seu occasio sit sanguis purus ut plurimum, sed vel copiosus, vel sero perspirabili onustus, vel igneis particulis fæctus, vel leviter inspissatus per moram; in primo casu eum resolvit natura in serum perspirabile motu febrili excitato; in altero continuam seri secretionem tantum molitur; in tertio, potu per sitim imperato ipsius fervorem extinguit, & dilatatis urinae, & sudoris viis igneas particulas exhalat; in quarto, ope caloris aucti viscositatem minuit. Jure igitur optimo monuit VALCARENGHIUS (b), non aliter melius suo munere fungi Medicum, quam si naturæ ipsi præcipuum curationis opus committat, eos dumtaxat obices (si forte alicubi adsint) tollendo qui nempe utiles hosce motus alterare, vel arcere quomodocumque possint; in primis autem phlebotomiam, si de plethoricis agatur ægrotis, necessariam esse, atque tum maxime, quum ob excedentem sanguinis copiam, & æstum tumescunt plus æquo vasa &c.

(a) Nosol. class. 2. ord. 1. Gen. 2.

(b) De præcip. febr. specim. pract. §. XXIII. p. 130.

§. CCXLIV.

Sanguinis
missio.

Ubi igitur pulsus plenus, & magnus, aut durus, rubor faciei, & dolor capitis, aut gravitas, aut sopor, aut defectus consuetarum evacuationum,

num, aut spirandi difficultas, aut alicubi iminens, aut facta sanguinis congestio (§. CCXXXVIII.) id auxilii postulant; vena in brachio secanda est, & pro symptomatum continuatione, ægri ætate, temperie & viribus sanguinis missio repetenda; quod interdum, cum ingens plethora, aut diathesis inflammatoria subsit, fieri debet tertia, aut quarta etiam vice. In synocho tamen *cholericæ* sanguinis missio cautius administranda est, solumque ut æstus, fervorque contemperetur; quod una vel altera venæ sectione, si cetera consentiant, præstari sane poterit. Non enim largiorem & repetitam sanguinis missionem *cholericæ* diathesis aut sustinet, aut requirit. Ad caput quoque levandum sæpe cucurbitulæ cum scarificatione scapulis, & cervici admoventur utiliter. Pueris quoque, atque adolescentibus sanguis mitti debet; sed si aliqua de causa in illis vena incidi nequeat, nec narium hæmorrhagia opem ferat, tunc hirundines collo, & brachiis commode applicantur; idque infantibus præcipue convenit.

Minus
convenit
cholericæ.

Cucurbitulæ.

Hirudines.

§. CCXLV.

Quando
& quomodo
sanguis
e naribus
mitti possit?

Quod si arteriæ capitis validius pulsant, facies, oculique tumeant, & rubore suffundantur, sanguinis missione non juvante, aut e naribus guttæ solum aliquot cruoris stillent, provocandus ejus uberior fluxus est vel sacificatione interiorum narium, ut ægyptiorum mos erat, vel culmo stramineo, firmiori, calamo scriptorio in nares adactis, vel hirudinibus applicitis: sic enim sanguine copiosius manante vasa cerebri deplentur proximius, atque ejus inflammatio, aut delirium providentissime avertitur. Quo in casu non nulli (ut sectionem jugularium venarum, atque arteriotomen in tem-

pори-

poribus præteream) venas sublinguales incidendas jubent: at hujusmodi consilium ab aliis minus tutum creditur, quod aliquando viderint, sanguinem inde profluentem non facile sisti potuisse. Id autem haud timendum videtur, si sectio prudenter instituat, & nulla sanguis dissolutione putrida colliquescat. Si tamen mala fortuna plus sanguinis, quam oportet, effluere pergat, linteolis duplicatis impositis, & digito compressis, aut gelida in ore detenta, aut stypticis admotis sisti potest.

Sectio rarinarum,

Qua ratione compesci sanguis e rarinis profluens?

§. CCXLVI.

Post primam, aut alteram sanguinis missionem, fracto quodammodo febris impetu, disquirere oportet, utrum in primis viis cacochylia existat, quæ purgatione egeat. Itaque, si aliquod in victu peccatum antecessit; si lingua albicat; si malus oris sapor, pondus ventriculi, nausea, aut vomitus saburram testentur; protinus cum primum febris deferbuerit, idoneo medicamento leniter alvus ducatur. Qua ratione id fieri debeat, quibus auxiliis, cautionibusque, docet Therapeutice generalis; atque a nobis pluries alibi jam traditum est. Sales neutri præ ceteris blandissime alvum solvunt. In *Synocha cholericâ* præferuntur ea, quæ bilem leniter purgant, & simul sanguinis fervorem mitigant, uti Tamarindi, Cremor Tartari, Serum Lactis, & similia subacida, aut facile aclescentia. Raro emesis opus est. Si quid vero purgationem vetet, aut nulla purgandi indicatio videatur, solis clysteribus tunc alvus lenienda est.

Cacochylia purgationem potest.

§. CCXLVII.

§. CCXLVII.

Refrige-
rantia.

Ad æstum porro compescendum, lentoremque humorum attenuandum potui detur aqua vel simplex cum succo mali medici, citrei, aurantii; ribesiorum, vel emulsa ex seminibus frigidis, vel ex hordeo, avena, gramine decocta, addito singulis haustibus nitri puri tantillo. Si succi modo memorati ad manum nequaquam sint, aqua purissima acui poterit aceto, aut oxymelle. Quotiescumque magna sanguinis tenuitas, & raritas in suspitionem venit, uti in Synocha cholericâ, atque ardentibus usuenit, nec fervor remediis modo propositis satis obtemperarit, potui aliquid spirituum acidorum Vitrioli, Sulphuris, aut Nitri adjicere opus est. HOFFMANNUS Veterum doctrinam amplexus hoc in casu aquæ frigidæ largiorem potum suadet, & meritis sane laudibus extollit.

Acida ve-
getabilia.Acida fos-
silia.Aqua fri-
gida po-
tus.

§. CCXLVIII.

Ubi sudor
prolicien-
sus.

Morbo jam remittente, si sudor sponte non prodeat, aut ægre, aut imperfecte prodeat, promovendus est. potu tepido, aut calenti, præsertim dilutis veronicæ; cardui benedicti, scordii, florum sambuci, tilia, papaveris rheados, copiose hauriendis. Neque, si cui magis arident, folia vulgo Theæ ab his excludi debent. Ad hæc victus ratio accedat tenuis, humectans, & refrigerans. Panatella, ut vocant, & poma cocta bis in die dari possunt. Carnes, & parata ex iis jura nimium succulenta prorsus exulent. Hactenus de Synochæ simplicis, & purioris curatione. Nunc aliquid de complicata & magis impura. Si cum ea catarrhus, vel pleu-

Pianus ra-
tio.Synochi
complica-
ta curatio.

pleuritis, vel diarrhœa, vel putredo, vel peticulæ, vel miliaria, vel scorbutus complicentur, tum ea expedit experiri, quæ hisce morbis opportune adhiberi solent, e suis quæque locis transferenda. In fœtida gingivarum corruptione, metuque putridæ sanguinis dissolutionis; post lenem alvi ductionem, mox antilepticis, spiritu vitrioli acido in primis potui largius instillato, vino rubro subaultero, cortice peruviano, aceto, succo aurantium, spiritu MINDERERI, aliisque malo obstitendum est, ne cita morte, ut solet, hominem jugulet. Symptomata, si qua quidem synochus vere talis est, curari debet, uti morbus primarius, unde fit, postulare consuevit.

Synocha maligna.

§. CCXLIX.

Supra (§. CCXXXVI. CCXL.) non dubitavimus inter differentias hujusce febris *Synochum malignam* recensere. Ne vero dubitent alii, faciet primum QUÆSNEI (a) auctoritas, qui certo statuit, febrem Synochum imputrem interdum conjungi cum *accidentibus*, Symptomatibusque spasmodicis, ut putris, & critica, imo *maligna* videatur. Deinde cl. STORCKIUS omnem dubitationem tollere videtur referens, mense Octobri A. 1758. dum febres miliares, & petechiales nondum grassari destiterant, (nam superioribus mensibus frequentissimæ fuerant) *plures simplici febre acuta*, id est Synocha imputri, correptos fuisse cum symptomatibus mitioribus, atque in plerisque curam temperantem suffecisse. Inter hos tamen duas fœminas vidit, in quibus *insoliti tendinum subsultus per totum corpus illico ab initio morbi observabantur*.

Storchii
observa-
tiones bi-
na.

tur. Reliqua Symptomata; ut ipse narrare pergit; simillima erant iis, quæ proditura exanthemata præ-
sagebant; etenim oculi erant turbidi, facies rubra,
respiratio difficilis; inæqualis cum tussiculâ sicca; &
rara; præcordia erant anxia; caput, & lumbi ve-
hementi dolore vexabantur: Hi tendinum subsultus
ægras statim in morbi principio debilitarunt; neque
ullo remedio nervino; camphorato; aut opiato, aut
cortice peruviano his iuncto; aut vesicantibus ad mô-
deramen redigi potuerunt. Pulsus fuit inæqualis; de-
bilis, multum febrilis; lingua humida, glutine fusco
obducta, sitis magnâ, mens subinde præsens; subin-
de turbata: Tendinum subsultus eadem vehementia
semper durantes; demebant omnem somnum; & vi-
res; atque morbum lethalem effecerunt: Remedia âle-
xipharmaca excitarunt sudorem debilitantem, & ma-
jora adhuc deliria; lenia stimulantia ægras non mu-
tarunt; sola diluentia, refrigerantia frequentes lipo-
thymias produxere. Unde una ex his ægris sub ini-
tium quarti diei inter tendinum subsultus; & con-
vulsiones, apparentibus paucis petechiis; exspiravit.
Altera quarto die copiosas petechias habuit absque
ullo levamine, & sub finem diei sexti; existentibus
iisdem Symptomatibus; orto horrore (b) obiit. En,
ni fallor, luculentissimum exemplum Synochæ ma-
lignæ cum curationis, etsi infelicis; quam ei ad-
hibuit expertissimus vir, specimine. Quid vero in
tanta temporis angustia; tantoque systematis her-
vosi vitio sperandum supererat?

(a) L. c. Tom. I. pag. 360.

(b) Ann. med. I. mens: Oct. 1758. p. 32. ad: Am-
stelod:

§. CCL.

Exemplum vero *Synochæ malignæ*, quod profert *Nova febris Sydenhamii* ex Sydenhamio (a) QUESNÆUS, non videtur eamdem vim habere probabilitatis. Suspiciatur siquidem hujusce generis fuisse *novam Febrim* A. 1685. a SYDENHAMIO descriptam; multisque verbis ostendere conatur, ejus descriptionem, etsi imperfectam, nulli magis morbo convenire, quam *Synochæ imputri malignæ* (b): Verum quæcumque sit illius natura, atque origo, de qua nihil hic definiendum arbitror; nullo synochis æquiparanda est; quia non solum manifestas quotidie, nocturno in primis tempore, accessiones habebat, tertianæque duplicem; aut quotidianam continuam referebat, verum etiam non raro ex continua intermittens fiebat, & cortice peruviano tum vincebatur. Quod ut continuis remittentibus, sive *Synecheis* maxime proprium est, sic quam longissime a continentibus, sive *Synochis* dissentit.

Nova febris Sydenhamii perperam a Quesnæo Synocha maligna habetur.

(a) Schedul. monitor. de Nov. febr. ingress.

(b) Des fevr. contin. T. 2. sect. 2. chap. V. §. III. pag. 360.

§. CCLI.

Neque iis unquam assentiar, qui ad Synochi imputris genus redigunt febres variolarum, morbillorum, purpuræ scarlatinæ, erysipelatis, aliarum hujusce ordinis; 1. quia morbi istiusmodi nequaquam febribus accensendi sunt, ut alibi (§. VI.) indicavimus; 2. quia febres, quæ hosce morbos exanthematicos comitantur, aut antecedunt, continentium naturam minime obtinent, *Cur quædam febres perperam ad Synocham referantur.*

nullumque statum typum habent, & si quem unquam assumant, is omnino remittentium, atque exacerbantium morem sequitur. Idem dictum velim de febribus, quarum causa est peculiaris aliqua inflammatio. Hæ perperam a quibusdam Synocharum species habentur, dum e febrium numero, qui per se ingens jam est, nec alienis morbis augeri debet, omni jure expungendæ (§. LIV.) videntur. Sic innumerabilis alioquin febrium cohors intra justos limites, quos natura constituit, coercebitur.

SYNOCHUS PUTRIS VETERUM *.

§. CCLII.

Ut ephemeræ Synochus simplex, sic Synochi simplici *Synochus putris*, quam proxime accedit, utpote quæ sine omni remissione, & intensione periodica a principio ad finem usque affligit. Totum autem discrimen in eo situm est, quod hæc, ut ait FERNELIUS (b), causas habet, quam simplex, validiores, quæ nempe non modo inflammationem, verum etiam putredinem accersunt. FERNELIO subscribit NICOLAUS PISO (c) quando inquit: Synochus ista est continentium altera, in qua non modo sanguis incaluit præter naturam, ut in Synochi priori (id est simplici) verum & computruit. Quoniam vero hodie variæ de Synochi putris natura & symptomatibus extant scriptorum opiniones, ut difficillimum sit, quid hoc nomine intelligere debeamus, decernere; operæ prætium erit, antequam in ea describenda progrediar, excutere, quid veteres de hac febre, ejusque causa primum sen-

ferint, quid deinde recentiores, ut planius iter ad
superiorem ejusdem indolem & characterem aperiatur.

(a) SENNERT. de febr. l. 2. cap. XI.

(b) Pathol. l. 4. cap. V.

(c) De febr. cogn. & curand. l. 1. cap. IV.

Synonyma.

Synochus putris, vel putrida NIC. PISONIS de febr. cogn. & curand. l. 1. cap. IV. Synochus putrida FERNELII Pathol. l. 4. cap. V. Synocha putrida FORTIS de febr. & SENNERTI de feb. lib. 2. cap. XI. Synochus putris, sive febris continens BELLINII de febr. Kopp. pag. 161. T. I. Synocha composita, quæ a veteribus Synochus putrida appellatur, JUNCKERI Tab. 58. Febris simplex continua PASCOLI de Febr. P. 2. cap. 9. Febris critica simplex QUESNÆI Des fiev. T. 2. p. 289. 294. Febris continua acuta, aut ardens, aut inflammatoria BUCHANI Med. Domestiq. Tom. 2. chap. 4. p. 64. Febris continua benigna sporadica LE ROY Prem. Memoir. sur le fiev. aigues. Febris continua putrida BOERHAAVII de cognos. & cur. morb. §. 730. & LIEUTAUDII synop. l. 1. sect. 1.

§. CCLIII.

Synochi, ut altius rem ipsam repetam, sive *continentes* (CXCIV.) febres sunt eæ, quas nullæ certæ accessiones, aut sane exiguæ admodum, exacerbant, aut distinguuntur. Harum alias *imputres*, *putres* alias veteres vocaverunt. *Imputres*, quæ ephemeras etiam tam simplices, quam extensas, dummodo puras, complectuntur, brevi temporis spatio ad finem properant, & plerumque ab evidentibus causis, aut a sanguinis copia, æstuatione, aucto motu, aut retentiscrementis, aut immixtis noxiis, atque alienis, facile tamen, & brevi, nisi malignitati jungantur, excernendis excitantur, nulla interim intercedente sanguinis, reliquorum-
BURSER. Vol. II. E que

Synochorum discrimen.

que humorum putredine. *Putres* vero illæ a Vete-
ribus habebantur, quæ pari quidem continuitati
passu decurrunt, sed graviora sibi adsciscunt sym-
ptomata, longioreque tempore producuntur, neque
desinunt, nisi coctione humorum, ut vocant, pu-
rulenta, utpote quæ a sanguine putrescente (a)
& præter naturam effervescente oriri putabantur.
A putredine igitur, quam a Synochis imputribus
abesse communiter opinabantur, nomen accepere

(a) SENAERT. loc. cit. PISO l. c. FERNEL. loc. cit. &
reliqui.

§. CCLIV.

*Argumen-
ta qui-
bus putre-
scere san-
guinem
credide-
runt.*

Præcipuâ, quibus in hanc sententiam adduceren-
tur, argumenta erant potissimum duo, calor nem-
pe peculiaris, quem in hac febre laborantibus ma-
nu percipiebant, & sanguis e vena missus. Ille ma-
num admotam acri quadam punctione mordebat,
quæ juxta ipsos non nisi a putredine, esse poterat.
Hic concreescebat illico, & crassa, flava, aut albi-
da, & firma crusta ut plurimum obtegebatur. Ta-
lem sanguinem putridum, corruptum, aut puru-
lentum dicebant. Quam porro longe a vero aber-
rarent, quantumque fallerentur, ille noverit, qui
putredinem, corruptionemque in intima partium
componentium, omnisque mixtionis resolutione si-
tam non ignoraverit. De putredinis deinde gene-
re inter ipsos non conveniebat, imo disceptabatur,
utrum sanguis, ut ceteri humores, putrescere in-
tra vasa posset. Plerique tamen in hac febre pu-
trescere sanguinem posse affirmabant, sed hoc non
ita accipiendum, ac si quasi universus putresceret
(nisi forsân ad extremam corruptionem pervenerit,
morbusque lethalis sit) dum tantum partes quas-
dam

*An per-
fecta aut
imperfecta
putredo
sit?*

dam ejus, præcipue *ichorosas* putrescere, probabilius videbatur (a). Hinc non nulli hujusmodi *putredinem in febris salutaribus*, id est benignis, quales plerumque sunt *Synochi*, existimabant, non esse perfectam, sed imperfectam, & suppurationi similem; perfectam vero esse, ubi febris esset perniciosa, sive lethalis (b).

(a) SENNERT. l. c. FERNEL. l. c.

(b) NIC. PISO l. c.

§. CCLV.

Addebant id confirmari cõtionẽ ipsa purulenta, cujus manifesta indicia, morbo ad judicationem tendente, in sputis, urinisque apparebant: pus enim ipsum, quod & sputa, & urinarum hypostasis referre viderentur, putredinis opus esse, censebant. Alii vero, & inter hos nuperiores non pauci veræ putredinis intus abortæ non fallacia indicia in hac febre, quam putridam vocari jure credunt, deprehendere sibi visi sunt, quod sudor, urina, excrementa alvi, orisque halitus in hujusmodi ægrotis foetere soleant. Nec gangrænæ, & spinae, quibus interiores, exterioresque corporis partes non raro in hac febre corripuntur, obliti sunt, ut melius suam de sanguinis, humorumque putredine opinionem sartam tectamque servarent. Hactenus quid *Synochi putris* nomine intellexerint olim, intelligantque non nulli adhuc, paucis declaratum est. Dicam modo, quantum putridæ febris vocem ii, qui a Veterum sententia paullatim desceverunt, extenderint.

Alia argumenta.

§. CCLVI.

*Putridæ
febris vo-
cabulum,
quomodo
extensum.*

Hac quippe febres omnes comprehenderunt, in quibus sanguis vera putredine corrumpitur, & colliquescit, sic, ut sanguis e vena missus omnino diffuat, nec unquam, nisi ægre, concreascit, aut in vasis ipsis resolutus immanes hæmorrhagias, aliasque immodicas, fœtidissimasque evacuationes pariat. Aliis vero putridæ febres vocantur illæ, quarum putridus fomes in primis tantum viis insidere, paullatimque in sanguinem invehiri visus est. Nec defuerunt, qui putridas eas dumtaxat dicendas velint, quæ vulgo malignæ vocantur; atque hi utriusque generis supra expositi symptomata permiscent, novumque pro arbitrio conficiunt. Hac tandem putridæ febris denominatione alii ita abutuntur, ut ubique putredinem sibi imaginentur, fereque omnes aliquanto graviores febres putridarum censui adscribere non dubitent.

§. CCLVII.

*Difficulta-
tes quæ
opponi
possunt.*

Verum, ut ad Veteres redeam, non sine causa inter ipsos diceptatum est, quid putredinis verbo generatim intelligendum esset, & quando putredo, & quousque in sanguine humoribusque locum haberet? Perspiciebant enim, destructa sanguinis, aliorumque humorum mixtione, resolutisque eorum elementis cum fœtore insequente, ut plerisque placet, quæ vera, & perfecta est putredo, vitam superstitem nullo modo esse posse. Neque enim vero ad pristinam, perfectamque valetudinem corpus redire, verosimile est, si semel sanguis putrefactus restitui ad naturalem crasim, integritatemque nequeat, cum id putredinis naturæ omnino

re-

repugnet. Quando igitur unquam fiat, ut perfecta putredine humores corrumpantur, quemadmodum in quibusdam perniciosissimis, & pestilentibus morbis fortasse contingit, citissima, & inevitabilis mors hominem rapit. Fœtet interdum vel sanissimis oris halitus; fœtent sudores; alvi excrementa vehementer fœtent, fœtent etiam urinæ, fœtent ulcera cum exteriori aere communicantia; imo animalia quædam putridissimam * undique mephitim exhalant. An inde colliges, in hisce corruptum esse sanguinem per vasa clausa decurrentem; veraque putredine jam affectum?

* *In America est vulpecula quadam species, vulgo Zorro ibi appellata, quæ urinam tanti factoris emittit, ut ea emissâ Venatores teterrimo nidore arceat, aut remoretur. Mustela Putorius LINNÆI vere fœtidos exhalat odores tum maxima; cum irritatur; Italice puzzola. Mustela Erminea EJUSDEM omnium fœtore suo infestissima est. Appositè huc faciunt; quæ habet Hallerus (Physiol. T. 2. lib. 6. Sect. 3. §. IX. & §. XIV.), putredinem in sanguine, quamdiu moveatur in vasis, nullam esse posse ostendens. Sed præcipue legenda sunt; quæ peculiari opusculo (considerazioni intorno alle malattie, dette volgarmente putride ec. Lucca 1781.) complexus est Cl. FRANCISCUS VACCA BERLINGHERIUS P. Med. Professor in Lycæo Pisano, ut ostendat, quam longe à vero distet hodierna de morbis putridis in dies invalescens sententia. Hanc enim tot modis convellit; ut si non destruat penitus, ad angustissimos certe fines redigere, & coercere videatur.*

§. CCLVIII.

Otio præterea abutentis hominis esset, eos re-
fallere, qui ex gangrænis; sphacelisque morbo su-
pervenientibus, aut ex acrioris, mordicantisque
caloris sensu putridam; perfectamque sanguinis cor-
E 3 ru-

Conti-
nuantur
objecta-
tiones.

ruptionem certo conijcere contendunt. Quis enim tam hospes in physiologicis esse queat, ut caloris, gangrænæ, sphacelique originem soli putredini acceptam referat? Nonne sæpe putredo calorem, gangrænam, sphacelumque, ut effectus consequitur? Novum certe non est, neque inauditum gangrænam, qua membra vita privantur, immodico sæpe frigori succedere. Quid tamen frigore ad arcedam putredinem valentius? Cadavere, aut membris corruptione emortuis quid frigidius, quid algentius? (*) Neque continuo putridam sanguinis dissolutionem licet accusari ex crebris hæmorrhagiis, aliisque immodicis excretionibus, quamquam cum his eam copulari posse non inficiamur. Nam qui ex Pathologia didicerit, non uno, sed multis modis sanguinem e vasis profundi, aliasque secretionibus, excretionibusve augeri posse, non eas quidem solius putredinis indices profitebitur. Neque demum constans, perpetuumque est malignas febres omnes cum putrida illa (§. CCLVI.) sanguinis dissolutione necessario conjungi, ut hæ tantummodo putridæ haberi debeant; neque contra cum eadem complicatæ, proprie malignæ semper vocandæ videntur. Frequentius autem putridus fomes primis viis insidet, ibique non modo possibilis, verum etiam manifestus febribus nomen, & causam impertit; sed in his non putrescit sanguis, ut in synochis perhibetur, nec febres ejusmodi quidquam cum synochis putribus commune habent, quum remittentium naturam sequuntur.

(*) *Corpus humanum*, inquit HALLERUS (*Physiol. l. VI. Sect. 3. §. IX.*) *integrum, artusque gangranosus, quando putrescit, tunc quidem calere desit, frigusque attigit circumjecti aeris: quamdiu vero caleat idem, nunquam una computrescit. Non negat tamen idem vir doctissimus in ad-*
di-

ditamentis *ad lib. VI. p. 304. l. 14.* interdum in cadaveribus post morbos malignos *calorem vitali similem, aut, quod verius est, paullo minorem diutiuscule superfuisse.* Sed quis hunc a putredine repetat, cum etiam in apoplecticis post mortem (PORTAL apud ROZIER 1774. *mois d'Octobre*) observatus sit? In ipsis fermentationibus, quæ tamen in corpore animali locum non habent, quando maximæ sunt, calor non ultra gradum 75. *Therm. Far.* ascendit; qui tamen minor est naturali calore, cujus mensura grad. 88. circiter perhibetur. Si igitur in corpore animali fermentationes contingerent, calorem efficerent multo minorem eo, qui in febre esse consuevit. Quomodo ergo calor febrilis putridæ humorum fermentationis indicium esse queat?

§. CCLIX.

Itaque cum vera, & perfecta putredo sanguinem totum corrumpens in vivente homine raro occurrat, & sæpe, ubi corpori insidet, imperfecta sit, imo alia atque alia ejus ratio, ut supra ostentum est; multo minus in synocho putri videtur præsto esse, licet a putredine nomen accipiat id mali genus. Symptomata enim præcipua, quæ hujusmodi febrim comitantur, nullo modo putridam sanguinis dissolutionem commonstrant. Quin imo multa ex iis contrariam omnino naturam, ut videbimus paullopost, significare videntur. Pulsus, calor, sanguinis, quem veteres perperam vocabant corruptum & putridum, firma compages, crusta pleuritica, qua sæpe contegitur, tantum absunt, ut sanguinem, reliquosque humores putrescentes ostendant, ut potius inflammatoriam quamdam in ipsis diathesim evincant, Nec mirum est, Veteres talem sanguinem corruptum & putridum esse credidisse, cum etiam in pleuritide, in angina, reliquique inflammationibus idem vitium agnoscerent,

Vera, & perfecta putredo in Synocho putri nulla.

& febrem inde ortam inter putridas collocare non dubitarent. Item Diathesim sanguinis inflammatoriam in synocho putri veteres posuisse; argumento est medendi ratio, quam ipsi unanimi consensu adhibebant. Hæc potissimum sanguinis missione larga, & repetita innitebatur; quam certe nemo dixerit febri, cujus vera sanguinis putredo causa esset, opportunam, aut innoxiam fore. Præterea in febribus epidemicis; malignis, exanthematicisque si quando mittendi sanguinis oriretur dubitatio, solebant Galenici hac uti animadversione, mittendum liberius, si cum vasorum plenitudine putrida natura prævaleret malignitati; contra si malignitas putredini (a). Qui, quæso; quæstionem hac distinctionis lege dirimere potuissent, nisi pro putredine inflammatoriam sanguinis diathesim
* accepissent?

(a) PETRUS a CASTRO de Febr. malign. punctulari sect. VI. aph. I. & VII.

* BOERHAAVIUS *etiam scripsit* Synochum putrem deberi causis inflammatione simplici majoribus §. 730. Monitum lectorem volo, quotiescumque inveniat adhibitam a nobis putredinis vocem in posterum, non veram & perfectam sanguinis putredinem, aut corruptionem a nobis sumi, sed imperfectam; & quendam potius eorum ad colliquescendum proclivitatem. Sic quando febrem aliquam putridam nos vocabimus, eam rogo, intelligat, in qua sanguis nimium diffuat, vixque cohæreat, & proinde ad putrescendum paratissimus sit.

§. CCLX.

Id ipsum, quod modo (§. CCLIX.) proposui, manifeste etiam ex GALENO (a) eruitur, qui omne dubium sustulit, docens, putredinem humorum, quæ fit in vasis, similem esse illi, quæ in inflammationibus, abscessibus, & tuberculis offenditur, variamque esse, prout varia humoris natura, & major, vel minor est concoquendi eum vis, & potentia. Quod probe cognovit Cl. SWIETENIUS (b), animadvertens non hic Veteres eam putredinem, aut corruptionem intellexisse, quæ in cadaveribus sponte exoritur, sed insignem potius sanguinis a naturali sua crasi, aut, ut ait LUDWIGIUS (c), mixtione discessum. In eadem ferme versatur sententia LIEUTAUDIUS (d), sinocho putri talem sanguinis tribuens depravationem, ut quidem ad alkalescendum pronior fiat, non vero putrescat; negatque in ea reliquos etiam humores unquam putredinis notas acquirere, nisi tum, cum e corpore egressi calorem, motumque amittunt, aerisque actioni subjiuntur. Hinc nil magis rationi consonum est, quam coctione, & quidem purulenta, ut febres inflammatoriæ egent, hanc quoque febrem egere, ut quidquid sanguinis, humorumque a naturali statu descivit, permutetur, & puris; albi, concocti quasi naturam acquirat, aptumque reddatur ad secretionem, excretionemque plus minus manifestam subeundam.

(a) GALENUS de Different. Febr. lib. i. cap. 6. *hæc habet: Putredo autem humorum, quæ fit in vasis, similis putredini, quæ in inflammationibus fit, & abscessibus, & aliis phymatis, duplex quidem genere est: ex permixtione*
au-

autem duorum generum, alia tertia varia specie existit. Si quidem & mixtionis modi, quum alterum genus majoris, minorisque ratione superet, & superetur, facile numerari non possunt. Sed ex duobus generibus alterum quidem sic superante natura, alterum vero evicta. Superante quidem, ut per inflammationes, & phymatosos tumores omnes, *pus*: in humoribus autem venarum, & arteriarum, id quod subsidet in urina proportionem puri respondens. Atque hæc *putredo* non simpliciter *putredo* censetur, sed etiam habet aliquid *concoctionis*. Manente enim adhuc coquendi facultate vasorum, putrescens tunc humor ad talem alterationem deducitur. Porro alia est *putredo concoquendi* facultate adeo debili, ut nulla mutatio ad benignum putrescentis excrementi efficiatur. Quod fit interdum illa extreme debili: quamvis putrescens humor sit modice parvus. Interdum autem facultas ad extremam debilitatem minime deducitur: sed humor extreme pravus existit. Hujusmodi excrementi *putredo* neque consistentiam, neque colorem, neque odorem habet unum, sed *putrescens* humor semper secundum substantiam permutatur, ac variatur. Altera vero *putredo*, quam & *concoctionem* esse diximus, in unam speciem *puris* semper mutatur, & colorem, & consistentiam, & odorem. Ubi igitur natura ipsa omnino superet, *pus optimum* gignitur, visu candidum, ac crassum, & sibi simile undique, leve vero tangenti, ac minime foetidum. Quod si velut semiputridum fuerit, tertium genus in tali mutatione (quod paullo supra diximus) consistit. Porro diximus tale genus maxime multiplex esse. Nam quod magis, ac minus recipiat *concoctionem*, innumerabilis differentia est. Sæpe enim candidum effectum, aut foetidum est aut tenui consistentia: quandoque vero non candidum, sed lividum apparet, atque in omnibus his magis, & minus est infinitum. Ceterum quot in abscessibus *putredinis* differentiae sunt, tot in febribus ex putredine accensis *urinarum* formæ existunt. Optima enim urina, quæ ex putrescente humore adepto ex continenti vase *concoctionem* efficitur, candidum, leve, æquale, ac minimè foetidum sedimentum habet. Pessima vero, maxime contraria huic est. Ea vero,

quæ

quæ media est, quo magis alteri earum propinquet, tanto melior, aut deterior est.

(b) Comment. in aph. Boerhaav. §. 730.

(c) Instit. Med. Clinic. P. I. cap. I. §. 241. in not.

(d) Synops. Univ. Prax. med. lib. I. sect. I. Febr. contin. putrid. p. mihi 13.

§. CCLXI.

Retento igitur vetere nomine (§. CCLII.) et si non undequaque probando, dicimus, *Synochum putrem* peculiare, & distinctum febris genus esse, continentium more unica propemodum accessione, aut certe obscurissimis remissionibus universum suum cursum absolvens, inflammatoriæ sanguinis diatheseos particeps, atque ideo gravitate symptomatum, & longiori plerumque duratione a superioribus continentibus, quas modo exposui, diversum. A plerisque ei tribuuntur eadem differentiæ (§. CCXXXIV.) quæ Synocho simplici tribui solent, quarum prima est, quando febris a principio ad finem æqualiter procedit: secunda, quando paulatim augetur; tertia, quando sensim decrescit. At febrium reliquarum omnium tempora, quamquam vel ratione symptomatum, vel ratione cruditatis, & coctionis distinguantur, in Synocho tamen putri non tam ex symptomatum incremento, aut decremento, quam ex signis coctionis, quæ in urinis præsertim apparent, æstimanda videntur.

Definitio
Synochi
putris.

Differentiæ.

§. CCLXII.

Item Synochus putris, quemadmodum simplex, vel est *sanguinea*, vel *biliosa* sive *cholericæ* (§. CCXXXVI.) prout nimirum sanguis purus, vel
flava

flava bilis in causa est (a). Per flavam bilem hic RIVERIUS (b) intelligendam aperte judicat tenuiorem sanguinis partem, & calidiorē, qua flava bilis naturam emulatur. A GALENO (c) & RIVERIO (d) Biliosa ardentibus, sive *Causis* febribus adnumeratur. *Ardentium* vero omnium, ut alibi adnotavimus (§. LV.) natura in eo posita est, ut calor ardens, & sitis inextinguibilis, quamvis ægri bibant, perpetuo eas comitentur (e). Sed hujusmodi differentia a Symptomatibus desumpta *accidentalis* est, veluti *accidentales* reputantur *colligantes*, *horrificæ*, *affodes*, *elodes*, *syncopalis*, *epidæ*, aliæque, si quæ sunt, quæ in synochum putrem cadere unquam credantur.

(a) GALEN. 2. de method. c. 1. & 9. method. c. 3. & §. & demum de Differ. febr. lib. 2. c. 2. & 2. de crisi cap. 6.

(b) Prax. med. lib. XVII. sect. 2. cap. 1.

(c) 3. epid. comm. 3. text. 34.

(d) L. c.

(e) GALEN. & RIVER. *ibid.*

§. CCLXIII.

*Differen-
tiæ aliæ.* Præter has differentias (§. CCLXI. CCLXII.) non alienæ pariter a synocha putri sunt illæ omnes, quas supra (§. CCXXXVI. CCXXXVII. CCXL.) commemoravimus. Hinc causæ omnino eadem; quæ synochum *simplicem*; pariunt etiam *putrem*, sed vehementiores, & sanguinem ipsum non solum motu; verum etiam crâsi, & qualitate pervertentes; sic, ut non sola cutis excretio cohibita, sed & valorum obstructio; aut sanguinis congestio, aut diathesis phlogistica; sive ut a veteribus dicebatur, putredo accusanda sit.

Diâ.

Diagnosis.

§. CCLXIV.

Antecedunt lassitudo spontanea, corporis gravitas, somni turbulenti, aut vigiliæ, appetitus deficiens, aut imminutus, atque alia, quæ hominem non recte valere significant. Incipit demum febris a frigore, vel horrore, quo ab imputribus plerumque distinguitur, & ad duas, imo tres hebdomadas produci solet, iisdem prorsus symptomatibus stipata, quibus synocha simplex stipatur, sed insignioribus, & magis conspicuis. Calor acrior est, vigiliæ, capitis dolor, sitis, inquietudo, aliaque vehementiora; pulsus non modo magnus, vehemens, celer, & frequens, verum etiam inæqualis, inordinatus, & quandoque durus; urina crassa, & rubra, & sine sedimento. Et si sanguinea fuerit, facile se ei adjungunt omnia, aut plura illorum, quæ supra (§. CCXXXVIII.) ex HOFFMANNO fusius enumeravimus. Si vero *Synochus biliosa* sit, calor adhuc acrius adurit, & mordet, pulsus multo velocius, & crebrius micat, urina tenuis, acris, flammea, initio cruda, & nihil subsidens mingitur; sitis ingens, lingua sicca, arida, aspera, nigricans; oris amaritudo; nausea, vomitus biliosi, dejectiones pallidæ, agrypnia, interdum desipientia, respiratio frequens, magna, difficilis ore aperto atque anhelante, inquietudo, anxietas, & reliqua omnia vehementius divexant. Atque hæc potissimum excandescunt æcerbius in *ardente*, sive *Causa legitima*, quam in *notha*, sive *spuria*, quarum altera ideo septimo die, altera decimo quarto finiri consuevit. Interdum, præsertim inter initia,

tia, pulsus non nihil depressior, & contractior est, in augmento quandoque celerrimus, & durus. Dolent artus, lumborumque regio. Vigilias non raro excipit delirium, aut sopor. Rarissime vero, & tunc solum, cum regimen calefaciens adhibitum perperam sit, aut malignitas se addiderit, in summa cute efflorescunt peticulæ. His igitur; sed præcipue caloris acrimonia, & pulsus inæqualitate *Synochum putrem* ab *imputri* licet internoscere: Qui vero plura, aut graviora ei attribuunt, videntur gastricas, petechiales, colliquantes, & malignas quasque una confundere, & commiscere.

§. CCLXV.

*Discrimen
inter Syn-
ochum
putrem &
febres ma-
lignas &
gastricas.*

Hinc patet; Synochos putres gradu tantummodo, & paullo longiore durationis tempore speciatim differre ab imputribus. Et quamvis symptomatum vehementia ad malignarum febrium interdum naturam propius accedant, & pro iis sæpe a plerisque habeantur; attamen, si puræ fuerint, ut advertit LIEUTAUDIUS, breviori temporis spatio terminantur, minorem virium imbecillitatem comitem habent, & pulsus validiorem, & frequentiore. Cerebri vero, nervorumque affectiones, quæ in malignis, speciatim lentis nervosis tam continentibus; quam remittentibus perpetuo, & assidue tenent, mitiores in Synocho putri sunt, citiusque evanescunt; quotiescunque impura, maligna, aut complicata non fuerit. Præterea in Synocho coctio, & crisis frequentissima est; contra in illis. A Gastricis porro, quas *putridas*, aut *biliosas* multi hodie vocant, maxime differt Synochus hæc, quod in illis nausea, lingua alba, aut flava, pravus oris sapor, halitus foetens, ventris

tumor. inflatio, borborygmi, diarrhœa, pulsus parvus, debilis, inæqualis, intermittens plerumque occurrant, & remittentium typus servetur.

Prognosis.

§. CCLXVI.

Synochus putris, quoniam ex acutarum genere est, periculo non vacat, imprimis cum malignitatem, aut putridæ liquationis notas præseferat. Facile autem à diathesi inflammatoria, morbo provento, ad dissolutionem, & alkalescentiam declinat: in primis biliosa, & inopportunis phlebotomiis curata. In universum *paracmastica* tutior, *acmastica* periculosior, *epacmastica* periculosissima censetur. Sic exquisita, benigna, pura, rite curata felicioris exitus; contra non exquisita, impura, complicata, maligna, sævis symptomatibus & virium imbecillitate comitata, discriminis plena existit. Si die septima coctionis purulentæ signa accedant, & nullus error comitatur, salutariter decima quarta terminabitur. Si tardius coctio adveniat, ad vigesimam primam, aut ultra protrahitur perfecta solutio. Nulla vero coctione apparente, facie ægri turgidula perseverante, morbum fore longum, certi tum erimus. Urina quo rubicundior, & crassior est inter initia, ceteris paribus eo tutior, & brevior morbus esse consuevit. Si in ea coctionis signa cernantur, dum in reliquis cruditas, & symptomatum gravitas perseverant, in primis, si vires langueant, periculum non leve imminet. Urina alba exitium portendit. Ubi febris ad finem vergit, si symptomata recrudescent, brevi desitura est, nempe decima quarta die.

Co-

Coctionem enim validius natura moliri videtur. Contra pulsus parvus, contractus, & inæqualis & spasticæ affectiones male ominantur. Vigilia item pertinaces, respirationis difficultas, anxietas delirium, hypochondriorum tensio, & cruditas indicia, mala. Synochus putris ardens, pura & legitima ut plurimum septem; non pura, aut notha novem, undecim, aut quatuordecim diebus, quod supra innui, judicatur. Solvitur plerumque alvi dejectione, sudore, vomitu, abscessu. Senibus etiam persæpe lethalis est, sicut iis, qui *Causo* corripuntur, temperamento, aere, annique tempore frigido existente.

Curatio.

§. CCLXVII.

*Sanguinis
missio, &
refrigeran-
tia.*

Cautela.

*Cathar-
ticorum
usus.*

Ut causæ hujusce febris eadem fere sunt, quæ Synochi simplicis, sic & curatio. Sanguinis copia, fervor, concitator motus, diathesis phlogistica, inflammationis periculum iteratam sanguinis missionem exposcunt. Veteres ea ita confidebant, ut ad leve animi deliquium usque imperarent. Reliquum curationis diluentibus, & refrigerantibus perficiebant. In sanguinis tamen missione, diluentium, & refrigerantium usu mediocritas quædam observanda est, ne coctio purulenta, quæ vividiori quodam febris motu, & calore indiget, impediatur. Quod præcipue menti alte defixum hæreat, ubi febris *ardentis*, *biliosæ*, aut *malignæ* mores induerit. Purgantia ab initio, nisi materia in primis viis turgeat, evitentur. Si forte tamen subita ad caput metastasis accesserit, ex SYDENHAMII auctoritate & fide post sanguinis mis-

missiones cathartica alternis diebus, atque ad tertiam ulque vicem iteranda præcipit SWIRTENIUS. His enim, revulsione facta, feliciter ægri servari dicuntur. Coctione etiam peracta, si materies morbida lente, aut nullo modo excernatur, utiliter in usum vocantur. Tunc gelidæ quoque aquæ potus mirifice febrim compescit, cunctantemque Naturam ad criticas excretiones sollicitat. Delirio, sopori, & dolori capitis succurrunt cucurbitulæ, hirudines, clysmata, epispastica, balnea pedum, atque alia, quæ revellant. Quod si, ut interdum evenit, ad putridam liquationem (§. CCLXVI.) morbus defleat, non modo ad acida valentiora, sed etiam ad reliqua antiseptica properandum est. Reliqua ex generali febris curatione (§. XLII.) itemque ex supra (CCXLIII. ad CCXLVIII.) propositis depromantur.

Revelle-
tia.

§. CCLXVIII.

De Synocho putri, quæ malignitatis notas habeat, aut quæ impura, & complicata sit, qualis plerumque epidemica (*) esse consuevit, ex professo, & distincte dicere supersedeo, cum quæ de Synocho simplici prolata sunt, huc commode, apteque transferri etiam possint. JO. COYTARUS (a) *Synochus tam simplex quam putris petechialis Coytari.* morbum *peticularem*, sive *petechias epidemicas* an. 1557. describens, utramque Synochum, brevem nimirum, sive simplicem, & longiorem, sive putrem, *purpuratam*, ut ipse vocat, sive *petechialem* se in iis offendisse ratus est. Nec mirum id sane, cum hujusmodi morbi exanthematici febriles cujusque febris characterem facile mentiantur, quando epidemice grassantur, & modo unum, modo aliud febrium genus pro temperamentorum, ætatum, sexus, complicationum, causarum, aliarumque cir-

cumstantiarum diversitate imitentur. Hinc si ad febrium classem redigantur, *febrem quidem continuam* in iis esse, *sed nulli continuarum adstrictam* sapienter, & jure optimo jam advertit PETRUS A CASTRO, *de febre maligna punctulari epidemica* sui temporis verba (b) faciens. Nec aliter profecto fieri potest, cum istiusmodi morbi, ubi primarii sunt, nequaquam ad febres pertineant, quod alibi monuimus.

(*) NICOLAUS RIGLERUS *tradit historiam* Synochi putris anabaticæ malignæ, imo pestilentis, epidemicæ, & contagiosæ cum dissolutione humorum, *id est vere putridæ, cujus species sequentes ipse observavit*: 1. synochum putrem malignam sine exanthematibus. 2. synochum putrem malignam exanthematicam. 3. complicatam cum bubonibus, carbunculis, anthracibus, ideoque pestilentialem. 4. sine his ut in plerisque. 5. cum spissitudine aliqua sanguinis phlogistica. *Vid. ejus constitutio epidemica ann. 1775. 76. 78. 79. Vratislav. 1780.*

(a) De Febre purpura epidemiali, & contagiosa c. 19. p. 166. & seq.

(b) Sect. 1. aphor. 3. p. 3. ed. Patav. 1653.

§. CCLXIX.

Complures aliæ febrium species ad *Synochum putrem* a Nosologis revocantur, quæ tamen hujusce generis minime videntur. A LIEUTAUDIO ad hoc genus traducitur *febris depuratoria* A. 1661. 62. 63. 64. SYDENHAMII (a). Quod etiam fecit SAUVAGESIUS. Verum ejus descriptio nihil habet, quod Synocho conveniat, a qua ita discrepat, ut æquius ad remittentes puras, aut compositas, sive proportionatas remittenda sit, utpote quæ multum, etsi continua, de intermittentium natura partici-

*Species
Synochi
perperam
habita.*

pa-

pabatur, imo sæpe in eas transmutabatur (b) : quod veræ, & puræ *Synocha putri* nunquam contingit. Neque potiori jure ab eodem SAUVAGESIO (c) ut species hujusce Synochi habentur *Febris continua epidemica ann. 1665. & 1666. ; Febris variolosa ann. 1667. 68: & 69. ; Dysenterica ; pleuritica*, aliæque a SYDENHAMIO descriptæ, cum levi negotio, quicumque earum historias pervolverit, comperire possit, vel non satis patere ex imperfecta, & deficienti earum descriptione ; cujusnam generis eæ fuerint, vel a Synochis alienissimas fuisse, vel ad alios ; quam ad febres, morbos omnino propius accessisse : Multo minus inter Synochos locandæ sunt species 12., sive *soporosa* GUARINONII, 13., sive *Scorbutica* SENNERTI, & 14., sive *putrida miliaris ann. 1754.* GERARDI apud VANDERMOND. *Diar. med. 1756. p. 311.* a SAUVAGESIO indicatæ quidem, sed non satis, ut par erat, expensæ. Omnes enim hæc a continentium indole, & caractere quam longissime distant. *Febris item catarrhalis putrida anni 1768.* Moscuæ epidemice grassata, MERTENSIO (d) visa est *Synochus putris* cum febre intercurrente *catarrhali* conjuncta. Fortasse, si vere ad *Synochum putrem Veterum* spectabat, malignæ quædam species illa fuit. Ex descriptione tamen, quam edidit MERTENSIVS, videtur fuisse febris gastrica maligna cum catarrho complicata, quæ certe a synochis alienissima est, utpote remittentium naturam referens, aut exanthematicis morbis febrilibus tantum adnumeranda, cum peticulas, & miliaria sibi perpetuo associaret. Verius ad *Synochum putrem*, sed malignam referenda est. *Maligna febris superante humido RAYM. Jo. FORTIS*, cujus historiam tradit Auctor in libro de *Febribus*, & morbis mulierum (e).

Error Sauvagesii.

(a) Synop. Univers. Prax. Med. Lib. 1. sect. 1. cap. de Feb. contin. putrid.

(b) Observ. Med. circa morb. acut. sect. 1. cap. 3. & 4. & sect. V. cap. 6. *quo ultimo loco ait: notatu dignum esse autumo, quod cum febris hæc (nempe depuratoria) quæ ab illa constitutione pendebat, qua intermittentes cæteris prædominabantur (si vel diutius persisteret, vel æger nimis evacuationibus fuerit exhaustus) subinde in intermittentium castra de facili transiret; istæ febres, quæ sequentes funestabant annos, etiam si diutissime cruciarent, rarissime tamen intermittentes fierent, indicio satis manifesto, eam febrem continuam (depuratoriam videlicet) atque intermittentes istas vel natura quadantenus convenire, vel non multum ab invicem abhorreere.*

(c) Nosolog. 1. c. Gen. 3.

(d) Observ. medic. de febrib. putrid. Par. 1. cap. 1. pag. 1. & pag. 12.

(e) Pag. 281. edit. Patay.

FEBRIS LENTA NERVOSA, MALIGNA PASSIM DICTA *.

§. CCLXX.

Quam plerique Medicorum ad nostra usque tempora peculiari nomine, & speciatim *Malignam* appellare soliti fuere, eam Angli *lentam nervosam* nominare non ita pridem cœperunt. Est autem febris continentis genus, quod ultra duas, aut tres hebdomadas extenditur cum calore, urina, & pulsu, quod ad crebritatem, sanorum quasi similibus, corporis interim totius viribus valde languentibus. *Nervosa* ex eo dicitur, quod nervos, & cerebrum potissimum afficere videatur; *lenta* vero, quod lento, & tardo fere passu incedat, proserpatque, sic, ut unum & viginti dies plerumque prætergrediens, ad *acutos* morbos ex *decidentia* læpissime pertineat.

Ma-

Malignum autem , & *mali moris* antehac Clinici passim appellarunt, quod sub bona caloris, pulsus, atque urinæ specie ægrum quasi clanculum decipit, & vix suspicantem terrificis mox advocatis, exsertisque symptomatibus, sopore videlicet, delirio, cardialgia, exanthematibus, nervorum distentionibus aliisque brevi enecat, dum ab initio levis, placida, benigna, & periculi expers credebatur.

* Synonymia.

Febris pestilens FRACASTORII, De morb. contagiosis lib. 2. cap. 4. Febris maligna cacoethes, seu mali moris BELLINII, de febr. p. 165. ed. Vener. Febris lenta, sive hætica nervosa ann. 1661. WILLISII, de Morb. convulsiv. cap. VIII. Febris maligna FIZESII; Traité des fièvre. chap. VI. Febris lenta nervosa HUXHAMII, de febr. cap. VI. & ANGLIORUM; Febris maligna lenta VOGELII de cognosc. & cur. morb. §. 56. Febris maligna in specie Auctorum VOLPRECHTI, Dissert. de febr. nervos. ejusque genuina indole Gotting. 1767. sub præsid. VOGELII. Febris maligna, ut vocatur Parisiis, LORRY, de Melanchol. T. 1. p. 117. Febris pessimi moris an. 1711. MORGAGNI, De sed. & caus. morb. Epist. VII. articul. 16. Febris maligna Clar. QUARINII, Method. meden. febr. cap. V. Febris lenta, aut nervosa BUCHANII, Medec. Domest. T. 2. chap. 8. Febris putrida nervosa ann. 1770. MERTENSII, observ. med. P. 1. cap. 3. Febris lenta acuta, sive nervosa DE MEZA Compend. Med. Pract. Fasc. 1. cap. X. Typhus (a) SAUVAGES. Nosol. cl. 2. Gen. 4. spec. 2.

(a) Nullam rationem SAUVAGESIO, cur hanc febrem pro Typho primæ & secundæ speciei, quarum meminit Auctor de Intern. affect. apud HIPPOCRATEM, fuisse putat VOGELIIUS loco citato. Si enim, inquit, a præmagna imbecillitate recesseris, quam HIPPOCRATES adscribit suis Typhis, nihil commune habent cum nostra febre, seque in primis ingenti ardore, & breviori duratione ab hac distinguunt. Nec fallitur. Nam primâ species maxime discrepat a febre

nervosa, quia statim febres fortes tenent, & calor acutus &c. & quia pauci effugiunt, & corripit tempore ætatis, cum canis sydus oritur, bile per corpus commota, & quia morbus brevis esse solet, nempe septem vel quatuordecim ut plurimum dierum. Et si unquam longius trahatur, diem vigesimam quartam non excedit. Neque esse potest secunda species, quia febris tertiana, aut quartana in principio oboritur, & dolor fortis in capite consistit, aliquando etiam in toto corpore intermittens, & vomit salivam, & frequenter eructat, & oculorum regiones dolet, & facies albescit, & tumor in pedes descendit, & demum, quia quandoque totum corpus intumescit,

§. CCLXXI.

*Historia
morbi,*

Ut vero clarius hujusce febris innotescat facies, tradam modo eorum omnium, quæ ipsam antecedunt, comitantur, & subsequuntur, historiam. Qui in eam pronus est, incipit primum non belle se habere, tædio affici, nulla amplius re delectari, & quodammodo quid velit, aut optet, prorsus nescire. Interea leves quasdam caloris, & frigoris fluctus, incertasque patitur vicissitudines, quæ in primis caput, & faciem afficiunt; de lassitudine, qualem percipiunt labore fessi, conqueritur, sed adhuc obambulat, licet oscitans, & torpore insolito languens. Hæc autem accidunt, præsertim ubi sponte morbus exoritur, nec aliunde per contagium infunditur. Tunc enim velocius est mali initium, & progressio. Post hæc mox accedit quando major, quando minor in capite ponderis sensus, interdum dolor, vertigo, temporum constrictio, animi depressionis, præcordiorumque oppressio insolita. Paullo post se his jungunt nausea, & ciborum omnium fastidium sine ulla sitis molestia, aut potus cupiditate, & sæpe cum crebro ad vomendum incitamento, quo plerumque nihil ejicitur, aut si aliquid

id parum phlegmatis insipidi tantum est. Quandoque hæc omnia per aliquot horas cessant, evanescuntque, brevi tamen gravius insurrectura, præsertim advesperascente die: nempe caput tum magis, magisque gravatur, incalescitque; mens obnubilatur, pulsus crebriores, celerioresque fiunt, sed languidi semper, atque inordinati, cum quibus conjungi solet quædam spirandi difficultas, ac pectoris angustia, atque oppressio; magnus sæpe stupor, aut obicurus dolor, & quidam frigoris sensus posteriorem capitis partem tenet, aut dolor gravans sinciput etiam circa suturam coronalem occupat. Utraque enim doloris species propria fere est cujusque febris lentæ nervosæ, & plerumque aliquem desipientiæ gradum comitem habet. Calor autem ut plurimum mitis est, neque facile excandescit. At tamen interdum volæ manuum fervent, aut caput vaporibus calidis, faciei que rubore crebro suffunditur, dum interea pedes, atque extrema frigescunt.

§. CCLXXII.

Quinque aut sex dies in hac valetudinis ambiguitate versatur homo, pallidus, torpidus, membris quasi fractus, non omnino ægrotans, nec tamen sanus, nec quietus, sed plerumque insomnis, & vigil; & quamquam adstantibus somno ipse indulgere videatur, idem tamen constantissime asseverat, se nullo modo dormire posse. Neminem autem ex his arbitror falsum dicere. Nam æger sæpe ita quiescit, & clausis oculis dormientis imaginem exhibet ut negari nequeat, eum reapse dormire, Ipse vero sibi non dormire videtur, quia ejus menti tot spectra, & tot idearum simulacra perpetuo obversantur inter dormiendum, ut vigilare

Stadii
primi fi-
nis.

lare omnino se credat. Pulsus toto hoc morbi stadio celer est, debilis; ac inæqualis, quandoque fluctuans, quandoque tardus, rarus, itemque intermittens; subinde concitator micat, modo sedatur, atque ordinatus, æqualisque evadit, & sic alternatim variatur. Nec diversa vultus ipsius ratio est, nam crebro hic & repente calore quodam, qui vaporis instar ascendit, rubescit; & paullo post pallet, & albicat. Quo fit, ut sæpe pro affectione hypochondriaca, aut hysterica morbus a minus peritis accipiatur.

§. CCLXXIII.

*Secundum
stadium.*

Hinc malum in dies augefcit, jam loqui aut moveri piget, & tandem lecto æger defigitur, nec satis potest exponere, quo modo se habeat. Nihil ipse postulat, ne potum quidem; atque interrogatus aliquid, vix quærenti novit apte, & distincte respondere. Jam tendines subfiliunt; manus, & lingua tremunt. Hæc muco albido obducta non valde inarescit; nisi in medio, ubi fusca apparet, & sicca. Tandem aliena subinde obloquitur, & leviter insanit, sine tamen furore. Tenuem, ut plurimum urinam emittit, modo limpidam, modo vaporæ instar, aut cerevisiæ turbidæ similem, & lenteſcentem; non raro etiam subnigram, subinde crassiores, farina quasi inspersa, & subsidente, aut sine lege sursum, deorsumque vagante. Inter hæc sanguis e vena missus aut naturalis invenitur, aut tenui pellicula tectus, sed crassamento laxo & nigro, parum cohærenti. Interdum etiam ad liqueſcendum pronior est, & sero turbido copioso scater.

§. CCLXXIV.

§. CCLXXIV.

Tertium
stadium.

Circa septimam, aut octavam, ex quo æger lectulo se tradidit, omnia ingravescant. Genæ magis rubent, & manuum volæ magis calent. Gravitas, & dolor capitis acerbius vexant; accedunt vertigines, tinnitus, & susurrus aurium, quo fere perpetuo obstrepente mens ipsa moleste afficitur, & non leviter perturbatur; non ita tamen, ut delirium vehemens sequatur, cum plerumque ejus loco sit quædam idearum, cogitationum, actionumque independentium perversio, & confusio. Hinc fere æger secum obmurmurat, & verba quasi mutilata, & difficilia intellectu profert. Id præcipue evenit in somno, aut quando e somno expergiscitur; tunc enim mens magis laborat, & obfuscata apparet, sed brevi post ad se redire consuevit, non tamen diu sibi constat. Pectoris oppressio, virium languor & defectio ita increscunt, ut animi deliquia & Syncope, præsertim cum e lectulo æger surgere nitatur, eum corripiant; nam tunc sudore frigido frons, & manuum dorsum madent, atque animus deficit. Lingua, quæ antea humida, albidaque cernebatur, jam arefcit, rubet, & finditur, & quasi mali punici corticem colore imitatur, medio in primis spatio, dum utroque ex latere muco flavo sordescit. Ubi ea ex ore producit, tremula, atque instabilis est, interim licet ipsa cum labiis ficescat, vix tamen ulla sitis urget. Calorem vero in ea acrem, & permolestum queritur sæpe æger

§. CCLXXV.

Quantum
stadium.

Nona, decima, aut duodecima die sudores breves, ac inæquales, aut etiam profusiores, & re-

pen-

pentini emanant, sed viscida, frigidi, & glutinosi, in primis extrema corporis occupantes. Sæpe alvi dejectiones crudæ, liquidæ, aquosæ superveniunt. Universum sudor, alvique fluxus colliquantes sunt, viribusque intensi. Non raro tamen mador quidam tepens, totam cutim perfundens utilis esse consuevit, uti & lenis diarrhœa, quæ delirium, & comatosos affectus discutit plerumque. Circa hoc morbi statum Natura præcipue deficit, extrema frigent, ungues pallent, & livent, pulsus parvi, & celeres ita fiunt, ut vix percipi, & numerari possint, etsi antea lenti, rari, tardi, aut intermittentes fuerint; aut ita fluctuant, vacillant, interciduntque, ut mortem in propinquo esse diceret. Ægri stupidi jacent, & ferme sensibus orbantur. Strepitu, & lucis appulsu, quo ab initio plurimum percellerantur, vix tunc emoveantur. Delirium paullatim excipitur profundo sopore, & brevi perpetuo somno. Excrementa alvi, urina, & lacrymæ sponte, atque incito, nolenteque ægro profuunt, proximamque vitæ dissolutionem portant. Tremores vero, tendinumque subultus spasmus sæpe universi corporis imminentem significant, quo vitæ filum cito abrumpatur. Alterutro enim ex his modis, postquam quatuordecim, octodecim, aut viginti dies, imo multo etiam plures languerint ægri, tandem pereunt.

§. CCLXXVI.

*Quædam
sympto-
mata non
perpetua.*

Interdum stragula palpant prius, inanes imagines consecretantur, obmutescunt voce faucibus hærente, faciem cadaveris exprimunt, perpetua, & frigida suspiria emittunt de pectore, plerumque mor-

mortis proximæ indicio. Non nulli etsi antea animo forti, & magno essent, subito terrore & desperatione corripuntur, nec somno indulgere volunt, cum mortem, tum mentis perturbationem, quam dormientes subire credunt, aut experiuntur, evitaturi. Quandoque pustulæ, & maculæ diversi generis in summa cute apparent; inter quas interdum peticulæ fuscæ, lividæ, atræ*, & vibices corpus defœdant. Non raro Parotides, aut abscessus aurium, aliarumque partium superveniunt. Nec desunt aphthæ albæ, rubræ, depascentes, nigræ, gangrænosæ labiis, linguæ, faucibus infestæ, præsertim ubi febris cum dissolutione putrida humorum copulatur, & pestilentialis, & contagiosa est. Interdum ad os sacrum, & nates vis morbi convertitur, atque ibi post brevem ruborem, dolorem, tumoremque cutis, suppositæque partes gangræna sicca, aut humida, plus minus alta, nigrescunt, & vita priwantur, & foetent. Plerumque, nisi morbus malignissimus sit, in longum trahitur, & ad quadraginta usque dies imo etiam ultra interdum ægros languere cogit, quorum non nullis, etiam post febrem devictam, mens per aliquod tempus aberrat, donec paullatim resipiscat.

* CL. PRINGLIUS (Malatt. dell' Armat. P. 3. cap. 6. pag. 220. 221.) non diffiretur & ipse magnam esse affinitatem inter febrem malignam in specie dictam, & lentam nervosam. Nam utrique, inquit, communia sunt pulsus languidus, urina pallida, sudores non critici, obfuscatio mentis, virium lapsus, spirituum oppressio, artuum tremor, sive nervorum. Discriminantur vero, ut ipse putat, quod nervosa febris minime a causa putrida gignatur, & quod miliaria exanthemata, non peticulas ad cutim propellat. Verum alterutrum falsum est. Multiplex enim febris nervosa origo est; atque interdum, ut contagiosa, nosocomialis, nau-

nautica, carceraria, de quibus postea; ex miasmate putrida nascitur. Miliaria vero non perpetuo in ea erumpunt, (alias miliaris morbus esset) sed interdum tantum; nec ab ea quandoque pericula versantur, ut sæpe vidimus:

§. CCLXXVII.

Continuitate continenti Synocha putri affinis est; sed ab ea discernitur per signa, quæ alibi jam (§. CCLXXVII.) recensuimus. A morbo petechiali, sive a peticulis, sive, ut alii vocant, a febre putrida maligna petechiali discrepat, quod hæc posterior vehementiori aggrediatur impetu, quod horrores & calores cum majores, tum longiores excitet; quod pulsus, præsertim inter initia, duriores, & magis tensos exhibeat; quod capitis dolorem, vertigines, neuseas, & vomitus, etiam in ipso morbi ingressu afferat intensiores; quod tempora, imo orbitas ipsas dolor veluti fixus affligat; quod oculi graves, flavi, aut rubri appareant; quod arteriæ temporum vehementer viarent cum frequenti aurium tinnitu; quod singulis diebus, ut remittentes, exacerbationes habeat; quod carotides in augmento validius pulsant, licet quæ in carpo sunt arteriæ tardius, & placidius moveantur; quod animi deliquia, spirituumque dejectio citius, magisque, etsi nulla immodica præcesserit evacuatio, & pulsus satis validius videatur, infestent; & denuo quod respiratio ut plurimum laboriosior, inæqualiorque sit, & sæpe dolorem, suspiria, aut singultum comitem habeat. Præterea a peticulis, reliquisque exanthematicis morbis febris lenta nervosa differt; quod plerumque peticulæ, & exanthemata miliaria, quando in ea oriuntur, regimini calefacienti

debeantur, & quando etiam sponte prodeunt, in statu potissimum morbi aut circa ejus finem erumpere soleant; nec perpetuo, nec quovis in ægro tante se exierant; dum contra in febre petechiali vera, & primaria, & reliquis exanthematicis morbis peticulæ, miliaria, variolæ, morbilli &c., si regulares sint, ante morbi statum, & protinus primis diebus prodeant, & nunquam, cum primarium morbum afficiunt, absint. Facile etiam a *gastricis malignis* febribus distinguitur, quod illæ manifestioribus accessionibus, remissionibusque varientur, nec tantam continuitatis æqualitatem ostendant, & manifestiora cacochyliæ in primis viis indicia exhibeant.

§. CCLXXVIII.

Aggreditur hæc febris homines ut plurimum laxioris texturæ, nervis debilibus, sanguine tenuiori, aquosiorique præditos; quos vel nimix evacuationes exhauserunt, vel tristitia, aut immodicæ vigiliæ, & studia assidua, laboresque infirmarunt, vel alimenta cruda ac insalubria, vel potus aquosus, impuri, corruptive repleverunt, aut diu aer crassus, vitiatumque circumcinxit, vel ptyalismus, aut alvi solutio, aut nimia venus enervavit. Quando ex hujusmodi causis, oritur & sparsim aliquos tantum singulares homines inficit, *spontanea*, & *sporadica* est; videturque non tantum a nimia solidorum partium laxitate cum tenuiori sanguinis crassi conjuncta, verum etiam a lymphatico latice, copia, & lentore peccante, cerebrum speciatim, & nervos obruente, & tandem, quia resolvi nequit, putrescente pendere. Idque vel ab ipsa comprobatur medendi ratione, quæ cardiacis micibus, attenuantibus, antisepticis, leniterque stimulantibus se-

*Quinam
magis ei-
dem obnox
xii.*

*Sporadica
unde?*

Quot mo-
dis judi-
cetur:

licissime solet perfici. His enim vis cordis, & nervorum excitatur, lentior lymphæ resolvitur, & quidquid corruptum est, evacuatur non modo per communes excretiones, verum etiam per eas, quas natura, atque ars novit sibi aperire. Hinc plerumque omnibus simul evacuationibus, nimirum sudore, ptyalismo, urina, diarrhœa, exanthematibus, abcessibus, imo interdum ulceribus arte excitatis, ipsisque gangrænis opus est, ut noxius, depravatusque humor e corpore ejiciatur. Raro enim coctione & crisi hujusmodi febris ad finem perducitur.

§. CCLXXIX.

Epidemica
quando
est?

Contagio-
sa inte-
raum.

Quando
ex putri-
do conta-
gio.

Nosocom-
ialis
quam
sit.

Nautica,
& carce-
raria.

Quando vero communiores causæ plures eodem tempore afficiunt, popularemque morbum reddunt, *epidemica* tunc est, & perniciosior. Quo in casu, ni sani sibi caveant, facile suscepto maligno, & nervis insensissimo miasmate in eandem incidunt. Tunc etiam *contagiosa* dicitur, quia per subtilissimos halitus, putridosque vapores ab ægris manantes in adsidentes, intervientesque diffunditur. Interdum ex sola mora in aere putridis, morbidisque effluviis scætentæ, ut in Nosocomiis sæpe contingit, ipsa contrahitur. Tunc patet, eam esse ex *putrido contagio*, dicique posse *nosocomialem*, quamquam non omnis *nosocomialis* * ad hoc genus spectet. Notum etiam est, aerem non renovatum, in quo complures, frequentesque vel sanissimi homines diu clausi detinentur, uti in navibus, & carceribus sæpe fit, humanis halitibus atque effluviis ita corrumpi, ut veneni instar immissa animantia cito enecet destructa nimirum nervorum, & cordis potentia. Febris ex hujusmodi causa orta, *lenta nervosa* esse solet, & *nautica*, aut *carceraria* nuncupatur, & sæpe

sæpe adeo pestifera est, ut contagione in vicinos, & ceteroquin sanissimos sola infectorum præsentia perniciosissime propagetur, ut pestis. In hisce autem speciebus, nempe in *epidemica*, in *contagiosa*, in *nosocomiali*, *nautica*, & *carceraria*, uti causa activior, & perniciosior est, sic celerior earum incessus, & quandoque minime lentus conspicitur. Nec infrequens est, intra paucos dies tunc ægros interiri, contra ac in hoc morbo fieri soleat, cum alias finem suum sive bonum, sive malum tardissime assequatur.

* Nosocomialis febris, qua ex contagione in Nosocomiis agrorum putridis nideribus repletis oboritur, plerumque petechialis est, & remittens; non continens; & lenta nervosa; prout dicitur, ubi de petiçulis speciatim, ut morbo exanthematico febrili; agemus. Nobisum prope sentit Cl. MONROUS (Des Malad. des Hospitaux militair.) cui Febris maligna Nosocomialis dicta, & petechialis videntur unus idemque morbus esse.

§. CCLXXV.

Non solum autem causarum præcedentium diversitas, earumque mitior, aut pravior natura, Alia differentia. verum etiam Symptomatum minor, vel major perniciēs hujusmodi (§. CCLXXVIII. CCLXXIX.) differentias facit. Variat etiam non parum ejusdem febris aspectus pro temperamenti, habitus corporis, ætatis, sexus, anni temporum, constitutionis, & morbi *stationarii*, sive dominantis ratione; ad quæ singula si animus advertatur, facile varietates, quas subit morbus, sic, ut falso natura diversus haberi possit, quisque non imperitus intelliget. Discrimen etiam aliquod affert inter initia præsertim complicatio causarum, aut morborum, prout

prout nimirum febris cum diathesi sanguinis inflammatoria, rheumatica, catarrhali, aut cum ejusdem ad liquefcendum, putrescendum proclivitate, aut cum putrida, & verminosa primarum viarum cacochylia conjungitur *. Hinc enim Symptomata alia, atque alia proficiscuntur, quæ minus peritis errandi occasionem suppeditant. Hinc sæpe profluent tam varia, & discordia de eadem febre medicorum judicia.

* Cl. SIMSIUS (Malad. epidem. p. 167.) nuper pluribus argumentis annisus est ostendere, febres lentas HUXHAMII, & Anglorum esse de genere Gastricarum, sive earum febrium, quæ fomitem in imo ventre habent. Sed ejus argumenta vix, ac ne vix quidem aliquid evincunt. Credo autem, virum alioquin perspicacissimum in hujusmodi errorem incidisse, quod in regione, quam incolit, ubi febres gastrica frequentissima sunt, sæpe cacochylia gastrica non modo occurrat, quod humidis, palustribusque locis commune est, verum etiam cum febribus lentis nervosis compliceatur, ideoque facile adductus sit ad credendum, has quoque febres a gastrica cacochylia progenitas, id est, gastricas omnino esse.

Prognosis.

§. CCLXXXI.

Maligna, & subdola febris natura semper dubium eventum reddit. In sporadica & spontanea, si pura fuerit, vitæ periculum quidem, sed minus esse solet; majus in epidemica, & contagiosa; & maximum in nosocomiali, nautica, aut carceraria; item que in illa, quæ cum putrida sanguinis dissolutio ne complicatur, aut a venenato miasmate originem habet. Ceterum si circa nonum, decimum, vel duo-

Signa fau-
sta.

deci-

decimum a decubitu diem lingua humida fiat ; si sputa uberiora fluant ; si alvus leviter laxetur , aut cutis leni mandore humectetur , aut alterutra auris abscessum patiatur , aut pustulæ latæ labia , aut nares occupent , sperari licet aliquam bonam crismum . Contra si alvus immodice fluat , si sudoribus corpus veluti colliquetur , unde crebræ animi defectiones impendeant ; si lingua tremit , si extrema frigent , si pulsus fluctuat , aut vermicularis est , si tendines subsiliunt , si visus , aut auditus deperditur , si excrementa invite , aut inscio ægro exeunt , jure timeri potest exitium (a) . Eorum vero , qui subita desperatione capiuntur , & nullis eriguntur promissis , servatum vidi fere neminem , aut certe paucissimos .

Signa mala .

(a) BUCHAN Médec. Domest. T. 2. chap. 8.

§. CCLXXXII.

Speciatim sudores breves , frigidi ; aut circa collum , aut caput tantum manantes ; mali : pestiferum etiam est inter sudores repente inhorrescere . Dejectiones alvi moderatæ non inutiles ; immodicæ , crudæ , aquosæ noxiæ ; plumbeæ , & lividæ , etsi subinde desistant , periculosæ . Stupor solus , aut debilitas non semper formidanda est ; nam interdum surditas in causa est , cur ægri stupidi videantur . Maculæ rubræ , floridæ , confertæ , aut pustulæ miliares multæ , turgidæ si circa morbi statum erumpant , septima nimirum , nona , undecima , aut decima quarta , aut tardius , pro breviori aut longiori febris cursu , non raro bonum eventum præmonstrant , in primis quando saliva multa , & copiosa expuitur , aut urinæ crassæ , & subsidentes simul prodeunt , & graviora sympto-

*Alia signa
infausta,
& fausta*

mata minuuntur. Peticulæ vero nigræ, atræ, aut vibices ut gangrænulas referunt, sic subitam sanguinis corruptionem, & vitæ ingens periculum significant. Postulæ miliares tam albæ, quam rubræ, copiosæ aut morbificæ materiæ copiam, aut regiminis calefacientis effectum ostendunt. Ne variolis quidem ipsis per regimen calidius expulsi melius habent ægrotantes; cum tamen variolæ criticæ dici possint, sive rectius morbus primarius sint, & proinde, pleniori eruptione facta, eorum saluti magis provisum esse deberet. Non male ominantur aphthæ albæ, benignæ, linguam & labia cingentes; contra verò nigræ, lividæ, ad fauces protensæ, surditas quoque atque aurium abscessus in fine morbi si superveniant, spem aliquam faciunt; dummodo cetera respondeant. Nec rarum est, gangræna exteriorum partium, præcipue coccygis, & natium deleferiam * morbi vim extorsum bono ægri fato depositam indicari; quod tum factum cognoscimus, cum ea apparente caput, pectusque levatur, & febris minuitur. Sed potissimum pulsus amplior, validior, æqualior; respiratio faciliior, liberior, placidior; cutis mollis, tepens universim madida; spasmodorum cessatio bene sperare jubent. Interdum etiam ad urinæ vias, & vesicam deferitur morbifica materies, unde urinæ stranguriosæ, crassæ, aut purulentæ redduntur; imo quandoque Ischuria vesicalis enascitur, bono plerumque omnino, licet cathetere extrahi urina debeat per aliquot dies, donec sponte emitti possit. Quibus similia accidunt, plerique, ut jam HIPPOCRATES animadvertit, (a) sanantur.

* In morbis malignis, & contagiosis sæpe natura ad exteriora propellit heterogeneousum, & venenatum illud principium, quod morbum facit. Hinc circa coccygem, os sacrum

erum, & nates, aut alias partes gangræna etiam gignitur, quæ si morbum non solvit, persæpe saltem minuit. Hoc in primis notavit QUESNÆUS, & cum eo non pauci ex Clinicis. Ego ipse id pluries observavi. Nuper vero in *Constitutione* quadam endemico-epidemica febrium malignarum, quam egregie anno 1781. descripsit, & typis mutinensibus evulgavit Cl. BARALDIUS Medicus Corregensis, id contigit ita crebro, ut ipse ex ejusmodi gangrænæ apparitione prosperum semper eventum conjicere potuerit. Quæ res, etsi aliter cessit in febre epidemica, quæ grassata ann. 1774. & 1775. Cunei est, in ejus tamen doctissima, atque omnibus numeris absoluta historia PETRUS LANTERIUS vir sane exercitissimus; & Medicinæ sanioris peritissimus asseverat, gangrænam, quæ vesicantium applicationi sæpe superveniebat, semper salutarem exstitisse, quasi necrotica morbi vis illuc confluxisset, liberis interioribus partibus relictis.

(a) *Epid. l. 13* GALEN. in *Comm. T. IV. edit. in 12. p. 124.*

Curatio.

§. CCLXXXIII.

Ex his facile prospicitur, neque sanguinis missionem, neque purgationem ab hujusmodi morbo per se postulari; præsertim in corporis habitu laxo, & debili præditis, aut crudo, pravo, facile putrescente victu utentibus, aut nimias evacuationes jam passis, aut mœrore, studiisque confectis, aut aerem impurum, infectumque respirantibus, ut plerique ii esse solent, qui huic febri sunt magis obnoxii. Multo minus sanguinem mitti licet in *epidemica*, *mautica*, *carceraria*, aut *nosocomiali*, aut a *putrido contagio* orta, aut sanguine ad dissolutionem jam pronò. Nihilo tamen minus si *plethora* adsit, si vires vitæ non omnino de-

Quid de sanguinis missione decernendum.

ficiant, si ætas, habitus, anni tempus, si pulsum magnitudo consentiant, aut demum si cum *diathesi inflammatoria sanguinis* complicetur malum, incidi vena poterit; sed id ineunte solum morbo, & parca manu fiat. Nam sæpe altera sanguinis missio, aut iusto amplior prima, vires dejicit, & delirium accersit, aut jam præsens adauget. Eoque minus iteranda est, si sanguis primo eductus livescat, parum crassamenti, postquam refrixerit, relinquat, multum vero serit turbidi, aut fusci emit-
tat, ut plerumque evenit.

§. CCLXXXIV.

*Cucurbitulæ tun-
diores.*

*Hirudi-
nes.
Vesican-
tia.*

Tutius vero detrahatur cucurbitulis scarificatis, hisque multo certius levatur caput, imo & ipsa pectoris oppressio; nec quidquam mali ab earum iteratione consequitur; quod non ita facile de venæ sectione dixeris. Cucurbitulis etiam in morbi augmento, & statu uti possumus, si delirium, aut coma urgeat. Nec carent utilitate hirundines temporibus, aut ano admotæ. Post phlebotomiam, aut aliam quamcumque sanguinis detractionem, si capitis dolor, aut vertigo non remittat, statim pone utramque aurem duo *vesicantia* applicentur, nec ab eorum usu deterreat ipsum morbi initium.

§. CCLXXXV.

*Quid de
purgatio-
ne sentien-
dum.*

Ut virium ratio suspectam sanguinis missionem reddit, sic eadem causa purgationi adversatur. Purgatio enim temere, & inconsulto, licet initio morbi, instituta sæpe languorem summum, animi deliquia, alvi profluvium, aliaque funesta symptomata afferre visa est. Fieri tamen potest, ut
me-

medicamento aliquo, alvum lenienti, inter initia etiam opus sit, quando nimirum saburra in primis viis turgeat, vires adhuc valeant, & nondum liquationis putridæ timor, aut suspicio locum habeat. Sed tunc cautissime & lenissime alvus expianda est, enemate primum, deinde ecoprótico ex Rhabarbaro, aut Manna, aut Tamarindis, prudenti, & circumspecta manu dato. Id vero tum in primis opportune fit, cum febris nervosa cacochyliæ primarum viarum adjuncta est. Quam ob causam *non sine ratione*, inquit GORTERIUS (a), *egregii in arte viri curarunt febrem lentam, seu nervosam dictam leni alvi ductione alterno die.*

(a) Exercit. Med. quinta de Action. Viventium particul. §. XXII. inter Opusc. varia Med. Theoretica.

§. CCLXXXVI.

At alvi ductione præstantior, utiliorque est *emesis*, hæc enim minus in ejusmodi morbo naturam perturbat, quam *catharsis*; quin imo, ubi nausea, pondus, & dolor ventriculi, atque alia cacochyliæ signa adsunt, aut ex contagio, aut putridis halitibus, aut aere miasmata maligno infecto febris orta est, lene *emeticum* statim inter initia reliquis remediis antecellit. Hoc enim citissime non modo pituitosa, viscida, aut biliaris saburra, aut quidvis putridum miasma salivam, gastricosque liquores inficiens educitur, verum etiam totum vasorum Systema ita excutitur, ut quidquid lenti, & viscidi in iis stagnat, aut hæret, e loco dimoveatur, atque in circuitum remeet. Lenissime autem vomitus cietur pulvere, aut diluto radice Ipecacuanhæ, oxymelle scillitico, aut

Emesis præstantior.

tartaro emetico in magna aquæ copia soluto , & partitis vicibus propinato . Quivis vero vomendi conatus adjuvari debet potu aquæ tepentis , aut juris tenuioris affatim hausti , ut facilius vomitus feratur , quousque satis materiæ rejectum videatur . Et si indicia excitandi vomitus perseverent deinceps , aut revertantur , nihilque obstare reperiatur , emeticum iterare etiam licet . Non quælibet tamen vomendi cupiditas , nausea , aut vomitus emeticum pustulant ; nam sæpe a sola nervorum ataxia , & spastica ventriculi affectione , aut ab ejus flegmone , aut vehementiore sanguinis motu , aut a dolore capitis intensiore , similibusque causis originem ducunt hujusmodi symptomata , & tunc reliqua cacochyliam gastricam significantia phænomena omnino absunt . Diligenter igitur disquirere oportet , antequam vomitus cieatur , utrum primæ viæ sordibus revera sca-teant , aut epidemicum miasma , aut contagium intro susceptum salivam , gastricosque humores infecerit .

§. CCLXXXVII.

*Qua ob-
servanda
in usu ve-
scentium.*

Antequam vero vomitus provocetur , magni interest cuncta attente considerare , an quidpiam occurrat , quod vomitionem vetet , quod ex Therapeutice generali sciri potest ; vasorumque plentudo si ea insignior fuerit , sanguinis missione imminuta sit oportet , & vesica pone aures per cantharides excitata , ne vomitu vasa nimis turgida disrumpantur , aut lentum , viscidumque lymphæ gluten altius in interiora cerebri propellatur , nisi depleta illa prius sint , hoc vero aliorum , extrorsumque prolectum . Absoluta sive catharsi , sive emese , prout res postulaverit , si alvus pigra aut clau-

sa perftet , follicitari tutiffime poterit enemate ex lacte, faccharo, & fale fubter injecto, idque tertio quoque die repeti toto morbi decurfu , quotiefcumque per fe non refpondeat .

§. CCLXXXVIII.

Cantharidum extricecus adhibitarum tanta utilitas eft, ut ulcera pone aures per illas excitata (§. CCLXXXIV.) aperta fervari debeant, donec difcuffa penitus febris fit. Itaque ubi ficcari incipiunt, cantharidum pulvere iterum impofito curandum eft, ut recredefcant, & renoveantur. Præterea vel in ipfo morbi exordio, fi caput gravius occupetur, derafo occipiti emplaftum ex iisdem cantharidibus conflatum quod *vesicans*, dicitur, apponi debet; nam hoc remedii genere delirium, quod imminet, aut fuperventurum eft, præcaveri folet. Nec inde ægri valde dolent, ftupore nimium obruti. Ceterum quo magis hujusmodi ulcera inflammantur, & dolent, & pus bonum, & copiofum fundunt, eo profperiorum eventum pollicentur, & contra. In progreflu quoque cantharides locum habent cum brachiis, aut femoribus, tum furis applicitæ, ut velicas excitent, fi nempe vis vitæ nimium langueat, mens torpeat, aut imminens peticularum eruptio anxietatem, difficilem refpirationem, delirium, & pectoris gravitatem; quæ peripneumonix metum incutit, inducat. Sed hæc fymptomata a fpaftica potius fibrarum, nervorumque affectione, quam ab inflammatione, aut fanguinis in pulmonibus congefione pendere folet. Tunc enimvero refpiratio eft quidem denfa, inæqualis, fufpiriofa, & per vices difficilis, non vero calida, nec cum tuffi conjuncta, qualem peripneumonia iniecit. Pulfus item fpafticæ affectionis

*Cautela
in ciendo
vomitu.*

signa præbet; nam parvus, contractus, inæqualis, & celer percipitur. Quo in casu cavendum est a venæ sectione, nisi certiora inflammationis indicia præsto fuerint. Spasticas quoque hujusmodi affectiones confirmant, sanguinisque emissionem rejiciunt urinæ pallidæ, aqueæ, limpidæ, copiosæ, quæ ut plurimum hanc febrim comitantur.

§. CCLXXXIX.

*Cautela
circa vesi-
cantium
usum.*

Cum igitur in hujusmodi febre vis irritabilis, & nervea potissimum torpeat, & vitalis humorum circuitus in primis circa encephalum quodammodo restitet, quid cantharidibus cuti admotis ad illam excitandam, atque ad hunc promovendum erit præstantius? quid accommodatius? Quid ad revellendum, extrorsumque avocandum expeditius? Attamen, ubi sanguis aut dissolutus jam sit, aut ad dissolutionem putridam maxime vergat, quod in primis morbo epidemice grassante, aut a putrido contagio profecto, atque ad statum progrediente evenire potissimum solet, non temere tunc cantharidibus, quæ putridam dissolutionem auferent, uti licet; nisi per antiseptica, atque acida fortiora, quæ dissolutioni huic frænum injiciunt, earum septica, & dissolvens vis contemperetur. Prudentis igitur, & circumspecti medici tantum est validum hujusmodi præsidium opportune, salubriterque adhibere.

§. CCXC.

*Indicatio-
res præci-
pua, &
generalio-
res.*

Ceterum tota curationis ratio eo collineare debet, quemadmodum experientia magnorum virorum (a) docuit, ut vires oppressæ erigantur, & leni

leni stimulo incitentur, humores diluantur, & sanguini recens, saluberque succus affundatur, qui acris, vitiatique locum subeat. Inter cardiaca, atque alexipharmaca aromatico stimulo prædita. quæ huic feбри præsertim *sporadicæ*, & *spontaneæ* conveniunt; quia attenuant, incidunt, & blande excitant, celebrantur radix Contrayervæ, Scordium, Ruta, Angelica, Carduus benedictus, sales volatiles Succini, Cornu Cervi; liquor Cornu Cervi succinatus, Tinctura Croci, Castorei, Succini, Camphora, Theriaca, Diascordium, confectio hyacinthina, pulvis contrayervæ compositus, aliaque his similia. Quædam etiam ex his ataxiæ nervorum, spasticisque affectionibus præclare opitulantur. Camphora id quoque envelopanti præstare creditur, ut si cum Galbano, & Silphio commisceatur, non solum egregie resolvat, verum etiam somnum conciliet, atque adeo vigilias, deliriumque avertat, aut tollat. In horum tamen omnium usu non modo ad temperiem, habitum, ætatem, sexum, regionem, aliasque circumstantes res respiciendum est, sed etiam temperamentum aliquod sit, oportet, ne nimium humores exagitentur, & calefiant, aut præmature sudores cieantur, præsertim in morbi initio, atque augmento. Ex quorum altero calores, & rubores increbrescerent; itemque peticulæ; atque exanthemata miliaria cum anxietatibus, deliriis, pectorisque oppressione consequerentur. Ex altero ob nimiam humorum jacturam, viriumque exsolutionem tremores, tetanum subsultus, horrores, syncope, sudor frigidus; & veteris essent timendi.

*Remedia
illis accommodata.*

(a) Vid. SYVIETENS in BOERHAAV. §. 950.

§. CCXCI.

*Simpli-
sima me-
dendi ra-
tio hic us-
tilior.*

Simplicior autem medendi methodus, si unquam alibi, hic certe summopere commendanda est. Quo enim minus naturæ opus arte perturbatur, quo blandioribus, tutioribusque remediis oppugnetur malum, eo felicius, faustiusque ægri ad pristinam salutem restituuntur. Solo sero Lactis per vinum Canariense parato in potum ordinarium utuntur quidam Clinicorum non incelebres. Alii sero lactis purificato addunt aliquid vini Rhenani, aut Austriaci albi, aut alterius cujusque aciduli, atque aulteriusculi. Aliis placent diluta foliorum salviæ, scordii, florum sambuci, similiumque plantarum temperationum; decocta aliis radicis Scorzonæræ, aut Eryngii, aut Cornu Cervi, vel ptisana ex hordeo, cichoreo, gramine. Quibus aliquid adjiciant vel vini, vel aceti, & calide potanda jubent. Dum his impletur corpus, blandus plerumque sudor subsequitur, per quem resurgunt vires vitales, & subigitur, expelliturque de corpore noxium illud sive sponte natum, sive per contagium receptum, sive epidemice vagans, atque absorptum, sive ab aere vaporibus venenatis infecto suppeditatum miasma, quod omne hoc malum fecit.

§. CCXCII.

*Circa po-
tum mo-
rita.*

De his (§. CXCI.) igitur crebro, & liberaliter potandum est, sed non tantum tamen, & non ita abunde, quantum in febribus vehementioribus, ardentibusque, aut in petiulis ipsis, in quibus interdum febris in primis inter initia magis exardet, & pulvis validior, & durior esse consuevit, nisi cum

cum diathesi inflammatoria morbus complicari videatur, aut cum aliis affectionibus, quæ liberaliorem potum, atque aquosiorē exigunt. Raro aqua pura sufficit, quæ, nisi saccharo, aut succo aliquo saponaceo vegetabili acuatur, vix intime cum sanguine commisceri potest. Nec frigida, licet a multis plurimum laudetur, in hac febre danda est. Testatur enim HUXHAMIUS, frigidam bibentes, eam reddere per urinæ vias limpidissimam, nullo modo mutatam, magno cum ipsorum detrimento. Sed hic quoque inspicere oportet & regionem, & anni tempus, & temperamentum, & consuetudinem, & reliqua, per quæ interdum frigida calidæ anteferenda sit. Frigida in primis, ubi nullæ dissoluti sanguinis notæ cernuntur, fortasse minus convenit ut in *sporadica* plerumque, & spontanea; contra in *epidemica*, & *contagiosa*, ubi dissolutio pene universi sanguinis plerumque occurrit, non parum utilitatis potest afferre. Jus quoque pulli tenue, aut viperinum, tam uti remedium, quam uti alimentum restaurans subinde nonnulli propinant, præsertim remittente morbo, & viribus fatiscentibus; quo nomine etiam Gelatinæ cornu Cervi, decocta, aut juscula panis, vulgo panatellæ, addito vini tantillo, aut succo mali medici, aut aurei, aut citrei commendantur; quibus alendi sæpe quidem, sed paullatim, sunt ægrotantes.

§. CCXCIII.

Singularem porro considerationem varia symptomata requirunt. In primis in hac febre, ut supra narravimus, evacuationes cujuscunque generis facile excessu peccant; quas tamen comprimere res plena discriminis est, quia pessimæ inde sequuntur morbifici humoris ad interiora metastases. Si igitur

*De symptomati-
bus curen-
dis.*

tur moderatæ fuerint, fini; si immodicæ, compesci quidem debent, non vero penitus cohiberi. Sæpe enim sudori repente suppresso protinus succedunt horrores convulsivi, pectoris oppressio, tædium, mœror, syncope, aliaque id genus gravissima symptomata. Sic, fluxu alvi per adstringentia cohibito, nauseam; stomachi dolorem, colicos cruciatus, & deliria supervenire certissimum est. Imo ipsa inusta per cantharides ulcera justo citius arescere, non vacat periculo. Quare nova subinde induci expedit, ne naturæ hoc utile evacuationis genus deficiat. Non enim cantharides stimuli tantum causa profunt, sed etiam resolutione, atque excretionē pravi humoris, quam totis viribus tentandam docent pustulæ; quæ sponte in vigore, & statu morbi erumpunt, atque ulcerantur; & quod ducere oporteat, patefaciunt. Quas ob causas vitetur aeris frigidi subitus appulsus, lintea, aut indusia frigida, potiones gelidæ, atque omnia quæ actu, aut potentia, ut loquuntur, nimis refrigerant, aut reprimunt:

§. CCXCIV.

*Sudoris
ratio qua
habenda.*

Itaque sudores modum excedentes, non levantes, vires prosterntes, quoniam liquationem ostendunt, prudenter compesci possunt. Nihil ad id præstantius est vino rubro aut meraco, aut aqua diluto; quo & sudores reprimuntur, & vires instaurantur, & pustularum eruptio, si ea præsens sit, promovetur. Ad hoc etiam valet Tinctura chinæ chinæ, interposita subinde Rhabarbari refracta dosi ad saburram a primis viis identidem educendam. Sic non modo sistuntur sudores, sed etiam

interdum fit, ut febris ipsa, quæ sub morbi finem remittens solet evadere, distinctiores habeat accessiones, cortice deinde peruviano validius dato extirpandas. Peculiari quadam Tinctura *, cum Elixiri Vitrioli guttis aliquot juxta Pharmacopœam Londinensem eundem in finem utebatur HUXHAMIUS. Diarrhœam refrænât Theriaca Andromachi, aut Diascordium Fracastorii, aut clysmata demulcentia. PROSPER ALPINUS testatum facit, fluxus alvi *colliquativos*, qui febribus malignis ægyptiorum superveniunt, tutissime compesci fructibus Berberum, atque his se ipsum curatum fuisse.

* Tinctura Huxhamii.

℞. Cortic. Peruvian. optim. pulv. unc. ij. Flaved. aurant. unc. ij. & sem. Rad. serpent. virgin. drach. iij. Croci anglic. scrup. iv. Coccinell. scrup. ij. Spirit. vini un. xx. f. s. a. Infusio per tres dies, aut quatuor, deinde liquor coletur. Dos. a drachm. j. ad unc. sem. quavis quarta, sexta, aut octava hora cum decem, aut viginti guttis Elixiri Vitrioli ex vino diluto, aut aqua idonea.

§. CCXCV.

At tanta est interdum sanguinis dissolutio in hac febre, præsertim epidemica, aut a contagio orta, aut nautica, & carceraria, ut non solum nimis quibuscunque evacuationibus causam præbeat, verum etiam hæmorrhagias, nigras dejectiones, gangrænas, vibices, atraque peticulas corruptionis fœtidæ indices pariat. Tunc uno ore omnes clamitant ad acidis spiritus, & præcipue vitriolicos, utpote sanguinis dissolutionem, *alkalescentiamque* coercentes esse quantocius properandum, voluntque largiori manu potui admiscendos. Jure id quidem. Cum vero acidis spiritus

Nimis sanguinis dissolutio ni quid opponendum.

insit

infit facultas irritabilitatem cordis ; atque arteriarum , quæ in hujusmodi malo propemodum extinguitur , destruendi ; non temere ; & sine consilio audienda eorum vox est * . Invertendum quidem principium putridum , aut alkalinum ; cogen-
daque acidis sanguinis nimia tenuitas est , verum simul languenti irritabilitati prospiciendum ; quod præstabitur si acidis adjiciantur alexipharmaca , aut antiseptica leni stimulo aromatico prædita , ut fecit HUXHAMIUS in Tinctura modo laudata ; aut factum videmus in *Elixirio vitriolico* , in quo Tinctura aromatica vitrioli oleo adjuncta utramque indicationem adimplet .

* *Largiorem acidorum e fessilibus usum ; quem non nulli effuse laudant , dehortatur , & dilutissima tantummodo , & maxima cum circumspectione usurpanda jubet .* BARTOLOMÆUS CAMILLUS DE BOISSIEU . Mémoire sur les méthodes rafraichissantes , & echauffantes p. 56.

§. CCXCVI.

*Aphthæ
quæ mede-
ta.*

Ubi aphthæ totum os , imasque fauces tenent , quod circa morbi statum , aut paullo post plerumque evenit , aut ad œsophagum , ventriculum , atque intestina porriguntur , unde deglutiendi difficultas , singultus , diarrhœa ; & dysenteria sæpe permanent ; tunc creberrime gargarizandum est ex aquis , quæ & molliunt , & detergunt & vi antiseptica pollent . In his aliquid spiritus salis tam acidi , quam dulcis instillari utilissime solet , & tunc præcipue , ubi gangrænosæ , & nigræ apparent . Dandum quoque , si alvus cita cum torminibus fatiget , modicum Rhabarbari , pulvere absorbenti , atque aromatico temperati . Interdum aphthæ acerbissime dolent , somnumque omnem , aut quietem

tem avertunt . Si sedando dolori impar fuerit lac ore detentum , aut spiritus vitrioli ex melle rosaceo illitus , aut alia hujusmodi ; mihi quandoque felicissime cessit eas oblinire penicillo , quod in *saturni Balsamo* sic dicto fuerat intinctum . Quando gargarizatione utimur , post quamlibet gargarizationem indatur ori paullulum mucilaginis seminum psyllii , & cotoneorum , syrupo mororum , aut rubi idæi admixto , lenteque deglutiatur . Sic enim demulcentur , leniunturque ulcera , & citius sanescunt . Detergis etiam , purificatisque ulcusculis summopere prodest liquor Myrrhæ per deliquium , aut ejus tinctura illinita .

§. CCXCVII.

Interdum magna pituitæ vis in faucibus congeritur citam minitans suffocationem . Quod ubi incidit , lene emeticum remedio est . Mirum enim est , quam in quovis morbi stadio prosit hujusmodi auxilium . SYDENHAMIVS eo ægros singulis momentis suffocationis periculo anxios , stupore obrutos , & spiritu fere ob fauces muco , aut viscida saliva infarctas præclusos quandoque feliciter liberavit (*a*) . Non raro ægrotantes crebris lipothymiis , & languore ventriculi afficiuntur , & difficillime ad bibendum , etsi sitiant , impelli possunt , quasi hydrophobia laborarent . Sæpe id a cacochylia ventriculi obruente proficiscitur . Tunc dato cardio , multum confert una , vel altera post hora vomitum ciere , & sic viscidam saburrâ e ventriculo horum Symptomatum causam (*b*) ejicere .

In suffocationis motu quid agendum.

Hydrophobia spuria quæ curetur.

(*a*) Variol. regul. an. 1667. 68. 69. Oper. p. 178.

(*b*) CAROLUS BARBEIRAC. Medicamentor. constitut. pag. 47.

§. CCXCVIII.

§. CCXCVIII.

*Peticulæ,
& Miliaria.*

Sæpe, etsi non semper, ut jam dictum est, peticulæ, aut pustulæ miliares in augmento, aut statu morbi huic feбри superveniunt. Quocumque modo eruperint, sive criticæ, sive non criticæ, id est salutare, vel non salutare, semper corrupti, & putrescentis, depravatique humoris aliquid extrorsum ferunt; eo tantum casu excepto, in quo regimen calefaciens, & remedia nimium sudorifera eas effecerint. Quando igitur naturæ, non artis effecta sunt, cavendum præsertim ab ære frigido est, & lenia porrigenda Cardiacæ, ut naturæ motus, & molimen lenissime sustineatur. Si enim aut frigore extrinsecus applicito, aut deficiente cordis vi intro repellantur, lethales sæpe metastases impendent. Ubi maculæ appareant nigre, fuscæ, lividæ, quæ gangrænulas referunt, putridamque sanguinis dissolutionem ostendunt, unde quandoque saniosæ, & sanguineæ etiam dejectiones contingunt, aut cruor e vena missus diffluat, & difficillime concreascit; tunc acidis, austerisque alexipharmacis opus est. Talia sunt *Elisirium Vitrioli*, *Spiritus Sulphuris*, *Tinctura rosarum vitriolata*, *succus uvarum immaturarum*, *Cortex peruvianus*, *Radix serpentariæ Virginianæ*, *vinum rubrum cinnamomo*, aut *maci incoctum*, aliæque hujusmodi.

§. CCXCIX.

*Exanthemata in-
ropulsa
quid exi-
ant.*

Quod si casu, aut frigore, aut incauta indulsio-
rum mutatione, aut animi pathemate maculæ pe-
ticulares, aut pustulæ miliares intro vertantur, at-
que ex eo caput, pectus, aut stomachus impeta-
tur.

tur, delirium, convulsivi motus, spiritus difficultas, anxietas, singultus, cordis palpitatio, pulsus intermissio, aliaque teterrima symptomata sæpe oboriuntur. Procius tum in balneum calidum pedes demitti, aut crura pannis laneis ex aqua calenti expressis involvi, & foveri, aut totum corpus fricari, aut cucurbitulis siccis cutim laxari, plurimum confert, ut iterum ad exteriora morbidus humor revocetur. Eo respiciunt etiam cantharicum brachiis, aut suris applicatio, atque epispastica plantis pedum admota. Intrinsecus vero diluta herbarum leniter diaphoreticarum, si calide forbillentur stragulis corpore aliquanto gravioribus contacto, non parum diaphoresim, atque adeo exanthematum ad cutim propulsionem promovent. Hoc nomine in primis excellere dicuntur spiritus C. C., aut ejus liquor succinatus, serpentaria Virginiana, Camphora, & Moschus; quorum postrema nerveam etiam sensibilitatem, & spasticas affectiones sedando mira præstant. Sed Camphoram, ubi pulsus languidus, sed mollis & æqualis est; Moschum vero, ubi aliquantum durus, & tensus, docet Cl. QUARINIUS (a) magis convenire, quia hic nervis amicior est, & minori stimulo in cor, quam camphora, aut minus permanenti agere reputatur. Si vero exanthematum recessio febrem accenderit vehementiorem, cum pulsu valido, magno, & duro, facie rubra, aliisque notis phlogisticis, & diathesis inflammatoria quæ aut antecessit, aut in constitutione prævalere videtur, reviviscat, ceteris omnibus præstabit parca, & cita sanguinis missio.

(a) Meth. med. Febr. cap. IV. p. 55.

§. CCC.

*Vigilia
quomodo
occurrerem-
dum.*

Interdum ægri, etiam sine exanthematum ullo retrocessu, anxii fiunt, exagitantur, agrypnia, aut comate vigili tentantur. Tunc non nulli continuo ad narcotica confugiunt. Sed prudentius se gerunt, qui in morbo, in quo cerebrum insigniter afficitur, & nervea vis aut languet, aut maxime ad languendum propendit, mitiora prius experiuntur, & quæ anodyna vocantur, quam opium habentia. Tutissima autem videntur liquor anodynus *mineralis*, camphora, moschus, emulsa ex seminibus frigidis, syrupus papaveris albi; &, si quando ad valentiora transire necessitas cohat, ea seligantur, quæ opium quodammodo cicuratum continent, & leniter stimulantibus adjunctum, qualia sunt Theriaca, Diascordium Fracastorii, atque his similia.

§. CCCI.

*Quando
cum ver-
mibus
complica-
tur, quid
requirat.*

Vermibus, qui frequentissime hujusce febris, præsertim cum epidemice sævit, aut cum cacochylia primarum viarum jungitur, comites, ut supra notavimus, esse possunt, prospiciendum quoque est. Hi autem, ubi in ventriculo, aut intestinis latent, symptomata omnia, uti nauseam, li-
pothymias, vomitum, soporem, tremores, singultum, graviora, & pertinaciora reddunt, sed præterea crebras ac repentinas vicissitudines, quæ Medicum terreant, fugaces genarum rubores, somni perturbationes, narium pruritus, tormina, colicas, alvi fluxum, palpebrarum inter dormiendum diductionem, album oculi detectum relinquentes inferunt. Frequentissimum vero mihi visum est ver-
mium

mium argumentum, fames insolita, qua ægri ad edendum incitantur, & subitus pavor, quo dormientes repente evigilant. Quando igitur præter hæc signa vermium etiam dejectio eorum præsentiam patefacit; quoties eccoprotica, clysteres, acida fossilia, quæ vermibus insensissima esse solent, non suffecerint; toties anthelminthicis reliquis locus dandus est, in quibus semen fantonici experientia certissima comprobatum, & radix Valerianæ sylvestris palmam merentur.

§. CCCII.

De aurium abscessu, & parotidibus supra (§. CCLXXVI.) meminimus. Aures enim non raro in hisce febribus dolore intus corripuntur, suppurantur, atque abscedunt, ut ex iis magna puris vis effundatur. Quando id incidit, si morbus remittat, caput levetur, coma discutiatur, mens resipiscat, & reliqua symptomata mitigentur; expeditissimum est judicare, morbificam materiam extrorsum ferri, interioresque capitis partes liberari. Contra vero, si aurium dolor, morbo invalescente, accesserit, nec cessent gravia symptomata, imo sopor, delirium, stupor, nervorumque distentiones ingravescant, timeri tum post, a cerebro, interioribusque partibus ad exteriores usque mali, inflammationis, suppurationisque propagatio. Quorum alterum ut plerumque salutare est, sic alterum perniciosum. In priore casu expedit dolorem lenire lacte recenti tepido sæpius injecto, & molliissimis cataplasmatis desuper impositis; deinde pus aqua hordei simplici, aut leviter mellita eluere, atque abstergere, quousque auris sanescat. Raro aliis remediis opus est, quorum tamen plenior commemoratio habebitur, ubi de otalgia, auriumque

Aurium abscessus; & Parotides quomodo tractari debeant.

vitiis differetur. In posteriore vero resolutio procuranda, quoad fieri potest, interiorum partium suppuratio avertenda est iis, quibus *cephalitidi*, aut *phrenitidi* occurrendum alibi præcepimus.

§. CCCIII.

Parotidum duplex genus.

Sed frequentius in hac febre aliisque malignis, præsertim epidemicis abscessibus fiunt circa aures, tumoresque, qui pone eas, aut subter attolluntur, a parotide glandula de genere conglomeratarum nomen accipiunt, quod supra (§. CCLXXVI.) jam indicatum est. Neminem latere arbitror, parotidum duplex genus esse, primum alterum, alterum secundarium: hocque posterius hic loci intelligendum esse. Parotis igitur secundaria, de qua hic loquimur, febribus supervenit vel per *diabolehen* ut vocant, sive materiæ morbificæ a nobiliori ad ignobiliorem partem translationem, vel per *epigenesim*, sive propagationem morbi, aut novi symptomatis accessionem. Magni autem interest, primone, an secundo modo oriatur, Multipliciter ratio parotis intumescit, ut habemus ex Pathologia. Generatim tamen tumet vel ob majorem humoris influxum, vel ejusdem lentorem, & densitatem, vel vasorum & totius compagis laxitatem, vel nervorum irritationem, vel humoris excernendi impedimentum, & ductuum excretorium obstructionem, aut spasimum. Nervorum autem irritatio frequentissima causa est, quod multis in locis videtur innuere Hippocrates (a); nam nervea vis ut naturalibus secretionibus perficiendis plurimum confert, sic alterata labefactandis, vitiandisque causam præbet. Idcirco convulsorio modo cum HIPPOCRATIS pleraque fieri contendit PUTATUS (b).

(a)

(a) Vid. PUJAT. de Morb. Naronian. sect. 2. c. 12.

(b) Ibid.

§. CCCIV.

Hinc varius est parotidum exitus, nec ex Hippocraticis locis, aut aliorum scriptis quidquam certi hac super re statui potest. Ex his enim apparet, suppurationem, quam magni faciunt, & plerique exoptant, neque ad morbi judicationem necessariam esse, neque certo judicationem afferre. Nam sæpe resolutis parotidibus ægri convalescunt, & suppuratis pereunt. Communior opinio est, exortam parotidem, si febrem & dolores mitiget, salutarem fore, contra noxiam. Sed quandoque febris, quæ antea remiserat, paullopost vehementius exardescit, periculumque, quod abiisse videbatur, revertitur. *In univrsam*, inquit DURETUS (a) *parotis sperabilem vitæ salutem non facit, quod sit abscessus ὑπὲρ πόρον, neque ἀντὶ πόρον*, id est *affluxus dimidiati, nec morbo parisi*. Cl. vero PUJATUS generatim parotides periculosas esse (b) prædicat, quod in eas tumentes lymphæ ingredi non potens ad cerebrum cum sanguine feratur, ferroque colluvie obruat, tumore deinde sic jugulares venas & fauces comprimat, ut sanguinis refluxus e capite præpediatur, spirandique, aut deglutiendi facultas cum summo vitæ discrimine fatiscat.

Varius
parotidum
exitus.

(a) In Coac. Hipp. n. 110.

(b) L. c.

§. CCCV.

Ego vero, si libere quid sentio dicere liceat, *Quæ salutares, quæ noxie* putaverim in univrsam parotides, quæ per *diabolen* fiunt, salutiferas esse, quæ vero per *epigenesim* *tesim*.

H 3

tesim, & *convulsorio* modo superveniunt, aut Sympathicæ sunt (§. CCCIII.), plerumque noxias & lethales. Experientia etiam compertum sæpe est, parotides, quæ cito, id est *intra duodecim vel viginti* horarum spatium *valde* *increscunt*, & *molles* sunt *instar* *tumoris flatulenti* sive cum, sive absque inflammatione, aut vehementem dolorem inferunt, perniciosas semper extitisse; contra eas, quæ statim ab initio duræ, atque instar tendinis ridiæ, ac oblongæ erumpunt, & paullatim augentur, & *tolerabili dolore* stipantur, salutem asserre consuevisse, præcipue si accrescendo duritiem illam aliquamdiu servaverint. At, si duræ istæ parotides *circuitum quemdam diversi coloris instar irridis* habeant, aut rubicundæ, lividæ aut nigræ fiant, malum indicium præbent; veneno enim gangrænam non modo tumoris, verum etiam vicinarum partium induci signum est (a). Atque hinc non erit arduum cognoscere, quando parotides ad suppurationem perducì debeant, quando eæ discuti, resolvi que sine vitæ periculo possint. Sine periculo quoque sponte evanescent, ut ex Hippocratis observationibus constat, per alvos citatas, id est diarrhœam, & dysenteriam, per urinas cum sedimento crasso, per tussim cum suppuratione copiosa, & demum, ut non nullorum experientia ostendit, per transpirationem etiam insensibilem.

Quando
evanes-
cant sine
periculo.

(a) Ex Diemerbroekio BÖNER. Polyalth. T. I. l. I. art. 9. pag. 436. §. 30. 31. 32. item PARÆUS l. 21. cap. 30.

§. CCCVI.

Quam primum se attollit parotis, disquirendum est, critica ne sit, an Symptomatica? num caput & febrim levet, an morbum novo malo gravio-
 rem faciat; Si primum, curandum est, ut malignus, noxiusque humor, qui in eam confluit, universus ibi accumuletur, coctione mature scat, & facto puri exitus cito paretur. Si alterum, utilius est, leniter resolutionem tumoris moliri, debitifque evacuationibus naturam a sarcina sublevare. Itaque simul ac tumor se prodit, duo in primis expetenda sunt, videlicet ne acerbius doleat, deinde, ut lente increseat. Quare ei admovendum est fomentum aut cataplasma, quod molliat, & dolori leniendo vi anodyna par sit, cautione adhibita, ne pondere noceat, aut pinguitudine aut glutine cutis meatus occludat. Passim anteferri solent radices Altheæ, & Liliorum alborum; quas tamen non nulli ob mucedinem, qua scatent, quaque cutis spiracula obstruere creduntur, rejiciendas existimant. Opportuniora cataplasmata, aut fomenta reputantur, ex floribus Violarum, Verbasci, Papaveris rheados, Meliloti, Sambuci, Malvæ, seminibus Lini, Papaveris albi, farina hordei, mica panis, atque aliis, quibus vis anodyna, & consopiens insit, parata. His Crocum, & Chamomillæ flores adjici interdum possunt, si resolvendi simul indicatio concurrat.

*Curatio
 que in
 utrisque
 instituen-
 da est.*

§. CCCVII.

His & dolor avertitur, & nimius humorum concursus, quo tumor cito nimis, & vehementer

Quomodo
& quando
aperienda.

Apertis
quam
admo-
ven-
da.

augescat, præcavetur. Quod si suppuratio lente procedat, promoveri ea etiam potest blando aliquo medicamento. Ceteris præstare creditur a Cl. PUJATO Emplastrum Diachylon magnum. Facto pure, tumor maturius scalpello aperiendus est *. Aperiri etiam tumor crudus debet, si mole fauces coarctet, sanguinem e capite refluere impediat, suffocationem minetur, aut pestiferus humor eum gignat. Quo in casu igne potius, quam ferro aperiendum jubent complures. Sed tutius ferro id præstatur, citiusque effluente humore, quem vulnus allicit, parotis detumescit. Parato per incisionem puri exitu, quod superest crudi humoris concoquendum, digerendumque est, imposito vulneri unguento *digestivo*, & desuper adhibito aut emplastro Diachylo magno, aut cataplasmate emolliente ex iis, quæ modo memoravimus. Si valentius digerere oporteat, quod humor lentus, viscidus, frigidiorque sit, Digestivo aliquid Mercurii dulcis adjicere plurimum confert. At, ubi puris loco ichor acer, & saniosus effluit, vulnervis labia pallent, aut livent, putridusque nidor exhalans corruptionem, aut gangrænam prope esse significat, tum pulveris camphoræ aliquid indere necesse est, aut toti tumori camphoram cum gummi arabico subactam super dare, aut alia hujusmodi antiseptica, donec tumore penitus in pus converso repurgatoque abscessus cavo, vulnus coeat.

* Mira sane est observatio ECRELI, qua ostenditur, non semper tuto parotides, etsi perfecte suppuratas aperiri. Narrat enim milites Gallos ante aliquot annos in Bohemia ob ingens frigus, immodicosque labores incidisse in febrem putridissimam, cui superveniebant abscessus pone aures, sub axillis, aliisque in partibus cum manifesta symptomatum omnium imminutione. Hos ab initio Medici ad plenam maturitatem perductos, ut criticos, aperiiebant. At postea in

de-

debilitatem prolabeantur agroti, & paulatim symptomatibus recrudescantibus plerique moriebantur intra octiduum. Ex his non nulli, postquam in hujusmodi tumoribus fluctuans humor cerro perceptus fuerat, materiam alvo, aut expuitione, aut naribus excreverunt, atque omnes fere hi servati sunt. Hinc a natura edocti medici, omissa abscessuum incisione, neque suppurationem externis remediis, neque resolutionem evacuantibus amplius moliti sunt. Verum quando abscessus ex toto maturuerant, dabant agris purgans medicamentum ex manna, rhabarbaro, aut sale Epso-mensi. Post tertiam plerumque medicamenti dosim, alvi excrementa generatim purulenta prodibant; agri recreabantur; & abscessus minuebantur, & tandem evanescebant. Victu utebantur tenui, sine sale, & aromatibus, & potu blando, demulcente. Vid. *Com. societ. med. & philos. Edimb. T. 1. P. 4. sect. 1. n. 111.* Si hæc vere dicuntur, ita rara tamen videtur, ut legem non sanciant. An aditu aëri aperto corruptio & gangrena movebatur? In aerem pestilentem, qui tunc forte aderat, causam rejicit Cl. VACCA BERLINGHERIUS (*Dell' Idropis. Sacat. p. 121.*) An datis intrinsecus antiseptis, extrinsecusque adhibitis præcaveri potuit? An vere pus per nares, per os, per alvum educitum, aut potius resoluta, ut par erat, parotis, aliaque evacuatione natura levata? Nihil profecto certo de his ausim decernere.

§. CCCVIII.

Si vero anodyna, atque emollientia (§. CCCV.) nihil proficiant, tumorque nimis increseat, & vehementer doleat, & multo magis, si etiam rubeat, sanguis illico mittatur. Nec plethoræ signa hic requiruntur ad sanguinis missionem, quemadmodum GALENO (a) necessaria visa sunt, sed sufficit partis affectæ magna tensio, irritatio, & spasmus. Neque sanguinis missionem prohibent pulsuum par-

Quando
reservan-
da.

parvitas, aut imbecillitas; nam sæpe post paucas sanguinis uncias emissas pulsus attollitur, elevatur, & validius micat. Vires quippe oppressæ tunc potius, quam exsolutæ, & deficientes videntur. Id ipsum auxilii genus cito adhibendum est, quando parotis symptomatica est, aut per epigenesim oritur, aut a spasmodicis imi præsertim ventris est. RIVERIUS in epidemica constitutione febris illius, quæ Monspeli anno 1623. sævissimam stragem edidit (b) adeo feliciter sanguinis missione erumpentes parotides, quæ, antequam hoc remedio uteretur, omnes ægros occidebant, repressit, ut nemo ex iis, quibus vena etiam cum pulsu languidissimo secta est, obierit. TRAVERSARIUS quoque apud LANCISIUM (c) testatur, felicissime in febribus ann. 1711. grassantibus ad hosce infidos tumores sanguinem detractum fuisse. Cl. item PUJATUS (d) idem a se factum affirmat; imò is non tantum initio erumpentis parotidis, verum etiam in ejus augmento, & progressu sanguinem mitti posse prolatis periclitationibus ostendit. Nec aliter parotidibus erumpentibus obviam ibat clarissimus, atque expertissimus olim apud Bononenses Medicus, & Clinices Professor publicus JOSEPH AZZOGUIDIUS, qui simul ac apparebant, sanguinis missionem imperabat, nec quidquam inde detrimenti unquam vidi *.

(a) De composit. pharm. secund. loc. l. 3. c. 2.

(b) Prax. med. lib. XVII. cap. 1. p. 354.

(c) De nox. palud. effluviis l. 2. epid. 4.

(d) De Morb. Naron. sect. 2. cap. XII. pag. 198. & seq.

* Sæpe in aliorum medicorum agris parotides abortas offendi, rarissime in iis, quibus ego medicinam feci; cum tamen triginta annorum spatio quamplurimis fecerim. Hinc

eo adducor, ut suspicer, parotides symptomaticas, & perniciosas, quibus sanguinis missionem profuisse legimus, ex eo natas fuisse quod vel sanguinis missio perperam omissa sit inter initia, vel non satis sanguinis detractum ad eas avertendas. Sape enim parotides ista sanguineae, ut TRALLIANO vocantur, sunt, & a phlogistica sanguinis diathesi, cum qua crebro maligna febres quibusdam in constitutionibus complicantur, originem ducunt. Suspicioni meae favet sanguinis missi consideratio. Is enim, ut RIVERIUS ipse testatum facit, esse solet corruptus, & putridus, id est, ut cum nostris loquar, inflammatorius, pleuriticus, albo, & duro corio contextus.

§. CCCIX.

Quantum vero sanguinis detrahi debeat, id prudentis, peritique medici est. In magna virium oppressione, aut imbecillitate tres, vel quatuor unciae e venis brachii mitti possunt. Si his arteriarum motus reviviscat, iterari aliquot post horis sanguinis missionem licet ad eam quantitatem, quæ opportunior videatur. Si quis tamen, cunctis rite pensitatis, non audeat venam secare, hirurgines tumori circum admoveat, sicque dolorem leniat, suffocationisque periculum arceat. A sanguinis missione detumescit parotis, dolor imminuitur, caput relevatur, spiritus liberior, sed non semper tumoris resolutio consequitur. Suppuratio enim, sed mitior, & melioris notæ ejus locum tenet, quod minime malum est. Quando vero nulla suppurationis futuræ signa se produnt, aut parotis symptomatica est, ut eam resolvere utilis videatur; post sanguinis missionem leniter, & sensim tam internis, quam externis remediis resolutio tentanda est, quo spectat etiam omne revulsionum genus. RIVERIUS postero a venæ sectione die catharticum

Sanguinis
mittendi
quantitas;

Resolutio
quibus
procuranda.

cum medicamentum propinabat. Sic enim optimo effectu non modo revellebat a superioribus partibus, sed etiam morbificæ causæ portionem e corpore ejiciebat. Aperientibus quoque, & diureticis urinas ciere proficuum est; itemque iis uti, quæ salivam movent, expuitionemque proliciunt, & leniter gargarizare, ut glandulæ omnes in os hiantes uberiores humorem eruant. Extrinsecus emplastrum ex cicuta, aut unguentum arthanitæ, aut sapo lacti incoctus, aliaque resolventia mitiora locum habent. Perspiratione etiam sola interdum parotides resolvuntur; & quamquam per *diadochen* ortæ sunt, si tamen lente, & paullatim evanescant, earum resolutio tum innoxia omninoprehenditur. Contra si repente, & subito delitescant, periculum summum vitæ imminet, nisi maligna materies per auctam aliquam excretionem emandetur. Tum ubi id timeri potest, attrahentibus, & cucurbitulis impositis revocandus tumor, aut exulcerandus illico locus est, & Cantharides, ut vesicam excitent, variis locis admoventur solent, aliaque revellentia utiliter adhiberi.

Si subito
retroce-
dat, re-
vocanda.

§. CCCX.

In fine
morbi an
liceat pur-
gare?

In hac febrè suspecta esse alvum ducentia supra monuimus (§. CCLXXXV.) utpote quæ diarrhœas *colliquativas*, vix sistendas facile accersunt. Morbo tamen ad finem vergente licet intestinorum sordes blando eccoprotico medicamento, uti Rhabarbaro, Cremore Tartari, Myrobalanis, aliove simili subinde exturbare, interpositis pro re nata cardiacis, & paregoricis ut nimia alvi solutio præcaveatur. Sic enim non solum primæ viæ a recrementis morbidiæ materiæ ibi depositis expurgantur,

ve-

verum etiam efficitur, ut sæpe febris ab initio continens demum fiat remittens, aut intermittens periodica, quæ cortice peruviano penitus extingui possit.

§. CCCXI.

Quod ad victus rationem pertinet, hæc ea esse debet, quæ ceteris acutis morbis convenit, sed simul reficiens vires, & restaurans. Hæc sola rite adhibita, & temporis spatium sæpe magnam curationis partem implent. Plerumque pauperiores patientia, & sola victus exquisita ratione contenti, ipretis quibuscumque Medicorum pharmacis, felicius evadunt. Ad virium in primis defectum, quem malignior morbi fomes, aut nimia aliqua evacuatio affert, sedulo respicere oportet. Uten- dum igitur liquido, tenui, sed restaurante alimen- to, quod etsi respuat æger, sæpius tamen id vel renitenti quasi per vim ingeri debet. Nullibi enim magis nocet abstinentia, aut tenuissima diæta, quam in hac febre. BUCHANUS præ ceteris ad hunc finem quam maxime extollit vinum Burdigalense (vulgo *di Bordeaux*), narratque, ægros quasi pul- sibus carentes, continuo delirio affectos cum ex- tremitatibus frigidis, aliisque proximæ mortis in- diciis, data quotidie istius vini vitrea lagena, quam vocant *Bottiglia*, cum sero lactis, aut cremore hor- dei, aut avenæ servatos fuisse non paucos (a). Interim quies cum animi, tum corporis, & per- fecta tranquillitas imperanda. Cubiculi calor sit temperatus, novoque subinde aere admissio vetus halitibus, vaporibusque infectus emendetur. Calo- re enim, acrioribusque alexipharmacis, quibus non- nulli promovent, foventque sudorem, resolvitur æger,

*Victus
ratio.*

*Usus vini
utilis.*

*Calor mo-
deratus.*

*Aeris re-
novatio.*

æger, non reficitur: Tanta autem vis aeris purioris; recentisque est, ut febris nautica, carcæria, & nosocomialis; ægris e navibus, carceribus, nosocomiisve in salubrem locum transductis, mox sæpe mitescat, & facilius citiusque curetur.

(a) Médecin. Domestiq. T. 1. capit. 8. p. 167.

§. CCCXII.

Qua species referri soléant.

Plures, quam opus est; a SAUVAGESIO species hujusce febris; sive *Typhi*; ut ipse vocat, propositas video: Species enim tertia, quæ *Typhus comatosus* ab eo nominatur, sive *Febris maligna cum sopore* RIVERRII observ. ab Anonymo communicat obs. 4. ad differentiam spectat *febris lentæ nervosæ ex contagio* (§. CCLXXIX.), in qua calor idem semper fuit ab initio ad finem; & sexagesima decimum die solutio contigit per sputa multa; & viscida. Species 2. ejusdem, sive *Typhus nervosus*; species 1., sive *Typhus carcerum*; spec. g. sive *miliaris nautica*; spec. h., sive *miliaris purpura*; spec. j., sive *Typhus castrensis*; spec. k., sive *typhus ægyptiacus* a CULLENIO (a) *Synonyma* potius, quam *varietates* habentur. De *Typho hysterico verminoso* SAUVAGESII spec. 7., de *Typho exhaustorum* spec. 8., & de *Typho a Manipuera* spec. 9. idem CULLENIIUS dubitare videtur, cum de iis non satis sibi liquere moneat. At timeo, ne ipsemet CULLENIIUS ad Typhos multa febrium genera, quæ a *Typho* maxime distant, ibi retulerit, sicque in idem vitium inciderit. Exemplo sit *Febris pestilens hectica* FORRESTI l. VI. obs. 32., quæ nequaquam *Typhi* species est, cum, ni valde fallor, manifestissime descriptionem ejus legenti pateat, *Febrem gastricam malignam* eam fuisse, a qua continuas continens,

Cullenii error notatur.

foporque, quæ *Typhi* propria sunt, omnino aberant. Reliquarum febrium, perperam pro Typhis habituum discrimina, partim ex iis, quæ hætenus posuimus, partim ex iis, quæ deinceps dicentur, ut spero, elucescent. Epidemica febris anni 1779. a TESSIERIO descripta (b) vere ad hoc lentæ malignæ genus spectat.

(a) Gen. morb. Cl. 1. sect. 2. Gen. V.

(b) Mémoir. de la Soc. Roy. de Méd. Vol. 3. p. 236

FEBRIS HECTICA*.

§. CCCXIII.

Febris hectica sic appellatur, quia totus corporis habitus in ea laborare a Veteribus credebatur. *Hectica definitio.*
A calore enim præter naturam in solidis partibus accenso, atque assidue in iis inhærente eam gigni, olim putandum est. Febriculæ autem quoddam genus est, continentis naturam servans, sensim, & sine notabili virium jactura, & cum exigua pulsus frequentia diutissime perdurans, a partu aliquantulum recrudescent, & maciem corporis summani demum inducere solitum. Hinc *habitualis* etiam a quibusdam, aut *lenta* nominatur. Distingui solet in *primariam*, quæ sponte sine alio malo præcedente exoritur, & in *secundariam*, cui occasionem, & genesim præcedens alius morbus præbuit, itemque in *symptomaticam*, quæ alterius morbi præsentis veluti effectus, aut symptoma est. *Primaria*, sive *essentialis*; sive *hectica simplex*, uti alii loquuntur, adeo raro occurrit, ut dubitari possit, an unquam existat. Quamobrem non desuerunt, qui eam prorsus negarint (a). Ego, ut verum

*Primaria
& Symptomatica.*

rum fatear, in toto meæ praxeos curriculo non memini hæcticam hujusmodi uspiam vidisse; neque vidit Cl. CULLENIIUS (b), cui hætica *semper symptomatica* esse videtur, vel saltem plerumque talis, ut conjicit ex variis speciebus, quas hoc morbi genere (c) complexus est SAUVAGESIUS. ** At *symptomaticæ*, quæcumque fuerint, ad *lentas remittentes*, amphemerinas, sæpe anomalas, atque inæquales spectant, proindeque nullo modo pro veris hæcticis, quæ continentium in modum procedunt, haberi possunt.

* Synonyma.

Hætica primæ, & secundæ speciei GALENI, De differt. febr. l. 1. cap. 8. & omnium GALENICORUM. Februm lentarum prima species, hætica dicta LUDVVIGII comm. Lips. vol. 7. part. 3. p. 450. Febris lenta JUNCKERI, Conspect. Med. Theor. Pract. Tab. 69. & HOFFMANN. Med. Ration. Systemat. T. IV. sect. 1. chap. 13. §. 2. N. B. HOFFMANNUS, & JUNCKERUS a febribus lentis, *quæ apud ipsos non alia sunt quam nostra hætica primariæ, segregant hæticas sic ab ipsis dictas, utpote magis symptomaticas, & gravioribus ulcerationibus, vomitis, abscessibus, & viscerum corruptionibus supervenientes; sive quod idem est, hæcticis primariis lentarum nomen, symptomaticis hæticarum tribuunt*. Febris habitualis, *sive hætica* Jo. RAYM. FORTIS de febrib. & morb. Mulier. pag. 351. Hætica ααδ' εξιν juxta habitum, seu habitualis BELLINII, de febrib. p. 163. op. T. I. sive P. I. edit. Vener.

(a) Vid. PIENS P. 2. de febrib. p. 49. & BTMULL. Oper. omn. T. 2. P. 1. p. 367.

(b) Gen. Morb. cl. 1. ord. 1. sect. 2. Gen. VI.

(c) Nosolog. method. cl. 2. ord. 1. Gen. V.

** *Species hæticarum SAUVAGESII sunt Hætica, chlorotica, Syphilitica, scrupulosa, a calculis, ab hydropibus, a vermibus, cachectica, a fluxibus &c. quæ omnes, ut patet, symptomaticæ planè sunt, & præterea*

terea exacerbantes, siue remittentes. Quam vero infantilem (spec. 1.) vocat, ea cum charactere careat, vel rachitica, vel scrophulosa, vel verminosa, vel mesenterica, vel aliorum morborum symptoma CULLENIO, mihiq; videtur. Symptomata pariter sine dubio est, qua phthisim, ulcera, abscessus, fistulas, scabiem, similesque morbos subsequitur. Hæctica vespertina (spec. 2.) vix pro morbo haberi potest, neque hæctici accenseri, quia continuitas equalis, qua hæctica propria est, in ea desideratur. De hæctica lymphatica (spec. 12.), & nervea (spec. 13.) non liquere sibi ait CULLENIO, & si liqueret, nemo tamen dixerit, hæcticas primarias eas esse, cum omnes lentæ quidem, sed amphemerinæ videantur.

§. CCCXIV.

Attamen, cum GALENUS (a) Hæcticam primariam commemoret, nec secundariæ mentionem omittat, cumque ETTMULLERUS (b) illam a clinicis observatam interdum esse asseveret, alique complures agnoscant; non hic prætermittam ejus descriptionem, qualem ab iis traditam invenio, secundum graduum; qui in ea considerari solent, diversitatem. In tres autem gradus dividitur. In primo gradu calor est valde mitis, & ne ipsis quidem ægris molestus; pulsus moderate celer, & frequens, sed æqualis, & plerumque duriusculus; urinæ non multum a naturalibus alienæ. At calor, qui primo attactu mitis videtur, manu diutius, diligentiusque exploratus acer, & mordax percipitur, magis præcipue circa arterias, & volas manuum, quam alibi. Fereque proprium, atque inseparabile signum habetur caloris hujus, crebritatiq; pulsuum a pastu incrementum, nullo horrore, aut frigore, aut alio indicio præcedente, quod novam febris accessionem præmonstret. Ut vero certius

*Hæctica
primaria
descriptio*

*Tres ejus
gradus
Hæctica
primi
gradus.*

discernatur, an a pastu febris tantum invalescat, aut vera accessio sit, quæ casu in eam horam incidat, mutandum est cibi sumendi tempus,isque dandus ægrotanti procul ab eo tempore, quo dari consueverat. Nam si hæctica vere fuerit, exacta una, vel altera hora increscet calor, & pullum celeritas, id est anticipabit, vel cunctabitur hujusmodi incrementum, prout ante, vel post cibum sumptus fuerit; Caloris autem augmentum istud, quoniam ab externa hujusmodi causa profluit, & brevi deinde conquiescit, non videtur continuitatem continentem, quæ febris hujus præcipua nota est, immutare, ita ut ad febres remittentes transferri debeat.

(a) De diff. febr. l. 1. cap. 8. ubi hæc habetur. Quæ igitur febres hæcticæ appellantur duplici via ortum habent; magnam quidem ex parte ex ardentibus (imo ephemeris, quotidianis, aliisque, ut alibi (S. 204. 242. &c.) *mercuravimus*) febribus, quæ tantum protrahuntur, ut longitudine temporis humorem in corpore cordis contentum consumant: vel fieri potest, ut ejus adhuc magna portio reservetur. Illæ vero non tantum hæcticæ sunt, sed tabidæ etiam. Quæ autem manente adhuc humiditate generantur, ubi cordis corpus occupaverint, hinc maxime accenduntur, quemadmodum lucernæ flamma ex ellychnio. Atque una quidem a nobis exposita est earum febrium generatio Reliquia autem est, quum statim ab initio invaserint similem primum sui ortum ephemeris facientes, aut ex tristitia, aut ira, aut lassitudine nimia una cum solis fervore contracta.

§. CCCXV.

Secundi
gradus.

Sed difficilius cognoscitur in primo, quam in secundo ejus gradu. In hoc manifestior fit cutis ardor, aut calor: vires sensibilibus minuuntur; corpus

pus magis macrescit; nihilque ab alimentis reficitur; urinæ prodeunt rubicundæ, sedimentum dimittunt, sursum efferunt cuticulam cæruleicentem, aut oleosam ob fuscā pinguedinem; quæ per renes cum sero sanguinis elabitur, & lotio deinde supernatat. In tertio gradu corpus contabescit totum, Tertii gradus. & tanta macie extenuatur, ut ossa ubique prominent; squallet facies; tempora collabuntur; capilli defluunt; oculi incavantur, & quasi defixi hærent; nares acuminantur; cutis universa exasperatur, atque arefcit. Tum hæctica, quia humiditas omnis consumpta videtur, *marasmodus* GALENO (a) est. His interdum sudores colliquantes, in primis circa caput, & collum, nocturno potissimum tempore, alvique fluxus putridi accedunt, quibus vitæ reliquum extinguitur. Sed primaria, & propria signa habentur calor ab omni partu post aliquot horas auctus, extenuatio corporis lenta, & pulsus celer, parvus, frequens, debilis, & subinde durus. Quæ ubi concurrunt, hæcticam jam adesse, aut imminere certo significant. Genarum autem rubores, aliaque, de quibus mentionem faciunt in hæcticæ historia scriptores, symptomatice, & phthilicæ magis propria sunt.

(a) Loc. cit.

§. CCCXVI.

Hæctica porro (§. CCCXIV.) isthæc internoscitur a *symptomaticis*, reliquisque *secundariis*, quod hæc vel ab organico alicujus partis vitio, uti pulmonum, hepatis, lienis, pancreatis, omenti, rethum, uteri, ventriculi, intestinorum, aut mesenterii, aliarumve partium; etiam exteriorum ulceribus, vomitis, abscessibus, fistulis, tumoribus,

Signa hæctica secundaria.

Quomodo
discrimen
appareat
inter fe-
bres col-
liquativas
& hecticas.

Quo dif-
ferat atro-
phia?

strumis scirrhis, cancris, obstructionibus, vel ab aliqua peculiari corporis & sanguinis labe, uti scorbuto, lue venerea, cachexia, chlorosi, aliisque cacochymiae generibus ortum ducunt, accessionibusque vagis, atque erraticis inæqualiter exacerbantur, & conjunctas habent horumce morborum, aut affectionum notas. Differt præterea a febribus colliquativis reliquis primariis, quod illæ *acutæ & vehementes* sint, non *lentæ*, quod citissime incipiant, atque invalescant, & breviori tempore suum cursum absolvant; & demum quod macies solum post ingentes evacuationes ægrotantem occupet; dum contra in hectica principium obscurum est, & longum, mitis, & parva febris, diuturna duratio, & macies etiam sine notabili evacuationum excessu. Toto autem cælo discrepat ab atrophia, aut Tabe nervosa, de qua alibi, quod in hac sine febris corpus marcescit.

§. CCCXVII.

Causa
proxima.

Quid de hujusce febris proxima causa senserint Veteres, alibi (§. CCCXIII. & CCCXIV.) exposuimus. A veteribus non longe discedit BELLINUS (a), cui videtur esse *intemperies calida, & sicca partium solidarum, humiditatem ipsarum roridam, vel substantiam carnosam, & adiposam, vel membranosam, & fibrosam* pro triplici ejus gradu absumens. Dubium tamen est, num calor iste præter naturam, & siccitas causa sit febris hecticæ, an effectus? Utrumque enim esse posse, pro rerum diversitate crediderim. Nam & sanguis phlogistico onustus atque acer calorem, & febriculam movere potest, & febricula ipsa calorem acrimoniæ extricare, atque evolvere. Quibus veterum loquendi

ra-

tatis non probatur, *dyscrasiam sanguinis acidofalsam*, & *acrem* cum nimio ejus lentore *conjunctam* accusant (b); alii *acrimoniam alkalinam*, & *rancidam* sæpe in hac febris reperiri, ex phænomenis, quæ eam comitantur, conjiciunt, *sive illa sit ejus causa, sive sit effectus* (c). In universum omnes in eo conveniunt, ut eam a sanguine, & lymphâ acri proceari (b) putent. FRID. vero HOFFMANNUS ut in hæcticis symptomaticis humorem *quemdem corruptum*, & *putridum*, qui *temperatæ*, & *naturali sanguinis* & *humorum vitalium mixtioni penitus est adversus*, peccare, sic in primariis, quas ipse *lentas* nuncupat, variam esse originis causam existimat (e), cum experientia compertum sit, ex plurimis manifestis, sive procatacticis causis non parum inter se diversis eam exoriri. Fatendum tamen est, per eas omnes, ut ex earum proxima recensione apparebit, sanguinem blanda, & naturali sua indole, & mixtione privari.

(a) De Febr. mihi pag. 162.

(b) ETTMULL. Oper. T. 2. P. 1. pag. 368.

(c) SCHACHT Invit. Med. Pract. cap. VI. §. V.

(d) LUDOVVIG. Comm. Lips. vol. VII. P. 3. p. 450. &c.

(e) Med. Rat. Syst. sect. 2. cap. XIII. §. 3. 4. & 5.

§. CCCXVIII.

Antecedentes igitur, & procatacticæ causæ calorem hujusmodi hæcticum inferunt, vel quod *plurimum substantiæ in partibus solidis* absument, vel quod *maximum calorem* excitant, vel quod *utrumque præstare possunt* (a), vel quod in corpore aliquid retinent, quod excerni, ne noceret, debuisset.

Causa
antece-
dentes.

set. Tales sunt diurnæ, atque insignes evacuationes, diarrhœa, dysenteria, diabetes, ptyalismus, gonorrhœa, fluor albus, seminis nimia & frequens profusio, sudores immodici, copiosiora sanguinis per uterum, anum, nares, aliasve partes profluvia: fames; assidui labores; exercitationes nimia; vigiliæ; animi curæ; lucubrationes; studiorum intemperantia; febres ardentes, acutæ, contumaces intermittentes, aliæque quævis continuæ; variolæ; morbilli, evacuationes criticæ, aut consuetæ deficientes, retentæ, aut improvide cohibitæ; & demum habitus corporis calidior, & siccior; aeris, & regionis constitutio calida, & siccior; liquorum inebriantium, aut alimentorum acrimonia, & calefacientium abusus; melancholicæ affectiones; nostalgia; furor; amor. His accenseri quoque debet mala ciborum digestio, ut frequentissima hujusce febris causa, nervorumque nimia debilitas, quibus ciborum coctio, chylicationisque perfectio aut chyli in succum dulcem; atque alibilem conversio, aut hujus assimilatio, atque appositio impeditur (b).

(a) BELLIN. l. c.

(b) Vid. HOFFMAN. l. c.

Prognosis.

§. CCCXIX.

Omnis hectica febris per se valde diurna est, & difficilis curationis, & plerumque post lentam, longamque consumptionem morte finitur. Generatim *primaria*, sive *spontanea*, ex perverso sex rerum non naturalium una in primis genita, non dum in-

inveterata, corpore bene constituto, minus periculi habet, *Secundaria* (§. CCCXIII.) ardentibus, diuturnis, aut aliis acutis febribus succedens difficilior curatu, & periculosior passim censetur; non ita vero, quæ hæmorrhagiis, aliisque evacuationibus nimis ex causâ evidentimalis ortum debet; nam facilius arte discutitur. *Symptomatica* demum, si ab alicujus visceris ulcere, aut alio incurabili vitio dependeat, omnium difficillime superatur, excepta ea, quæ lvi venereæ, scorbuti, cachexiæ, similibusque humorum tantum vitiis supervenit, cujus interdum curatio possibilis perhibetur. Præterea primus hæcticæ gradus spem aliquam facit; alter plus difficultatis exhibet; tertius plane lethalis est. Ætas quoque variam prognosim suppeditat, Juniores, visceribus sanis, & firmis prædicti, ceteris paribus, facilius; adulti difficiliter, & serius; senes, quocumque modo se habeant, fere nunquam (a) evadunt. Non raro *hæctica primaria* in phthisim pulmonarem, aliosque viscerum morbos terminatur, Pedum, & crurum, tœdemata, quæ provectiori malo sæpe adveniunt, conclamatum esse de ægri salute, passim indicare creduntur. Funestior item hæctica est iis qui temperamento, & habitu calidiore, sicciori que donantur, quam humidioribus, torosioribusque.

(a) ETTMÜLL. l. c.

Curatio.

§. CCCXX.

Quam primum ad hæcticam curandam aggredimur, dispicere oportet, num *symptomatica* ea sit, an vero *spontanea* & *primaria*, aut *secundaria*. In

Indicationes generales.

symptomata, ut patet, morbo principi, cujus symptoma est, omnis curatio adhibenda est, & pro ejus diversitate varianda, prout alibi opportune dicetur, cum de morbis, quibus lenta febris accedit, sermo erit. In *spontanea*, sive *primaria*, itemque in *secundaria simplici* generatim nimius calor temperandus est, acrimonia quævis obtundenda, aut emendanda, lentor humorum, si quis est, diluendus, solidarum partium siccitas humectanda, exsiccum, macrescensque corpus idoneo alimento restaurandum, debile, & laxum firmandum, omnisque cruditas a laxa coctione ciborum avertenda. Quare ut opportune hæc fiant, ad causas respicere oportet, a quibus febris inducta est, & pro earum ratione aliud, atque aliud medendi genus adhiberi opus est. Itaque si nimix evacuationes corpus exhauferint (§. CCCXIII.) humoresque non solum inopia, verum etiam acritate laborent, cibus eupeptis, & remediis nutrientibus parca manu, seu crebro datis, atque acrimoniæ peculiari adversis uti convenientissimum est. In his jura carniū tenuiora, atque ova forbilia, sed in primis lac asininum, deinde vaccinum excellunt. In lactis vero usu probe curandum est, ut primæ viæ liberæ & puræ sint, ut acida omnia exulent, ut e mammis recens educitum sumatur, ut a parva quantitate initium ejus fiat, paullatimque augeatur, carnes vitentur, & præter lac vix aliud alimentum præbeatur. Si lac nequaquam feratur, ei substitui possunt cremores oryzæ, aut avenæ, aut hordei, jura ranarum, testudinum nemorensium, cancrorum fluviatiliū, viperarum, emullia ex amygdalis dulcibus, & similia. Quoniam vere sæpe ex nimis evacuationibus viscera, & reliquæ solidæ partes enervantur, idcirco intermiscenda nutrientibus subinde ea sunt, quæ leniter roborant, & fir-

mant.

Curatio
medica a
nimis e-
vacuationibus.

mant. Paullatim vero ciborum quantitatem augeri
neceſſe eſt.

§. CCCXXI.

Quod ſi exercitationes immodicæ, curæ, vigi-
liæ, inedia, aut februm acutarum ardor humores
diſſarint, ignis vim auxerint, acrimoniamque cali-
dam, ſive *alkaleſcentem* invexerint; tum ſerum
lactis, decocta cichorei, avenæ, hordei, acetosæ;
ſucci vegetabilium acidorum, aut aceſcentium;
ſpiritus vitrioli potibus ad gratiam aciditatem inſtil-
latus; balnea aquæ dulcis tepida (nam nihil aqua
ad phlogiſton contemperandum, trahendumque præ-
ſtantius); blandæ poſt balnea illinitiones, ut nimia
perſpiratio, aut ſudor coerceatur; ruſticanus aer,
ad humidum quodammodo vergens, & purus; vi-
ctus humidus, & refrigerans præcipue indicantur.
Ubi morbus a ſuppreſſis conſuetis evacuationibus,
aut a retenta, aut cohibita critica materie origi-
nem duxit, illæ omni cura revocentur; hæc con-
temperetur, atque ad excretionem proſiciatur,
Quo ſpeſtant diluentia, edulcantia, aperientia, &
leniter diaphoretica, uti ſunt priſanæ, decocta, &
jura purificantia vulgo dicta.

Curatio
hectica a
motu ni-
mio, &
calida a-
crimonia.

Hectica a
ſuppreſſis
evacua-
tionibus.

§. CCCXXII.

Cum vero a dyspeſſia, ſive mala alimentorum
coctione, ſordibusque primarum viarum, quod fre-
quentiſſimum eſt, hectica gignitur, aut febris
intermittentibus diuturnioribus ſuccedit, tunc plus
emolumenti affert emeſis, & blanda alvi ductio,
ſubinde iterata, quam ſexcenta alia. Poſt purga-
tionem per epicraſim inſtitutam amaricantia ſtoma-
chica,

Hectica a
laſa chy-
loſi.

chica, & roborantia conveniunt, uti infusa, aut decocta radicum taraxaci, cichorei, valerianæ sylvestris, herbæ absinthii, agrimonie, centauri minoris, corticum aurantiorum, cascarillæ, quassie, chinæ chinæ, quibus demum adjici aliquid potest ferri, aut chalybis, aut aliqua ex eo mitissima præparatio, quale est *specificum stomachicum* POTERII, etsi hodie, sed immerito, fere oblivioni traditum sit. Aquæ item acidulæ, ferratæ dictæ, uti Spadanæ, Pyrmontanæ, Recobarienses, Mauritanæ, aliæque similes parva, & continuata diu copia sumptæ mira hoc in casu præstant.

§. CCCXXIII.

Celebre olim fuit *Antihæticum* POTERII, quo bis in die cum conserva rosarum rubrarum dato non paucæ hæcticæ febres cum phthiseos pulmonaris suspitione curatæ feliciter dicuntur (a); nec fortasse omnino contemnendum remedium est. Non desunt etiam qui ad calorem hæticum extinguendum, lymphæque acritates mitigandas saccharum saturni, variasque ex plumbo tincturas extollunt. Sed saturnina quævis noxia, & venefica a prudentioribus reputantur *. Sanguinis quoque missionem plerique rejiciunt, nec injuria. Interdum tamen inter initia, morbo non adhuc adulto, viribus constantibus, pulsu duro, validoque existente, in sanguineis, habitioribusque ægrotantibus, quibus præsertim evacuatio aliqua consuetudine defecerit, aut sanguis vehementius ferveat, ea, dummodo parciori manu, & potius iteratis vicibus instituat, opportunitissima ad jugulandum veluti in ipso initio morbum esse poterit. Quod si hætica jam ad tertium gradum pervenerit, nullaque fere spes supersit, *palliativa*, ut ajant, cura utendum dumtaxat est,

lym

symptomatibusque, quoad fieri potest, rite, praesenterque obfistendum.

(a) PETR. POTER. insign. curat. & singul. observat. centur. I. cap. XXIII. cent. III. cap. XIX. cap. XX. cap. LXXVIII. cap. LXXXIII.

* Saturnina medicamenta veneni lenti instar agunt, & tunc ut plurimum glandulari, sive strumosa conficiunt, Colicas atrocissimas a Saturni Saccaro, & a tinctura antiphthisica Garanianni natas exemplis, & observationibus suis confirmat TISSOTIUS. (*De colic. Saturnin.*)



P A R S T E R T I A.

D E F E B R I B U S C O N T I N U I S

R E M I T T E N T I B U S.

§. CCCXXXIV.

MEDIUM quasi locum inter febres *intermittentes* (§. LXIV.) & *continuas continentes* (§. CXCIV.) obtinent *continuae remittentes*, cum neque ullum integritatis intervallum habeant, neque una, & continua accessione, sed ex pluribus & manifestioribus, quam in *continuis continentibus* esse solent, veluti compositæ decurrunt, donec ad finem, perfectamque solutionem perveniant. Statis enim quibusdam temporibus, & certis intervallis exacerbantur, & novas quasdam accessiones subeunt, iterumque post aliquot horas paulatim remittunt se se, & pacatiores factæ mitescunt; qua alterna incrementi, & decrementi vicissitudine sua stadia prosequuntur, quin tamen vacuum spacium inter huiusmodi circuitus relinquatur ullum. Hinc *compositæ* a quibusdam vocantur, ab aliis *continuae proportionales*, aut *continuae periodicae*, quod circuitus obeant periodicis intermittentium similes, aut etiam *continua in specie* (a), a Græcis vero *συνεχές*, & *συνεχής*. MORTONO (b) placuit eas *continentes* nominare, alia prorsus vocis usurpatione, quam communiter ab aliis accipi soleat. At æquiori jure a plerisque *Remittentes* dicuntur.

*Synechees
& Syn-
cheis.*

- \ (a) SENNERT. de Febr. l. 2. c. 13.
 (b) OPER. T. 2. De Febr. exercit. 2. c. 3.

§. CCCXXV.

§. CCCXXV.

Præcipuæ earum differentię ab excandescendi modo, & periodo desumuntur. Hinc alię quotidianę, alię tertianę, aut quartanę continuę, tam simplices, quam duplices, triplicesque, aut continuę erraticę, & vagę. Non nulli ad Remittentium ordinem revocant subcontinuas (§. LXIX. LXXI.) & subintrantes (§. LXXI.) TERTII, itemque eas, quę ex continua, ac intermittenti, aut ex continuis varii generis una implicitis coalescunt; quęque rectius, aptiusque a nobis, aliisque proportionatę appellantur. Quia autem de subcontinuis, & subintranantibus veris, quę origine, aut natura ad intermittentes plane pertinent, alibi jam actum est, & quia proportionatas, sive complicatas, & complexas a reliquis discernere, & peculiari tractatione comprehendere consultius, opportuniusque nobis visum est; ideo hic solum de legitimis Remittentibus, proprięque dictis sermonem habebimus.

Differen-
tia.

§. CCCXXVI.

Etenim verę remittentes natura sua, & prope insita vi, vel ab ipsomet exordio, continuę sunt, & quoddam veluti continentium spuriarum, ut non nulli opinantur, genus constituunt. Nam in his singulę accessiones, præsertim si hybernum tempus sit, se se produnt majore corporis æstu, & calore*; proclivitate in somnum, capitis dolore, aut saltem gravitate, coloratiore facie, & pulsu sensim pleniori, & vehementiore facto; remissiones vero obscurius omnino sunt, cum in ipsis pulsus

Compa-
rantur re-
mittentes
cum aliis
similibus,

pa-

parum subsidant, parumque caloris gradus minuantur, nullus sudor, aut vix sensibilis, & nulla alia boni ominis excretio subsequatur. Contra *subcontinuae*, atque eae, quae ob anticipantes accessus, & longiores circuitus *subintrantes*, ut vocantur, evadunt, ab initio saltem intermittunt, manifestiora tum ingressus, tum remissionis praebent indicia, & sudore, urinaque vel copiosa, vel lateritia emissamitescunt, neque aliam curationem exigunt, quam quae *veris intermittentibus*, a quibus permanent, accommodata est. *Proportionatae* demum differunt a *Remittentibus* ex eo, quod constantiorem, majoremque continuitatis, & magnitudinis gradum habent, quam *subcontinuae*, & *subintrantes*, & simul tamen manifestiorem quamdam periodi rationem offerunt, quam simpliciter *remittentes*. Praeterea *remittentes* matutinis plerumque horis ab intensione sua solent laxari, & mitescere, & pomeridianis, aut circa vesperam tantummodo exasperari, & invalescere: quod non adeo fixum, ratumque est in *subcontinuis*, *subintrantibus* & *proportionatis*; quia harum circuitus non uno, sed alio, atque alio tempore recurrunt.

* Scire autem convenit; accessiones remittentium febrium, quamquam ut plurimum majore corporis aestu, & calore, ut dixi, se prodant; tamen primo die, atque interdum secundo a frigore, aut horrore, sicuti plerisque aliis febribus continuis gravioribus contingit, incipere & ipsas solere; imo quandoque horrores non modo initio accessionum, sed etiam in earum augmento fieri, & quasi erraticae per aliquot dies, & demum iterum evanescere. In continua remittenti quotidiana autumnali, atque hiemali ann. 1782. & 1783. quae diuturna fuit, & saepe ad quadragesimam diem protrahabatur, circa decimam septimam, aut vigesimam morbi diem, modo citius, modo serius hujusmodi horrores

res accedebant non modo in exacerbationum initio, verum etiam in earum augmento, sæpe cum spastica faucium, & pectoris constrictione conjuncti, atque ibant, & redibant per aliquot dies, quin tamen exitium afferrent.

§. CCCXXVII.

Caussa, ut ajunt, materialis harum febrium fe- Caussa?
re eadem videtur, ac *continentium*, sed aliquo modo parcius, aut inæqualior, ita ut nec tanta, nec talis sit, quæ ad eundem febrilem motum parivi, atque uniformi vigore sustinendum valeat; sive id fiat originis loco, & fede, sive in sanguinem influendi ratione, sive successiva, & periodica ejus evaporatione, sive quocunque alio modo se habeat. Non dissimulavero tamen, quosdam esse; qui contra persuasum sibi habent, causam ejusmodi naturam ipsa non nihil accedere ad eam, a qua febres intermittentes gignuntur, eo quod *Remittentes* interdum, postquam aliquandiu se protriverint, continuitatem amittere, & sensim *intermittentes* fieri observarint. Verum quando sic permutantur, probabilius videtur, eas *proportionatas* potius fuisse, quam *remittentes* simplices, & puras; cum hæ nunquam fortasse in veras intermittentes desinere visæ sint, aut si intermittentibus similes paulatim fiant, cortici tamen peruviano pertinaciter reluctantur, quod veræ intermittentes haud facerent; atque adeo inter utrarumque causam proximam, materialemque discrimen non leve intercedere.

§. CCCXXVIII.

Itaque veresimillimum est, vel a primarum via Conjectura;
rum saburra, vel a succis earundem depravatis,
vel a glandulis conglobatis, totoque vasorum lymphapha-

Differen-
tia.

phaticorum systemate, vel a cellularis telæ loculis aliquid subinde, & stasis temporibus in sanguinem infundi, unde hæc febres non modo excitentur, verum etiam foveantur, & novis veluti accessionibus identidem recrudescent. Pro vario porro causarum remotarum, quas deinceps opportune recensimus, genere, atque ingenio, pro diverso ætatis, temperamenti, habitus corporis, aliarumque circumstantiarum ratione, aut concursu *benignæ*, vel *malignæ*; *puræ*, *simplices*, *periodicæ*; *regulares*, vel *anomalæ*, *erraticæ*, & *complicatæ*; *mitiores*, vel *graviores*; *gastricæ*, vel *venosæ*; *biliosæ*, vel *sanguinæ*; *putridæ*, vel *inflammatoricæ*, vel *lymphaticæ*, & *catarrhales*, vel multifariam *mixtæ* * esse possunt; quas quidem nequaquam omnes pertractare animus nobis est, nam infinitus propemodum numerus nos obrueret, si singulas ad causarum omnigenus, omnemque sanguinis, & corporis constitutionem expendere, & describere vellemus: sed ex his præcipua & frequentiora genera adducere contenti erimus, ut ad reliqua cum distinguenda, tum curanda planior quodammodo via aperiatur.

* *Prætermittere hic nequeo Clariss. BUCHANIUM (Medic. domest. T. 2. chap. XI. p. 215.) verba fecisse de febre remittente, uti ipsa esset genus quoddam peculiare, non classis. Sed videtur varias species una simul confudisse, aut saltem proportionatam, quam indicavi, præcipue delineasse; quod luculentius ostendam, cum de febribus proportionatis; sive complicatis speciatim dicendi erit locus.*

FEBRES QUOTIDIANÆ CONTINUÆ,

Et primum

QUOTIDIANA CONTINUA VETERUM *.

§. CCCXXIX.

Quotidiana continua, Barbaris *latica* etiam di-
cta, quod latentem & quasi absconditum calorem
foveat, singulis diebus, ut par est, recrudesce-
re se remittit; numquam vero aliquam inter qual-
libet accessiones, quæ gradu, modo, hora sibi quam
maxime affines esse consueverunt, integritatem re-
linquit, nisi morbo penitus devicto. Phlegmaticos,
senes, pueros, infantes, & fœminas humidiores af-
fligit, & præ ceteris homines corripit otio, cra-
pulæ, longiori somno, aut victui duro, crudiori-
que deditis, aut loca humida incolentes, aut obe-
so, pituitosoque corporis habitu præditos. Quo for-
tasse factum est, ut Veteres eam a pituita in san-
guine accumulata & putrescente proficisci putave-
rint, ideoque febrem *pituitosam*, aut *phlegmaticam*
illorum complures appellaverint. Nec ab horum
sententia valde discrepare videntur neotericici scri-
ptores, qui ejus causam in mucosa, viscidaque
colluviæ primas vias æque ac reliquum corpus ob-
ruente, atque acritudinis, aut corruptionis gra-
dum quemdam adepta posuerunt. Hinc quidquid
feri, & lymphæ copiam, lentorem, tenacitatem
augere; fibris vero laxitatem, atque atoniam in-
ducere, aut aqueorum humorum motum retardare
potest, id omne causæ remotæ, & proegumenæ
loco habere non dubitant; cujusmodi sunt ætas in-
BURSER. Vol. II. K pri-

*Descri-
ptio.*

*Causa
materia-
lis.*

primis senilis, temperamentum phlegmaticum, tempus hiemale, suppressa perspirabilis humoris, aut pituitosi cujusque excretio, victus ratio humida, & frigida, atque alia hujusce generis.

* Synonyma.

Quotidiana continua SENNERTI, de Febr. lib. 2. cap. 14. & plerorumque. Febris phlegmatica periodica AVICENNÆ, de Febr. cap. 46. Febris phlegmatica, vel amphimerina, vel quotidiana continua NICOLAI NICOLI, de Febr. Quotidiana continua in specie ETTMULLERI, Oper. T. 2. Colleg. Pract. p. 357. Febris lymphatica primaria ETTMULLERI Colleg. Consultat. cas. XXXI. p. 1459. * Amphimerina SAUVAGESII, Nosol. method. cl. 2. ord. 2. Gen. IV.

* *Lymphaticas primarias duplicis generis habet ETTMULLERUS, alteras nimirum sine pracedente ullo morbo, & sponte ortas, alteras, quæ convalescentibus, & speciatim iis, qui febribus intermittentibus diu laborarunt, ob pleniorum cibum, quo se repleverunt, superveniunt. Utraque quotidiana continua veterum persimiles sunt, atque a lymphâ viscida, & ut ipse ait, acida repetuntur; sive; quod idem est, a succis lentis, crudis, male elaboratis, nempe pituitosis; eodemque curationis genere tolluntur.*

Diagnosis.

§. CCCXXX.

Præter caloris, & febris continuitatem, & præter manifestas intensiōis plerumque circa vespertinum, remissionis vero circa matutinum tempus vicissitudines, id habet peculiare, & proprium *Quotidiana continua*, ut sine frigore, & horrore invalescat, & sine ullo pariter sudore remittat; quam ob rem facile a *subcontinuis*, a *subintrantibus*, aut
etiam

etiam a quibusdam *proportionatis* distinguitur. Et, si quando aliquis frigoris sensus in accessionibus, aut sudor in remissionibus percipitur, levissimus sane uterque est, sic, ut alter levissimæ pedum perfrigerationi, aut auræ frigidiusculæ cutim occupanti: alter madori, quo caput, aut collum, aut aliqua singularis pars humescit, persimilis potius sit, nec in singulis deprehendatur. Calor in ea primo attactui se mittem ostendit, sed paullo post, manu diutius corpori applicita, acriusculum atque inæqualem. Pulsus; etsi frequens, & febrilis semper sit, rarior tamen, tardior, & minor ostenditur, quam in aliis febribus acutis, & continuis. Facies tumet aliquantum, & laxa, & sublivida apparet. In somnum ægri propendunt. Urina emititur, teste RIVERO, initio alba, aquosa, & perturbata, deinde crassior, & non nihil rubra, sed non ita, ut in febribus acutioribus. Sitis non urget; nisi peculiaris humorum acritas, aut tanta lymphæ crassities, aut sanguinis lentor tantus adsit; ut salivæ secretionē imminuta, aut depravata os, & fauces arescant & tunc sæpe lingua albo, & viscido muco foedatur. Neque demum cetera febrilia symptomata vehementius deserviunt.

§. CCCXXXI.

Hæc autem quotidianæ continuæ puræ, & regularis propria sunt. Si vero cum ea diathesis inflammatoria, aut cacochylia primarum viarum, aut malignitas complicitur, aliquantum symptomata variari necesse est. In primo casu pulsus validior, major, frequentior, & durior; calor, & sitis in- *Variatio si completa sit.* tensior; facies rubicundior; urinæ saturatiores; respiratio gravior, & difficilior; capitis dolor pulsans, atque interdum pervigilium, primis saltem

diebus, morbum exacuunt. Idque potissimum in quibusdam constitutionibus, quæ inflammatoriis affectibus inferendis accommodatæ magis sunt, in temperamentis sanguineis, ætate fiorente, & vegetiore contingit. Quod si hanc febrem dolores capitis, colli, aut crurum, aut alicujus partis, puta brachii, humeri, manus, comitentur, atque in accessionibus exacerbentur, quia tum rheumatismi non nihil particeps videtur, nomen rheumaticæ a multis, nec inepte ei tribuitur. In altero oris sapor depravatur, aut amarescit; cibi fastidium, & nausea, aut vomitus, & crebri ructus, & flatus vexant; hypochondria cum epigastrio tument, gravantur, & borborygmis peritrepunt; facies, oculique flavent; & venter sæpe liquidior est, foetidaque excrementa dimittit. In tertio denique vires summopere languent sine manifesta causâ, pulsus inæqualiter micant, tendines subsiliunt, mens obfuscatur, & tetrus somniis aberrat, dum interim exigua febris esse videtur, & calor mitis, & urina sanorum similis, & sic porro. Sed in primis tum ad miasma aliquod putridum susceptum, aut ad epidemicam constitutionem sedulo respicere oportet, ut certius judicium fiat. Quando autem ex hujusmodi signis malignam naturam in ipsa cognoscimus, tunc vix ea differt a *febre remittente maligna, nervosa* dicta, de qua infra (§. CCCCXXXVI.) plura dicemus, ac proinde pro una, eademque sumi posset. Reliquas vero differentias (§. CCCXXVIII.) facile per se quisque dignoscet, si animum adverterit ad ea, quæ supra non semel inculcavimus.

§. CCCXXXII.

Quo modo
differat
ab hec-
tica.

Quoniam vero *quotidiana continua* lento passu incedit, & durationis longitudine, symptomatumque lenitate quandoque *hecticam*, si minus primariam, symptomaticam certe, præferre potest; tunc quæ ratione discerni possit, etiam dicendum est. In *hectica* calor, qui alioquin æqualis est, a passu tamen increfcit, & post aliquot horas ad pristinum gradum revertitur. In *quotidiana* vero, etiam si nihil cibi assumptum fuerit, aut jam multum temporis post captum cibum præterierit, vespere tantummodo intenditur, & ad mediam usque noctem invalescere pergit; deinde sensim mitescit ita, ut mane temperatissimus videatur. Pulsus in *hectica* durus, & contractus sæpe est; in *quotidiana* mollis, & latus. Cutis in illa squallet, & resiccatur; in hac nequaquam. *Hectica primaria continentium*, *quotidiana continua remittentium* morem, & naturam sectatur; & quamquam prior, ubi symptomatica est, accessionibus, remissionibusque suis propius ad *quotidianæ* similitudinem accedat, ab hac tamen longe abest erratico typo; & alterius morbi præsentia, quem ea consequitur, & comitatur. Largiar vero si urgeas, *amphemerinam*, sive *quotidianam continuam* plerumque eam esse, sed symptomaticam, & vagam. Demum *hecticam* causæ antecedunt, quæ valde calefaciunt, atque exsiccant; *quotidianam* contra quæ refrigerant, laxant, augentque humiditatem.

Prognosis.

§. CCCXXXIII.

Longa, & curatu difficilis plerumque esse consuevit, atque adeo non prorsus vacat periculo, Quo magis corpus lentis, crassisque humoribus scatet, & quo hi tenacius cohærent, uberiusque sanguinem inficiunt, aut canaliculos minimos penitus opplent, ac obstruunt, aut altius in glandulis, cellulis, membranisque coacervantur, & lentescunt, eo diutius trahitur, pertinaciusque naturæ, atque artis viribus obnititur. Quas ob causas non unum ei tempus est, quo finiatur. Nunc enim quadragesima tantum die solvitur, nunc demum sexagesima: Interdum etiam ultra hosce fines extenditur. Principium igitur morbi fere ad vigesimam usque diem pertingit. Longior plerumque est, quæ tardiori, mitiorique motu præcedit, quæque nulla humorum corruptione, aut acrimonia, bilis mixtione, ut veteres ajebant, incitatur. Citius contra ad finem ea perducitur, in qua plures subinde evacuationes sequuntur. Periculi vero differentiam faciunt ipsa symptomata. Si enim protinus ab initio vires vitæ prosteruntur, & simul appetitus deficit (quoniam morbi diuturnitati ferendæ impares ægri tum videntur) timeri profecto exitium potest, idque eo certius, quo viribus jam fractis, & dejecto appetitui longiores, gravioresque accessiones, & somni profundiores accesserint, nam conjicere hinc licet, non solum ventriculi sensum a pituitosa colluvie obtundi, sed cerebrum etiam ipsum ejus copia obrui. Ubi autem ista procul absit, spes est fore, ut morbus feliciter terminetur. Maligna, epidemica, & cum putredinis signis

gnis conjuncta, lethalior est, quam benigna, sporadica, & pura. Imo tunc intra brevius, quam communiter solet, spatium occidere etiam potest. Non raro diuturnitate hepatis obstructions, cachexiam, hydropem accersit, vel in hecticum secundariam migrat; in quam proclivior est, majusque discrimen affert illa, quæ cum alicujus visceris labe, aut alio peculiari morbo complicatur.

Curatio.

§. CCCXXXIV.

Cum in hujusmodi febre pituitosus humor abundet, & lymphæ lentore, & spissitudine peccet, musculique iners ubique excedat; & simul solidæ partes laxitate, atque atonia laborent; mox liquet, liquores illos attenuandos solvendo, excernendosque esse, has excitandas, roborandas, firmandas. Sanguinis missio vix locum habet; nisi plethora, aut inflammatoria diathesis præsto sit, aut aliquod grave symptoma superveniat, quod eam requirat. Cucurbitulæ scarificatæ capitis dolorem, aut soporem egregie discutiunt, itemque fricationes, balnea pedum, epispastica, atque alia id genus revelentia. Si vero profundior somnus teneat, cantharides occipiti, pone aures, brachiis, aut cruribus apponi debent. His enim tenax, viscidusque humor non solum resolvitur, verum etiam aliorum advocatur, excernitur, ipsæque vitæ vires excitantur.

Indicationes.

Remedia
S. M. cucurbitulæ,
fricationes, balnea, & epispastica.

§. CCCXXXV.

*Purgan-
tia.*

Purgantia tam initio morbi ; quam per totum
ejus progressum subinde iterata cum primas vias
a mucosa saburra liberant, tum reliquam in vasis
contentam , & circumeuntem liquant , educunt-
que . Interdum tamen necesse est eam incidenti-
bus , saponaceisque medicamentis excretioni para-
torem reddere ; quod in primis expedit, ubi ven-
tricus muco tenaciori scatet ; quin imo emeticis,
breviori scilicet via , excutere ; potui item dare ,
quæ attenuant , aperiunt , atque evacuationem uri-
næ , sudorisque sollicitant , qualia sunt decocta ex
radicibus aperientibus , aut leniter aromaticis , li-
gnis blandè sudoriferis , aut herbis amarificantibus
parata . Sales fixi lixiviales glutinosos humores om-
nes potentissime dissolvunt ; post hos veniunt sales
medii , liquor cornu Cervi succinatus , spiritus MIN-
DERERI , itemque spiritus , & sales volatiles , oxy-
mel simplex , aut Scilliticum , Kermes minerale ,
& quam plurima hujusmodi . At si cum hac febre
complicetur diathesis inflammatoria , aut maligni-
tas , aut venenatum , putridumve miasma , aliquan-
tum profecto varianda curatio est , prout nempe
complicationis genus , atque adjuncta symptomata
postulare videntur . Tunc autem in memoriam re-
vocentur , quæ supra variis in locis præcepta fue-
re . Victus porro ratio indicationibus respondeat .
In universum tenuis , aperiens , blande reficiens
sit , oportet ; neque in ea vinum penitus interdi-
cendum est .

*Inciden-
tia.*

Epiala GALENI *de diff. feb. l. 2. cap. 6.*

§. CCCXXXVI.

Interdum quotidiana continua illud peculiare habet, ut uno eodemque tempore, qui ea laborant, calorem simul, & frigus querantur. Hanc speciem *Varietas quotidiana, non descripta.* GALENUS *Epialam* nominavit. Duplex autem a SENNERTO (a) statuitur, *vera*, & *spuria*. *Epialam veram* a pituita acida, & vitrea, *spuriam* vero a pituita, & bile simul commixtis gigni, sibi imaginatus est. Sed ut causa meram hypothese[m] sapit, sic hujusmodi Sennertiana distinctio supervacua omnino est. Qui vero calor, & frigus eodem tempore ab ægris percipiatur, non convenit inter veteres scriptores. Si quid conjectura valeo, probabile equidem crediderim, frigoris potius sensum, quam verum frigus illud esse. Nam irritatis cutaneis nervis, intusque spastice affectis talis idea in sensorio communi excitari potest, ut ægrotantes se frigere credant; mutato nempe sic cerebri meditullio, quemadmodum mutaretur a vero frigore nervis applicito. Calorem porro simul, & frigus percipi, dum non omnes simul nervi per ambitum corporis discurrentes spastice afficiuntur. Illæsis quippe sensus caloris, spasm[o] vero correptis sensus frigoris insideat, necesse est.

(a) L. c.

§. CCCXXXVII.

Rara omnino est *Epiala*; cui curandæ proponebant Veteras validiora attenuantia, incidentia, & sardiaca calefacientia; quia materialem causam,

ex qua oriri eam putabant, crassio rem & glutinosiorem sibi fingebant. Sed verosimilius est, lentiori frigido acrimoniâ adjungi nervos peculiariter irritantem. Ceterum eadem propemodum servanda sunt, quæ ad quotidianæ continuæ, sive *phlegmaticæ* modo expositæ curationem commendavimus; quamquam mitius purgare præstet in Epiala, quia in hac vires magis languent, nec fortiora cathartica facile feruntur. Quare id, quod una vice effici non licet, partitis fiat, & lenibus medicamentis, quæ alvum ducunt, & causam obstruentem, atque irritantem paullatim detrahunt.

Febris Syncopalis humorosa Avicennæ
Lib. 4. Fen. 1. c. 53.

§. CCCXXXVIII.

Scire quoque interest, Avicennam duas *febris syncopalis* differentias instituisse, nempe *syncopalem minutam*, & *syncopalem humorosam*, illam ex bilioso humore, hanc ex pituitoso genitam. Utraque sic nominatur ob Syncopem, quæ accessionibus supervenit; distinguitque hanc speciem a reliquis. Posterior igitur, videlicet *syncopalis humorosa*, cum in ea ob humoris pituitosi copiam, & oris ventriculi debilitatem febre ingruente in syncopem ægri incidere credebantur, quotidianæ in modum decurrens huc quoque spectat. Hæc difficillima curatu habita est, quia neque purgationem, neque missionem sanguinis ob virium defectionem admittit. Quare GALENUS solis frictionibus utendum esse voluit cum ad morbificam materiam resolvendam, tum ad eandem evacuandam. Videtur tamen clysteribus, blandisque eccoproticis locum reliquisse, & post pravorum humorum sarcinam imminutam, sicque

sicque periculum syncoptes amotum, incidentibus, in primis oxymelli, hyssopo, cinnamomo; & de-
 mum etiam alvi ductioni, quemadmodum in quo-
 tidiana pituitosa Veteres facere consueverant. Il-
 lud vero animadvertere debeo, quod syncopales
 ejusmodi febres tam quotidianæ, quam tertianæ si-
 milis, plerumque sunt de genere intermittentium,
 & præcipue spectant ad *comitatas perniciosas* TOR-
 TII, eodemque modo cito, & feliciter curantur.
 Quod ad victus rationem pertinet, parcio-
 rem volebant, atque ex alimentis tenuioris substantiæ,
 & concoctu facilibus comparatam. Potui vero aut
 victum, aut cerevisiam, aut hydromel concede-
 bant.

Quotidianæ continuæ Symptomaticæ.

§. CCCXXXIX.

Ad quotidianam continuam veterum, sive pitui-
 tosam, aut plegmaticam transferendæ sunt conti-
 nuæ symptomaticæ a vitiis glandularum congloba-
 tarum, & conglomeratarum, a strumis, scrophu-
 lis, bubonibus, rhachitide, scorbuto, cachexia, lue
 venerea, aliæque ab ETTMULLERO lymphaticæ di-
 ctæ, aut a SYLVIO (a) in *lymphaticas glandulares*,
pancreaticas & salivales distinctæ, itemque omnes
lentæ, sive *hecticæ symptomaticæ* (§. CCCXIII.
 CCCXVI.) sive phthisicæ, ut passim nominantur.
 Harum autem curatio partim a morbi primarii,
 unde oriuntur, partim a generali quotidianæ pitui-
 tosæ curatione desumitur. Est quoddam quotidianæ
 genus ETTMULLERI (b), quod huc quoque perti-
 net. Id lue venerea laborantibus, ubi morbus in-
 gravelcit, aut ubi decoctis sudoriferis nimium, aut
 præpostere utuntur, supervenire consuevit. In lue
 enim

enim venerea lymphæ viscidior, acriorque peccare videtur, eaque glandulæ salivales, aliæque partes, in primis circa guttur male plectuntur. Febris inde orta, etsi lymphatici generis, cum tamen ad phlogisticam diathesim vergat, exposcit sanguinis missionem, diluentia, temperantia, & demum mercurii prudentem usum.

(a) Prax. med. l. 1. cap. 29. §. VI.

(b) Oper. omni. T. 2. Colleg. Pract. p. 362.

FEBRIS CATARRHALIS. *

§. CCCXL.

Illud quotidianæ continuæ febris genus, quocumque catarrhales capitis, narium, faucium, pectorisve affectiones vel ab initio conjunguntur, aut quod easdem ut causam, proxime subsequitur, *febris catarrhalis* passim apud clinicos scriptores nomen obtinuit. Nonnulli tamen, & præsertim Germanorum plerique huic denominationi notam addiderunt benignitatis, *catarrhalem benignam* eam appellantes, ne scilicet cum alia febre confunderetur, cui *catarrhalis maligna*, seu *petechizantis* nomen ab iis tribuitur, etsi, ni fallor, improprie, cum hac appellatione febrem epidemicam, & malignam naturæ omnino diversæ, alteriusque generis, uti infra ostendam, complexi esse videantur. Alii, ut GORTERIUS, & FRACASSINIUS pro *catarrhalis* maluerunt *lymphaticam febrem* dicere, quod a serosis lymphaticisque congestionibus, defluxionibusque circa caput, fauces, aut pectus recens obortis videretur proficisci. Hoc tamen nomine aliam, ut patet, quotidianæ speciem designant, quam eodem de-

Quanam
catarrha-
lis beni-
gne.

designata fuit ab ETTMULLERO. Is, febrem a lymphâ crassiori, & viscida genitam, sed sine coryza, sine gutturi, & faucium dolore, & sine tussi intellexit; illi vero febrem ex eadem causa natam quidem, sed hisce omnibus catarrhalibus affectionibus comitatam. Sunt demum qui *rheumaticam* a rheumate denominarint; rheuma enim continenter cum ea complicatur **.

* Synonyma.

Febris catarrhalis benigna JUNKERI Tab. LXVII. HOFFMANN, de f. br. sect. 1. cap. VI. LUDWIG. Inst. Clin. P. I. cap. 1. subsect. 1. §. 110. Febris lymphatica GORTERII System. Prax. Med. lib. 3. titul. 4. n. 231. Febris lymphatica FRACASSINII De febrib. sect. 3. de febr. contin. lent. cap. 2. Amphimerina catarrhalis, spec. 1, SAUVAGES. Nosolog. clas. 2. ord. 2. Gen. VI, Febris rheumatica quorundam. Catarrhus aliis.

** Quamquam hac febris ratione catarrhi morbis febrilibus adnumerari posset, placuit tamen cum plerisque scriptoribus inter febres eam recensere; quia non satis perspectum videtur semper, catarrhus ne princeps morbus in ea sit, an vero potius, quoniam cum catarrho nexu ita perpetuo, arctoque febris conjungitur, ipse pro causa febris proxima statui debeat, febris vero pro morbo primario; ut inflammatio pleuritidis, ut polypus palpitacionis &c. Fateor tamen ultro, interdum catarrhum, rheuma, tussim sine febre esse, tuncque minime ad febres spectare. Quandoque etiam febre conjungi, & modo hanc effectum, modo morbum principem esse. Quacunque tamen ratione accadat, cum febre jungitur, cur non in februm numero collocetur?

Diagnosis.

§. CCCXLI.

Symptomata.

Tempore æquinoctiorum, præsertim autumnalis, ingentiumque aeris, & tempestatis mutationum, repentinarumque vicissitudinum plerumque exoritur febris catarrhalis, multosque aggreditur. Invadit potissimum sub vespeream frequenti potius, & repetita horripilatione, quam frigore, & horrore; aut levi tantummodo extremorum refrigeratione; & quandoque etiam; ubi levior morbus futurus est, sine ullo sive frigoris, sive horripilationis indicio. Mitis ut plurimum est, & postquam aliquot horis increvit, solet circa mediam noctem se se remittere. Remissio autem non solum ad matutinum tempus, verum etiam ad totam fere diem producit, donec iterum vespere ordinata periodo resurgat, & recrudescat. Præcedit, vel continuo subsequitur coryza, sive gravedo; catarrhus; sterutatio, lacrimarum profluvium, oculorum rubor, faucium phlogosis, & dolor; molesta laryngis titillatio, raucedo, tussis satis importuna, sicca plerumque, aut pauca; tenuia, salivalia excernens, raro mucosa, & crassa; toto morbi decursu excrucians, somnumque abrumpens, pectoris gravitas, dyspnœa; dolor dorsi; tum artuum omnium, tensionis; aut punctionis sensum inferens. Cum his sæpe conjungitur cephalgia, aut capitis gravitas, & debilitas, universi corporis lassitudo; appetitus quandoque adauctus, quandoque, quod frequens est, imminutus, gustus depravatus, aut deficiens, & sitis.

§. CCCXLII.

§. CCCXLII.

Interdum evenit; testante JUNCKERO, cui suffragatur experientia, ut nedum ab horripilatione febris exordiatur; redeatque, primis nempe diebus, verum etiam ab horrido frigore, quo dimidium; vel integram horam concutitur corpus, succedente calore primum miti, deinde acriori cum aliqua circa præcordia anxietate; aut etiam ad vomendum incitatione. Calor vero iste tunc ita protrahitur; ut non, nisi altero mane defervescat; idque præsertim plethoricis usuvenit; prima videlicet febris accessione. Pulsus pro vario morbi tempore, & gradu, variaque ægri temperie, atque habitu varius esse consuevit, sed celer semper, & frequens. Progrediente morbo sudores erumpunt, præsertim in remissionibus; copiosi, & fætidii; pituita crassa, & mucus e naribus emungitur; e faucibus, bronchiis, & pulmonibus magna concoctæ materiæ albæ, & glutinosæ, interdum flavæ, & puri similis vis extussitur; aut diarrhœa insuper cum urina simul sedimentum deponente supervenit, quibus febris feliciter solvitur. Hinc facile hujusce febris elicitur diagnosi, veraque ejus natura. Non enim, ut monet experientissimus JUNCKERUS, rationi consonum est, febrem catarrhalem sibi arguere velle; ubi neque tussis; neque rauco, neque peripneumonia, neque erysipelaceum quidpiam se se manifestat. Qua animadversione rectissime corripuntur illi, qui nomine catarrhalis febris abusi sunt, eoque aliud omnino, - alienumque morbi genus sæpe comprehenderunt. Nam quæ vulgo dicitur febris catarrhalis maligna, aut petechizans, nullam ex notis supra relatis habet, unde nomen accipiat, catarrhalisque nuncupetur.

Interdum incipit ab horrore & frigore, atque aliis symptomatis.

Pulsus qualis.

Sudor.

Sputum.

Catarrhus si-
gnum pro-
rium.

§. CCCXLIII.

§. CCCXLIII.

Quomodo differat a quotidiana continua veterum. JUNCKERO aliisque non nullis hujusmodi febris visa est una, eademque cum quotidiana continua veterum, de qua paullo ante (§. CCCXXIX.) separatim egimus. Verum ab illa, SAUVAGESIO etiam iudice, differt catarrhalis artuum, & dorsi dolore, coryza, faucium phlogosi, rauedine, tussi, dyspnœa, vagis, longisque horripilationibus aliisque peculiaribus notis (§. CCCXLI.), & præcipue diuturnitate qua ægrotantes fatigat. Neque confundi debet febris hæc catarrhalis cum rheumaticis illis faucium & pectoris congestionibus, quæ non raro aliis febribus sive continuis, sive intermittentibus, in statu, aut declinatione morbi, non infrequenter superveniunt; aut cum iis ratione tempestatis, aut constitutionis epidemicæ vel ab initio complicantur. Nam in his catarrhalis affectio epigenomena est, atque *accidentalis*, non essentialiter, ut in catarrhali febre, connexa, atque inseparabilis. Discrimen quoque non leve esse ait HOFFMANNUS inter febrem hanc catarrhalem, de qua loquimur, atque illam, quæ Rheumatismi comes est, quæque a Rheumatismo ipso dimanat. In catarrhali siquidem interiores narium, faucium, laryngis, tracheæ, bronchiorumque membranæ laborant; atque ex his aliquid critice effertur. At in rheumatismo soli muscoli, eorumque involucra, aut tendines, & ossium ligamenta occupantur, neque quidquam inde prodit, quod sensibilis, criticæque evacuationis nomen mereatur. Levi etiam negotio idem Auctor putat distinguere hujusmodi febrem ab illis narium, fauciumque affectionibus, quas lues venerea, aut scorbutus, aut simplex catarrhus efficit.

In

In his enim nulla plerumque febris tenet . Paulo autem difficilius catarrhalis febris internoscitur ab ea quotidianæ intermittentis specie, cui ob accessiones vespertinas, longioresque circuitus spuria (§. CXXXV.) nomen est, in primis si catarrhalibus affectibus originem debeat, aut ab his (§. CXLI.) stipata sit, Attamen in quotidiana hujusmodi manifestior ut plurimum horror accessiones exasperat, aut antecedit, & vera integritas, licet brevis, eas intercipit, qua in re omne discrimen contineri docet LUDWIGIUS (a).

(a) Instit. Clinic. subsect. 3. §. 99.

§. CCCXLIV.

Causa ejus proxima videtur esse serum, & lymphæ copia, aut lentore, aut acrimonia, aut omnibus hisce vitiis peccans, in vasis ambitum corporis perreptantibus, in primis cutaneis congesta, hærens, irritans; aut ad vasa, glandulas, folliculos, cryptasve mucosas membranarum nares, palatum, fauces, laryngem, bronchia, similesque partes, quin imo œsophagum, ventriculum, atque intestina investientium copiosius adfluens, eisdemque replens, distendens, inflammans, sive, ut brevissime dicam, causa proxima in levi, & serosa harum partium aut omnium, aut aliquarum phlogosi sita videtur. Proegumenæ vero causæ, quæ ad morbum corpus quodammodo præparant, præcipue sunt temperamentum sanguineo-phlegmaticum, habitus mollis & laxus, aut cacochymicus, acritates variæ, ulcerum, scabiei, crustæ lactæ, ichthorum, aliarumque excretionum suppressio. Proegumenis supervenientes procatacticæ mutua conjunctione causam proximam efficiunt, uti sunt su-

Causa?

bitæ corporis, & præsertim capitis, collique refrigerationes, cum aeri frigido, aut humido vere, aut autumno imprudentius obijcimus; potus frigidus calente corpore haustus; subita perspirationis imminutio; maximæ tempestatum variationes, & demum acre epidemicum inspiratum, aut aliter corpore receptum *. His enim non modo lymphæ crassior, acriorque redditur; mucosi humores coeuntur; excretorii ductus arctantur, verum etiam sanguis, reliquique humores, constrictis, & majori vi resistentibus exterioribus partibus ad interiores nondum a frigore affectas, proindeque laxiores, & minus renitentes uberius propelluntur, & confluunt, ut ibi congestiones, & leves inflammationes pariant.

* *Id epidemicum miasma ex eo maxime elucet, quod sæpe catarrhalibus affectibus epidemicè regnantibus, communi hoc morbo corripuntur etiam illi, qui jamdiu in cubili aliis ex causis se continent, & sibi a frigore, aerisque injuriis religiosissime cavent. Id centies observavimus. Neque credas velim, me istud observasse solum in iis catarrhis, in quibus suspicari licuisset de contagione per agrotantes cum sanis communicata; quod sane, si unquam accidit, rarissimum omnino est, nisi etiam valde dubium, atque incertum dixerim, sed in illis catarrhalibus affectibus testor id deprehendisse, quos in alios contagione propagari nulla certe ratio, nullaque argumenta supponebant, ut vel levissime suspicaremur. Acre autem epidemicum inspiratum, aut aliter corpore receptum cum dicimus, illud intelligimus, quod halitus, & vapores e terra sive humida, sive palustri, sive aliter insalubri elevati aeri impertiunt, aut aliunde venti quidam ad nos transferunt: nam ita interdum celeriter diffunditur malum, ut e simplici contactu, & communicatione tanta propagationis velocitas pendere non possit, nisi ventorum ope miasmata dispergantur quaquaversum. Ex hac enim causa catarrhos epidemicos magna ex parte oriri, probabile admodum puto; reliquos vero eorum mitiores, & minus,*

mus, ut ita dicam, universales tempestatum, & atmospha-
ra vicissitudinibus, qua humores corporis nostri varia ratio-
ne depravant, deberi.

Prognosis.

§. CCCXLV.

Incerto dierum numero febris hæc finire consue-
vit. Ubi levior ejus causa; & gradus est, uno, Perperam
ad eph-
meras fe-
fertur.
duobus, tribus, vel quatuor diebus absolvitur.
Tum ad *ephemeras plurium dierum*, sed perperam,
quia nequaquam continens est, a plerisque refer-
tur. Vere proxime elapso hujusce anni 1780. epi-
demica ita fuit, ut hic Mediolani, itemque Tau-
rini, aliisque in regionibus vix ullus eam effuge-
rit. Invadebat sine frigore, cum lassitudine totius
corporis, coryza, tussi, magno calore, & tribus
successivis diebus circa vespere suas accessiones
repetebat, sensum minores, & mox oborto copio-
so in remissionibus sudore, urinis crassis emissis,
sputisque puriformibus & concoctis facile, & cito
excreatis, tertia ut plurimum, aut quarta, quod
longissimum fuit, accessione penitus desinebat, so-
la tussi ad aliquot dies superstite. Frequentius ta-
men, ubi validior causa eam efficit, & legitima,
puraque est, qualem supra descripsi, ad septimum,
ad nonum, aut decimum quartum diem extendi-
tur. Per se benigna, communi sententia, esse cre-
datur, & recte curata periculi expers habetur;
nam sæpe vel primis diebus referata cutis excre-
tione solvitur per sudores, vel post aliquot dies
per copiosam materiæ viscidæ expuitionem, aut
largum muci, & pituitæ e naribus stillicidium,
aut crebras alvi dejectiones, aut magnam urinæ

crassæ, & subsidentis copiam, vel per omnes hæscæ simul evacuationes judicatur.

§. CCCXLVI.

Interdum tamen, cum vehementiori ex causa nascitur, & sanguis diathesi inflammatoria magis inficitur, ut in quibusdam epidemicis constitutionibus sæpe accidit, facile in anginam, aut peripneumoniam, aut pleuritidem transit, nisi mature, & provide venæ sectio, & regimen antiphlogisticum subveniat. Talis fuit illa *febris catarrhalis*, quæ anno 1658. medio vero Londini epidemicè grassata est (a), aut alia quæ anno 1675. nemini fere pepercit, & sub tussis epidemicæ nomine a SYDENAMO (a*) descripta est; itemque ea, quæ anno 1709. Romæ in constitutione quadam epidemica, quam Rheumaticam LANCISIUS (b) appellat, delæviit. In hac coryzæ, & rheumata cum modica tussi ab initio infestabant, pari ferme ratione, qua idem mali genus sæculo XVI. & XVII, ut referunt CAGNATUS (c), & DONUS (d), sævierat. Deinde accedebant huic febri pectoris dolores, angina, pleuritis, aut vera peripneumonia, præsertim in iis, qui neglecta prima morbi & tussis invasione intemperanter vivebant *.

(a) WILLIS. De febrib. cap. XVII. p. 85.

(a*) Observ. medic. circa morb. acut. hist. & curat. sect. II. cap. V. pag. mihi 150. 152.

(b) De nativ. deque adventit. Romani Cœli Qualitatib. cui accedit. Historia Epidemiæ Rheumat. quæ per hiemem anni MDCCIX. vagata est. Rom. 1711.

(c) De salubrit. Roman. aeris p. 22.

(d) De restit. salub. agr. Rom. p. 16.

* En Lancisiana uescriptionis Synopsis. Totius corporis lassitudo primum, tum febris cum rigore, mox vagues in
pe-

pectore infra; supraque dolor, assidua tussi, & quidem sicca comitante, invadebat: Pulsus durus, urina flammea, atque interdum turbida observabantur; nec mora sanguinis sputum, & respirandi difficultas superveniebant. Tum gena sæpe rubebant; ac flavus toti corpori color, uti in aurigine laborantibus inducebatur. Mirum est, notatuque dignum, carceris, locaque ab aquilonaribus ventis dissita, ac remota ejusmodi morbum minime sensisse, Mulieres minus, quam viri, item minus opulentiores, ac nobiles, quam egeni eisdem obnoxii fuerunt, & si quidam in eum incidissent, levio-rem certe morbum, nimirum coryzam, raucedinem, & exterum pectoris dolorem, levesque rheumaticarum febrium accessiones experti sunt. Plerique a morbo convalescerunt aut sudore, aut narium hamorrhagia, aut alvi fluxu, aut ubertiore urina, aut omnibus hisce simul concurrentibus evacuationibus cum sputi item concocti, ut plurimum, rejectione. Non raro tamen sine sputorum coctione dolores pectoris, febresque decedebant. Dissecta defunctorum cadavera ostendebant præcordia rubentia usque ad diaphragma, & nigricantia sanguine coacto, inque magnis cordis vasis polypofo. Aquilonares venti, & tempestas perfrigida diu durans visa est potior hujusce morbi causa. Hist. Rom. epid. cap. 2. p. 196.

§. CCCXLVII.

In phthisim etiam pulmonarem non raro malum migrat, tum in primis cum tussis diuturnior evadat, aut sæpius hæc febris recurrat, eosque corripiat, qui jam aliqua pulmonum labe laborant, aut vitiosa pectoris structura deformantur. In univ-
 Interdum in phthisim trans-
 sis.

sum quo magis, ut inquit JUNKERUS, ab indole sua levio-
 re recedit, & cum vehementia tam frigoris, quam æstus insultat, eo justior est metus alicujus lab-
 is circa viscera hærentis. Item quo major sangui-
 nis, aut feri impuri copia ægrotantes gravat, eo
 deterior, longiorque morbus esse solet, quemad-
 modum obvenit scorbuticis, aut miasmate miliarî

delitescenda affectis; quem in his insolita, & perniciosiora symptomata oboriantur, vitæque non leve periculum afferant. Ceterum hypochondriacos vehementius affligit, quoniam in his graviora sibi adjungit symptomata, uti præcordiorum anxietates, difficiliorem respirationem, inquietudinem, & flatulentos imi ventris dolores. Neque minori gradu torquentur fœminæ, quæ hystericae passioni, aut mensium suppressioni obnoxia sunt.

Curatio.

§. CCCXLVIII.

Indicationes.

Quando sufficiat diata sola.

De sanguinis missione. quid judicandum.

Cura omnis impendenda est, ut æquabilis sanguinis, & humorum omnium circuitus restituantur; ab interioribus ad exteriora alliciatur; congestiones resolvantur; acritas mitigetur; perspiratio omnis interna, & externa promoveatur; coctio, atque excretio materiæ morbificæ opportune contingat. Quare, ubi levior morbus est, ejusque causa facile tolli, & diffari potest, totum opus soli naturæ, rectoque vitæ regimini committatur. Tum sola quies & lectuli tepor, & largus tepensque potus, qui diluat, temperet, & leniter secretiones, excretionesve omnes, sputi præsertim, & sudoris adjuvet, cum tenuiori victus genere sufficient. At cum febris paullo intensior tenet, & graviora invehit symptomata, efficaciori artis auxilio opus est. Tunc primum sanguinis missio animadversionem meretur. Hanc plerique aut silentio prætereunt, aut manifeste rejiciunt, aut rarissime necessariam esse existimant. HOFFMANNUS, qui eam opportuno tempore, & regimine institutam in plethoricis frequentem catarrhalium affectuum reditum egregie præcavere affirmat, præsentem

men

nen catarrhali febre omnino omittendam præcipit; quod experientia didicerit, diuturniorem inde catarrhum fieri. Pace autem tanti viri, aliorumque eandem sententiam tuentium, sanguinis missionem non timeo hic quoque proponere, tamquam maxime utilem, accommodatamque non modo ad causam proximam hujusce febris, quæ in phlogosi quadam partium affectarum sita videtur (§. CCCXLIV.) atque ad quascunque congestiones prompte, efficaciterque discutiendas, verum etiam ad pravos affectus, qui ejusmodi rheumaticas affectiones subsequi interdum solent, tubercula nimirum, hæmoptysim, & phthisim, certo, & tuto avertendos. Id enim iteratis periculis in Italia a nobis compertum est; nec aliter in Gallia SAUVAGESIO visum; quam ob rem ipsæ febris catarrhalis curationem a sanguinis missione inchoandam suadet.

§. CCCXLIX.

Non tamen eam temere institui oportet, nec nimis liberaliter: sed omnia prius, quæ sæpius alibi monuimus, perpendenda a Medico sunt, sanguinis missionem indicantia. Si enim hæc deficient, & *Monita* 3 contra serosus humor abundet, pars sanguinis rubra justo parcior sit, vasa & fibræ laxiores, cum pulsu parvo, debili, & molli, sanguinis missio non modo supervacua erit, verum etiam noxia, & tunc solum imminuta a tergo vi impellente congestiones serosæ pertinaciores fient, imo augebuntur, ut HOFMANNUS timet. Si quid tamen venæ sectionem petere videatur, dum reliqua dubiam, ancipitemque reddunt, ei cucurbitulæ tam siccæ, quam scarificatæ, hirudinesque tutissime subrogantur, In constitutione epidemica, de qua supra (§. CCCXLV.)

mementi; pulsus pleni, validi, interdum duri; facies rubra, accessiones aliquanto vehementiores continuo unam, vel alteram sanguinis missionem postulabant, omnes feliciter sanabantur. Idque eo magis necessarium est, si constitutio epidemica cum diathesi sanguinis phlogistica conjungatur, & facile sibi anginam, pleuritidem, aut peripneumoniam adscribat (§. CCCXLI.). In ea, quam LANCISIUS descripsit, sanguinis missio ante quartum diem adhibita robustioribus profuit, etiamsi sanguinis sputum præcessisset; quod profecto cruditatis, non resolutionis; aut coctionis signum erat. Imbecilliores vero, & præsertim post septimum, si jam sputum concoqui cœpisset, aliæque utiles evacuationes simul adessent; non parum læsit. Sæpe largæ sanguinis detractio non suffecit; alias vero exigua dumtaxat morbum devicit; imo interdum sola lateris scarificatio curam perfecit*. Utilem quoque sanguinis missionem expertus est SYDENHAMIUS, ubi hujusmodi symptomata inflammatoria superveniebant; sed neque ita largam, neque ita repetitam volebat, ut in pleuritide, & peripneumonia primaria fieri debet. Animadvertit enim, in symptomaticis hujusce pleuritidibus, aut anginis, aut peripneumoniis, quoties febris, cui superveniunt, ex sanguinis missionem non exigit, unam vel alteram tantummodo sufficere, plures noxias esse. Interim regimen refrigerans, atque antiphlogisticum imperabat; & præcipue suadebat, ut quotidie ægri per aliquod spatium lectulum defererent. Illo enim tempore in Anglia mos invaluerat, ut calefacientibus remediis & nimio lecti calores hisce in morbis abuterentur.

* Præterea LANCISIUS non omittebat fomenta extrinsecus, quæ molliunt, intrinsecus ea, quæ diluunt, laxant, & resol-

solvunt, atque etiam cantharidum applicationem. Testatur hac omnia plurimum emolumentum attulisse. Fatetur etiam clysteres, & blanda alvum laxantia sua utilitate non caruisse.

§. CCCL.

Purgantia medicamenta raro conveniunt. Attamen, cum primæ viæ cacoehylia obsidentur, aut muco viscido, quod sæpe incidit, scatent, lenientibus tantum expiandæ sunt, cassia videlicet, Manna, Tartaro, salibus neutris amaris, passulis, aut prunis præparatis, oleo amygdalino, aut seminum lini, aliisque pro circumstantiarum ratione. Neque id a principio solum, verum etiam in progressu opportune fieri potest, si serosi, impurique humoris copia excedat, difficiliusque a faucibus; atque a pulmonibus avocetur. Clysteres singulis, aut alternis diebus tutissime injiciuntur, tam ad alvum apertam servandam, quod necessarium ducitur, quam ad revellendum, refrigerandumque. Hoc uno auxilio SYDENHAMUS maxime confidebat, cum acres, phlogisticasque particulas sanguine secernere atque educere sensim vellet. Acre enim perspirabile, & phlogisticum principium retentum, commodissime ad intestina transfertur, atque illinc evacuatur. Dum hæc aguntur, reliquum curationis persolvunt diluentia affatim, & tepide hausta. In his præstant, quæ simul acrimoniam demulcent, uti decocta hordei, radicum althææ, & glycyrrhizæ; diluta florum papaveris erratici, violarum, verbasci; emulsa ex amygdalis, aut seminibus frigidis, quibus etiam vis quædam anodyna inest. Flores item bellidis, & sambuci hic commendantur. Illi resolvente in primis, hi diaphoretica facultate pollere creduntur.

De Purgatione aliquid.

Clysteres.

Diluentia.

§. CCCLI.

§. CCCLI.

Antiphlogistica.

Febris æstum, quando ardentior est, sanguiniferaque lentorem, si, ut sæpe evenit, cum ea complicetur, præter sanguinis missionem temperant, solvuntque oxymel simplex; Terra foliata Tartari, ejusque liquor; Roob baccarum sambuci, serum Lactis purum, aut ex cichoreo, taraxaco, scabiosa decoctum; hydromel, aliaque hujus generis. Validius lentam viscidamque lympham incidunt, dummodo moderatior febris motus, & solidarum partium quidam veluti torpor permittat, decocta radicum Bardanæ, Pimpinellæ albæ, Enulæ campanæ, Vincitoxici, Polygalæ Virginianæ, aut nostratis, ligni sassafras, herbarum Hyssopi, Veronicæ, Cheresfolii; oxymel Scilliticum; Syrupus de Erysimi Lobellii, aut de Peto; flores sulphuris; Kermes minerale, reliqua. Quibus illud etiam efficitur, ut pulmonum infarctus, sputis copiosioribus promotis, resolvantur.

§. CCCLII.

Quæ tussim leniunt.

Tussis quandoque adeo molesta est, ut leniri potissimum debeat. Eam igitur mitigant sperma cæri albißimum, minime rancidum; oleum amygdalarum dulcium, aut seminum lini recentissime sine ignis ope expressum, butyrum; cremor lactis; hydrogala; emulsa ex seminibus pinguibus, & fari-nosis; *mucilagines* seminum althææ, malvæ, psyllii; & præ ceteris ea, quæ somnum inducunt uti diacodium, syrupus de Meconio SYDENHAMII, pilulæ de styrace SYLVII, de cynoglossa, laudanum nepenthes QUERCETANI, atque opium ipsum. Sed caute, & non, nisi urgente necessitate, depletis vasis,

vasis, purgatoque ventre, & minuta pituitosa col-
lue, qua pulmones obruebantur, ad eorum usum
deveniendum. Sudori proliciendo, qui in hujusmo-
di febre maxime proficit, opportunissima sunt, si *Quæ su-
dori ma-
vendo a-
pta.*
iis, quæ memoravimus, non responderit, decocta,
& diluta plantarum amaricantium uti cardui bene-
dicti, chamædryos, absynthii alpini, chamæmeli,
calide epota; fricationes totius corporis; cucurbi-
tulæ siccæ, balnea pedum: quæ postrema etiam a
capite, & faucibus utilissime revellunt. Revellunt *Revellen-
tia.*
quoque epispastica ex cantharidibus & simul præ-
stantissime, resolvunt, attenuantque, cervici, aut
brachiis admota, in primis si temperamentum, ha-
bitus corporis, excretiones cutaneæ suppressæ per-
tinax tussis id auxilii genus exposcant.

§. CCCLII.

Reliquis quoque symptomatibus est succurren-
dum. Fauces, si dolor acer eas vexet, lacte tepi-
do, aut decocto hordei, florumque sambuci leni-
ter colluantur. Interdum dolori aphthæ accedunt,
quæ penicillo in spiritum salis, vel vitrioli, addi-
ta mellis ex rosis exigua parte, intincto abstergan-
tur, circurenturque. Diarrhœa si superveniat, non
comprimenda est. Profusior tamen compesci qui-
dem potest; tardior, & pigrior rhabarbari pulve-
re, aut ejus tinctura leniter incitari. Nares obstru-
ctæ aqua tepenti, aut ejus vapore attracto fovean-
tur, ut vasa laxentur, congestio resolvatur, &
mucus inde facilius emungi queat. Si stimulo opus
sit, quod discussa membranæ pituitariæ phlogosi
contingere quandoque potest, mel aquæ, vel sac-
charum, vel manna, vel succus betæ rubræ adji-
cere licebit. Nonnulli mannæ purioris frustula te-

*Sympto-
matis quæ
succur-
rent.*

retia, & oblonga oleo amygdalino illita in nares imittunt, quo humor felicius extillet.

§. CCCLIV.

Cautiones. Ceterum omnia, quæ nimium commovent, aut calefaciunt, aut contra quæ nimis refrigerant, aut aciditate coagulant, & perspirationem cohibent, diligenter vitentur. Hypnotica ipsa caute usurpentur, ut supra (§. CCCLII.) monitum est, præsertim, si caput imbecillum, & grave, si ætas senilis, & alvus adstricta sit. Oleosa porro, & nimis laxantia, uti bechica pleraque, parca, & cauta manu dentur, ne appetitum, digestionemque dejiciendo, aut pulmonum compagem nimis laxando, cachexiam, & phthisim demum accersant. Post rebrem depulsam, aut ea ad finem vergente, si primæ viæ videantur viscido muco obsitæ, aut catarrhalis humor ad fauces, pectusque confluere diutius pergat, tum lene eccoproticum, ex Manna, aut Rhabarbaro efficiet, ut illæ repurgentur; hic aliorum avocetur, Si demum bronchia, & pulmonem contraxerint, nimiaque laxitate laborent, roborari, firmarique poterunt cortice chinæ chinæ, aut cascarillæ, balsamicis resinis, *conserva* rosarum rubrarum, aliisque quæ tonica, & traumatica dicuntur.

§. CCCLV.

Verum sæpe incidit, ut hujusmodi febris ex levi quacumque causa revertatur, obnoxiosque premium sibi quosdam reddat. His curatio etiam prophylactica necessaria est. Itaque qui in eam propiores sunt, vitare debent eas omnes causas, quibus catarrhales affectiones induci supra tradidimus; tempore verno, atque autumnali, antequam in morbum incidant, si plethorici fuerint, sanguinem sibi detrahendum curare, sobrie alimentis uti; corpus vestibus mature munire, seroque eas dimittere; perpirationem sedulo curare; exercitatione, frictionibusque validis habitum corporis bonum & firmum comparare, quo respiciunt etiam balnea tepida & deinde frigida ex aqua fluviali, aut marina æstivo tempore adhibenda. Præterea illis, qui humidiores, laxioresque temperie donantur, vere, autumnoque decoctis ex sarsaparilla, radice chinæ, ligno sassafras, lentisco cum passulis ad xxx. aut ad xl. dies uti convenit, victumque exsiccantem adhibere. Contra vero lactis serum, jura ranarum, & viperarum, ptisanæ ex hordeo, aut avena proderunt iis, qui tenui corporis habitu sunt, quique acritatibus icatent. Profuit etiam non paucis fonticulus *nuchæ*, aut brachio inustus, quo a catarrhis pertinacioribus & recidivis liberati narrantur. His igitur fit, ut morbi reditus mirifice præpediatur.

Cura præ-
phylacti-
ca.

§. CCCLVI.

Hactenus de febre catarrhali tam sporadica, quam epidemica, benigna, nec non de complicata cum diathesi sanguinis inflammatoria. Complicari etiam potest in primis epidemica cum saburra pri-

Varie
complica-
tiones.

An maligna interdum?

Animadversiones.

marum viarum, & tunc *gastricam*, de qua paullo post dicam, æmulatur; item cum latente miliari miasmate, aut morbilloso, aut petechiali; sed dubium remanet, utrum tunc potius symptomatica sit, quam primaria. Nec malignitatis expers interdum est, in primis eum epidemice grassatur; vel saltem maligna quandoque evadit; quemadmodum LANCISIUS sub finem epidemiæ rheumaticæ modo memoratæ accidisse testatur. SAUVAGESIUS distinguit febrem catarrhalem a *rheumate pectoris* febrili, idest a levi, & lymphatica bronchiorum phlogosi cum febre; sed ni fallor, quid discriminis intercedit, id totum in gradu, & loco esse videtur. Catarrhos etiam varii generis idem auctor a febre hac segregatus voluit, videlicet *catarrhum benignum* (Spec. 2.) *catarrhum ferinum*, sive vulgo *Quinte* & *coquelouche* * sive tussim ferinam (Spec. 2.), *catarrhum epidemicum*, vulgo *Grippe*, aut *Follette* (Spec. 3.) **, cum plerumque febris eos non comitetur, vel si comitetur, symptomatica tunc haberi potest. Ceterum si huiusmodi morbi cum febre jam ab initio jungantur, eamque comitem habeant, non video, cur ad catarrhalem febrem reduci non possint. Huiusce generis videtur fuisse *morbis epidemicus* anno 1557. Nemausinos agros, & totam civitatem devastans, *coquelouche* vulgo dictus (a), aut alius prædicto non absimilis, anno 1380. Arelate, Avenione, vicinisque locis grassatus (b), itemque *febris illa lenta & maligna comitata morbo gutturis epidemico*, Alemariæ mense octobris an. 1657. a FORESTO (c) observata, aut alia similis, quæ epidemice anno 1680, mensibus *Junio*, & *Julio* Delphis stragem edidit (d), nec non quæ cum angina ulcerosa, ptyalismo, & petechiis Condomi apud Vascones anno. 1750. vagata legitur (e), aliæque ab

Hux-

Huxhamio (f), & non paucis aliis commemoratae, in quibus tussis cum faucium asperitate, aut inflammatione ferventi, aut ulcerosa, feбри continua, dolore capitis vehementi, pervigilio, lumbagine, coryza, pectoris sæpe infarctu, aut phrenitide multos quarto die, alios septimo, ad summum decimo quarto enecabat. Plerumque sanguinis missio ingruente morbo, cito celebrata, bechica, lenis purgatio, aut spontanea alvi solutio, aut demum sudor foetidus prorumpens, aut arte excitatus remedio fuit. Qui plura scire cupit, citatos auctores alio (g) consultat, necesse est.

* *Italica Tossæ canina, aut asinina, aut convulsiva.*

** *Vulgo Roma olim mal de castrone.*

(a) Observ. comm. obs. 9. apud RIVERIUM.

(b) Ibid. observ. 10.

(c) Observ. & curat. l. VI. obs. 1.

(d) Ibid. observ. 3. Hæc ipsa catarrhalis constitutio epidemica eodem anno 1580. descripta fuit ab HENISCHIO; ut supra (§. CCXXVI. in not.) indicavi, & ab Anonymo apud RIVERIUM (*Observat. addit. observ. X.*), & ab aliis non paucis, quia totam Europam, aliasque diffitas regiones peragravit; sed præ ceteris a PETRO SALIO DIVERSO in lib. de *Febre Pestilenti* cap. XI.

(e) SAUVAGES. Nosol. cl. 2. ord. 2. ger. VI. spec. 13.

(f) Ibid.

(g) Præterea consulantur e nostratibus JOANNES TARGIENIUS TOZZETTIUS (*Prim. Raccolt. d' Osservaz. Med. pag. 174.*), qui catarrhos epidemicos Florentiæ ab annis 1323. ad ann. 1752. observatos recenset; & Cl. JAC. BARTHOL. BECCARIUS in commentario de quadam peculiari Constitutione epidemica, & speciatim de Catarro epidemico ann. 1730., qui universum fere terrarum orbem celerissime occupasse narratur. Exstat hujusmodi Commentarius in *Act. Acad. N. Curios. Germ. T. 3. p. 142.*, & nuper in lucem prodit. recusus in *T. 3. Consiliorum Medicorum*, Bononiæ editorum post Auctoris mortem. In eo non solum absolutissi-

ma morbi historia traditur, sed etiam aliorum temporum similes constitutiones recensentur, & una comparantur. Multum affinitatis cum catarrho epidemico a BECCARIO descripto videtur habuisse, qui proxime elapso anno 1782. totam pene Europam *catarrhi Russici* nomine pervagatus est; de quo Cl. J. ALOYSIUS TARGIONIUS quædam scitu digna edidit in volum. VII. *Degli Avvisi sopra la salute umana*. Inter externos porro habemus Cl. LORYUM, qui catarrhum ann. 1775. & 76. Parisiis epidemicum descripsit (*Mém. de la Societ. Royal. de Médec. Vol. I. p. 2. usque ad p. 13.*), & non valde diversum, ut ipse putat, ab eo, quem Londini vidit ann. 1675. SYDENHAMIUS, & quem *Acta Acad. Edimburg. ann. 1733.* grassatum referunt, aliumque similem, sed mitiorem; anno 1745. pariter Parisiis visum memoravit. Observationes quoque maxime utiles de Tussi epidemica ann. 1779. & 1780. cum R. Societate Medica (*mém. de la Societ. Roy. de Médec. vol. III. p. 16.*) communicavit Cl. COQUEREAU. Hæc autem tussis fore cum *catarrho Russico* ann. 1782. convenire videtur; sic ut dubitari possit, an a septentrionalibus plagis morbus inceperit, aut aliunde processerit. Catarrhales item epidemici affectus, qui Dublini ann. 1729. 1732. 1733. 1737. 1743. 1762. vagati sunt, a MACBRIDIO (*Introduc. method. ad Theor. & Prax. med. T. 2. cap. VI. p. 25.*) exponuntur, & a Cl. PERKINSO, Bostoni Medico, historia catarrhorum epidemicorum annor. 1631. -- 45. -- 50. -- 51. -- 53. -- 67. -- & -- 68. tradita legitur in *Vol. I. Histor. Reg. Societ. Med. p. 206.* Quæ omnia legi, & perpendi fortasse deberent ab iis, qui disputationem nuper investitam de *contagiosa Catarrhi Russici natura* dirimere velint.

FEBRIS LACTEA PUERPERARUM *.

§. CCCLVII.

Fœminis recens enixis interdum secundo a partu die, sæpius tertio, quandoque etiam quarto Febris quædam supervenit, cui *Lactea* nomen est, quia, si non a lacte ad mammas confluente, quod controversum est, oritur; saltem tempore, quo lacte mammx turgere incipiunt, accedit. Ephemeris, aut synochis simplicibus annumerari a Nosologis solet, sed, ut ego arbitror, ineptissime, cum, continua remittens sit, quotidianæque continuæ morem, quando ultra viginti quatuor horas trahitur, observet, novisque accessionibus usque ad finem, quem intra paucos dies consequitur, exasperari consueverit. Plerumque hisce se symptomatibus exserit: nox præcedens insomnis, & irrequieta transigitur, aut si somnus obrepit turbulentis imaginibus interrumpitur. Mane pulsus est aliquando frequentior, quam ex consuetudine. Accedit non raro capitis dolor, & frigus, interdum levis tantum horripilatio totum spinæ dorsi tractum decurrens, & quavis corporis in cubili conversione ad scapulas, imo ad totum fere corporis ambitum se diffundens, subindeque revertens. Vesperi deinde calor auctus subsequitur, & pulsus validior, & frequentior; dum interea mammx incipiunt dolore, tendi, intumescere, & aliquid feri effundere. Dorsum, & scapulæ dolore tenso afficiuntur, lacque ab axillis quasi ad mammas derivari sentitur; respiratio fit quodammodo gravior, & laboriosior; lochia, nisi jam prius parcius fluere cœperant, tum manifeste imminuuntur, & quandoque albescunt, aut saltem multo minus rubent; sæpe areola nigri-

*Historia
morbi.*

cat, papillæ prominent, & leviter rigent; glandulæ circum circa turgent, & dolent; simulque brachia ob vicinarum partium distentionem difficilius moveri possunt, & demum mammæ tumoribus quibusdam inæqualibus, tactui manifestis, dolentibusque occupantur. Nocte febris proserpit, & somnum irrequietum reddit, donec matutino tempore adventante omnia mitescant, & pulsus fiant multo pacatiores, & aliqua quies cum leni madore cutis consequatur.

* Synonyma.

Febris lactis vulgo à Mulieribus nominata RIVÉRII, Prax. Med. lib. XV. cap. 24. Febris Lactea improprie dicta LEVRETI, Oeuv. T. I. Art des Accouchemens p. 151. Ephémérida Lactea puerperarum SAUVAGESII, spec. 5. Gen. 1. Class. 2. Febris Lactea Auctorum?

§. CCCLVIII.

Remissio hæc aliquot horas quidem perdurat; quin tamen ad veram integritatem perveniat. Pomeridianis horis cum levi horripilatione iterum febris exacerbatur. Pulsus initio ut plurimum parvus, contractus, & celer percipitur; deinde paulatim insurgit elatior, crebrior, & per intervalla subinde varius. Tunc sæpe caput acutius dolet, somnus difficulter capitur, artuum lassitudo excruciat, & si lochia sistantur, aut parce admodum fluant, etiam rubet facies, calet, spiritus ægre ducitur, & febris cum pulsu duro, & vehementi invalescit. Tandem nocte media paulatim omnia mitiora evadunt, ut mane postero iterum febris cum omnibus symptomatibus ad pristinam remissionem revertatur. Si quiescant puerperæ, copioso potu,

potu, blando, diluente, atque aperienti, & tenuissimo victu utantur, sæpe intra duos, vel tres dies hujusmodi accessiones, & turbæ desinunt, uberiore lactis proventu, & multo sudore, foetido, subacidum odorem spirante per totum corpus æqualiter diffuso. Interdum usque ad quartum, vel quintum diem, nempe ad nonum a partu, protrahitur febris, mitioribus semper accessionibus sensim redditis & demum ex toto insensibiliter evanescentibus. Quando brevissima omnium est, intra viginti, aut triginta horas ephemera instar absolvitur, imò in foeminis quibusdam optimæ temperiei, & constitutionis adeo levis quandoque existit; ut præter noctem unam minus tranquillam, vix aliam molestiam subeant, præcipue si infanti ubera porrigant, ut passim id videmus evenire, viditque in sua uxore, aliisque multis Cl. SWIETENIUS (a).

(a) In Boerhaav. §. 1329.

§. CCCLIX.

Ex Physiologicis constat, uterum a foetu edito Causa? paulatim contrahi, indeque *humores redundantes*, inque *uteri vasis contentos*, aut chylum, ut alii docent, ipsum, sive lacteiferolum liquorem, qui ad uterum ferebatur, ad mammas per venas repelli: quo insignioribus earum vasis, & glandulis repente repletis, distractisque præter morem nervis fibrillis, dolorem, febremque moveri, magna veri specie tradidit FRIDERICUS (a) HOFFMANNUS. Verum hujusmodi causa non tanti faciendæ visa est Cl. SWIETENIO (b), ut in ea penitus ipse con-
quiesceret. Quam ob rem, cum febrim hujusmodi eo potissimum tempore exoriri videret, quo vul-

neribus supervenire solet, & avulsionem placentæ non sine aliqua interioris uteri superficiei laceratione concipere posset, levi ideo interioris uteri cavæ phlogosi, præter lactis ad mammas concursus, febris hujusce ortum tribuit, necessariam istiusmodi levem inflammationem arbitratus ad separandas destruendasque blanda suppuratione chorii reliquias adhuc ibi adhærentes, quod in primis ostenditur a puriformi, imo purulenta lochiorum natura, quæ ad aliquot porro dies colore, & peculiari fœtore manifestatur. SAUVAGESIUS vero, cui satis esse videtur, febrim hanc post contractum uterum nasci nosse, ad causam finalem, ob quam a Natura excitatur, indagandam se potius convertit, opusque providentissimæ naturæ eam existimat, ut nimirum sanguine sic fortius validiusque moto, atque adactis mammarum vasa dilatentur, & chylo illuc appellenti, atque in lac permutando viam liberam aperiunt (c).

(a) Med. Ration. System. T. I. l. I. sect. 2. cap. XV.
§. I. (b) L. c. L. c.

§. CCCLX.

*De hisce
sententiis,
quid sen-
tiendum.*

Quorum singulorum auctoritas cum plurimum apud me valeat, utra opinio præferenda sit, non facile definiverim. Ausim tamen animadvertere, illud Hoffmannianæ sententiæ, quo minus universim vera habeatur, adversari, quod febris interdum ante veniat, atque aliquantum protrahatur, quam mammæ humorum copia turgescant, dilatationemque dolorificam, cui febris tribui possit, patiantur. Præterea, si unica, & perpetua ejus causa in majori humorum copia ad mammas concurrente, & dolorificam dilatationem inferente sita,

&

& locata esset; profecto verisimile videretur, huic feбри Primiparas obnoxias esse, utpote angustiora & firmiora vasa habentes, non vero illas, quæ pluries enixæ sunt, aut quæ proli charissimæ jam ubera præbuerunt; cum his vel ob jam alias toleratam lactis secretionem, vel lactationem vasa ampliata fuisse dicenda sinit. His accedit, quod mulieribus quibusdam ultimis gestationis mensibus mammæ ita lacte intumescunt, ut ab utero post editum fœtum contracto* ejus secretio, atque a dolorifica earum dilatatione febris derivari nequeat. In his enim vasa jam patula, & lacteo latice plena se sistunt; nec tamen ideo semper febris lacteæ immunes servantur.

* Canem venaticam vidi; quæ cum contigine venerea percita esset, a maris miscela, & coitione diligentissime fuit seclusa; donec in ea veneris desiderium esset restinctum. Huic tamen eo tempore, quo, si marem admisisset, parere debuisset, ubera sic lacte intumuerunt; ut terram quasi attingerent. Cum autem rem ipse valde admirarer, Chirurgus, ad quem canis illa spectabat, mihi asseveravit, se alias hujusmodi lactis sine conceptu proventus in aliis canibus, & animalibus conspexisse. Quæ si vera sint, erit certe Physiologis nova via ineunda, ut lactis in puerperis apparitionem explicent, quin ad uteri contractionem respiciant. Et sane gravidis jam in mammis lac apparet; ne de virginibus, & viris ipsis dicam, quibus interdum magnam lactis copiam ad mammas confluisse perhibent. CL. ROBINETUS, quem puto omnem a se errori causam diligenter removisse, narrat (*Interp. de la Nat. T. 2. P. V. c. 270. & seqq.*); Virgini cuidam tanta lactis vi mammas repletas fuisse, ut arte illud educi debuerit.

§. CCCLXI.

Sauvagesius refertur.

SAUVAGESIO vero, causam, ut vocant, finalem hujusce febris constituentem quis assentiatur? Siquidem certis observationibus compertum, exploratumque est, lac interdum tam ante partum, ut prænotavimus, quam post partum in mammis secretum deprehendi, quin ejusdem secretionem ulla febris anteiverit, auctoque sanguinis motu vasa lactifera ad lactis proventum præparaverit. Deinde si lactis secretio vasorum dilatationi per febrim peractæ debeatur, cur non etiam virginibus febre correptis mammæ lacte replentur? Quis demum sanæ mentis sibi persuadeat, Naturam consilii adeo inopem fuisse, ut non alia ratione, quam ista, nec commoda, nec discriminis experte, lactis in puerperis secretionem moliri eidem licuerit? Alienissimum sane id a vero videtur, cum in brutis animalibus lac sine febre comparetur, & reliquæ animati corporis secretiones, etiam tardiores, puta seminis, sine hujusmodi absurdo opificio peragantur.

§. CCCLXII.

Expenditur opinio Swietenii.

Quod ad SWIETENII attinet opinionem, is, dum febrim hanc a levissima interioris uteri superficiei inflammatione deducit, planum quoque facit, & explicatu facillimum, cur puerperæ interdum eam careant, tunc nimirum, cum placenta avulsio ita lenis fuerit, ut nullam utero vim intulerit, vel cum placenta sponte, & tota ita exciderit, ut nihil reliquum, ne *Hunterianæ* quidem aliquid, uteri cavo adhæserit. Quando vero contrarium evenit, ut vel vis aliqua in avellenda placenta adhi-

bita

bita sit, vel aliquid membranæ chorii utero adhæ-
 terit, non modo febris, quam lacteam dicunt, su-
 pervenit, verum etiam eam comitantur dolor,
 tensio, tumor aliquis regionem uteri occupans,
 atque eodem prorsus tempore circa pudendum, vel
 in urina emittenda calor quidam, ardorque, etsi
 non magnus percipitur. At ubi neutrum acciderit,
 nec ulla ejusmodi incommoda uteri regionem in-
 festent; contra vero mammæ doleant, rendantur,
 & tumeant, si tamen febris accesserit, ut non ra-
 ro fit, poteritne hæc memoratæ uteri inflamma-
 tiunculæ adscribi? Non quidem; cum SWIETENIUS
 ipse hujusmodi causam non ita perpetuam habet,
 & solam, ut alteram, lactis nempe copiam mam-
 mas distendentem, omnino excludendam velit. Ma-
 jor potius difficultas in eo sita videtur, quod in-
 terdum nulla uteri culpa, nullus molestiæ in mam-
 mis sensus antecedit, aut comitetur, & nihilo ta-
 men febris lactea puerperas corripiat. Quid tum?
 An ab humorum uberiori ad mammæ confluxu,
 an a chorii reliquiis utero adhærentibus eam na-
 tam tunc dixeris?

§. CCCLXIII.

Quas ob res vehementer suspicor, non unam fe-
 bris hujusce originem, naturamque esse, sed aliam
 atque aliam; quamquam vulgo *lactea*, quasi a la-
 ctis secretionē profluere, perperam, atque im-
 proprie nuncupetur. Et primum quidem probabile
 admodum est, ut plurimum hanc febrem a sola
 uteri contractione, quæ modo citius, modo serius
 contingit, pendere. Contracto enim utero, atque
 adeo parcius, aut dilutius fluentibus lochiis, quod
 modo altero a partu die, modo tertio, modo quar-
 to accidit, ita sanguinis circuitus permutatur, ut

Non una
 hujusce
 febris
 causa.

hac de causa solum cordis arteriarumque motus concitetur, febrisque, brevi tamen cessatura, restituto nimirum æquabili humorum omnium circuitu, oriatur. Quod si aliquid impuri humoris ab utero, aliisque imi ventris visceribus post fœtum editum nec pressis amplius, nec distentis in sanguinem, lymphamque remeet, qui mora, & stagnatione graviditatis tempore vitiari aliquomodo potuit; tum febris inde nata longius trahetur, iterabitque accessiones suas, donec omnis impuritas sudore, urina, aut alvi fluxu expulsa fuerit, quod intra tres, quatuor, aut quinque dies fieri consuevit. Nulla contra febris accendetur, si contractio uteri adeo lenis sequatur, ut nullam sensibilem in sanguinis circuitu perturbationem efficiat, aut si ab utero, reliquisque partibus nullus sanguini, aut lymphæ vitiatum humor affundatur, qui per febrim expurgari debeat. Quo casu nec lochiorum fluxus præter naturæ ordinem minuetur, nec lactis secretio quidquam incommodi præter levem mammarum distentionem procreabit. Lochia porro decolorari, aut imminui accedente febrili motu, atque iterum, eo cessante, rubicundiora, & copiosiora restitui, maxime rationi consonum est, nec quisquam mirabitur.

§. CCCLXIV.

*Quæ pro-
prio lactea
dici possit.*

Non tamen inficior, interdum tantam sanguinis, humorumque vim ad mammas confluere, ut immodice tumeant, caleant, doleant, & quodammodo inflammentur. Verum tum febris, quæ ex huiusmodi causa excitabitur, non præcedet, ut modo descripta, sed subsequetur mammarum tumorem, lactisque secretionem. Hæc proprie lactea dici

dici poterit, utpote quæ a lactis nimia copia, & congestione dimanat, & symptomatîca est, nec ulla eget crisi per sudorem, aut diuresim, sed sola tantum humorum imminutione, & revulsione, aut lactis suctione solvetur. Tantoque molestior, pertinacior, & diuturnior erit, quo magis pars aliqua in tumorem excrescat, aut lacte coacto indurabitur. Hoc genus mali febrim symptomatîcam moventis commune quoque est Nutricibus; quod, quando brevi discutitur, vulgo *Boroniæ mal de pello* dicitur; si vero gravius vexat, facile in mammarum abscessum desinit.

§. CCCLXV.

Differre vëro ab his speciebus (§. CCCLXIII. CCCLIV.) videtur ea febris, quam levis interioris uteri cavæ ex sententiâ SWIETENII inflammatio parit (§. CCCLIX.). Hæc enim, quando incidit, quoniam puerperas huic quoque obnoxias (§. CCCLXII.) esse posuimus, uteri dolorem, tumorem, calorem, dysuriam, aliaque symptomatâ, de quibus supra retulimus, paullatim consequitur, & modo citius, modo tardius corripit, desinitque pro vario phlogoseos gradu, atque intensiõis duratione, & pro vario tempore, quo inflammatio ipsa, cujus febris isthæc symptomata est, aggreditur. In hac præterea lochia decolorantur, & successive fœtent, purisque naturam assumunt, & si gravius malum est, inter initia non modo imminuuntur, sed etiam fere omnino deficiunt. Non enim perpetuum est, lochia, feбри accedente, minui, aut deficere, aut decolorari, aut fœtere. At si, quacunque ex causâ, uti ex frigore admissio, terrore, animi pathemate, odoramentis, placenta frustulis retentis, sanguineis concretionibus, aliis-

Quando
ab uteri
levi phlogosi
origi-
tur.

que

Quando
ab uteri
inflammatione.

que similibus lochia restitent, cohibeantur, repellanturve, aliud sane febris vehementioris genus oriatur, necesse est, ab hisce omnino (§. CCCLXII. CCCLXIII. CCCLXIV.) cum origine, & natura, tum symptomatibus gravitate, & periculo, tum effectuum varietate, atque exitu diversissimum. Vera enim inflammatio uteri tunc morbum facit, vel caput, vel pectus, vel aliæ nobiliores partes per metastasim pessime occupantur, ut inde plurima, funestissimaque mala puerperas in summum vitæ discrimen adducant.

Prognosis, & curatio.

§. CCCLXVI.

Prima
species
quomodo
curanda.

Generatim febris lactea, si indicato tempore incipiat, & levior sit, biduo, aut triduo finitur, aut si aliquanto longior persistat, quarto, aut quinto die, leni, ut dictum est (§. CCCLVIII.), sudore, urina multa, aut crassa, interdum etiam liquidiore alvò, aut lochiorum fluxu, quæ non nihil substiterant, copiosiore restituto. Passimque periculi expers habetur. Verum accurate indaganda est ejus origo, & natura, antequam quidquam de prognosi, aut curatione pronuncietur. Si igitur ejusmodi videatur, qualem (§. CCCLXIII.) descripsimus, vix Medici opera indiget, dummodo mitis sit, & cito remittat, lochia leniter fluant, plethora absit, nec quodpiam aliud symptoma gravius præsto sit. Tunc enim satis est puerperam quiescere, a luce vividiorè, sermonibus, aut confabulationibus arceri, capite elevato decumbere, corpus a frigore defendi, potu tepido, aperienti, inodoro, grato, humores diluere, blandæque dia-

pho-

phoresi operam dare, victu tenuissimo ex jure pul-
li, simplici, aut cum pane decocto, ad justa in-
tervalla prudenter tributo uti, & clystere mollien-
te, sine stimulis, oleo olivarum, ubi opportunum
visum erit, addito, singulis aut alternis diebus al-
vum laxare, aut jam laxam abstergere, donec in-
tegritas redeat. Raro sanguinis missione opus est.
Si tamen lochia æquo parcius fluant, aut quod ma-
gis urget, sistantur, plethora vasa turgat, facies
rubeat, caput doleat, & pulsationibus feriat, aut
spiritus difficulter ducatur, febris vehementius exar-
deat, cum pulsu pleno, forti, & duro, aut sup-
presso, aut uteri regio compressa aliquem doloris
sensem edat, tunc sanguinem inclsa in pede vena
mitti protinus oportet, ne ex levi alias morbo in
pejorem, graviolemque fiat transitus, idque inter-
dum, ni remittant Symptomata, prudenter re-
peti.

§. CCCLXVII.

Si vero ex signis (§. CCCLXVII.) comperia-
tur, febrim vere *lacteam*, nempe a copia humo-
rum, aut lactis ad mammas congesti esse, non al-
lia curatio adhiberi debet, quam quæ mammarum
inflammationi. Resolutio itaque omni cura tentan-
da est, primum abstinencia, quiete, dato jure pul-
li tenui, singulis quatuor horis repetendo, aut bis
in dies panatella liquidiori, quæ non multum la-
ctis proventum augeat, potu aquoso, leniter diu-
retico, cui subinde interponatur pulvis oculorum
cancrorum cum nitro commixtus, ut temperet,
acidamque acrimoniam absorbeat; deinde etiam, si
lochia parcius fluant, febris protrahatur, pulsus ve-
hemens, & durus, & plenus sit, & reliqua Sym-
ptomata, quæ inflammationis indicium præbent,

*Secundæ
species
vere lac-
teæ di-
cenda.
Ejus cu-
ratio.*

una concurrant, aut capitis dolor, aut spirandi difficultas aliquod auxilium petant, ad sanguinis missionem ex pede deveniendum est, pro circumstantiarum ratione etiam iterandam; nec omittenda enemata; quæ molliant; & leniter alvum laxent. Extrinsecus porro dolentibus mammis, tensis, & nimium calentibus lintea imponi debent ex decocto malvæ expressa, & identidem renovata, super datis semper linteis duplicatis siccis, & tepentibus; ne fomenta justo citius frigescant, frigoreque noceant. His sæpe fit; ut laxatis viis lac e papillis ubertim extillat, quod maxime levat. Si rubor quasi erysipelatodes summam cutim teneat; non alienum est aliquod aceti simplicis, cujus odor ferri innoxie solet, decocto malvæ adjicere, ut magis resolvens, & temperans evadat. Sed a solventibus protinus temperare oportet, ac dolor, & mammae relaxantur; nam cauto opus est, ne lactis subita ad interiora metastasis fiat a qua plurima mala timeri possunt.

§. CCCLXVIII.

*Fomenta
sicca.*

Alii fomentorum humidorum loco præcipiunt, mammæ operiri liteolis siccis, calidisque, atque hæc; cum primum lacte maduerint, continuo renovari, ne frigescant; idque fieri volunt cautione adhibita, ne frigus admittatur, & noceat. Calorem autem hujusmodi sæpe antecellere quibuscunque aliis remediis, ut petroselino, appio, mentha, Chærephyllo, farinæ fabarum, aut secalis, melli, vini fœcibus, butyro recenti in spiritu vini soluto, emplastris diachylon, aut spermatis ceti, aliisque, quæ admoventur solent, auctor est LIAUTAUDIUS (a). Verum etiam calor iste; nisi temperatissimus sit, noxa non vacat. Interdum enim

in causa fuit, cur repente ut a frigore, sic a nimio calore contractis vasorum lac repercussum, cerebrum, pulmones, aliasque interiores partes impeteret, apoplexias, pleuritides, peripneumonias, inflammationes, abcessusque inferens, funesta videlicet mala, quæ a lacte nomen habent, At præstantius non novimus auxilium tam ad mammas tuto molliendas, quam ad avertendam lactis metastasim, lactatione. Bis igitur quotidie mammis alumnus admoveatur, aut si per ejus infirmioræ ætatem non liceat, curandum saltem est, ut lac per aliquam mulierem, aut per catellum, aut per syphonem accommodatum exsugatur, donec infans, febre in primis discussa, libere id ipse facere possit.

(a) Précis de Médecin. l. III. p. 649.

§. CCCLXIX.

Illis vero, quæ lac infantibus dare nolunt, ut pleræque hodie sunt, inclinata jam febre prodest quam maxime *arcanum duplicatum*, a scrupulis binis ad drachmas duas in quatuor partes divisum, & justis intervallis in singulos dies datum ex hausto diluti tepidi capillorum veneris. Hoc enim sale, teste LEURETO qui primus ejus usum hoc in casu proposuit, atque experientia suffragante, non solum lochia leniter promoventur, quod maxime interest, verum etiam urinarum, alvique excretio sollicitatur; quo potissimum fit, ut lactis exuberans copia per hæc vias utilissime foras emittatur (a). Continuari autem hujusmodi remedium debet, donec nihil lactis in mammis appareat, totumque e corpore eductum videatur. Non reticendum hic est, quorundam in more positum esse,

Lac non
dantibus
quid con-
ferat.
Arcanum
duplica-
tum.

Purgatio.

nona

nona circiter die, qua febris lactea defuisse consuevit, alvum leni medicamento subducere, si prius non satis responderit; idque eo consilio præstant, ut lactis reliquias deturbent, a quibus aliquin retentis vehementer sibi timent. Verum non universim, nec sine deliberatione in puerperis ad alvi ductionem properandum est, præsertim lochiis rite, abundeque fluentibus. Hæc enim a præpropera purgatione, aut temerè instituta, facile supprimuntur, & periculosas metastases faciunt. Alvo igitur pigra; lochiis imminutis, aut deficientibus; lacte sæpius ad mammas redeunte; appetitu dejecto; oris sapore depravato; somno a falsis imaginibus perturbato, poterit tuto alvus laxari sale aliquo medio, uti Anglicano, aut Mutinensi, aut Polychresto, aut eodem ipso Arcano duplicato ad quatuor, aut sex drachmas in magna aquæ calidæ copia soluto.

(a) L. c. §. 948.

§. CCCLXX.

*Quomodo
præcaveri
possit fe-
bris lactea.*

Hæc quod ad febris Lactæ curationem. Verum scire etiam convenit, qua ratione ea anteverti, aut minui possit. Itaque duodecim circiter a partu horis, postquam puerpera somno resecta est, si lac præbere velit, recens natum uberibus admove-
re debet; nam succio matura, & subinde repetita facit primum; ut lactis secretio facilius in mam-
mis succedat, deinde lacte educto cavet, ne mam-
mæ ultra modum turgellant, inflammenturque. Quæ vero nutrici infantem tradunt, aut ita mam-
mas habent turgidas, ut ab eo depleti nequeant, mulieris egent opera, aut alio artificio, ut supra dictum est, quo lactis copia minuatur. Copia item

arcetur victu pauciori, & parum alibili, & lac fer-
 rosius, liquidiusque, ut citius aut fugi possit, aut
 effluat, redditur potu aqueo, & facile traseunti.
 At his periculosior casu est, si lac mora acefcens, *Quid a-
 gendum
 in lactis
 metastasi?*
 aut vitiatum repente e mammis recedat, sic ut
 omnino flaccescant, & gravibus aliæ partes sym-
 ptomatibus (§. CCCLXVIII.) cum febre vehe-
 menti occupentur. Tunc illico sanguinem ex pe-
 de potissimum mitti expedit; alvum laxare; lo-
 chia, & urinas leniter ciere; ut lac oberrans ad
 excretionem ducatur, imo si fortius malum urget,
 cantharidibus vesicas excitare, novumque materiæ
 exitum aperire.

§. CCCLXXI.

Si signa demum levis uteri phlogoseos, qualis ea *Tertio
 species,*
 est, de qua SWIETENIUS disseruit (§. CCCLIX.
 CCCLXV.) prævalere videantur, præter eam cu-
 rationem, quam supra (§. CCCLXVI.) commen-
 davimus, poterunt etiam usui esse fomenta emol-
 lentia, uteri regioni imposita, & oleosa intrinse-
 cus dari, ut facilius, quæ utero inhærent, sece-
 dant, & prodeant. Quod si lochia suppressa mayo-
 ris inflammationis metum (§. CCCLXV.) incu-
 tiant, revocari quantocius ea debent. Nemo est,
 qui tunc venæ sectionem non approbet. De loco
 tamen, unde mitti præstet, aliqua quæstio moveri
 solet. Plerique vero conveniunt, si lochia omnino,
 & repente suppressa sint, caputque aut pectus im-
 petant, aut in uteri vasis retenta tumorem inflam-
 matorium efficiant; ex venis brachii latioribus
 mittendum liberaliter esse, ut validior ab affectis,
 prægravatisque visceribus revulsio fiat; contra si
 tantum imminuta; ex pede, ut iterum revocen-
 tur, & debita copia fluant. Putant enim secta in
 pede vena, ab utero copiosius sanguinem allici,

V. S. in
pede re-
vellit ab
utero.

atque, ut ajunt, derivari; quamquam, ut ego arbitror, secta etiam pedis vena ab utero revellere videatur. Venæ enim pedis cum iliacis externis respondeant, necesse est, ut, his depletis, minor ad iliacas internas, quæ utero sanguinem afferunt, dato tempore fiat influxus, in quo revulsio consistit. Quod si nec lochia post venæ sectiones iteratas redeant, nec congestio sanguinis circa uterum digeratur, summum præsidium est in hirudinibus applicitis, atque in mitissimis emollientibusque liquoribus in uterum tepide per syphonem crebro injiciendis. Inter hos oleum amygdalarum dulcium recentissime sine ignis ope expressum præstantissimum est. Fere eadem curatio convenit in uteri ipsius phlegmone, quam placenta retenta, aut laboriosior partus, aut vis externa adhibita intulerit.

§. CCCLXXII.

Nutricum
febris la-
tea cura-
tio.

Quæ demum tumoribus mammarum, qui nutricibus extra puerperium superveniunt (§. CCCLXIV.), opportunior curatio adhibenda sit, Chirurgiæ scriptores uberrime docent. Præcipuæ vero ex iis, quæ alibi de inflammatione universim tradita sunt, peti possunt. Illud tantummodo superest, quod moneam, lente omnino post depulsam febrem lateam ad pleniorum victum esse redeundum, & corpus a frigore, aere, aliisque noxis probe defendendum.

FEBRIS GASTRICA ACUTA *.

§. CCCLXXIII.

Quid hoc
nomine
intelliga-
tur.

Hujus quoque loci est illud febrium genus; quod etsi varie ab auctoribus denominetur pro differenti sede, in qua ejus fomes insidere creditur, au-

di-

diversa ipsius fomitis natura, & pravitate; rectius tamen cum BALLONIO (a) *Gastricæ* nomine nuncupandum videtur, dummodo *acuta febris*, non *lenta* hac voce (*) intelligatur. Quocunque autem nomine scriptores eam appellarint, febrem videntur significare voluisse, quæ originis sedem in imo ventre habeat, & a cacochylia, sive a pravis, corruptis, putridisque materiebus, succisque primas vias infestantibus, & sensim in sanguinem irrepentibus (1) gignatur, quæque alvi defectionibus cum spontaneis, tum arte promotis levetur, & solvatur.

* Synonyma.

Febris a putredine orta ALEXANDRI TRALLIANI, lib. XII. cap. 12. Febris putrida Monspelliensium, FIZESII Tract. de febrib. LE ROY second. Mémoire sur les Fievr. p. 243. Febris putrida quorundam *Recentiorum*. Febris mesenterica BAGLIVII, Prax. Medic. lib. 1. De feb. malig. & mesenteric. §. 3. & 4. Febris acuta mesenterica BURCHARDI, Diss. de Febr. acut. Mesent. Febris acuta stomachica, & intestinalis HEISTERI, Compend. medic. Pract. cap. V. Febris stercoralis QUESNÆI, Des Fievr. T. 2. p. 367. Febris intestinalis, & mesenterica a cacochymia atrabilaria RIEDELII, De Febr. Intest. §. XV. Febris putrida, aut biliosa TISSOTII, Avis au Peuple Premier. Part. chap. XVI. Pag. 263.

(a) Epidem. l. 2. p. 117. 120. 121. (*) *Quæ enim Mesentericæ vocantur passim, atque a FERNELIO nomen habent, non sunt hujus generis; nam ad lentas, & symptomáticas pertinent, de quibus, ubi de Hæctica, jam mentio facta est.*

(1) *Via, quæ aditum in sanguinem præbent, non sunt tantum vasa lactea, verum etiam vasa absorbentia, quæ ut minus irritabilia promptius, faciliusque recipiunt quemcumque humorem, licet acrem, & irritantem.*

§. CCCLXXIV.

Quid cacochylia nobis sit.

Cacochylia autem nomine venit quidquid in ventriculo, intestinis, hepate, pancreate, aliisque imi ventris visceribus a naturali statu alienum nidulatur, corrumpitur, aut alio quovis modo noxium est; sive id primario ibi hæreat, & stagnet, sive a totius corporis habitu, aut aliunde illuc confluerit, & coacervatum ibi sit. Cujusmodi sunt cruditates, & quæcumque alimentorum degenerationes in ventriculo collectæ, excrementa in intestinis cunctantia, atque ad insigniorem corruptionem evecta; bilis in ductibus suis, & cystide fellea uberius congesta, & putrescens, aut in duodenum, ventriculumque effusa, aut illapsa, & diu nimis ibidem remorans; gastricus, pancreaticus, aut entericus succus similiter vitiatus; sanguinis, reliquorumque humorum recrementa aut retenta aut retro pulsa, atque ad intestina traducta, vermium varia genera; prava, noxia, putrida, venenata potus, cibi, medicamenti forma ingesta; miasmata absorpta, deglutita, & ventriculo, intestinisque inhærentia; uno verbo ea omnia ex his, quæ purgatione educi possunt, atqueeducta morbum imminuunt, aut penitus tollunt.

§. CCCLXXV.

Cur gastrica recidius appellatur.

Quia vero cacochylia ista primarum viarum aut putrida, aut ad putrescendum valde prona generatim hodie habetur; ideo Montpellenses, Tissotus, alique * febrem inde genitam *putridam* nominarunt; verum fortasse non satis apposite, nec accurate; nam fomes iste febrilis variis modis nocere potest, variisque vitiis præditus esse, quin

pi-

putridus existat; & nomen *putridæ* pluribus aliis febribus ** non modo a Veteribus, sed etiam a Recentioribus inditum est, sic ut rectius *gastrica* hujusmodi febris appellanda videatur: *Putridæ* enim vere dicendæ illæ videntur, in quibus vis putrefaciens sanguinem ipsum dissolvit; & putredo ipsa sanguini inest, paulatimque in eo proserpit. Quæcumque igitur febris; ut alibi indicavimus, sive continens, sive remittens, sive intermittens, aut composita fuerit; cum *putrida* sanguinis dissolutione conjungitur, *putrida* dici potest, nec peculiare quoddam febris genus ea constituit. In vere *putridis* autem putredo ita propagatur ut, quamvis corrupti humoris portio subinde secedat, excernaturque, febris tamen non ideo decrescit, vel minuitur, sed nihilominus pergit adhuc exurere, & deflagrare. Contra res se habet in febre *gastrica* sive ex *cacochyliâ* primarum viarum orta; nam colluvie hac per purgationem subducta pleraque symptomata decedunt, & febris ipsa proportionate mitescit. Quod si ob fomitis partem cum sanguine communicatam, cumque eo effervescentem, febris non peritus evanescit; ipsa tamen extenuatur; prout saburra extunditur, detrahiturque. Quo sane discrimine *gastrica febris* a reliquis vere *putridis* vulgo dictis apprime distinguitur.

* *Passim* *Monspellii*; referente LE RÔY, (l. c. n. p.) omnes febres rediguntur ad duo summa genera; ad *putridas* nempe, & *malignas*. *Putridæ*, quæ in primis viis fomitem; ut supra notavimus, habent; acutis quidem accensentur, & symptomatibus gravibus stipantur; non tamen admodum periculosis. Quibus contra symptomata superveniunt periculosa & terrentia; ea *maligna* habentur.

** *Putridæ* a Galenicis vocabantur, ut ostensum supra fuit, omnes febres; exceptis *ephemeris*, & *hecticis*; & præsertim *Synochi*: Hodie *pestilentes*; veræ *petechiales*; caræ

cerariæ, contagiosæ, nosocomicæ, & pleraque malignæ passim putridæ dicuntur, ut apud HUXHAMIIUM, PRINGLIUM, STORCKIUM, QUARINIUM, aliosque quam plurimos videre est. In hunc locum, opportunissime cadit id, quod adversus veterum sententiam scriptum reliquit ALEXANDER TRALLIANUS, Is (lib. 12. cap. 2.) postquam ex eorum sententia multa de febribus ex putredine oriundis protulit, hæc habet. Nonnulli vero medicorum nullam prorsus in venis putredinem fieri, sed magis in ventre existimarunt. Ejus autem rei fidem faciunt tum ex vermibus, quæ in eo generantur, tum excrementis subductis, quæ & malum odorem, & ad putredinem nihilominus inclinationem repræsentent. Indicant hoc quoque vomitus, inquit, qui crebro tam perfecte febres exciderunt, ut æger non amplius malam accessionem sit expertus. Jam alias rursus a febre liberatos ex una, & sola sorbitione, vel injectione conspexisse, verum non ex his modo, sed aliis quoque multis accurate videre licet, quod venter etiam febrium ex putredine ortarum causa existat, forsam autem aliarum quoque fons, & origo ipse proprie existit.

§. CCCLXXVI.

Remittens
semper
est.

Quotidianæ continuæ ut plurimum servat typum & morem Gastricæ febris. Non negamus tamen interdum eam varias periodi subire vices, nempe Tritæophyarum, aut compositarum, aut erraticarum simillimam, Sed semper vere remittens est & cacochyliæ primarum viarum notas habet; in quo ejus character omnino consistit, A QUESNÆO acriticis, sive excrementitiis, ut ipse loquitur febribus adnumeratur; quia neque coctionis, neque legitimæ criseos capax est, utpote quæ soli impuræ colluviei subductione curatur. Id ipsum jam ante QUESNÆUM docuerat BAGLIVIIUS (a) inutilem in hac febre dierum criticorum confide

rationem ratus, cum coctionis, criscoſque legibus minime eam reſpondere vidiffet.

(a) Prax. Med. l. c. §. IV.

§. CCCLXXVIII.

Eam antecedunt cauſſæ, quæ ciborum coctionem lædunt, perturbant, & depravant; quæ perſpirationem cohibent, & ad inteſtina convertunt, quæ bilem uberioſorem, aut acriorem reddunt, fibrarum robur minuunt, motum humorum in imo ventre retardant, ſecretiones, excretionefque viſcerum abdominalium ſupprimunt, cruditates, impuritateſque ventriculo, aut inteſtinis ſuppeditant, uti auſtrinae conſtitutiones, pluvia immodica, aquarum inundationes, crebræ frigoris & caloris viciffitudines, vegetabilium recentium, vini, aceti, & cerealium ſeminum inopia, panis mucidus, aut vermibus ſcatens, aut aliter ſuſpectus, fructuum immaturorum; aut facile putreſcentium, & carnium, aut lacticinorum, aut crudorum alimentorum abuſus, vita deſeſ, aut curis, vigiliis, ſtudiisve nimium diſtenta, mœror, pathemata diuturna, & præ ceteris æſtas præſervida, ver humidum, & pluvioſum ſubſequens, atque alia hujusmodi. Addunt etiam non nulli atmophæram putridis halitibus reſertam, atque effluvia locorum paluſtrium, quamquam ex his febres nedum gaſtricæ, verum etiam nervoſæ, & quæcumque aliæ malignæ, epidemicæ; contagioſæ, imo morbi ipſi exanthematici gigni ſoleant.

*Cauſſa
antecedente.*

§. CCCLXXVIII.

*Signa im-
minentis
morbi:*

Quibus vero jam imminet morbus, hi aliquot ante diebus valde languent; capite, lumbis, & genibus dolent, aut pondus, & gravitatem toto corpore sentiunt, interdum vehementi cephalalgia vexantur; pravo oris sapore, matutinis præsertim horis afficiuntur; cibum fastidiunt, ac averfantur,

*Signa jam
incipientis:*

rumque symptomate transigunt. Deinde incipiunt per vices horrere, & incallescere, donec tandem calore sicco, atque acri exardeant. Tunc pulsum, qui horroris tempore erat parvus, & celer, se incipit efferre, & quandoque fit vehemens, non tamen durus, uti in synocho utraque esse consuevit, nisi febris hæc, quod non raro evenit, in plethoricum hominem, aut diathesi sanguinis inflammatoria præditum inciderit. Capitis præterea dolor plerumque ingravescit; vomitus aut vomendi cupiditas accedit; sitis affligit; urina parcius redditur;

Progressus:

atque os manifestius amarescit. Totam ferme noctem hæc perdurant; mane vero adventante omnia aliquantum remittunt; mitescit calor; pulsus etsi perpetuo sit celer, & frequens, & primis etiam diebus inæqualis, aut obscurus; non nihil tamen suæ magnitudinis, & virium deperdit, ægro interea debili, & languido remanente (a).

(a) TISSOT Avis au Peuple Prem. Part. chap. XVI.

§. CCCLXXIX.

*Reliquæ
morbi si-
gna:*

Præter communem sub vespertas febris intensio-
rem gradum, nonnullis etiam interdum aut noctu
aliæ

aliæ quædam, atque inordinatæ, primis potissimum diebus, obveniunt quasi accessiones, sive incrementi species, quæ ægrum exagitant. Dentes, lingua, fauces viscida, & tenaci pellicula, modo albida, modo fusca, & nigricante, modo flava, & lutea obteguntur. Quibusdam alvus compressa est, plerisque tamen liquefcit, & fluit; sed pauca, liquida, vix levantia descendunt cum crebra deijciendi necessitate. Dejectiones autem fœtidissimum spirant odorem, nec dissimilis ex ore halitus emanat. Urina cum natura, habitu, & colore, tum copia varia est. Initio plerumque tenuis, naturalisque videtur, sive id a spasticis affectionibus, sive a sanguine nondum cacochyliæ ingressu infecto, sed puro, deducere velis: procedente vero morbo crassa, turbida, subjugalis emittitur, & multiplex sedimentum, postquam refrixerit, deponit, talisque ad morbi usque finem sæpissime cernitur. Aliis cutis arida, & aspera est; aliis humida, mollis, & vapore perfusa, sed sine ullo symptomatum, & febris ipsius decremento. Hypochondria, quorum diligens observatio in omnibus acutis perutilis est, plerumque, elewantur, turgent, tenduntur, & dolent. Imo Epigastrium in aliquibus, præsertim iis, quibus circa hepar bilis putrescit, & coacervatur, adeo tenditur, & tumet, ut præ dolore ægri manus attactum nec permittant, nec ferant (a).

(a) MERTENS observ. medic. P. I. cap. 2.

§. CCCLXXX.

Quamlibet alvi dejectionem ut plurimum præ-
nuntiant anxietates quædam, suspiria, molestæ
ventris perturbationes, interiores spasmi, borbory-
gmi, flatuum strepitus, aliaque huiusmodi. Pavor

*Pavor in
somno quid
significet,*

*Pulsus
qualis.*

*Quesnai
observatio.*

dormientes crebro, & repente excitare consuevit; imo vigilantibus quandoque adeo infestus est, ut ex leni quavis causa sæpe contremiscant, & trepident. Quod plane symptoma BURCHARDUS certissimum cacochyliæ in primis viis existentis indicium esse asseverat. Pulsus etiam non parum lucis præbere, usus comprobavit. Solet enim, ubi intestina, & ventriculus sordibus scatent, & irritantur, parvus, contractus, inæqualis, atque interdum intermittens esse. Non rarum tamen est, multa ex his desiderari, dubiosque hærare medicos, num primæ viæ excrementis obsideantur. In hac rerum ambiguitate, ut præcipit QUESNÆUS, oportet alvum clystere immisso pertentare. Prompta enim, aut tarda, facilis, aut difficilis excrementorum dejectio, quæ clysterem subsequetur, eorum color, odor, habitusque alienus, aut naturalis, pravum in intestinis fomitem reperiri, vel abesse indicabunt. Sed debet clyster ex iis constare, quæ nec colorem, nec odorem excrementorum immutare, aut confundere possint. Aptissima ad id præ ceteris fenna est ex aqua leviter decocta, aut sal catharticus amarus, aut Cremor Tartari, aut quicumque alius sal aqua calenti solutus.

§. CCCLXXXI.

*Signa mi-
nus pro-
pria, pejo-
rem mor-
bum deno-
tantis.*

His igitur notis (§.CCCLXXVI. ad CCCLXXX.) hæc febris potissimum proditur, HEISTERO iudice, & teste quando benignior est, & purior. Concedit tamen idem exercitatissimus Auctor, eam non raro sibi alia assumere symptomata, quæ non tam febrem ipsam, quam peiorem ejus naturam, gradum, malignitatem, majusve ægrotantis discrimen in-

indicare queant. Nam ubi malum aut soli naturæ committitur, aut inepta curatione exasperatur, aut sua pravitate remedium eludit præsidium, quod sæpissime in epidemicis quibusdam constitutionibus, in quibus exitiosiores causæ eam gignunt, incidere observatur; tunc accessiones vehementius invalescunt, tardius, vel minus remittunt, crebrius redeunt, duplicantur, triplicantur, aut inordinatæ, atque erraticæ fiunt. Hinc in scenam prodeunt summæ præcordiorum anxietates, epigastrii, aut lateris unius secundum hypochondria dolor acutissimus, pleuritidem simulans; virium defectiones; li-pothymia; ardor interiorum partium, exteriorum frigus, aut tepor; singultus; tremores manuum, tendinum subsultus; mentis emotiones; ventris, atque hypochondriorum; quorum necessaria Medico est frequens contrectatio, ineteorismus; motusque spastici, quibus faciei muscoli convelluntur.

§. CCCLXXXII.

Ad hæc aut sponte, aut ex calefaciente, ut vocant, regimine, aut alexipharmacorum sudoriferorumque abusu, aut neglecta alvi ductione, at- *Peticular*
que ideo innecta in sanguinem morbida saburra maculæ rubræ, aut lividæ, aut obscuræ pulicum mor-sibus similes in summam cutim erumpunt, præfertim circa collum, dorsum, & pectus, & tunc *petechialis* vel *purpurata* febris vulgo appellatur, quamquam a *petechiali vera* sive a morbo *petechia-rum*, in quo *petechiæ* primarium morbum continent, ut alibi videbimus, multum discrepare videatur. Interdum etiam *exanthemata* tam rubra, quam alba, grana milii referentia, modo *peticulis* *Miliaria*
intermixta cum molesto pruritu prodeunt, & mor-bum

bum miliarem, de quo alibi agemus, æmulantur quæ tamen hic, ut secundaria, & epigenomena haberi debent. Et tunc *miliaris febris* sæpe nomen obtinet. Ubi vero malignitatis signa præsto sunt, & peticularem febrem simulat, quin tamen peticulæ erumpant, *maligna* & *petechizans* a nonnullis dicitur, item *morbillosa*, & *catarrhalis*, cum morbilli cum ea, aut catarrhales affectus complicantur. Hujusmodi profecto fuit *Febris catarrhalis putrida* anni 1768. a CAROLO MARTENSIO descripta, & pari doctrina & felicitate curata (a). Nec absunt interdum materiæ morbificæ ad alias partes transmigrationses. Ad aures translata, surditatem; ad glandulas, parotides, similesque tumores inflammationes, atque abscessus; ad fauces, anginam; ad pectus, pleuritidem, & peripneumoniam; ad cerebrum, vigilias, delirium, pleuritidem, aut soporosos affectus; ad ambitum corporis, abscessus, gangrænas, œdemata inducit. Quamquam multa ex his sæpe eveniunt per solam nervorum, aut vasorum, aut membranarum, ut nonnullis etiam placet, consentientium vim, quemadmodum ex eo demonstrari videtur, quod interdum alvo sive sponte, sive medicamento soluta penitus evanescunt.

(a) Observat. med. de Febr. putrid. & pest. P. I. cap. I.

§. CCCLXXXIII,

Signa
gravissimi
morbi.

Quo casu (§. CCCLXXXI. & CCCLXXXII.) tandem evenit, ut, mente sive delira, sive profundo somno oppressa, ipsa excrementa alvi, & cum his sæpe lumbrici egeruntur, insciis plerumque, aut non animadvertentibus ægris; qui supi-
ni

nō omnino jacent, ad crura sensim delabuntur, & cuncta miserrime respuunt auxilia. Nec raro muscas venantur, festucas colligunt, garriunt, obmurmurant. Inter hæc pulsus sunt exiles, celeres, inæquales, obscuri, intermittentes, nec facile eorū numerari ictus possunt. Sudor frigidus undique manat; pectoris cavum oppletur; stertor succedit, & demum mors, feralium symptomatum agmen claudit.

§. CCCLXXXIV.

Quando vero benignus, purus, legitimus, nec ulla cum malignitate conjunctus morbus est (§. CCCLXXVIII. CCCLXXIX. CCCLXXX.) nec arte, aut neglectu pervertitur, aliquandiu in eodem primo illo stadio, quod supra expositum est, persistit, quin ingravescat, aut minuatur. Postea mitior fit; symptomata omnia pacantur; accessiones minori profecto vi recrudescunt, citiusque, & manifestius se se remittunt, capitis dolor tolerabilior est; alvus non ita crebro, sed facilius excrementa dimittit, quæ ut concocta magis, & copiosiora descendunt, sic evidentius, certiusque relevant ægrotantes. Urinæ pariter uberius profluunt; somnus incipit facilior, & placidior esse, laborem non faciens, vires, animumque restaurans; lingua naturalem colorem, atque humiditatem requirit; gustus emendatur; aliqua redit cibi copiositas, & paullatim, cute molliori, & vaporosa ubique reddita, omnium functionum pristina integritas restituitur.

§. CCCLXXXV.

Ergo prima hujusce febris differentia est, ut vidimus, in *benignam*; & *malignam*. Posteriores *Dividitur igitur in benignam & malignam* ostenduntur.

Aliæ dif-
ferentiæ,
earumque
signa:

ostendunt virium lapsus; symptomata graviora; exanthemata, nervorum affectus, spasmi, delirium. Horum absentia priorem. Pro diversa vero gastricæ cacochyliæ natura, & ratione, variæ etiam differentiæ eliciuntur. Hinc *pituitosa*, sive *glutinosa* SÂRCONII & SELLII (a), *biliosa* TISSOTII (b), & *verminosa* J. B. MOREALIS (c), aliorumque proficiuntur; prout nimirum vel pituita, & mucus, vel bilis, vel vermes primarium febris fomitem continere creduntur. *Pituitosam* indicari dicunt lingua glutinosa, alba, quasi lardo obducta; saliva viscida fauces atque os replente; urina tenui, limpida, aut turbida; sapore oris fatuo; appetitu deficiente; victu antecedenti ex crudis, farinaceis, glutinosis; temperamento pituitoso, & melancholico. *Biliosam* sapore amaro, lingua flava, vel certe non mucosa, vomitu, aut diarrhœa biliosa; temperamento cholericò, flavo cutis colore, urinis subictericis, aut lateritiis. *Verminosam* lumbricorum signis alibi a nobis traditis; sed præsertim eorundem frequenti excretionem. Verum etsi singularum notæ, quibus discerni eas posse putant, enumeratæ modo sint, non tamen existimaverim iis esse multum tribuendum, cum sæpe omnes illæ causæ una concurrant; neque pathognomonice ita sint, ut earum ope certa semper cujusvis differentiæ diagnosi haberi queat.

(a) Pyretol. p. 242.

(b) Avis au peuple chapit. XVI. p. 263.

(c) Delle febbri maligne, e contag. prodotte da vermi: Modena an. 1739.

§. CCCLXXXVI.

Gastricæ
inflammationis
signa.

Nec rarum est, gastricam febrem cum diathesi inflammatoria sanguinis, quin imò cum peculiaribus

ri quarundam partium inflammatione complicari. Hinc *gastrica inflammatoria* apud non nullos tunc audit, & plerumque ab initio continens est, quamquam deinde, sublata inflammatoria diathesi, mox remittentis speciem assumat. Interdum etiam in ea nedum *cacochyliæ gastrica*, verum etiam sanguinis nimia tenuitas, aut putrida dissolutio conjungitur. Quando id accidit, *gastricam*, aut *biliosam putridam* aliqui eam vocant. Talis videtur fuisse febris *biliosa Lausanensis* TISSOTII (a), *maligna verminosa* MOREALIS (b), *Febris continua putrida cum vermibus* VAN DEN BOSCHII (b*), *putrida biliosa anni 1769.* MERTENSII (c), *Febris biliosæ castrensis*, & *locorum palustrium* PRINGLI (d), *Febris epidemica Senensis ann. 1766. & 1767.* NERUCHI (e), *Febris putrida verminosa*, & *maligna ann. 1770.* LEBEQUI DE LA CLOTURE (f); item *febris epidemica anni 1779.* GALLRONII & præterque *gastricæ epidemicæ*, & *malignæ* ab auctoribus descriptæ *. Atque hæc sunt præcipuæ differentiæ, quæ in febrem gastricam cadunt. Num vero pro tot gastricarum generibus habendæ sint, quæ innumeras fere species comprehendant, ut SELLIIUS posuit, vehementer dubitamus. Neque id naturæ valde consentaneum, nec clinicis satis commodum videtur.

*Gastrica
biliosa &
putrida.*

(a) Dissertat. de febr. bilios. seu Historia epidemiæ biliosæ Lausanensis an. 1754. (b) L. c.

(b*) Histor. constitutionis epidem. verminosæ quæ annis 1760. 1761. 1762. & initio 1763. &c. regnavit cap. 3. sect. 1. §. 25.

(c) L. c. P. 1. cap. 2. p. 30.

(d) Osservaz. sopra le malattie d'Armata P. III. cap. IV. §. 1. 2. 3.

(e) Hist. febr. epidem. Senens. ann. 1766. & 67. Sen. 1767.

(f) Observat. sur les Epidem. p. 91.

* An-

* Animadvertendum verò est, raro epidemicas febres, præsertim malignas, simplicium, & sporadicarum naturam sequi; nec regulares, & uniformes esse; ut sparsæ, siue sporadicæ esse solent. Semper aliquid habent; quo a congeneribus discrepent; dissentiantque. Namque non modocatione temperamentorum, sexus, ætatis; verum etiam anni temporis; tempestatum; regionis; loci; aliarumque circumstantiarum plurimum variantur. Inro probabile est; epidemicum ipsunt miasma natura; virulentia gradu; quantitate sic sæpe variari; ut magnæ subinde in morbis mutationes fiant, atque hinc fortasse evenit, ut in eadem epidemica constitutione morbus initio alius; aliis in progressu, alius in fine videatur; nec ubique in finitimis locis eamdem exhibeat faciem, sed aliam; atque aliam pro causarum progumenarum fortasse varietate. Peculiare ejusmodi varietatum specimen occurrit in *febre maligna epidemica* ann. 1772. & 1773. a Cl. BONTÆO (*mém. de la Soc. Roy. de med. Vol. I. p. 23.*) descripta. Erat hæc quidem in omnibus continua remittens; & quotidianæ typum servabat; sed in aliis gastricam putridam; in aliis catarrhalem; in nonnullis lentam nervosam; malignam perpetuo; atque anormalam præseferbat; sic; ut Cl. Auctor eam in plures species, nempe in *febrem malignam*; ut ipse vocat; *putridam*; in *biliosam*, in *mesentericam*; in *catarrhalem*; & in *nervosam* dividere coactus fuerit; ut quilibet videre potest l. c.

Prognosis:

§. CCCLXXXVII.

Prognosis
varia.

Generatim hæc febris certos; statosque non habet siue salutis, siue exiti terminos. Nam aliæ leves sunt, & benigniores; aliæ gravissimæ, aut malignæ; prout nimirum paucioribus, aut pluribus perniciosis symptomatibus; & quidem fibrosum; nervosumque genus plus; minus afficientibus in-

fo-

folescunt, & terrent. Ex spasticis enim potissimum affectionibus, quas in hac febre excitat heterogenei fomitis acerrima, & virulenta natura, lethales peripneumonix, pleuritides, anginae*, cardialgiæ, colici, aut iliaci dolores, cephalalgix acutissimæ, tussis vehementes, summa virium dejectio, læthargus, phrenitis consequuntur; quemadmodum supra indicatum est; sicque complura mala implicatissima oriuntur, quæ varios periculi, & perniciæ gradus constituunt. Majus quoque periculum est, quando cum aliis morbis complicatur, nempe cum morbillis, cum variolis, exanthematis miliaribus, cum synochis putribus, aut imputribus, præsertim ardentibus, cum particularibus inflammationibus, aliisque acutis morbis.

* Anginae tamen in his febribus plerumque ab acri, & septico fomite, vel miasmate ad fauces delato oriuntur, & facile in aphthas gangranosas, & depascentes degenerant. Hinc malignæ, & putridæ tunc vocari solent. De quibus plura in *capite de Angina* alibi. Similem saepe causam habent quoque pleuritides, & peripneumonix, & celeriter in gangranam terminantur lethalem.

§. CCCLXXXVIII.

Attamen quando levior est, plerumque paucos intra dies finitur. Contra, si gravior non nisi exactis sex hebdomadis, imo etiam longiore tempore. Tanta vero diuturnitas morbi non a sola mor- Curatio
bificæ materiæ copia, & pravitare, sed plerumque etiam a præpostera curandi ratione proficisci solet; nam communius ejus curriculum intra quatuordecim, aut intra triginta dies, quando longius procurrit, circumscribitur. At quoties vehementissimis urget symptomatibus, inepteque curatur, sæpe

sæpe accidit, ut ægros jugulet nona die, interdum decima octava, aut vigesima. Quandoque etiam post varias spei, & timoris vicissitudines ad quadragesimam, qua demum solvitur, ut modo innui, protrahi vili est. Ideoque cavendum est, quando etiam funestissima omnia videntur, ne statim exitium inevitabile prædicatur, quia non raro, cognita, expulsaque per vomitum, aut alvi dejectionem materiali causa, cito, atque inexpectato dissipantur.

§. CCCLXXXIX.

Alvi fluxus quid indicet.

Alvi fluxus, qui ut plurimum supervenit, aut comes est, si arte, aut casu supprimatur, tum ægrotantium res in pejus ruunt, translata ad interiora, nobilioraque alia viscera gastrica, corruptaque cacochylia. Quod STAHLIUS ipse, & reliqui ejus affectæ, ubi de febre *catarrhali maligna Germanorum*, sive *epidemica*, & *petechizante*, quam reapse ad gastricas spectare infra demonstrabimus, spectatim loquuntur, luculenter testatum faciunt.

Dejectiones crude.

At dejectiones tenues, liquidæ nimis, aquosæ, aut siccæ non vacant periculo. Contra bonum omen portendunt excrementa paullo spissiora, pulticulæ similia, & fœculentiora, minusque fœtentia. Interdum etiam urina crassa, stranguriosa, aut purulenta

Gastricorum variæ naturæ.

non levem boni exitus, & judicii spem facit. Gastrica maligna, aut epidemica, biliosa, putrida, aut cum aliis morbis complicata perniciosior, difficiliorque esse consuevit. Respiratio quo liberior, faciliorque, aut æqualior; quo minor anxietas, aut

Signa bona & mala.

irrequies est, eo major salutis spes. Pulsus exiles parvi, inæquales; facies livida, terrea, pallida; summus virium lapsus; mentis aberrationes, in primis si eas nec capitis dolor, nec vigiliæ immodicæ antecesse-

cefferint ; frigus extremorum , cum olidissimis , aut fuscis , nigrisve dejectionibus , intestinorum gangrænam , aut sphacelum imminere , proximamque mortem significant . In gangrænam quoque facile abeunt viscerum inflammationes , quæ huic feбри superveniunt , nec mirum in tanta humorum putredine , aut ad putrescendum proclivitate . Sanguinis item corrupti , atri , splendentis proflavium , nisi ab hæmorrhoidibus fundatur , plerumque lethiferum est . Reliqua bonum , aut malum eventum indicantia satis , ni fallimur , ex iis , quæ in hujusce febris historia protulimus , erui possunt . Postremo id solum adjicimus , crudum morbum adhuc esse , dum symptomata intenduntur , aut pertinaciter sæviunt ; ad coctionem procedere , iis inclinatissimis , aut decedentibus ; nam vera coctio nulla , ut ex BAGLIVIO , & QUESNÆO monuimus , in hac febre fieri consuevit .

Nulla coctio expectanda .

Curatio .

§. CCCXC.

Morbi natura , atque ipsa Ratio postulat , ut quam citissime omnis e primis viis saburra expellatur , inflammationis si quis timor est , aut metastaseos provide avertatur , spasticæ solidarum partium affectiones tollantur ; & putredini , aut sanguinis putridæ dissolutioni , quoad fieri potest , eatur obviam . Ante omnia vero perpendendum rite est , num protinus ab initio sanguinem mitti expediat . Plerique enim non mittendum esse , docent . Sed ego , quænam in hac controversia attendenda sint ; quo modo cognosci possit , ubi sanguinis missio conveniat , paucis complectar . Nam si ætas florida , si temperamentum sanguineum , si bonus cor-

Indicationes .

An sanguis mittendus ?

poris habitus, si plethora, si pulsus magnus, vehementis, aut durus, si dolor capitis atrox, si pectoris oppressio respirationem lædens, atque alia symptomata immitia concurrant, si ea, quæ calefaciunt, diathesimque phlogisticam sanguini inducunt, præcesserint, si aliqua pars inflammationis metu tentetur (§. CCCLXXXI. LXXXII.), aut gastrica febris cum diathesi inflammatoria, uti in *gastrico-inflammatoria* (§. CCCLXXXVI.) accidit, confestim, ac inter initia, sanguis e vena mitti debet, & si semel satis non fuerit, iterato id etiam fieri poterit. Inter symptomata, quæ id auxilii exposcunt, recensendus quoque est venter tumens, dolens,ensus, & clausus. Alia sanguinis missio supervacua esse consuevit, imo noxia, tum in primis, cum febris jam aliquantum processerit, vel cum putrida sanguinis dissolutione complicetur, ut in *gastrico-putrida* (§. CCCLXXXVI.) sive *bilioso-putrida*, præsertim *epidemica*, aut *maligna* evenit. Quo in casu, si quid tamen eam indicet, tutius sanguis cucurbitulis scarificatis, aut hirundinibus temporibus, naribus, aut hæmorrhoidibus admotis mittitur; idque convenientissimum prope est in ipso morbi etiam progressu.

§. CCCXCI.

*Purgatio
duplex.*

*Indican-
tia eme-
sim.*

Ceterum, quod pernecessarium est, primarum viarum sordes mature excutiendæ sunt, idque vel vomitione, vel ducta alvo præstandum. Vomitione, si materies circa ventriculum turgeat; quod innotescit potissimum ex lingua lurida, & sordida, ore amaro, anima foetida, nausea, vomitu bilioso, vel pituitoso, sensu molestiæ, aut ponderis circa præcordia, anxietate, cephalalgia sympathica, aurium susurru, oculorum caligine, aut verti-

figine, neque interea febris impetus, aut inflammati ventriculi, intestinorumque suspicio, aut sputum sanguinis, aut aliud quidpiam obstet. Obstare etiam solet enterocoele, nisi cingulo rite applicito intestinorum vehemens prolapsus avertatur. Graviditas quoque impedimento est; sed non tanto, ut quandoque in robustis, difficulterque abortientibus, si necessitas urgeat, lenissime vomitus cieri non possit. Alvi vero ductione, si vomitus cieri nequeat, aut gastrica colluvies intestina potius teneat; quod indicant genuum gravitas, lumborum dolor, epigastrii, aut ventris tumor sine inflammatione, borborygmi, flatu, tormina, alvi egestionem foetidam, liquidam, mordicantem, & biliosam.

*Indis-
cantia, alvi
ductionem.*

§. CCCXCII.

Vomitus autem cieri potest vel aqua tepida oleo remixta, affatimque epota, vel oxymelle scillitico, vel ipecacuanha, vel in robustioribus tartaro emetico, in magna aquae tepentis copia soluto, & divisim ad intervalla, donec vomitus subsequatur, propinato. Nec semel tantum, ubi multa gastrica cacochylia est, sufficit vomitum prolicere, sed interdum id iterari, prout res exigit, opus est. Educta per breviorē viam cacochylia, proponit TISSOTIUS Tamarindorum leve decoctum, vel aliquot Cremoris Tartari drachmas singulis, vel alternis diebus sumendas; quibus & blande alvus ducatur, & calor contemperetur, & putredini, alkalinaeque degeneracioni occurratur. MOREALIUS ingens se consecutum esse scribit emolumentum ex mixtura quadam, quae habet aquam scordii, theriacalem, totius citri, & rhabbarbari tantillum, aut ejusdem syrupum, cochleatim toto

*Quibus
auxiliis
vomitus;
aut alvi
dejectionem
quaerenda.*

morbi decursu identidem data , & sine ea argentum vivum , quod summum vermium & febrium inde ortarum antidotum celebrat , adhibitum frustra fuisse , palam fatetur ; adeo & ipse necessariam comperit alvi ductionem , quam datum illud medicamentum per epicrasim præstabat .

§. CCCXCIII.

*Heisteri
methodus .*

Sed nemo fortasse alvi ductionem in hujusmodi febre pluris fecit , quam HEISTERUS . Is præterlapso etiam morbis principio in omnibus gastricis febribus , imo in *malignis* quibusque *exanthematicis* , & *petechizantibus* (§. CCCLXXXII. CCCLXXXIX.) cujusque ætatis homines , itemque pueros , & puerperas adorientibus , experientia WAGNERI Medici Lubecensis non ignobilis , & sua confusus , magnis effert laudibus peculiarem quamdam medendi rationem , quæ non solum ad eas curandas , verum etiam ad eas ex malignis in benignas convertendas plurimum valere dicitur . Nempe sumit Ipecacuanham a scrupulo uno ad drachmam semis cum arcano duplicato probe contritam , & diluit eam aquæ cardui benedicti unciiis tribus , vel quatuor . De hac mixtura quavis semihora , vel singulis horis cochleare unum vel alterum dandum esse jubet , interposita identidem potione aliqua temperante , & diaphnoica , donec emetica remedii vis exeratur . Si intra duodecim circiter horas vertigo , lipothymia , faucium dolor , aliaque malignitatem indicantia symptomata non se se remiserint , neque pulsus , & respiratio liberiora fiant (respiratio enim anxiosa , inæqualis , crebra , difficilis , suspiriosa pro signo ferme proprio febrium mali moris habetur) ; eandem mixturam repetere oportet , quousque morbus in melius

lius vergere incipiat, neque ab exhibendis aliquot ipecacuanhæ granis desistendum est, nisi cum prava malignitatis indicia penitus evanuerint; quod intra biduum quandoque contingit. Namque vi etiam alexipharmaca pollere ea creditur.

§. CCCXCIV.

Quod si materia in Intestinis turgat (CCCXCI.) *Quando audacter purgandum quando timide, & caute.* nec locus sit epicraticæ purgationi, sed illico de turbari debeat, opportunissime dari solent Manna cassia, sal Anglicus, Polychrestus, subamarus Mutinensis, Porrectanus, Rhabarbarum, Syrupus Florum perfici, Electuarium lenitivum, Pulpa Tamarindorum, Diatartarum Petri Castelli, & quidem ea quantitate, quæ intestinalis saburræ potior saltem pars satis valide dejiciatur. At in alvo ducenda semper temperamentum aliquod adhibendum est, ne nimius alvi fluxus excitetur, qui ægrum prosterнат, quod præcipue timeri potest in febre *gastrico putrida* aliisque congeneribus (§. CCCLXXXVI.) ubi ad dissolutionem summa proclivitas est, aut ne intestina crebra, aut nimia cathartorum irritatione inflammentur, quod in *gastrico inflammatoria* (§. eod.) non infrequens est. Quorumdam etiam consilium est, materiam, antequam ejus evacuatio tentetur, iis, quæ digerunt, incidant, & attenuant, fluidiorem reddendam esse, atque ad exeundum paratiorem. Id, si aliquando, tum sane expedit, cum tenax, inerisque mucus ventriculo, atque intestinis adhærescit, ut in *gastrica pituitosa*, sive *glutinosa* (§. CCCLXXXV.) sæpe fit, aut bilis spissitudinem piceam adepta choledochum, cystisque felleam oppleat, sicuti in *gastrica biliosa* (ibid.) interdum evenire, verisimile est. Sed plerumque non diu cunctandum est, ne retentæ

putridæ sordes gravissimum brevi, periculosioremque morbum efficiant, cui sive arcendo, sive fugando cum sanguinis missio, tum purgatio, fera nimis, impar deinde evadat; aut magis magisque liquatæ in vias sanguinis magno ægrotantium discrimine transferantur.

§. CCCXCV.

*Oleosa
quando
utilia.*

Interdum tanta *sensibilitate*, atque *irritabilitate* donantur ægroti, ut metui possit, ne emetica, aut purgantia morbum potius exasperent. Tunc aptissimum est expiandis primis viis oleum olivarum optimæ notæ, aut seminum lini, aut amygdalarum dulcium sine ignis ope recens expressum, ad quatuor, quinque, vel sex uncias uno haustu. Id enim duplici plerumque evacuatione, nimirum per superiora, & inferiora, ægris opitulatur, acres humores obtundit, viscidos, tenacesque resolvit, spasticas contractiones laxat, & lenit, aliaque bona præstat *. Non me quidem latet, a plerisque hodie ob abusum fortasse, qui olim fieri promiscue solebat, odio illud haberi, reprobarique tamquam noxium, quia, facile rancescit, & phlogisto scatet, atque adeo febris fomitem augere posse videtur. Verum animadvertant velim, quale oleum, quantumque a me proponatur. Si enim optimæ notæ sit, & quam recentissimum, eaque copia detur, qua citissime stomachum, atque intestina pertranseat, omnis noxa, quæ ab ejus rancore timetur, profecto vitabitur. Sin vero, nullo ejus habito delectu, rancido proximum fuerit, & cochleatim, aut unciatim propinetur; perspicuum plane est, diu in ventriculo restitans, mora, & loci calore rancidum, prout natura rancori propius est, facile futurum esse.

* Olei

* Olei laudes in hujusmodi morbis confirmantur experientia BIANCHII (*Hist. Hepar. P. 3. p. 250.*) VALGARENGHII (*Med. rational.*), GUIDETII (*Pleurit. Bilios. Anni 1709.*), HAENII (*Rat. Meden. T. 3. cap. 2.*), & nuperimis observationibus JOANN.-BAP. MURTII (*Istoria delle Pleuritidi biliose di Samminiato 1775. p. 160.*), qui testatur, nihil fuisse præstantius oleo amygdalarum dulcium recenti ad depravatam bilem in pleuritide biliosa epidemica anni 1775. deturbandam.

§. CCCXCVI.

Sed largiamur, quocumque modo datum sit, ^{Oleum defenditur.} semper, ut obijciunt, illud rancescere. Rancescet autem, vel dum ventriculo, intestinisque continetur, vel postquam in sanguinem penetraverit. Si primum, quod fieri interdum posse concedimus, contingat; vim certe acquirit, qua irritatis, contractisque vasorum lacteorum oïculis repellatur, neque ea ingredi possit. Sed inquires, in venas inhalantes, quæ aut irritabilitate carent, aut certe exigua donantur, ideoque irritatione non contrahuntur, patentior, expeditiorque ei via erit. Ne vero id possibile credam, facit primum ipsius olei crassities, & tenacitas, qua in eas penetrare prohibetur, deinde acris, quam contraxit, ranciditas. Hac enim dum oleum a venis absorberi deberet, fibris tum ventriculi, tum intestinorum irritatis sic peristalticus eorum motus intenditur, & sollicitatur, ut non modo excrementa, verum etiam cum iis oleum ipsum prompte, facileque egerantur. Quod si alterum malueris, vix est, cur aliquid timeas, nam oleum, antequam cum sanguine communicetur, ventriculi actione ita permutatum, & subactum puto, ut olei formam, & natura quodammodo amissa in chylum convertatur, atque

adeo alienissimum fiat a ranciditate, & corruptione, unde tam multa mala timentur. Si quis tamen rancorem * olei formidet, arcebitur facile adjecto succo citri, aut limonum, aut oxymelle. Sic enim phlogiston, quod extricatum ranciditatem oleo impertit, coercetur, & cogitur. Acida enim phlogisto prompte junguntur, illudque quodammodo irretiunt. Quod si oleum sive ob ranciditatis metum, sive ob alias causas locum non inveniat, nec alia medicamenta ob irritandi facultatem dari possint, tunc clysteres tutissime injiciantur, & repeti crebro debent, dummodo ex mitiorum classe desumantur.

* Sunt autem quædam oleorum genera, quæ difficillime, & tardissime rancescunt. Illud olivarum oleum, quod frigidis cibis adhiberi solet, ejusmodi est, ut etiam ignis vim passum, acrimoniam non contrahat, & blandum remaneat. Nuperrime oleum Ricini prædicari video, ut minime noxium, ab Anglis. Non ergo ita facile rancescit oleum quodvis, ut quidam volunt.

§. CCCXCVII.

*Acidorum
utilitas.*

Dum hæc peraguntur, ut gastrica cacochylia expellatur; non prætermittenda ea sunt, quæ biliosæ, aut alkalinæ acritudini, aut putredini opponuntur. Acida in primis tam vegetabilia, quam fossilia ad hoc maxime valent, quæ id insuper boni efficiunt, ut febris nimius fervor, impetusque, si vehementius excandescat, compescatur. Phlogiston enim cohibent, calorem refrænant, cordis, arteriarumque irritabilitatem imminuunt. Aquæ igitur, quam affatim bibi oportet, instillatur succus aliquis acidus ex iis, quos vegetabilia suppeditant, uti acetum vini, succus limonum, mali
ci-

citræ, aut aurantii, syrupi ex his parati, itemque berberum, rubi idæi, aliorumque similium. Ubi major æstus est, majorque ad putredinem, liquationemque propensio; aut sanguis ipse jam jam computrescere videatur, ut in *gastrica putrida* (§. CCCLXXXVI.) contingit, vegetabilibus acida fossilia, utilius substituuntur. TISSOTIUS spiritum sulphuris *per campanam* reliquis anteponit, mixturamque ex ejus parte una, & syrupi violarum partibus sex confectam extollit, de qua cochlear unum potui adjiciendum, repetendumque id singulis horis præcipit. Animadvertere tamen oportet fossilium acidos spiritus, & præcipue vitriolicum, & sulphureum volatilem sensibilitati nervorum, & fibrarum cordis, arteriarumque irritabilitati noxios esse; quare si facultates animales, vitalesque nimium langueant, uti a putrescentibus humoribus, aut a putrida cacochylia sæpissime languent, tunc acidis hujusmodi valentioribus, non nisi caute, uti licet, aut cum iis conjungi, commiscerique debent, quæ vires omnes erigunt, excitantque, qualia sunt radix serpentariæ virginianæ, contrayervæ, cortex peruvianus, atque alia hujusmodi. Tutius adhibentur ea, quæ per vini spiritum a chymicis edulcata fuerint. Inter quæ *Elixir Vitrioli* * *aromaticum* excellit.

* *Fit miscendo Tinctura aromatica libram unam cum spiritu vitrioli fortis unciiis quatuor. Tinctura autem aromatica est hæc.*

R. Cinnam. drach. vj. semin. cardamom. min. drac. iij. Piper. lon. Zinziber. an. drachm. ij. spir. vini tenuioris lib. ij. Digere sine calore, & cola.

§. CCCXCVIII.

Aer fixus. Multa hodie prædicantur de *aeris fixi* virtute antiseptica, quo aqua tam bibenda, quam per clysteres in alvum subter danda methodo Pristleyana imbui potest. Sed quidquid ei inest facultatis, id omne ab acido vitriolico, quocumque *aer fixus* certe combinatur, deducendum jam fere omnes fatentur.

Camphora. Camphora præstantissimum *antisepticum* præbet, tam ore, quam ano excepta, & præterea spasmos lenit, nec tamen irritabilitati cordis Hallerianæ officit, imo hanc languentem erigit, & recreat (a); nerveæ vero sensibilitati, si langueat, non admodum amica est (b), imo eam magis deprimit.

Arnica. Tunc potissimum convenit Arnica montana LINNÆI (c), qua vis nervea stimulo egens egregie excitatur, & reviviscit. Hanc etiam tam diluti, & decocti, quam extracti, aut pulveris forma adhibitam nuperrime Cl. COLLONIUS (d) adversus omne putredinis genus magnis extulit laudibus.

(a) Vid. SEBASTIANI SEVERII Theses de Camphora, ejusque viribus, quas VI. Kal. Quintil. An. 1776. in *Archigymnasio Ticinensi sub meo præsidio propugnavit*. Item Cl. COLLINII *libellus* de Camphora, *Vindobona editus an. 1773. sive P. 3. observationum circa Morbos acutos, & chronicos factarum*.

(b) SEVERII Thes. l. c. Thes. xvi. xvii- xviii. xxi, xxiii. BASSIANUS CARMINATI De animalium ex mephitibus, & noxiis halitibus interitu &c. lib. 3. cap. 3. p. 177. ad 191. ed. Laud. Pompeja 1777.

(c) Vid. HENRIC. JOSEPH COLLIN. *Florum Arnicæ vires &c. Vienn. 1773. sive observationum &c. Pars quarta, & P. V.* (d) Ibid.

§. CCCXCIX.

Cum vero sive a putridis, septicisque inquinamentis, sive evacuationum frequentia, & copia vires vitales quandoque dejiciantur, his subveniendum est cardiacis, atque analeptics. Vinum rubrum, cui incocta sint cinnamomum, macis, nuxmyristica, aut canariense, aut cyprinum, aut malvaticum, aut syraculanum, aqua contemperatum tunc ului esse solet. At ubi etiam austero, & subaltringenti, quo fibræ firmentur, humoresque quodammodo contineantur, opus est; præfertur Rhenanum, Austriacum, Mosellanum, quibus roborans, & antiseptica insignior vis inest, exigua vero calefaciens, aut inebrians. Nostrates uti possunt vinis acidulis, austerisque Montium Briantinorum, aut Tyrolensium, aut celebri Æmiliæ vino, cui *sangiovese* nomen est, aut etiam etrusco, quod a Monte Politiano denominatur, etsi aliquantum fumosis. Pauperibus utile erit vinum ex acinis Mali Punici expressum, riteque defæcatum, quod in Pharmacopoliis proflare semper deberet. Jura quoque panis paullo spissiora, quibus aut vini, aut succi e malo citreo aliquid adjectum sit, vires instaurant mirifice, & corpus enutriunt, nec facile putrescunt. Neque hic prætereunda est illa nectaris, ambrosiæque species, ex *cacao* confecta, quæ in deliciis pene omnium est hodie, utpote analepticum, cardiacumque præstantissimum præsidium.

Analeptica, & cardiacæ.

Vinum quædam.

Ciaccolais.

§. CCCC.

Neque interdum aliena sunt penitus medicamentata, quæ opium habent, quando nimium turbationes

Opium.

nes

nes ab emeticis inductæ compescendæ sunt, aut nimius alvi fluxus coercendus, aut mitigandus, aut dolores ventris leniendi, aut pervigilio prospiciendum. Nervorum enim sensibilitatem imminuunt, quietem conciliant, spasmos sedant, evacuationes nimias refrænant, dum interim vim cordis irritabilem, cardiacorum instar, opportune data certo certius excitant, quod HALLERUS, alique post eum indubiis (a) periclitationibus demonstrarunt, frustra atque immerito negantibus aliis. In his præcipue commendatur ad hunc finem Laudanum liquidum SYDENHAMII, Theriaca ANDROMACHI, Electuarium Diascordii FRACASTORII, Philonium Romanum, atque his similia. Somnum vero blande advocant, si opio locus haud sit, papaveris capita, liquor anodynus mineralis HOFFMANNI, & *sal sedativum* HOMBERGII, de quo tamen dubitant non pauci. Alvo etiam liquidæ sistendæ, ubi putrida dissolutio humorum eam immodice fluxam reddit, plurimum confert acidum chalcanti, sive vitrioli, de quo supra, potui instillatum ad gratam aciditatem.

(n) CARMINAT. l. c.

§. CCCC.

*Vesican-
tia.*

Quod si his (§. CCCXC. ad CCCC.) non proficientibus, febris trahatur, nec mitescat, dolorque capitis persistat, aut ab aliis symptomatibus, uti sopore, aut delirio cerebrum affici significetur, ea, quæ vesicam, atque ulcus inducunt, suris imponenda sunt, diuque ex iis pus movendum, aut epispastica, & phœnigmæ, & præcipue ex sinapi & fermento panis composita plantis pedum admovenda, aut pedes, ubi cum dolore agry-

pnia

pnia jungitur, in calidam demittendi, At, si neque bis obediat morbus, sanguis & partibus capiti, aut cerebro propioribus detrahi potest; quod multimodis, ut alias dictum est, exequimur. Animadvertendum vero est, cantharidas, quibus ad vesicas excitandas ut plurimum utuntur Medici, in febre *gastrico putrida*, in qua nempe putridus fomes sanguinem infecit, liquavitque, plus sæpe nocere, quam proficere. Id experti pluries testantur BORELLUS (a), RICHIA (b). TISSOTIUS (c) aliique bene multi. Quare tunc potius phœnigmis, aut sinapismis utendum suadent, quos utiliores repererunt.

(a) Epist. ad Malphig. p. 28.

(b) Confit. Epid. Taurin. ann. 1720. §. 32.

(c) Febr. Bilios. Lausann. p. 44. 45.

§. CCCCII.

Nec Lumbricorum, si eos adesse suspicemur, quod usuvenit in *gastrica verminosa* (§. CCCLXXXV.) Vermes 2 } oblivisci licet. Acida e fossilibus præsertim igne elicitæ, quæ supra jam alio consilio proposuimus, Lumbricis, sive vermibus etiam enecandis idonea maxime sunt, expellendis vero eccoprotica, quæ in ipso curationis initio laudavimus. Sed præterea Athelmin-
tica. flores Tanaceti, semina Absynthii santonici, radix Valerianæ sylvestris, corallina, myrrha, aloe, cornu cervinum ustum, petroleum, camphora, aliaque hujus ordinis adhibenda sunt, nam quæ de argento vivo narrantur, fidem nequaquam merentur, uti hodie multi perhibent, egoque adhuc juvenis præ ceteris peculiari opusculo (a) ostendi. Neque certior fortasse est ipsius radicis Filicis a Veteribus decantata facultas. Quod vero ad Argentum vivum attinet, si quis tamen eo, aut ejus com-

posita

positionibus uti velit, is caveat oportet ab acidorum in primis valentiorum usu, ne, si simul propinentur, remedium illud in venenum erodens vertatur.

(a) De Anthelmintica Argenti vivi facultate. Faventia
ann. 1753:

§. CCCCIII.

*Abdomi-
nis tumor.*

*Quando
inflamma-
tionis si-
gnum.*

Nihil vero frequentius est in hac febre, quam abdomen intumescere (§. CCCLXXIX. CCCLXXXI.) & tendi, in primis circa epigastrium, atque hypochondria. Quando id in initio, aut augmento incidit, doletque aliqua pars, vel contrectata renititur, dolorisque sensum exhibet, tunc spalmo contracta alicubi intestina aerem, aut fordes, quibus urgentur, retinent, vel inflammationis in aliquo vilcere latitantis timor est. Huic malo occurrere oportet fomentis, cataplasmatibus, aut linimentis, quæ molliunt, & leviter discutiunt, enematumque ejusdem generis; nec alienum est, si inflammationis notæ manifestius se prodant, pulsusque magnitudo, durities, aut vibratio, aut calor interior, pulsatio, & reliqua consentiant, sanguinem e brachio mittere, aut si satis detractum sanguinis jam sit, nec vires profundi eum permittant, evenis hæmorrhoidalibus hirudinum ope, quod tutius, utiliusque est in hypochondriacis, melancholicis, aut habitu cachecticis. Quod si venter sub morbi finem tendatur & tympani instar resonet, nec pressus doleat, sic, ut, aere contento distendi intestina resoluta, atque atonia correpta videantur, non quæ molliunt extrinsecus imponi debent, sed quæ roborant, & reprimunt; & simul intrinsecus dari, quæ putredinem, ex qua aer evolvitur, quæ aeris vim

*Quando
ab atonia.*

vim elasticam minuunt, quæque intestinorum fibris robur adjiciunt. Talia sunt extrinsecus fomenta ex plantis aromaticis vino incoctis, emplastra de mica panis, de baccis Lauri; de meliloto; intrinsecus Spiritus nitri dulcis; tinctura myrrhæ, succini, castorei; extractum chinæ, chinæ, florum chamæmeli, arnicæ, agerati; & quæ aromatica vi utcumque donantur.

§. CCCCIV.

Expurgata demum gastrica colluvie, & febre mitesciente, aut ad intermittentium naturam appropinquante temperandum est ab iis, quæ alvum laxant, & si æger satis purgatus videatur, cortice peruviano reliquum febris tollendum. At si, nondum penitus cacochyliaeducta sit, tunc corticialiquid Rhabarbari, ut salis cathartici addi potest, ut simul alvus respondeat, dum febrim, quæ superest, sistere paramus. Nam frequentissimum est, gastricam febrim in intermittentem mutari, aut proxime ad eam accedere, sicque curari debere. Cognosces autem hujusmodi antidoto locum esse, si febris remissiones, aut intermissiones sudor blandus, atque æqualis toto corpore antecedit, atque urina eas excipiat rubra, parca, subjugalis, aut lateritia, in accessionum vero initiis sit tenuis, aut aquea, aut aliqua extremorum refrigeratio contingat.

Quando
cortici lo-
cus est.

§. CCCCV.

Victus ratio tenuissima sit, ubi febris summum attigit vigorem. Aliqui ab omni tunc alimento abstinendum esse præcipiunt. At non ab omnibus

Victus ra-
tio.

tan-

tantum jejunium sustineri potest, morbo scilicet detentis, in quo multa quotidie e corpore excernuntur, viresque non parum detrimenti capiunt. Carnes, & jurulenta omnia generatim, ut ad putrescendum prona, vituperantur. Jura tamen ex pullis tenerioribus, aut e carne vitulina, aut vervecina, aut e ranis, non admodum meraciora, quibus acetosa, cerasa acida, pruna, alique fructus subacidi incocti sint, concedi poterunt; item serum lactis ope vini canariensis, aut succi mali citrei, aut cremore tartari comparatum; cremor avenæ dilutior; decocta pannis aliquanto spissiora opportune dari solent, cautione tamen adhibita, ut parcius, & rarius his nutriantur ægri febre vehementius urgente, liberalius non nihil, & brevioribus intervallis, eadem remissa, atque inclinata. Optimum quoque alimentum præbent pruna ipsa, cerasa, poma, pyra in aqua, aut vino cocta, & sacchari tantillo edulcata, quæ subinde sumpta vires eximie sine noxa reficiunt; dummodoliquidior alvus eorum usum non vetet. Ova, etsi recentia a nuperioribus scriptoribus penitus exulare jubentur, tamquam expeditissima ad putrescendum; verum; ni fallor, plus æquo vituperantur. Recentissima enim, & sorbilia * prudenter, & rarius adhibita nunquam aliquid mali attulisse vidi.

* Ova cruda facile quidem corrumpuntur; cocta vero non ita facile; coctione enim ita mutantur, ut firmitus cohæreant, difficiliorque ad putrescendum inclinent. Foras se aliquid exhalant igni objecta, quo putrida eorum dissolutio promovetur. Ceterum nobiscum consentit Cl. FOUQUETUS (sur la petite verole T. I. p. 144.), qui exaggeratum quiddam censet illud, quod de noxiis ovorum qualitatibus scriptum est. Quid enim, inquit, pejus dici
po-

potest de ovis jam putrefactis? GALENUS commendat ova tremula in victu febricitantium. MERCATUS, HEURNIUS, NICOL. PISO, & alii complures probant, hujusmodi alimentum in febribus malignis; nec ab illis dissentit cel. BOUCHERUS, utpote qui in prima febrium malignarum periodo concedit jus vituli, pulli, & ova. Demum idem Auctor (l. c.) subdit, revera vitellos ovorum, cum sint natura saponaceæ & emulsivæ, optimos esse, & uti emulsa amygdalarum, imo multo etiam certius demulcere.

§. CCCCVI.

Potui toto morbi curriculo aqua, & quidem frigida opportuna est. Jucundior, præstantiorque fiet si aceto, aut mali medici, aut citrei, quod jam propositum supra est, succo conditur, & pauco saccharo edulcetur. Ejus loco aptissima quoque est ptisana ex radice graminis, foliis acetosæ, atque hordeo, aut aqua fontana purissima. In his enim ægrotantium desiderium, & stomachi vires explorari debent. Neque aeris, & munditiei in tanta corruptarum fœcum excretionem ratio negligenda est. Itaque cubiculi aëre temperatus sit, ad frigidum potius inclinans, atque acetæ vapore identidem imbuetur. Sed, quod maxime interest, renovari is sæpe debet, ne effluviis humanis, & putridis refertus venenatam vim, ut notum est, acquirat, & pessime ægrotantibus noceat. Indusia quoque, lintea, stragula, lectus, prout res postulat, subinde mutantur, ut a corpore onane putridum, corruptumque miasma amoveatur. Nec alvi excrementa in conclavi, in quo æger degit, diu detineantur, sed cito efferri debent, ne tætris halitibus aerem inficiant. Mirum enim est, quantum aeris puritas in morbis acutis, putridisque ægrotantes recreet, febremque coerceat.

Potus.

Febris Hungarica.

§. CCCCVII.

Ad *gastricas malignas* (§. CCCLXXXI. CCCLXXXVII.) & *gastrico-putridas* §. CCCLXXXVI.) præsertim epidemicas, tam natura, quam typi ratione referenda est *Febris Hungarica*, quæ anno 1566. primum observata, seu potius descripta, & memoriæ posterorum a Modicis diligentius tradita fuit. Ut sudor Anglicus a regione, in qua observari cœptus est, sic ab Hungaria, atque a militum castris, in quibus spatiata est hujusmodi febris, *hungarica*, & *castrensis* dicitur. Verum extra Hungariam etiam, atque extra militum castra interdum occurrit. Memini in regione temperatissima, atque alioquin sanissima, nempe in Æmilia, & speciatim in urbe Cæsena anno 1767. me ea vidisse epidemice lævientem cum iisdem propemodum symptomatibus, quibus in Hungaria stipata legitur. Sæpe cum dysenteria conjungitur, & tum, cum id incidit, apud aliquot Auctores nomen *Febris malignæ dysentericæ*, aut simpliciter *Dysentericæ malignæ* accepit.

* Synonyma.

Lues Pannoniæ, seu febris Ungarica Theriodes, vulgo cerebri vermis SCHENCKII, Observat. Medicin. lib. VI. observ. 1. Morbus Ungaricus, & Lues Ungarica, ac Pannonica, aut Morbus militaris, vel castrensis SENNERTI; De Febr. l. IX. c. XIV. Febris Ungarica, seu Castrensis JÜNCKERI, Conspect. Med. T. 1. tab. 74. Amphimerina Hungarica SAUVAGESII, Nosol. Meth. Cl. 2. gen. IV. spec. 9. Febris Ungarica castrensis JÜNCK. tab. 74. & plurium Auctorum CULLENII, Gen. Morb. Gen. V. cl. 1. ord. 1. Phrenitis Pannonica, quæ etiam morbus hungaricus dicitur,

Jo. FRID. CARTHEUSERI, *De morbo endemic. p. 29.*; item-
que Jo. CHRISTOPH. PECKII, *de Phrenitid: Pannon. Idio-*
path Hala 1739.

§. CCCCVIII.

Est autem febris *acuta, maligna, epidemica*, mi- Descri-
litibus in castris degentibus plerumque infensa, & ptio.
quia in sanos facile per venenata miasmata tran-
sfunditur, *contagiosa*; quotidianæ continuæ typum
ut plurimum servans; mensibus Junio, Quintili,
& Augusto præ ceteris erumpere, & Lebacchari so-
lita: Circa vespèras corripit, præsertim sanguineos,
& plethoricos, horripilatione potius, aut frigore,
quam rigore, paullo post ingenti calore; & noctu
invalescit, & deinde matutino tempore aliquantum
remittit: Continuo ægri queruntur vehementem
capitis dolorem, æstum, & sitim fere intollerabi-
lem, magnam virium dejectionem, tensionem, atque
ardoris peculiaris ad scorbiculum cordis sensum adeo
molestum, ut locus tactum vix ferre possit: Lin-
guâ iis est perpetuo sicca, punicea; interdum tu-
mida; aut fissa. Fauces sæpe inflammantur; dolent;
tument. ut in angina. Circa tertium; aut quar-
tum diem, rarius septimum, accedit delirium, ru-
bor faciem universam occupans; oculorum fulgor;
& venarum capitisumor. Hisce symptomatibus
ardentis naturam præsefert, ostenditque. Non raro
superveniunt narium hæmorrhagiæ, hæmoptysis,
perpetuæ vigiliæ, nausea, vomitus; quandoque dy-
senteria; peticulæ, parotides; veterius, paralytes,
atque hemiplegiæ: Alvus modo fluit; modo ad-
stricta est. Pulsus validior, majorque inter initia,
quam in reliquis malignis morbis, esse consuevit:
Frequentissime interiores partes inflammationibus
tentantur, quæ; cum a bile acerrima, aut venefi-

co, putridoque miasmate excitentur, facile in gangrænam, spæcelumque degenerant. Quamplurimis, imo fere omnibus aures obsurdescunt. Non paucis soluta alvus saluti est. Decimo quarto, aut, quod summum est, vigesimo die morbus finitur.

§. CCCCIX.

Symptomata fere propria.

Hæc verò multum variantur pro temperamenti, ætatis, sexus, regionis, prægumenarum caussarum, aliarumque rerum antecedentium, aut circumstantium ratione, ut in plerisque morbis, & potissimum epidemicis, & complicatis contingit. Perpetua autem, & fere propria, quibus hæc febris a reliquis distinguitur, sunt atrox, & continuus capitis dolor, lingua sicca, tumida, arida, & prunæ similis, acer scrobiculi cordis cruciatus, facies rubore suffusa, & pulsus aliquanto validior, & plenior, quam in aliis malignis, perniciosisque malis,

An differat a morbo petechiali?

Multa habet communia cum morbo *petechiarum*, sive cum *Febri petechiali veræ*, cujus alibi sermo erit. Sed ab eo differt pulsu vehementiori, graduque graviore, & *peticularum* quandoque defectu. Nam in febre hungarica *peticulæ* accessoriæ sunt, & sæpe deficient, & si quando superveniunt, non primis mox diebus prodeunt, sed plerumque in morbi progressu, augmentoque; contra, ac fieri solet in morbo vero *petechiarum*. Præterea in *petechiarum* morbo vix reperies tensionem illam dolorificam, tactumque refugientem, quam in epigastrio hac febre laborantium offendi, paullo antea dictum est; nisi cum biliosa, & gastrica saburra complicetur.

§. CCCCX.

Aer impurus, humidusque, frigus nocturnum *Causa*.
 diurno calori succedens, aquæ stagnantes, aut
 corruptæ; eorum effluvia, & potus, prava quæ-
 cumque victus ratio, alimenta insalubria, æstiva
 tempestas, immodici labores, vigiliæ protractæ, tæ-
 dium, pavor, ira; aliæquæ animi affectiones aut
 diuturnæ, aut compressæ, putrida miasmata caus-
 sas antecedentes complectuntur. Ad quas si respec-
 xeris, simulque symptomata, quæ febrem comitan-
 tur, evacuationeque alvinas, aut vomitus, quibus
 ea sæpe solvitur, consideraveris; non valde a vero
 tibi alienum videbitur, febrem hanc ad gastricas
 maligniores, magisque complicatas pertinere, quem-
 admodum SELLIVS (a), PRINGLIUS (b), TISSO-
 TIUS (c); aliique non dubitarunt. Et reapse par-
 tim a cacochylia gastrica & præcipue biliosa, par-
 tim a putrida sanguinis diathesi deducenda videtur.
 Posterior labes sæpe a priori proficiscitur, quia ni-
 mirum gastrica, biliosaque colluvies cum sanguine
 communicatur; ejusque crasim labefactat. Inter-
 dum vero aut eadem causæ, quæ cacochyliam
 inducunt, sanguini etiam labem inurant, aut con-
 tagiosum, putridumque miasma bilem, sanguinem-
 que illico inficit, & liquat, nervosumque genus
 irritat, & subvertit.

(a) Rudiment. Pyretolog. method. p. 230.

(b) Osservaz. sopra le malatt. d'Armata Part. 3. c. 4.
 §. IV. p. 137. 138.

(c) De Febr. bilios. art. gen. & caus. p. 11. & 12.

Prognosis.

§. CCCCXI.

Signa
prava.

Omnia, quæ de prognosticis signis acutarum; malignarumque febrium, tam universim, quam speciatim hætenus protulimus huic quoque feбри communia sunt. Generatim morbus periculosissimus est, & quo maligniora, & pertinaciora symptomata, & quo vires debiliores existunt, eo majus periculum adeste portendunt. Celerum quædam peculiariter consideranda sunt, a quibus discriminis timor, aut salutis spes indicatur. Dolor capitis vehemens, continuatus, nullis pene concedens auxiliis cum delirio, aut vigilia conjunctus, aut delirium sejunctum urgens, proximæ phrenitidis metum incutiunt. Dolor quoque, atque ardor circa epigastrium, scrobiculumque cordis, si diu trahatur, nec mitescat, inflammationem ventriculi, aut hepatis, aut diaphragmatis imminere significat. Nec minus pertimescendus vomitus est creber, contumax, & variegatus, quam ventris fluxus putridus, aquosus, vireri prosternens, nigricans cadaver olens, aut dysentericus. Alvus laxior, & fluidior, vires erigens, symptomata mitigans, biliolos humores deturbans per se bene ominatur. Adstricta vero minus tuta est. Angina, & præcipue aphthæ fauces depascentes periculosiores habentur, quam ipsæ parotides. Peticulæ plerumque sanguinis putridam, perniciosamque dissolutionem consequuntur, & raro criticæ sunt. Hæmorrhagiæ pariter narium immodicæ eandem pessimam causam agnoscunt. Moderatæ vero, sed facile, & satis largæ, diebusque criticis supervenientes sæpe caput levant, morbumque ad judicationem prosperiorem perducunt. Quæ autem
gut-

guttatim contingunt, nec satis sanguinis emittunt, *Surditas*
 plerumque exitium prænuntiant. *Surditas* denique, *quando*
 si in augmento, aut statu morbi accesserit, sæpe *minus tunc*
 faustum finem prædicit. *menda.*

Curatio.

§. CCCCXII.

Vehemens capitis dolor, calor ardens, pulsus *S. Missio.*
 validus, & magnus, sitis ingens, ardor interior
 ut inflammationis suspicionem movent, sic missio-
 nem quoque sanguinis requirere videntur. Expe-
 rientia item comprobatum est, nihil efficacius,
 nihil promptius, nihil accommodatius cum ad hæc
 symptomata mitiganda, tum ad phrenitidem, alia-
 que funestiora effecta avertenda reperiri sanguinis
 larga, & cita missione. Itaque statim ab initio,
 primo videlicet, aut secundo ab invasione morbi
 diu sanguis mitti debet, sed larga, & liberali ma-
 nu pro ætatis, temperamenti, habitus corporis, &
 virium ratione. Statim, inquam, ab initio, ante-
 quam nempe putredo invalescat, crasim sanguinis
 destruat, vitalesque facultates prosterneat. Nihil
 enim nerveæ sensibilitati, muscularique irritabili-
 tati insensius est putrido, corruptove humore, aut
 miasmate. Larga autem, & liberali manu, ut ci-
 to phlogosi cuicumque præsentì occurratur, & sa-
 tis sit ad imminuentem, futuramque phrenitidem,
 aut anginam præcavendam *. At si pulsus parvi,
 & languidi fuerint, putridum, malignumque con-
 tagium febrim excitarit, aut jam putredo invalue-
 rit, id auxilii vel noxium reputatur, vel cautius
 adhibendum sane est. Minori tum discrimine, si
 necesse sit, sanguis per cucurbitulas suris, vel dor-

so applicitas, vel per hirudines temporibus, aut ano admotas educitur.

* Non pauci ex nuperioribus in hujusmodi febribus, affinisque morbis duo stadia agnoscunt, alterum, ut vocant inflammatorium, quod antecedit, alterum putridum, quod subsequitur, veluti a priore descendens. Solentque proxiomate certissimo habere, inflammatorium stadium plerumque desinere in putridum, quia vident febres gastricas, aut gastrico-putridas, aut alias his affines inter initia aliquid inflammatorii præferre; paucis vero diebus exactis, putredinis notas manifestiores esse. Quæ in re quantum a vero discedant, non ego certe is sum, qui modo excutiam. Putre tamen jam ab initio gastricas, putridasve fuisse, sed cum diathesi inflammatoria persæpe complicatas, hac vero sublata non converti in putridas, verum quales jam erant, manifestiores fieri, & ultra tales procedere. Vera enim, & pura inflammatoria ferme numquam a phlogistico statim ad putridum, si rite curentur, deflectere visa sunt.

§. CCCCXIII.

Purgatio.

Deinde lenis per superiora, atque inferiora (§. CCCXCI. ad CCCXCVI. purgatio necessaria est; sicuti & nitrum, & subacida, quæ bilem contemperent, & demum blanda medicamenta, quæ diaphoresim proliciant. Hæc autem postrema etiam inter initia, maxime proficiunt, si morbus sine gastrica cacochylia natus sit, ortumque suum contagio debeat. In his præstant potissimum ea, quæ alexipharmaca, atque antiseptica habentur, uti Camphora, Theriaca, Spiritus Mindereri, sal volatile cornu cervi, succo mali medici saturatum, atque alia ejusmodi (§. CCCXCVII. CCCXCVIII. & seq.) alias commemorata. Delirio vero imminente, nec dolore capitis inclinato, venæ, frontis, aut raninarum sectio juvat, ET TMULERO, & P. SA-

*Alexi-
pharmaca.*

*S. Missio
unde?*

LIO auctoribus. Fortasse etiam arteria temporalis incidi utiliter poterit; e qua sanguinem proflire sine virium vitalium detrimento, verosimillimum est. Arteriotomiæ summam in hujusmodi morbis utilitatem expertus est pridem Cl. XAVERIUS MANNETAS, vir sane ingenio, eruditione, atque experientia probatissimus in epidemica putrium peripneumoniarum constitutione (a) quæ Florentiæ anno 1781. plebem in primis afflixit. Cucurbita item occipiti profunde scarificata adhiberi potest, qua multum a cerebro ipso revelli ex anatome comperitissimum est. Epispastica quoque pone aures, aut, si sopor occupet, toti capillatæ capitis parti, prius deraſæ adhibentur summo cum emolumento, si exercitatisimis Clinicis fides habeatur. Reliquæ ex febrium gastricarum curatione superius (§. CCCXC.) proposita peti debent.

(a) Consulto con annotaz., e aggiunté pag. 40. annotaz. 8.

* *An hic locum meretur Febris flava Americanorum? Si hujus Symptomata conferantur cum Symptomatibus febris hungaricæ, magnam invenies inter utramque affinitatem. Discrimen tamen aliquod in eo situm est, quod febris flava endemica in Indiis occidentalibus habeatur, quod advenas in primis corripiat, quod citissime e medio rollat, quod putridior, & perniciosior videatur, & quod ictericum colorem inferat, uti peculiare, ac proprium symptoma, a quo nomen sumit: SAUVAGESIUS eam retulit ad febres continentes, & typhum appellavit icterodem. Remittens tamen aliis esse creditur, & in Medicina Practica Londinensi (pag. 34.) reapse ad hanc febrium classem relata est; nec fortasse injuria id factum, cum interdum in intermittentem transire visa sit. Quoniam vero de ejus natura nondum satis constat, nec valde convenit inter auctores, ad quod genus febrium reducenda sit, nec eam unquam viderim ipse, satius duco eam quodammodo praterire, quam temere de ipsa*

ali-

aliquid dicere. Non pratermittam tamen ejus Synonyma hic adjicere, quæ dum indico, loca etiam, atque auctores significantur, unde cuilibet liceat ampliorem febris hujus descriptionem & notitiam deducere. Febris flava Americæ LINNÆII *Diar. Med. Vanderm.* Tom. VIII. mens. Maji 1758. pag. 408. Febris Indiæ occidentalis maligna flava JACOBI MAKITTRICK *Diff. edimb.* 1766. & vol. 1. *Sylog. select.* opus. BALDINGERI p. 87. Febris maligna biliosa Americæ (flava) JOANNIS MOULTRIE. *Differ. edimb.* 1749. & in l. c. BALDINGERI pag. 163. Febris Indiarum occidentalium, Hispanis vomito pretto, Gallis *Maladie de siam*, aut *Fievre de Marelot*, *Medec. Pratiq. de Londr.* edit. de Paris 1778. sect. 3. chap. 3. p. 34. *Ad gastricas malignas, & putridas spectare probabilius videtur Amphimerina paludosa SAUVAGESII (Spec. 18.), & amphimerina biliosa ejusdem (Spec. 20.); quamquam, quia facile in intermittentes desinunt, fortasse ad complicatas, & compositas transferri etiam possent.*

Febris catarrhalis maligna Germanorum *.

§. CCCCXIV.

Ut Hungarica febris, sic catarrhalis maligna, seu petechizans Germanorum ad gastricas febres, quæ quotidianæ continuæ, alternis interdum diebus magis recrudescentistypum teneant, verius redigenda videtur, quam ad catarrhales (§. CCCXL.), a quibus perperam nomen ei inditum est. Non equidem inficior, malignitatem in veras febres catarrhales cadere interdum posse, quod jam alibi (CCCLVI.) ut certum, assumpsimus, contendo tamen ex conlatis inter se descriptionibus, quas reliquerunt Cl. viri STAHLIUS, HOFFMANNUS, JUNCKBRUS, ELLBRUS, aliique, hanc febrem, etsi malignam catarrhalem ab eis nominatam, a vera catarrhali sic differre, ut quæ maxime. Nisi enim

omnia me fallunt, ea est febris quædam continua remittens, plerumque epidemica, & mali moris, hungaricæ modo descriptæ persimilis, quam non dubito cum HEISTERO gastricis *malignis*, aut *gastrico-putridis* adnumerare. Excussis enim utrarumque signis, effectibus, & causis, tantam invenio inter eas affinitatem, ut a gastrica cacochylia, putridaque sanguinis infectione hæc ipsa, de qua agimus, pendere omnino videatur. Præterea Cl. viri testantur, eam plerumque blanda, & continuata alvi solutione terminari, quod gastricarum febrium veluti proprium est.

* Synonyma.

Febris petechizans STAHLII opuscul. chymic. physic. med. mens. Jun. pag. 660. Febris epidemica petechizans EJUSDEM l. c. p. 608. Quotidiana continua phlegmatica præcipue a phlegmate falso veterum. IDEM l. cit. p. 621. Febris epidemica exanthematica catarrhalis, sive petechizans HOFFMANNI Med. Ration. syst. T. 4. Sect. I. cap. X. Febris catarrhalis maligna petechizans JUNCKERI l. c. Tabul. 72. Febris catarrhalis maligna LUDVVIGII Instit. Medic. Clinic. P. I. c. I. subsect. 2. §. 120. Febris catarrhalis maligna cum, vel sine exanthematibus apparens ELLERI observ. de cognosc. & curand. morbis, Sect. VI. pag. 89. ed. Ven. Febris catarrhalis maligna NEIFELD. Rat. medend. Par. I. Subsect. VI. pag. 101. Febris petechialis spuria BIANCHINII, sive catarrhalis maligna, aut quotidiana continua serosa aliis EJUSDEM, Lett. Medic. Pratic. intorno all' indole delle febri maligne Lett. IV. p. 129.

§. CCCCXV.

Opiniones
variae.

Pro diversa vero causarum antecedentium natura, & vi, pro varia aeris, anni temporum, regionis, hominumque constitutione, varia, & multiplicia etiam symptomata assumit, ut jure LUDWIGIUS crediderit, modo *biliosæ*, modo *stomachicæ*, modo *putridæ*, aut etiam *petechialis* nomen eidem convenire posse. Nihil vero minus, quam ad catarrhales pertinet. Nam etsi plerumque quotidianarum catarrhalium instar sub vesperam exacerbatur, interdum tamen alternas habet accessiones vehementiores in tertianæ duplicis continuæ modum. Neque catarrhalibus affectibus, BRENDÉLIO teste, suffraganteque SAUVAGESIO (a), semper stipatur, ut inde nominari possit, sed interdum solum, & tunc speciatim, cum autumnale, aut hibernum tempus eam jam pridem vagantem excipit. Qua de causa factum arbitror, ut non ignobiles medici ab affectibus catarrhalibus superadditis, etsi non perpetuo præsentibus in errorem adducti sint, & quasi in his natura ejus consisteret, catarrhalem primum, deinde *malignam*, & epidemicam ex prævis malignarum symptomatibus, quæ in ea deprehenderunt, facile reputaverint. Nam præter virium subitam dejectionem, pulsumque ul plurimum parvum, & debilem *peticulæ* non raro in ea produnt, & symptomata graviora exanthematicis morbis communia non deficiunt. At quoniam *peticulæ* in ea, etsi quodammodo suis indiciis præmonstratæ, plerumque tamen non erumpunt, ut *petechialis* diciqueat, novo, barbaroque vocabulo usi *petechizantem* eam nuncuparunt.

(a) L. c. cl. 2. ord. 2. gen. VI. spec. 13.

§. CCCCXVI.

Ad LUDWIGII (§. CCCCXV.) sententiam vir sane expertissimus, & morborum acutissimus scrutator ELLBRUS propius accessit. Etenim ipse malignæ, atque epidemicæ febris genus quoddam hanc esse putat; eique omnia attribuit symptomata, quæ aliis malignis febribus propria sunt. Imo exanthemata cujunque generis se in ea offendisse, nempe miliaria tam rubra, quam alba, vesicularia pellucida, æque ac *peticulas*, ultro confitetur. Non ergo uni tantum exanthematum generi subjecta credit, sic, ut *petechizans* appellari, debeat; sed contra genus esse febris, quo reliquæ pene omnes malignarum species contineantur. Ut ut res se habeat; non enim istorum opiniones hic expendere animus mihi est, in eo certe convenimus, febrem hanc, catarrhali plurimum distare; quod etiam cl. BIANCHINIUS nuper Patavii Medicinæ Practicæ Professor (a) apprime cognovit. Non igitur temere factum videbitur, si eam e speciebus catarrhalium expungimus, credimusque, si ad aliquod genus peculiare spectet, ad gastricas malignas, aut gastrico-putridas & quidem epidemicas, contagiosasque, ut jam animadvertimus, spectare.

(a) Loc. cit.

§. CCCCXVII.

Signa, &
caussa.

Signa, & causæ sunt eædem, quæ in malignis; in primis gastricis jam adnotavimus, sed potissimum affinia illis, quæ in *Hungarica* frequentiora esse narravimus. Quasi propria reputantur anginosæ affectiones; aphthæ faucibus infensæ, artuum; & dorsi dolor; agrypnia; delirium, nervorum tremores, animi, & corporis dejectio, vertigines; spiritus difficultas; lipothymia, nausea, vomitus, alvi fluxus, & similia: Cl. SAUVAGESIUS tanti facit anguinosas in hujusmodi febre affectiones, ut anginas epidemicas, malignas; ulcerosas, putridas a FORESTO; RIVERO, aliisque descriptas pro synonymis hujusce febris habere non dubitaverit: Prout vero gastrica colluvies, aut malignum miasma epidemicum aut contagiosum; sanguinem quodammodo corrumpens in hujusmodi malo prævalet;

Curatio.

plex etiam medendi ratio esse debet: Priori in casu ea omnino convenientissima est, quam febribus gastricis adhibendam supra docuimus; in posteriori post moderatam cautamque sanguinis missionem, & blandam vomitionem antiseptica, diaphoresimque leniter promoventia omnem curationis apicem attingunt. In utroque autem genere simplicissima; blandissimaque medendi ratio pernecessaria est; reliquisque activioribus præstat. Nam docuit experientia; sæpe plus cunctando, quam multa agendo in hujusmodi febribus medicos profecisse.

Amphimerinæ quædam aliæ SAUVAGESIO.

§. CCCXXVIII.

Superest, ut quotidianis continuis supra expositis multas alias adjungerem species, quas ad hoc febris genus relatas video a cl. SAUVAGESIO. At ex viginti speciebus; quæ ab eo constitutæ sunt, non paucae a veris quotidianis continuis de remittentium classe dissident, atque aut ad intermittentes, aut ad compositas spectare videntur, aut, etiam si ad *amphemerinas*, sive potius, ut vocantur a Veteribus *, & a PLINIO *cathemerinas* spectarent, facile ad species, quas ipse protuli, redigi possunt; tamquam earum differentia, aut varietates. Nam enimvero *Amphimerina Epiala* (a); *Amphimerina syncopalis* (b); *Amphimerina cardiaca* (c); *Amphimerina humerosa* (d), *Amphimerina phricodes* (e), *Amphimerina singultuosa* (f), & demum *Amphimerina spasmodica* (g), & *Amphimerina phrænetica* (g*) perperam in remittentium classem inductæ sunt, cum natura sua intermittentes existant, vel ab intermittentibus profiscantur; pleræque ad perniciosas comitatas; aut subcontinuas TORTII pertinentes. Sic *Amphimerina hæmitritæus* (h), itemque *Amphimerina pseudohæmitritæus* (i) vel compositis, & complicatis, vel tritæophyis duplicibus rectius adnumerandæ sunt. Quod attinet ad *amphimerinam paludosam* (l), & *amphimerinam biliosam* (m), hæc profecto ambæ naturam redolent febris gastricæ putridæ, & malignæ, de qua fusius supra. Ad gastricam quoque referrem *amphimerinam paripneumonicam* (n), sed cum inflammatoria

Sauvagesii species
examinantur.

dia.

diathesi complicatam. Peripneumonia enim, quæ in ea observabatur, erat symptoma febris gastricæ typum quotidianæ duplicis continuæ præseferentis. De quotidianis continuis igitur, sive amphimerinis satis, sequitur, ut Tertianam continuam explicemus.

* Vid. GALEN. in prim. epid. HIPPOCRATIS comment. 3. ubi inquit quotidianas, quæ non intermittunt, ἀμθημερῆς vocari, quæ vero ad integritatem desinunt, ἀμθημερῆς; contra ac a SAUVAGESIO accipitur hujusmodi vox. Possunt tamen bine hæ voces prout libuerit in eundem sensum usurpari.

(a) Spec. 2. quæ videtur e genere perniciosarum TERTII.

(b) Spec. 3. Est tertiana duplex perniciosa comitata ejusdem.

(c) Spec. 4.

(d) Spec. 5.

(e) Spec. 6. est algida TERTII. Quæ tamen valde differt ab illa MARCELLI DONATI, quacum confunditur a SAUVAGESIO in hoc loco; nam quam ex Hist. mirabil. lib. 5. cap. 4. MARC. DONATI excitat SAUVAGESIUS, symptomatica erat a vulneribus capitis lethalibus orta, ab algida TERTII omnino distincta.

(f) Spec. 12. Hic pro synonymo ponitur a SAUVAGESIO Febris continua, & maligna RIVERII Centur. I. observ. 47. & Centur. 3. observ. 78. De prima ex descriptione non liquet, utrum quotidiana continua esset, an intermittens. Sed si continua vere fuit, gastrica certe complicata cum diathesi inflammatoria mihi videtur. Altera porro non amphimerina continua, sed tertiana intermittens cholericæ TERTII, id est perniciosa comitata fuit.

(g) Spec. 16. Describitur in Diario VARDERMONDII ad ann. 1757. pag. 97. curabatur cortice peruviano. Ergo ad intermittentes perniciosas ableganda.

(g*) Spec. 17. Hic excitat. MERCATUM de Tertiana. MERCATUS autem tribuit tertianæ perniciosæ phrenitidem in cap. Prima tertianæ perniciosæ dif-

differentia D. *Sed tertiana tunc intermittens est, utcumque fuerit simplex, aut duplex.*

(h) Spec. 7. *Speſtat ad compoſitas, ſive complicatas.*

(i) Spec. 8. *Hæc quoque ad compoſitas ſpeſtat, vel ad tritœophyas duplices, quia eam confundit SAUVAGESIUS cum tertiana duplici continua WERLHOFII; non ergo amphimerina.*

(l) Spec. 18. (m) Spec. 20. (n) Spec. 14.

TERTIANA CONTINUA *

ET CAUSUS. **

§. CCCCXIX.

Ut quotidiana continua diebus ſingulis, ſic *Tertiana continua* alternis exacerbatur, eodemque ordine ſe ſe remittit, numquam tamen ad intermiſſionem perveniens. In hac acceſſione neque horror antecedit, neque rigor, neque notabile frigus, exceptis prima, vel altera, quæ plerumque a frigore, aut horrore exordiantur. Nec in remiſſionibus erumpit fudor, niſi rariffime; & ſi quando is erumpit, levis proſecto eſt, inæqualis, difficilis, & plerumque vix levans, crudo nimirum exiſtente adhuc morbo, vel intempeſtive, & in acceſſionum augmento, quod frequentius evenit, ſine levamine exprimitur. Quibus ſane proprietatibus a tertiana intermittente diſcriminatur.

Proprietas
tertiana
continua.

* Synonyma.

Tritœophya SAUVAGESII, Noſolg. class. 2. ord. 2. gen. VII. Tertiana, interpoſita remiſſione tantum, ſive tertiana remittens CULLENTII, Gen. morb. cl. 1. ord. 1. g. I. II. Tritæus LINNÆI, Gen. morb. II. critici III. *exacerbant.* gen. XXI. Tritœophyes febris GORTERII, Praxis medic. ſystem. lib. 3. titul. 4. 200. Tertiana continua *plerorumque.*

BURSER, Vol. II.

Q

** Sy-

** Synonyma.

Ardens periodica RIVERII, de febr. putr. cap. 1. Causos HIPPOCRATIS, *Epid. III. sect. 3.* (*) Causus, sive febris ardens GALENI, comment. III. in Epidem. Hipp. l. 3.

(*) *Supra* (§. LV. not. *) *opinionem CL. LE ROY retuli, qua ipse contendit, HIPPOCRATEM in histor. I. sect. 3. lib. 3. Epidem. nomine Causi usum esse non ad peculiarem quamdam febrem denotandam, sed ad quamcumque acutissimam, mortiferamque exprimendam. Verum si ad ea, quæ HIPPOCRATES habet in descriptione tertia constitutionis ejusdem libri, animum advertisset, fortasse sententiam mutasset. Ibi enim scriptum est: Erat autem constitutio febrium ardentium hoc modo. Ab initio soporosi, anxii, horridi, febris acuta, non valde siticulosi, non deliri. De naribus parum stillavit. Exacerbationes plerisque diebus paribus. Circa exacerbationes oblivio, exsolutio, vocis privatio. Extremitates manuum, ac pedum semper his frigidiores præsertim circa exacerbationes: & rursus tarde, ac non bene recalescebant, rursumque & intelligebant, & loquebantur &c. Et in I. epid. Stat. 3. adhuc clarius videtur loqui HIPPOCRATES in hunc modum: Cum itaque febres ardentes inciperent, significabatur, quibus lethalia imminerent. Nempe statim ab initio febris prehendebat acuta; & parum super-rigebant, vigiles erant, difficulter ferebant, erant sitibundi, parum in fronte, & claviculis sudantes, nullusque per totum corpus erat sudor, valde delirabant, timores, tristitia, extrema subfrigida, ut summi pedes, & manus magis, accessiones diebus paribus, plurimis quarto die labores maximi, & sudores diutissime frigidi, neque amplius extrema recalescebant, sed livida, & subfrigida manebant, non sitiebant, præterea erant urina nigra, tenuet, pauca, alviq; sistebantur, nec erupit e naribus sanguis, neque his, quibus hæc contigerunt, sed parum stillarunt, neque reversio ulli horum facta est, at sexto die cum sudore moriebantur.*

§. CCCCXX.

Interdum hujusmodi accessiones non alternis, sed singulis diebus redeunt, uno tamen die graviores, altero mitiores, sic ut tam hora, qua invadunt, quam intensione, qua decurrunt, alterne sibi similes; si non omnino æquales, existant. At quæ graviores sunt, non semper imparibus diebus, ut vulgo putatur, fiunt; nam paribus etiam hoc evenit, maleque audit tum apud HIPPOCRATEM. Hinc ab iteratis quotidie sic circuitibus *Tertiana continua duplex* tunc nominatur. Utræque, tum simplex nimirum, tum duplex, appellantur a quibusdam peculiari vocabulo *Tritœophyæ* (*a*) quanquam hoc nomen magis convenire videtur illis tertianis continuis, quæ cum frigore, aut horrore in quavis accessione exacerbantur (*b*); non secus, ac intermittentes febres, & in primis illæ, quas supra (§. LXXI. CII. CXXVIII.) *subintrantes* appellari diximus, cum quibus sane magnam Tritœophyæ ratione periodi; & horroris, aut rigoris, aut frigoris habent affinitatem, etsi origine, essentia; & periculo maxime discrepent.

*Tertianæ
continua
duplex.*

*Tritœo-
phyæ quæ
nam?*

(*a*) SAUVAGES. Nosol. cl. 2. ord. 2. Gen. VII.

(*b*) RAYM. JO. FORTIS de Febr. pag. 91. qui ideo distinguit Tritœophyes a tertianis continuis, quia illæ accessiones suas repetunt cum horrore; hæ vero sine horrore. Horrores autem istiusmodi duplicem habere videntur originem; nempe, vel ab inflammatoria diathesi, quacum interdum complicantur, vel a cacochylia putrida primarum viarum, quod frequentius accidit.

§. CCCCXXI.

Quædiffe-
rant a su-
bintranti-
bus.

Sympto-
mata.

Cur bilio-
sa etiam
dicantur?

Quocunque eas nomine appellare placeat, continuarum remittentium more ipsæ, incedunt, & tales jam ab initio, & natura sua existunt, nec ab intermittentibus ad continuitatem provectis, ut *subintrantes*, aut *subcontinæ*, originem ducunt. In accessionum initiis pulsus aliquantulum subeunt; increbrescunt; urinæ tenues, & plerumque aqueæ sunt; in incrementis saturantur, cum pulsu elatiore, frequenti, valido, magno, qui inclinata accessione, quod ut plurimum matutino tempore incidit, pacatius micat, & subsidit, nullo tamen, ut dictum est, aut exiguo sudore manante, nullaque urina prodeunte, quæ lateritium sedimentum dimittat, quale in plerisque intermittentibus non desideratur. Remissiones vero quasi medium tenent inter illas, quas habent *subintrantes*, aut *subcontinæ*, & minimas minusve manifestas, quas *continentes*. Ut plurimum eas comitantur calor acer, oris sapor amarus, inter initia interdum vomitus bilis, deinde in incremento, & statu diarrhœa biliosa, sitis, vigiliæ, aliaque acutarum febrium phænomena. Passim ab acritate quadam biliosa sanguinis, aut a bile ipsa depravata, quæ humores omnes infecerit, oriri creduntur. Hinc plerisque Tritœophyæ, sive Tertianæ continuæ *biliosa* vocari etiam solent. Rationi autem consonum est, acrimoniam in iis *alkalescentem*, & calidam in primis dominari, ex qua solida vehementer irritentur, fluida circissime gluten, quo cohærent, amittant. Eo fortasse excedens ignei elementi vis, aut aliud simile principium dissolvens referri debet.

§. CCCCXXII.

§. CCCCXXII.

Quando vero *tertianæ continuæ* calor urēns , & *Quando causu, si-
ve ardens
dicatur.*
 sitis inextinguibilis accedunt * , tunc *Causus* , sive *febris periodica* speciatim est . In hac præterea lingua sicca ; aspera , nigra ; urinæ rubræ , & flammæ ; dolor capitis ; agrypnia ; delirium ; anxietas ; respiratio difficilis , densa ; magna ; halitus oris calidus adesse consueverunt ; & fere perpetuum est , febrim alternis tantum diebus , ut tertianam continuam simplicem , exacerbari . Ac potissimum infestat adolescentes cholericos , robustos , valde exercitatos , tempore præsertim æstivo , iter facientes , nec a solis radiis caventes , aut immodicis laboribus , aut cuicunque diætetico regimini calefacienti deditos . In *Causo* tam incipiente , quam ad augmenti ; & status tempora perducto adstrictam alvum , aut certe non liquidam , nec fluxam esse docet SAUVAGESIUS , atque hoc ipso a *tertiana biliosa* (§. CCCCXXI.) discerni ; inclinante vero , solvi , & laxari , idque tum critice fieri ; quoniam hæc *Causi* species coctionis capax est , & coctione tantum peracta , criticis evacuationibus terminatur . In ea vero *Causi* specie , quam descripsit HIPPOCRATES (*a*) , erant *alvi turbatæ plurimis horum , dejectionibus crudis , multis tenuibus* . Quare non perpetuum est , alvum in *Causo* adstrictum esse , vel saltem non desunt , qui cum RAYM. JO. FORTIS (*b*) animadvertunt , ardentem hujusmodi febrem in *coliquativam* , ut ipse vocat , facillime transire , idque cognosci ex supervenientibus die quarta crudis , liquidis , sinceris , spumosis , foetidis , pinguibus , biliosisque dejectionibus , nihil conferentibus , nec judicantibus ; circa vero septimam urinis copiosioribus , in quibus liquata

pinguedo supernatat , & demum ex subita totius corporis macie .

* GALENUS (loc. cit.) *duo hæc signa Causi propria & ipse putat* , sitim irrequietam , & caliditatem perurentem sentientibus ægris .

(a) L. 3. epid. Stat. 3. (b) De Febr. pag. 319.

§. CCCCXXIII.

*Causus ,
sive ar-
dens gas-
trica .*

Verum non una est *Causi* hujusce origo . Accidit quandoque , ut *Causus* ex bile in cysti fellea stagnante , & corrupta , aut in duodenum effusa , aut ex aliis inquinamentis primarum viarum enascatur . Tunc putrida bilis , aut saburra gastrica non solum sanguinem ipsum inquinat , & corrumpit , sed etiam alvum movet , & solvit . Hinc febris oritur ardentissima cum alvi fluxu fœtentissimo , & vario . Dejiciuntur autem tunc nigra , viridia , flava , subrubra , partim liquida , partim solidiuscula , & tenaciora . Quod ubi evenit , febris ista *QUEB- NÆO* dicitur *ardens excrementitia* , aut *stercoralis* , atque *acritica* utpote coctionem non requirens : nobis vero *gastrica* , aut *biliosa* .

*Ardens
stercoralis .*

§. CCCCXXIV.

*Causus ab
inflamma-
tione in
abdomine .*

Demum est alia *Causi* species , cui diarrhœa quoque accedit , non a bile tantummodo , aut gastricis sordibus progenita , neque a putrida sanguinis dissolutione , sed ab inflammatione alicujus visceris illis conjuncta , aut intestinorum motum proritante , aut humorum copiam illuc alliciente . Hanc observarunt VALERIUS (a) , & BALLONIUS (b) summæ auctoritatis viri , & clinico exercitio merito commendatissimi , a quibus edocemur , tunc in-

intestina, aut mesenterium, aut hepar, aut ventriculus phlegmone, ut erysipelate occupari, hocque patefieri ex duritie, aut tumore, aut tensione, dolore, caloreque insigni ejus sedis, in qua viscus laborans locatum est. Quod si in hujusmodi malo interiora exardescunt, & quasi urantur, & exteriora saltem extrema frigent, *Lipyræ* nomen *Lipyræ*. *Causus* assumit.

(a) III. Epid. 1.

(b) Consil. 31. l. 2.

§. CCCCXXV.

Quæ de prognosi, & curatione harum febrium passim extant apud Scriptores, non modo varia, sed etiam, nisi diversis quæque speciebus rite accommodentur, pugnancia inter se videri possent. De tertiana continua intelligantur sequentes HIPPOCRATIS sententiæ: *Febres quæcumque non intermitientes tertia die vehementiores fiunt, magis periculosæ* (a). *Febres quæ proxime ad tertianarum naturam accedunt cum incontinenti jactatione, malignæ* (b) *sunt. In febre biliosa ante septimum diem cum rigore morbus regius accedens eam solvit; sine rigore vero si fiat intempestive, perniciosus* (c).

*Prognosis
tertianæ
continuae.*

(a) Aph. 43. sect. IV. & 62. sect. VIII. Coac. 116.

(b) Coc. 33.

(c) HIPPOCR. de victu acut. n. 54.

§. CCCCXXVI.

Quod ad *Causos*, sive *febres ardentes* attinet, *Causus* si hæ si legitimæ, & puræ fuerint, non diu durant; nam vehementia earum symptomata diu ferri non possunt. *Causus si-
ve febris
ardens le-
gitima &
notha.*

*Ægnosti-
ca Causi.*

possunt. Plerumque die septimo terminantur; interdum nono, undecimo, aut decimo quarto. Quæ ultra hosce terminos protrahuntur, *nothæ* vocantur. Omnes autem periculosæ sunt, inquit SENNERTUS, eoque magis, quo major a statu naturali recessus; & contra. Si senex ardenti febre corripiatur, id lethale esset monet GALENUS (a), cui nostra quoque suffragatur experientia. In febre ardenti si lingua arida existente æger de siti non conqueratur, periculum id significat; nam eum vel delirio teneri, vel sentiendi facultatem extinguere, indicium est. Urinæ etiam nigræ male ominantur, sicuti & tennes, & crudæ. Vomitus, & alvi fluxus in febre ardente post coctionem in die critico superveniens, inter salutaria signa ponendus est; contra inter funesta, & mortifera, si ante coctionem contigerit (b). *In febribus ardentibus*, ut habet ex HIPPOCRATE (c) BAGLIVUS, si accedat morbus regius, & singultus quinto die, lethale. Rigores etiam huic interdum febre superveniunt. Hinc HIPPOCRATES scripsit: Febre ardente detento, rigore superveniente solutio fit (c*). At rigor iste in vigore morbi, & post signa coctionis cum pulsu pleno, molli, & valido accedere, & recalescente protinus corpora brevi desinere debet, ut salutaris dici queat. Hunc enim sudor criticus subsequi solet. Contra, si cruce adhuc morbo, & languido pulsu rigor accesserit, nec cito recalescat corpus, nec pulsum vigor revivificat, æger eidem certo succumbit. Malam quoque indicant parvi tremores, & vomitus æruginosi, qui lethales in *Coacis* (c**) decernuntur. Cæterum fausti, felicesque exitus signa complexus est SENNERTUS hisce verbis: Bonum autem est, si æger morbum facile ferat; symptomata non sint vehementia; si facile spiret; si nullam partem internam dolere;

lere sentiat; si dormiat; si somno juvetur; si corpus æqualiter calidum sit, & molle; si lingua non sit adeo arida; si urina bona. Quod si jam signis cœtionis apparentibus cum virium robore, in die critico larga e naribus hæmorrhagia accadat, præcul dubio æger evadet (d). Solvuntur etiam febres ardentes hujusce generis sudoribus, atque abscessibus exteriorum partium, sed frequentius, ut jam notatum supra est, vomitu, alvi fluxu, aut hæmorrhagia. Causi vero altera species; quam gastricam diximus, si cito ejus fomes auferatur, multo minus periculi habet, quamquam ob inflammationis metum periculo non careat. Quæ demum ab inflammatione interiori oritur febris ardens, quia facile, ut plerumque erysipelatosa, in gangrænam definit, vehementer timeri debet, præsertim, si *Lipyræ* jam gradum attigerit.

(a) In Hippocrat. Aphor. 14. sect. A.

(b) SVVIEREN in Boerhaav. §. 741.

(c) Prax. medic. l. I. cap. de Ictero flavo ex HIPPOCRAT. de Jud. n. 8.

(c*) Aph. 58. sect. IV.

(c**) N. 62.

(d) De febr. l. 2. cap. 12. par. 61.

Curaatio.

§. CCCCXXVII.

In tertiana continua (§. CCCCXIX. ad §. CCCCXXI.) si vehemens, ut plerumque est, atque acuta fuerit, magnumque calorem habeat comitem, vena cubiti statim ab initio, aut ad summum in ejus incremento secanda est, & satis abunde pro virium ratione sanguis detrahendus. Serius vero non tuto mittitur (a), quia morbo longius pro-

*Tertiana
continua
quando
conveniat
sanguinis
missio &
purgatio.*

producto sæpe cruor ad liquescendum propendet, imo interdum ob acquisitam *alkalescentiam* jam colliquescit. Si simul cacochyliæ exuberantis signa se prodiderint, purgatione tunc opus est, purgandum autem non nulli jubent post phlebotomiam, & quidem jure, si nimia plethora vasa turgeant. Medicamenta vero sint subacida, & refrigerantia, quibus purgatio præstetur. At, materia non exuberante, non purgandum plane est, nisi coctione peracta. Coctionem adjuvant temperantia, diluentia, & subacida. Quando vero Natura concoctæ materiæ evacuationem per se non molitur, excitandam esse data affatim potui aqua frigida præcipit GALENUS, quem plerique alii sequuntur.

*Coctio ex-
pectanda.*

(a) SYVIETEN. in Boerh. §. 842.

§. CCCCXXVIII.

*Gelida
potus in
Causo I.*

*Frigida
danda me-
thodus.*

Frigida, imo nivata, five gelida aqua multo magis convenit primæ *Causi* speciei (§. CCCCXXII.) si ætas juvenilis, tempestas & regio calida, temperamentum cholericum sit, & vires consent; nequæ inflammatio ulla phlegmonodes, aut insignior viscerum obstructio se se opponat. Tempus vero dandæ aquæ frigidæ aptius perhibetur morbi status, quanquam in augmento etiam, si res urgeat propinari possit. Tantum porro aquæ dandum esse jubent, quantum ab ægro paullatim bibi potest. Prudenter se gerunt qui quavis semihora sex, vel octo ejus uncias porrigunt, & sic, excluso omni alio alimento, per aliquot dies sola aqua ægros sustinent, donec morbus judicationem subeat. Interea sudorem quam maxime vitare student, stragulis

gulis etiam, si opus est, caute detractis, atque aere frigidiusculo admissis; quamquam non video, cur semper sudoris via morbo fugienti cum bonæ criseos signis occludi debeat. Paullatim autem huic potui assuefaciendi ægri sunt; nam aliqui vix ferre eum possunt ob spasticas interiorum partium constrictiones, in quas incurrunt; aquæque frigus sensim, & gradatim caute augendum. At in regionibus calidioribus uti in Regno Neapolitano, in Sicilia, in Hispania, alibique audentius se ad hoc remedii genus convertunt, eoque in plerisque morbis passim utuntur, nec admodum ad veterum præcepta de frigida propinanda ratione attendunt. *Aqueam dietam* hanc dicunt.

§. CCCCXIX.

In altera vero *Causi* specie (§. CCCXXIII.), Curatio
Causi II. quoniam metui potest, ne partes, in quibus bilis depravata, aut excrementorum copia residet, inflammatione, & quidem periculosiore ob putridam causam, corripiantur, oportet primum venam incidere, deinde alvum ducere, aut vomitum ciere; hocque alternatim facere, nemora, aut cunctatione morbus invalescat, & perniciosior fiat. Serum Purgatio. lactis cum cremore tartari, ea nempe quantitate, quæ accommodata ægro videatur, copiose haustum, aut decoctum tamarindorum ceteris præferendum est. Laxat, temperat, *alkalescentiæ* resistit, abstergit, atque evacuat. Fomenta ventri imposita laxantium adjuvant effectum, Clysteres crebro in anum injecti ex eodem sero, addito *electuario lenitivo*, aut sale cathartico amaro causæ materialis subductionem sine noxæ metu sollicitant. Tartarus emeticus aqua dilutus, & partitis haustibus post phlebotomy.

tomiam die remissionis propinatus sursum, & deorsum morbi fomitem leniter exturbat, tutiorque est ipsis catharticis, imo etiam præstantior, eum putredo insignior, aut epidemica constitutio, aut miasmata malignum, aut gravissima symptomata citam breviori via bilis, aut saburræ gastricæ expulsionem exposcat:

§. CCCCXXX.

*Curatio
Causæ III.*

Cum vero inflammatio jam aliqua viscera abdominis occupans, febrem ardentem efficit, ut in tertia *Causæ* specie (§. CCCCXXIV.) evenit, suspecta tum ea omnia sunt; quæ alvum aliquantulum acrius, & validius ducunt. Eorum loco iteratis sanguinis missionibus, semicupis, & fotibus mollientibus interponantur enemata blandissime alvum laxantia. Serum lactis quoque, itemque oleum seminum lini recens expressum, aut olivarum dulcissimum; aut seminum Ricini americani, aut quodcunque aliud non ita facile rancescens his commendatur, quo putrida quæcunque colluvies citissime, & lenissimè educatur, ne retenta inflammationem malignam sua pravitate ad gangrænam facilem, & pronam reddat. Reliqua; quæ huic curandæ opportuna esse possunt, ex *commentario de Inflammatione*, prout res postulabit, huc quoque transferantur. In singulis demum huius tertianæ continuæ speciebus (§. CCCCXIX. ad CCCCXXIV.) videtur ratio talis esse debet, qualis ceteris in morbis acutis, videlicet tenuis, humectans, refrigerans; aer vero, in quo ægri decumbunt, ad frigidum, & humidum inclinans. Sapienter enim, & vere admonet Cl. SWIRTENIUS, sanguinis missionem,

*Aer ad
frigidum
inclinans.*

nam, clysteres, & reliqua artis molimina vix compescere æstum, motumque febris nimis concitatum, nisi aeris quoque refrigerium (a) accesserit.

(a) In Boerhaav. §. 610.

§. CCCCXXI.

Antequam vero de tertianis continuis, & tritœophya sermonem absolvam, advertere oportet, eas, sive simplices, sive duplices fuerint, pro ætatis, & temperamenti ratione, aut anni temporum diversitate multifariam variare. Hinc aliæ sanguineæ magis, aliæ pituitosæ, aut biliosæ videntur, & pro earum differenti natura non parum etiam symptomata discrepant. Autumnali tempore quæ aggrediuntur, graviore, diuturniore, periculosiorque esse solent. Interdum ab initio cum cacochylia gastrica, & putrida complicantur, aut inflammatoriam naturam præferunt, & cephalitidis, aut phrenitidis metum incutiunt. Frequentius vero ob perspirationem ex frigore, aut humido acre cohibitam cum coryza, catarrho, tussi, aut doloribus rheumaticis junguntur, simulantque catarrhalem, aut rheumaticam febrem. Imo tunc non rarum est, exanthemata miliaria post decimam quartam diem, quandoque etiam post vigesimam eisdem supervenire, sive hæc a complicato miliari veneno pendeant, sive a lymphæ depravatione, aut impuritate, aut corruptione inducantur. Interdum hæc critice erumpunt, interdum symptomatice. Criticas pustulas miliary in Tritœophya autumnali, die vigesima septima tantum, post varias symptomatum, & febris vicissitudines prodire vidi, & sic judicationem afferre: alias die decima septima sine ullo levamine, aut cum malignorum sympto-

*Varians
pro anni
& aggro-
tantium
ratione.*

*Autu-
nnales;*

Miliaria;

ma-

matum accessione, Quando hujusmodi complicationes fiunt, semper aliquid insoliti, & a consueta febris indole alieni in earum processu deprehenditur.

§. CCCCXXXII.

*Sanguis
anno demis-
sus.*

Autumno proxime elapso anno 1780. in tertianis duplicibus continuis, quæ tunc frequentes occurrebant ex pluviosa, frigida, & variabili aeris constitutione, pluries magnam sanguinis nigricantis, modo fluidi, modo concreti copiam circa secundæ hebdomadis finem, aut paullo serius, iterato ex ano excretam vidimus; quæ ab hæmorrhoidibus internis tantum prodisse videbatur. Nemini critica fuit. In omnibus sola quiete, potu spiritu vitrioli acidulato, & enematum omissione refrenata est. Quibus caput doluit ab initio, deinde stillæ sanguinis ex naribus prodierunt, sed non largiter manavit, pituitaria membrana prætumida remanente, dolentibus acriter faucibus sine insigniori earum rubore, aut tumore, phrenitici ad finem tertię, aut quartæ hebdomadis obierunt.

*Sanguinis
stillæ e
naribus.*

§. CCCCXXXIII.

Æstiva.

Æstate magis ad ardentes, biliosas; putridas, & colliquantes accedunt. Sed tunc post aliquot dies, nempe modo post septem, modo post quatuordecim, aut viginti, sæpe in veras intermittentes desinunt, vel ita in remissionibus extenuatur, ut intermittentibus persimiles evadant, sive hoc contingat ex imminuta quodammmodo materiali causa, sive ex subacta diathesi inflammatoria, cum qua complicabantur. Id autem potissimum evenit, cum intermittentes febres dominantur. Quando vero

intermittentium naturam induunt, facile dato cortice peruviano fugantur. Sed paullo implicatiores est, ubi tantummodo remissionibus suis intermittentes æmulantur. Tunc enim, etsi plurimum remittant & horrore aliquo, aut frigore saltem extremorum, quod frequens est in veris tritoëphyis, accessiones suas exordiantur, non semper tamen hujusmodi remedio vincuntur. Ne vere frustra, aut temere hoc ingeratur, prius disquirendum est, an remissiones sudor æqualiter diffusus, & omnia symptomata sedans subsequatur; urinæ interea, aut postea emissæ turbentur, aut lateritii aliquid deponant, aut saturatiore colore rubescant, quam in ipso accessionum initio, & incremento, & deinde an accessiones ipsæ ordinate, & periodice redeant, & frigore, aut horrore, aut oscitatione, aliisque symptomatibus intermittantium propriis ægros exerceant? Si hæc accidant, spes est, cortice peruviano eas fugatum iri. Cum vero nec frigore exacerbantur etsi summo opere remittant, nec in remissionibus urinæ crassescunt, nec lateritiæ sunt, multo difficilius judicatu est, num hujusmodi pharmaco cessuræ sint. Sæpe enim observatum est, in hujusmodi casu eas cortici peruviano restitisse. Tunc autem, si accessiones statim quibusdam horis ordinate revertantur, & manifesta, & quasi repentina lassitudine, & dorsi, crurum, capitilque dolore, siti, anxietate, inquietudine ægrotantem discrucient, ita ut intermittantium morem, & consuetudinem imitentur; & deinde post aliquot horas omnia mitigentur, ut æger, quemadmodum in ipsa intermissione, relevetur, sudore etiam aliquo manante, aut cute insigniter humescente, dubitari haud potest, quin intermittantium naturam sequantur, & china china remedio futura sit. Quod molto certius quidem erit, si remissiones in vesper-

Quandoque sunt intermittentes.

Quid faciendum, ubi intermittentibus proximæ evadunt?

Quando china china restitit, cedant?

spertinas, aut nocturnas horas cadant, quibus contra, ut plurimum veræ continuæ remittentes, & præsertim *cathemerinæ*, & *tritæophyæ* omnes, non mitigari, sed ingravescere consueverunt. Autumnales, etsi tum intermittentes non deesse soleant, non ita facile in intermittentes transeunt, facile cortici cedunt, quia fortasse aut densior humorum diathesis, aut expirationis parcitas impedimento est.

§. CCCCXXXIV.

*Februm
harum va-
rietates.*

Probe igitur memoria tenendum est, singulas harum febrium (§. CCCCXIX. ad CCCCXXV.) species non modo memoratis ex causis, aut pravitate causarum, aut complicatione aliorum morborum, aut aeris constitutione, verum etiam, prout sporadicæ, epidemicæ, endemicæ, benignæ, aut malignæ, aut a contagione existant, non parum symptomata sua variare discrimenque aliquod in ipsa medendi ratione creare, varioque exitus habere: quæ omnia prudentis, & periti, & exercitati medici est rite cognoscere, ne aut in iudicio de febris natura, atque eventu ferendo, aut in administrandis artis auxiliis quidquam delinquat.

§. CCCCXXXV.

*Animad-
versiones
in Sauva-
gesii spe-
cies.*

Postremo scire debent Tirones, uno hoc febris genere SAUVAGESIO comprehensas fuisse decem distinctas peculiare species, quarum tamen quatuor ad febres intermittentes rectius transferendæ mihi videntur. Nam *Tritæophya syncopalis* (a), *Tritæophya elodes* (b), *Tritæophya carotica* (c);
Tri-

Tritæophya deceptiva (d) spectant ad intermittentes; tres priores ad *comitatas* videlicet *perniciosas* TORTII, quarta ab *subcontinuum* ejusdem. *Tritæophyam* aut *lacteam* (e), si descriptionem ETTMULLERI, ex quo desumpta est, consulere non pigeat, facile constabit, non esse, nisi symptoma inflammationis a lacte in mammis coacto genitæ. Jure vero ad hoc genus retulit *Tritæophyam* *Uratistaviensem* HAHNII (f), quæ reapse ardentibus, & lipyriis periodicis malignis, atque epidemicis adnumeranda est. Ad *tritæophyas* pariter *malignas*, *putridas*, *epidemicasque*, ut alias silentio præteream, pertinere videtur etiam illa, quam anno 1768 grassantem vidit CAJETANUS TORRAQA (g) Centum Cellarum non ignobilis medicus,

(a) Spec. 1. (b) Spec. 4. (c) Spec. 6.

(d) Spec. 9. (e) Spec. 7. (f) Spec. 3.

(g) Dell' epidem. costituz. di Civitavecchia nell' anno MDCCLXVIII. Rem. 1768.

FEBRES REMITTENTES, QUÆ MODO QUOTIDIANÆ, MODO TERTIANÆ TYPUM SERVANT.

§. CCCCXXXVI.

Hactenus eas Remittentes, quæ aut quotidianæ, aut tertianæ typum constanter obtinent, persecuti sumus; restat modo, ut illæ pertractentur, quarum typus non ita certus est, neque ita constans, uti in superioribus. Sunt enim earum non nullæ, quæ alterutrius ordinem tenent, atque adeo neque quotidianæ, neque tertianæ dici possunt, sed modo unius, modo alterius more procedunt. Harum igitur quædam genera, quæ notatu digniora

ra mihi videntur, explicare suscipiam, ut hoc februm veluti chaos in minutiores partes diductum, luculentius distinctiusque spectetur.

Febris remittens lenta maligna *, *Nervosa dicta*.

§. CCCCXXXVII.

Character
febris.

Continuitate, & accessionum circuitu se remittentem ostendit hæc febris; sed modo alternis, modo singulis diebus, modo etiam erraticarum more exacerbari. A reliquis tertianis continuis, sive *tritæophyis*, aut quotidianis, sive *amphæmerinis* abludit, quod lentissimo passu progreditur, & vix aliquam, aut certe exiguam in pulsibus celeritatem, & frequentiam movet. Hinc *remittens*, & *lenta* jure nominatur, itemque ob speciem lenitatis, & abditam quodammodo indolem, viriumque languorem *maligna*. Cumque in ea cerebri, nervorumque functiones præ primis lædi videantur, actionesque omnes langueant, a quibusdam etiam *lento nervosa* dicta est, ab altera ejusdem nominis (§. CCLXX.), quæ continens est, & supra a nobis descripta fuit, merito discernenda.

* Synonyma.

Febris nervosa remittens SAUVAGESII, Nosolog. l. 2. gen. VII. spec. X. Febris nervosa, sive a spiritibus QUINCYI, *Essay of fevers* p. 370. Febris tritæophya typhodes MANGETI, Sauvages. Nosol. l. c.

§. CCCCXXXVIII.

Historia
morbi.

Quam primum incipit morbus, arteriarum micatus sunt parvi, breves, vix frequentes, imo interdum tardi, aut rari; æger pallet, languet, atque

quæ in soporem; aut coma, plerumque vigil propendit; vix ultra modum, sæpe minus, quam par est; calet, & nulla plerumque siti, aut certe valde exigua afficitur. Primis diebus ut plurimum quædam intervalla temporis intercedunt, in quibus ægri per aliquot horas ita relevantur, & melius habent, ut morbus non remittere modo, sed etiam intermittere videatur. At paullo post horrore, aut rigore aliquo redeunte iterum febris cum expositis symptomatibus recrudescent, mentiturque accessionibus suis periodicis; ut supra dictum est; intermittentium quasi morem; & typum. Post aliquot hujusmodi vicissitudines tandem qui sic laborat, lectulo affigitur, stupidus fit; nec discrimen; in quo versatur; nec quæcumque eidem stant circum; ullo prope modo novit, aut curat; in obvia quæque manibus sine causa inquirat, ea palpat; contrectatque; balbutit; & obmurmurat; aut contra stupet; obmutescit, & semivivi imaginem exhibet. Subinde spasticis quibusdam circa ventriculum; & pectus affectionibus torquetur, excitatur, imo etiam tussi sicca, aut tremoribus; aut subultibus concutitur. Si his non succumbat, diuque malum trahatur; facies effigiem cadaveris plane præ se gerit. Morbo finem versus procedente, quandoque maculæ, sive peticulæ ad cutim prorumpunt, quæ vel floridæ, & rubræ, quod tutius est, vel lividæ; quod deterius; apparent; diarrhœa item supervenit; nigra, & fœtida egeruntur; neque ab his urinæ valde dissident; sensus obnubilantur; oculi vix a luce percelluntur; auditus obtunditur, bono plerumque omine. Surditatem vero puris sæpe ex auribus fluxus subsequitur. In quibusdam per lysim tantum lentissimè nempe interdum post dies quadraginta, imo etiam post duos; vel tres menses febris evanescit;

sed qui ita convalescunt, adeo hebetes remanent; ut vim mentis, sensuumque aciem recuperare nequeant, nisi post longissimum temporis interval-
lum.

§. CCCCXXXIX.

Causa. Causarum loco occasionalium solent præcedere nimix evacuationes, quibus corpus infirmatur, an-
nonæ caritas, alimentorum inopia, magna cum men-
tis, tum corporis contentio, venus immoderata,
senium, constitutio aeris humida, & torpida, epi-
demicum miasma, & quandoque contagium. Ex
Ætiolo- quibus equidem colligo, corpus universum primum
gia. summopere languere, deinde febre exorta, vim ner-
veam & muscularem penitus obtorpescere, quemad-
modum ex ejus symptomatibus (§. CCCCXXXVIII.)
perspicuum est. Quoniam vero non semper id a
venenatis halitibus, aut maligno, nervisque infen-
so miasmate profluit, probabile hinc est, inter-
dum non solum partes solidas omnes præter mo-
dum laxari, verum etiam aquosam, lentam, vis-
cidamque colluviem cerebrum, & nervos obruere,
sensibilitatem minuere, & veluti cohibere, ut sen-
suum stupor, mentis aberratio, virium dejectio,
pulsuum raritas, aut languor consequantur. Quod
si ejusmodi colluviei vellicandi potentiam adjunxe-
ris, nempe pungendi, & irritandi vim aliquam,
non modo febrim, sed etiam horrores, spasmos,
tremores, & reliqua symptomata inde profecta in-
telleges. Et quoniam nunc magis, nunc minus ner-
vosum systema obrui, & vellicari simul, probabi-
le est; consequitur etiam, ut interdum omnia sym-
ptomata ingravescant, interdum minuantur, sicque
per certos quoddam circuitus malum progrediatur,
ea tamen tarditate & inertia, quæ lentori & te-
na-

nâcitati humoris morbidi, & solidorum atoniæ, &
 torpori respondeat. Hinc etiam liquere arbitror, *Quæ in*
 cur in cadaveribus defunctorum sæpe laxata cere- *cadaveri-*
 bri compages, aut hydrocephalum internum, & *bus, repe-*
 medullæ spinalis hydrops, aut encephali suppura- *riantur.*
 tiones, abscessusque reperiantur. In tanto igitur *Cur lon-*
 vitalis circuitus languore, cum viscidus, & len- *gus mor-*
 tus humor tardissime resolvi, & digeri debeat, & *bus, &*
 congestiones, collectionesque in minimis, laxisque *quandoque*
 encephali valis, aut spatiis interjectis difficillime *insensibi-*
 discuti possint, aut id, quod nervis insidet, no- *liter ter-*
 cetque, ægerrime inde dimoveri queat; nemo *minetur.*
 mirabitur, quam ob rem morbus adeo diuturnus
 existat, atque insensibili etiam resolutione quando-
 que finiatur.

§. CCCCXL.

Pro varia item temperamenti, ætatis, habitus *Sympto-*
 corporis, sanguinis, aliorumque humorum ratio- *matum*
 ne, & pro causarum complicatione diversa, & *variatio*
 pro majori, vel minori ad liquefendum, aut pu- *pro varia*
 trescendum humorum propensione, arduum non *circum-*
 est intellectu, quando alvi fluxus, quando peticu- *stantia-*
 læ, quando urinæ foetidæ; & confusæ; aut alia *rum ratio-*
 evacuationum genera supervenire possint, aut ex- *ne.*
 pectari debeant. Hinc etiam expeditissimum est *Curatio?*
 cognitu, eandem hic quoque curationem requiri,
 quam supra (§. CCLXXXIII.) opportunam esse
 asseruimus, cum de febre lenta nervosa continen-
 ti verba facta fuere; videlicet sanguinis missionem
 largam, aut catharsim plerumque huic febre noci-
 turam; & contra ea omnia quæ vim nerveam ex-
 citant, & vires vitæ erigunt, uti cardiaca, ana-
 leptica, stimulantia, volatilia, jura viperarum,
 ambra grysea, vesicantia, victusque ratio paullo
 largior egregiam opem præstitura.

R 3

§. CCCCXLI.

§. CCCCXLI.

Quando-
que super-
veniunt
miliaria.

Interdum
cum levi
cephaliti-
de copula-
tur.

Quid tum
magis con-
veniat?

Hoc febris genus tam *sporadicum*, quam *epide-
micum* occurrit, nec rarum est clinicis attentiori-
bus observatu. Supra (§. CCCCXXXVIII.) in-
dicatum est, quandoque morbo longius protracto,
aut altius provecto, id est, humoribus corruptio-
num subeuntibus, peticulas etiam ad cutim pro-
pelli. Nunc haud reticendum est, peticularum lo-
co interdum exanthemata miliaria circa undeci-
mam, aut decimam quartam, aut serius huc illuc
prodire; quin imo quibusdam in constitutionibus
cum levi cerebri inflammatione febrem hujusmodi
conjugi, sic ut aliquantum tam symptomatum,
quam curationis ratione a modo descripta differre
videatur. Tunc dolor capitis gravior est, tempo-
rales arteriæ vehementius subsiliunt, oculi rubent,
& lucem averfantur, vigiliæ maxime urgent, &
si aliqua in somnum propensio adest, somnus ve-
rus non est, magisque comati vigili hæc dormien-
di cupiditas accedit. In hoc casu sanguinis missio
inter initia utilior est, & præcipue cucurbitulis
scarificatis instituta, & repetita, omniaque revul-
sionum genera. Huc fortasse referenda est *Amphi-
merina miliaris* SAUVAGESII (a) sive febris mali-
gna cum obscura cerebri inflammatione, quam au-
tumno anni 1757. grassari vidit Cl. MARTELLUS DE
GRANDVILLERS (b).

(a) Spec. XI.

(b) Journal. de M. VANDERMOND. T. VIII. p. 275.

Febris remittens soporosa Senum *.

§. CCCCXLII.

Senectus ipsa est morbus, ut vetus habet adagium. Plurima enim salutis incommoda senilis ætatis fere propria sunt, inter quæ non ultima calamitas e multis, quibus senes subjiciuntur, mihi videtur quædam febris continua remittens, sive *exacerbans*, qua ii, præsertim decrepiti, aut decrepitis proximi prehendi solent, & plerumque opprimuntur. *Soporosa* ei nomen est, quia aut cum gravi mentis stupore, altoque somno invadit, aut in quavis accessione ut plurimum conjungitur, a *Lethargica* TORTII (aut CLXIX.) aut *soporosa* WERLHOFII, quæ intermittens est, & ad perniciosas committatas spectat, omnino natura differens, ac proinde seorsum pertractanda. Qui de ea diligentius, veraciusque doctissimo, expertissimoque viro LE ROY scripserit, adhuc inveni neminem. Itaque, quoniam medicinam facienti mihi pluries ipsa se obtulit iisdem propemodum notis, quibus ab illo ad vivum depingitur, pergratum tironibus nre facturum spero, si de hoc parum noto febris genere, & a plerisque scriptoribus prætermisso acturus non modo illius observationes persequar, verum etiam meas qualescumque opportune iisdem adjiciam.

Differt a soporosis Tortii & Werlhofii.

* Synonyma.

Febris maligna cum sopore exacerbans, sive febris maligna (1) Senum LE ROY, *Mélang. de Physiq. & Médecin.* Prem. sur les fièvres aiguës p. 171.

(1) Jam alibi animadvertum a nobis est, malignarum nomen a Cl. LE ROY tributum fuisse omnibus febribus acutis periculosioribus, & mortiferis, quas alii malignas proprie dici negant. *Secund. Mémoir. sur les fièvre. aiguës* pag.

232. & p. 266. Hoc igitur sensu, non alio hic maligna dicitur.

§. CCCCXLI.

Descriptio.

Accessiones habet hæc febris fatis manifestas, quæ modo tertianæ continuæ duplicis instar, modo quotidianæ more procedunt; plerumque tamen, quando quotidianam hora invasionis æmulantur, una alternatim altera gravior est. Quare *Tritæophya duplex soporosa senum* dici posset. Ut plurimum vero, sicuti sæpe experientia didici, hujusmodi accessiones, quæ graviores sunt, in dies pares incidunt; quamquam non raro observaverim, post decimam quartam diem, mutato ordine dies impares, in quibus mitiores accessiones fiebant, commutatos in deteriores, & demum sine ullo ordine, etsi quotidie febris exacerbari pergeret, quasi erraticas, vagas, irregularesque factas. Præcedit communiter refrigeratio tactui sensibilis extremarum partium, in primis nasi, manuum, & pedum, plus minus longa, at non horrida, nisi cum aliis morbis, aut interioribus antiquis vitiis complicetur, certissimum febris subsecuturæ indicium, Interdum refrigeratio ista circa postremos morbi dies ita protrahitur, ut decem, duodecim, aut quindecim horas perduret, antequam calor se exserat, & pulsus se explicet, & vehementior, ampliorque fiat. Quod ubi accidit, præsertim si præter pedes femora etiam perfrigerata sint, expectanda est pessima accessio, quæ sæpe de medio ægrum tollit. Certius vero exitium imminet, cum longiori frigori singultus se se adjunxerit.

§. CCCCXLIV.

Sed duo præcipua; & plane propria, siue pathognomonica signa hujusce febris suppeditat caput, & pulsus, prout sub accessione ipsa, & ea inclinata se habent. Et primum, quod ad caput spectat, hoc ut plurimum in prima febris accessione sopore quasi apoplectico obstupescit, & opprimitur; sed hac superata, aut inclinante somnus excutitur, mens redit, sensus reviviscunt, & nulla pars corporis paralyti affecta reperitur. Ægre hæc prima febris accessio a levi apoplexiæ insultu internoscitur; donec proxima eundem afferens soporosum affectum, mox omnem ambiguitatem tollat. Id autem, ut dixi, rarius evenit. Frequentius enim febris sine notabili stupore, & somno accedit ab initio; deinde vero secundæ, aut tertiæ accessioni tantummodo supervenit sopor; qui tamen non in quavis febris accessione est ejusdem gradus. Plerumque paullatim singulis accessionibus ita ingravescit, ut in penultima, aut postrema tandem fiat vere apoplecticus. In primis tunc accessionibus levior est; nam æger expergiscitur vocatus, aut excussus, sed in somnum cito relabitur, simul ac sibi relinquitur, nec irritatur. Interdum delirium sopori jungitur, interdum abest. Quidam dum veterino premuntur, balbutiunt etiam, uti linguæ paralyti correpti. Nec quandoque desunt in ipsis accessionibus tendinum subsultus, motusque convulsivi.

Duo signa pathognomonica. Sapor, siue primum signum.

§. CCCCXLV.

At non omnis somnus, qui febribus supervenit, æque periculosus est. Nam si æger facile excitatur,

Signa somni febrilis boni, & mali.

tur, oculos aperit, & nitidos ostendit, si eos, ut solet, circumagit, si naturaliter intuetur, si sui conscius recte respondet ad ea, de quibus interrogatur, somnus huiusmodi plerumque vel nihil, vel parum mali portendit. Sin contra difficulter e somno excitatur, & expergefactus oculis stupidis, incertis, obliquis, aut obversis hæreat, si hi ru-beant, turgeant, & quodammodo protuberent, aut languidi, turbidi, aut flaccidi (quamquam interdum sanis similes sub huiusmodi somno viderim) appareant; si mens aberret, tum sopor ad lethargicum vergit, & funesta quæque comminatur. Postremi generis est ille, qui accessiones huiusce febris comitatur.

§. CCCCXLIV.

*Alterum
signum ex
pulsu.*

De primo signo, quod caput præbet, satis; nunc de altero, quod pulsus. Is in febris remissionibusprehenditur æqualis, elatus, non valde frequens, præsertim primis diebus, in accessionum vero vigore multo frequentior, itemque parvus, inæqualis, debilis, & quandoque ita obscurus, ut demum, morbo ad exitiosum finem tendente, vix manu percipi possit. Mirum tamen est, cutim, dum talis pulsus est, sæpe quasi exardere, ægrolque, dum exterius frigent, plerumque de molestissimo interiori calore conqueri solere. Hæ sunt præcipuæ, & veluti propriæ pulsuum in hac febre affectiones. Dissimulare autem nequeo, pulsuum in aliquibus vigente etiam accessione fortem, & plenum, quod, ut rarissimum, etiam concedit Cl. LE ROY, inveniri; in aliis vero quandoque intermittentem, atque instabilem. Itaque Medicus, ut fiat certior de propriis huiusce febris symptomatibus, debet ægrum sæpius invisere, sed maxime eo tempore,

pore, quo accessio incipit, etiamsi id in noctem caderet. Sic enim infida morbi variatio non ejus effugiet diligentiam.

§. CCCCXLVII.

Jam monui, soporem pedetentim in accessionibus plerumque augeri ab initio ad finem; accelerationesque ipsas ordinate, & distincte invalescere, & remittere. Sed scire quoque licet, eas paullatim ita produci, ut demum vix quidquam amplius remittant, se se quasi commiscentes, aut exigua, & brevissima tantummodo habentes intervalla, in quibus symptomata minuantur. Quamquam res ut plurimum sic se habeat; interdum tamen evenit, ut quidam ægroti semper in remissionibus ad finem usque, ne ea quidem dempta, quæ antecedit postremam, & lethalem diem, sic recreari, levarique videantur, ut adstantes vix sibi persuadeant, illos in proximo vitæ periculo revera versari, dum tamen ægri ipsi ex intima animi præensione rectius divinant id, quod eos maneat, & se paratos ab subeundum extremam sortem prædicant, imo sponte, ultroque efflagitant, ut sacris religionis auxiliis præmunire se possint.

*Varieta-
tes in ac-
cessionibus.*

§. CCCCXLVIII.

Quandoque febriles accessiones circa septimam, vel octavam diem ita mitescunt, ut remissionis intervallum ab una ad alteram accessionem horas usque viginti quatuor, vel triginta sex extendatur, atque adeo ex duplici simplex *Tritæophya* evadat. Tunc cavere oportet, ne præmature nimis felicem morbi finem polliceamur, præsertim si non præcesserit, ne præsto sit ulla evacuatio, aut eru-
ptio

*Fallaces
remissio-
num vices*

*Lingua
interdum
sicca.*

ptio critica, cui tanta morbi remissio tribui queat. Nam sæpe observatum est, post longiorem illam quietem febrem vehementius recrudesce, & incantos illudere. Lingua plerumque humida est, & naturali similis ad finem usque, exceptis iis ægrotis, qui somno obruti spiritum hiante ore ducunt; nam in his exarescit, & aspera ex hac causa fit; quamquam tamen eam quandoque ex febris etiam ardore resiccati viderim, cum non raro, postquam febris deferbuisset, licet adhuc ore hiarent, humida, & mollis permaneret.

§. CCCCXLIX.

*Symptō-
mata ra-
riora.*

Neque insolens esse, ait Cl. LB ROY, morbo ab finem tendente, alterutram parotidem, aut utramque intumescere, & proximam sæpe mortem prænuntiare, aut peticulas symptomaticas prodire, quæ pariter exitium imminere significant. At in iis, quos hac febre laborantes videre mihi contigit nihil horum unquam comperi, sic ut minime ejus propria ista credam, & si quando incidant, tum cum ea malignitatem aliquam, aut putridam colluviem complicari. Huncque esse casum putaverim, in quo alvi excrementa liquescunt, & crebro dejiciuntur, peculiaremque fœtorem exhalant; & tales halitus e corpore ægrotantis emanare dicuntur, ut in aere iis repleto diu morari non liceat, quin caput dolore corripitur, cito tamen desituro, si, qui eo affectus est, in aerem purum, & liberum se transferat, ibique aliquantulum consistat.

Prognosis.

§. CCCCLX.

Periculosa valde est hujusmodi febris, & ple- *Ortus
ejus.*
rumque lethalis. Numquam contagione communi-
cari visa est, aut epidemice vagari. Solet spora-
dice hunc, vel illum senem ex aliqua evidenti, &
procatactica causa, etiam leviori, invadere, præ-
sertim autumnali tempore, aut hiemis initio, cum
nimirum transpiratio cutanea frigore, aut aeris hu-
miditate minuta sit. Qui ea laborant, interdum *Terminus.*
septima, octava, aut nona die, sæpius undecima,
aut decima tertia moriuntur. Cl. LE ROY nemi-
nem novit ultra hunc terminum vitam protraxisse
ex illis, quorum morbus morte finitus est. Non
inficiatur tamen, quando malum citam mortem
non affert, hominem ita male affectum relinqui,
ut diutius quidem misere vivat, sed demum suc-
cumbat. Plerumque ita evenire, ut affirmat vir
doctissimus, equidem fateor. Attamen septuagena- *Interdum
lenta e-
vadit.*
rium hac febre cum biliosa primarum viarum ca-
cochylia, & antiquo vesicæ ulcere complicata la-
borantem curavi, qui post multas, mirasque vicis-
situdines, quas sustinuit, vigesima nona demum die
occubuerit. Lenta porro interdum morte morbum
finiri, non pridem comprobatum recordor in ma-
gno quodam Principe octogenario majori, qui pri-
mas gravissimas, & prope lethales febris hujus ac-
cessionibus eluctatus, tandem in febrem lentam quo-
tidie exacerbantem incidit, & marasmo tandem
confectus, & assidue delirus centesima a morbi ini-
tio die exspiravit, Ceterum tendinum subsultus,
tremores, convulsiones, respiratio difficilis, aut
magna, & tarda, pulsuum intermissio quam ma-
xime

xime periculum augent, atque exitium accelerant. Singultus vero si accesserit; quod rarum non est; jam prope instare extremum diem; denuntiat.

Febris hemiplegiaca.

§. CCCCLI.

*Quæ sit
appellanda.*

Affinitas.

Hemiplegiaca minus periculosa.

Soporosæ febris veluti species haberi potest illa; quæ, quia eidem hemiplegia supervenit, proprie *hemiplegiaca* appellanda videtur. Hæc homines aggreditur non admodum senio graves, ut superior, sed tamen senio proximos, qui nimirum annu quadragesimum quintum jam prætergressi sint. Ceterum magna inter utramque est affinitas: nam in utraque ægri, dum sopore præmuntur, balbutiunt; accessiones omnino eundem manifestum typum, ordinemque teneat, in quibus plus minus somnus obrepit; pulius simili prope modo tam in accessio- nibus; quam in remissionibus se habent. In priore illa lingua quasi paralyti, in hac latus resolvitur: quæ omnia affinitatem, similitudinemque affectio- nis ostendunt. At non idem in utraque periculum est. *Soporosa* plerosque occidit; non item *hemi- phlegiaca*; quia in hac pauciores pereunt, multi- que servantur. Si tamen in hujus accessionibus pul- sus fiat parvus; debilis, inæqualis; æque lethifera esse potest, ac *soporosa*; nam nervi etiam cardiaci resolvi quodammodo videntur. Item si paralyti organa deglutiendi attingat; si tendines resiliant, si caput, oculi, aut labia convellantur simul, tan- tum periculi continet, ut omnis spes adimatur æ- gri servandi. Sed præ ceteris ad respirationem at- tendere oportet; quo enim plus a naturali ipsa de- flectit, (deflectere autem plurimum solet pari va-

go, & intercostali affectis) eo propius exitium metuendum est.

§. CCCCLII.

Posset febris ista quibusdam videri una eadem- Quomodo
differat a
soperosis
comitatis.
que cum lethargica TORTII, aut soporosa aliorum, utpote quæ senibus pariter insensissima esse consuevit, & sæpe hemiphlegiam, aut apoplexiam, aut paralysem sibi (§. CLXIX.) adsciscit. Verum ab hujusmodi *perniciosis comitatis* distinguitur, 1. quia continua perhibetur; 2. quia sporadica est, dum comitatæ plerumque epidemicæ, aut endemicæ observantur; 3. quia in hemiphlegiaca & soporosa accessiones a refrigeratione, & quidem longa inchoant; in illis contra ab horrore, aut a simplici pernicioso symptomate sine frigore, aut horrore, vel certe brevissimo & vix sensibili; 4. quia in illis præcipiti, & celeri passu ad mortem fit transitus; in nostra vero tardiori, lentiorique gressu; 5. quia urinarum alia omnino ratio est. In *comitatis* sunt parcæ, subjugales, lateritiæ, subsidentes, in *soporosa*, aut *hemiphlegiaca* continua crudæ, copiosæ sine sedimento, aut cum enæoremate divulso, & levi; 6. quia illæ cortice peruviano certe depelluntur; hæc vero nequaquam.

§. CCCCLIII.

Cl. LE ROY, dum causas mali, ejusque sympto- Quid in
cerebro
defunctorum
inventum.
matum, & mortis ipsius indagatur, & veri similitudinem putat, a peculiari cerebri affectione illa omnia permanere, queritur anatomicarum disquisitionum defectum, quo fit, ut decerni non possit, ~~quanam~~ revera sit ejusmodi cerebri affectio, in
qua

qua morbus iste contineatur. Ipse tamen narrat; in homine, qui *hemiplegiacus* ex hac febre mortuus erat, inventum esse abicessum, qui in altero cerebri hemisphærio recondebatur. Quid in

Sect. 1.

Principe illo, de quo paullo ante mentionem (§. CCCCL.) feci, sectio cadaveris, quam instituit diligentissime amicissimus, & medica scien-

Sect. 2.

tia præstantissimus Jo. PAULLUS SEZZANIUS, detexerit, non melius patebit quam si sectionis ipsius descriptionem, mecum ab eodem communicatam hic transcripsero. Altero ab obitu die cadaver sectioni traditum est. In exteriori corporis ambitu quædam maculæ lividæ, latiores aliæ, quæ hypogastrium occupabant, aliæ minores, quæ talos, & extremos pedum pollices tingeant, & notabile ulcus cum gangræna jamdiu obortum, a summo osse sacro ad nates protensum oculis dissectoris se se obtulerunt. Reserato *abdomine* ventriculus, intestina, jecur, pancreas, omentum, mesenterium, renes, vesica urinaria omnino juxta naturæ modum inveniebantur, si exceperis aliquas non insolitas variationes, quas incessus, & flexus intestinorum, omentique positus exhibuerunt. Lien vero apparuit, mole multo minor, quam solet, fortasse ex compressione, quam jamdiu patiebatur ab ingenti quadam hydatide, quæ ex superiore renis sinistri parte enata sursum attollebatur hypochondrii cavum, quod solis lieni, & ventriculo continendo dicatum est, magna ex parte occupans. Aqua, quæ hydatidii inerat, trium librarum & amplius quantitatem æquabat, leviter flavescens, ceterum limpida. In *thorace* cor repertum magnum, & firmum, cui adnexa vasa æque sana, & bene conformata respondebant, cuique in vigente, & sano arteriarum micatus validi magni, æquales semper responderant. Concretio

tio quædam polypodes in sinistro ejus ventriculo existerat, in aortam usque producta, quam in postremo vitæ articulo genitam, probabile est. Posterior pulmonum pars colore magis fusco, quam anterior, erat, & sanguine etiam turgebat magis, ut ex positu in dorsum morientibus evenire consuevit. In utraque thoracis cavea, sed in sinistra plus, aliquid serii effusi, & valde sanguineo colore tincti deprehensum est; quod pariter laboriosæ respirationi ad vitæ finem factæ adscribendum videtur. *Caput* demum, in quo morbi causa quærenda potissimum erat, hæc exhibuit. Dura meninx prope naturalis visa est; venæ omnes piæ matris ab ultimis usque furculis ad truncos, quibus in sinus longitudinales, & transversales hiant, præter naturam dilatatæ sanguine tenuiore, & diluto valde turgebant; quo vitio fortasse jamdiu laborabant, quia serenissimus Princeps ab adolescentia adstrictiori collari assueverat, quo sanguinis e capite per venas jugulares reditus plurimum retardabatur. In venis, uti quoque in sinibus, exiguæ, & tenues quædam polyposæ concretiones inerant. Interstitia, quæ inter venam, & venam interjacent, opplebantur materia quadam albida, condensata, & quasi concretæ, unde ipsa pia meninx crassescibat. Intra duram, & piam, & intra piam meningem, & cerebrum stagnabat insolita serii copia, quo etiam ferme pleni erant ventriculi cerebri. Plexus choroidei pallebant, & multas parvas hydatides huc illuc innatas ostentabant. Corticalis cerebri portio perbelle anfractibus suis distincta, videbatur aliquantum contracta, medullaris vero, & reliquæ partes intra calvariam locatæ nullum vitii genus præ se ferebant.

§. CCCCLIV.

Sec. 3. Extat apud MORGAGNIUM sectio Cadaveris Nob. viri ALOYSII RATTÆ ætate provecti, qui a longo jam tempore hypochondriaco malo, & vertigini obnoxius, Novembri an. 1705. in affectionem edematofam cum febre, ut auctor existimat, pessimi moris conjunctam incidit, qua intra biduum circiter confectus est. Cum autem VALSALVA in historia morbi, nani inter ejus observationes eam reperit MORGAGNIUS, præcipuum præter deliria symptoma, maximam somnolentiam commemoret, videtur probabile, febrem ejusmodi non multum a soporosa senum abfuisse. In ventre, & thorace sana omnia inventa sunt; & quamvis odor quasi ejusmodi, ac in verminosis solet, existeret, qui aliis lacrymas, aliis sternutationem moveret; nusquam tamen apparuerunt vermes. Cranio exsecō in cerebri anfractibus aqua gelatinosa in ventriculis quoque, & qua Oblongata medulla in spinæ tubum descendit, aquæ fuit, sed pauca utrobique (a). Quæ sequitur observatio, propius ad morbum, de quo agimus, spectare videtur, nam qui eo correptus est, ad annum accedebat sexagesimum; febre acuta laborans in Nosocomium ultimo dumtaxat morbi tempore illatus, hebes jacebat, & vix interrogantibus respondere poterat. Stragula sæpius abiciebat, quasi ingenti ureretur calore, qui, si tangeres, vix tepidus, imo ad extrema corporis frigidus percipiebatur. Pulsus interdum omnino latebat, interdum prodibat; sed durus, parvus, intermittens. Respiratio tamen erat naturalis. Per hæc novissimis transactis diebus prope quartum decimum est mortuus. Quorum multa ad amissim cum iis symptomatibus, quæ supra (§. CCCXLVI.) re-

relata sunt, conveniunt. *Ventre, & Thorace aper-*
tis, ventriculus, & intestina levi rubore suffusa
inveniuntur quasi inciperent inflammari: in cordis
autem ventriculis sanguis crassior; sed tamen flu-
idus. Cranio recluso, dum crassa meninx inciditur,
& dum cerebrum eximitur, limpidum, sed non
multum, prodit serum. Sub tenui quoque menin-
ge, quæ levi inflammationis præbebat indicium, sul-
ci, qui inter cerebri anfractus descendunt, eodem
manabant sero. Denique in lateralibus ventriculis
aliquantum feri, colore sanguineo infecti, repertum
est (b).

(a) Epist. anatom. medic. de sed. & caus. morbor. Epist.
 VI. n. 2. (b) Ibid. n. 8.

§. CCCCLV.

Ex quibus anatomicis sectionibus; quamquam
 non multis, consequitur magna probabilitatis spe
 cie, iisdem propemodum vitiis in hac quoque fe-
 bre cerebrum affici, quæ in aliis soporosis affectio-
 nibus detecta sunt a Professoribus (a); quæque
 plerumque consistunt vel in apostematibus cerebri;
 vel in lymphæ gelatinosæ inter duram, & piam
 meningem collectione, vel in sero sive limpido,
 sive crasso, turbido; imo etiam sanguineo circa
 cerebrum stagnante, aut in ejus ventriculos effu-
 so, vel demum in nimia vasorum sanguineorum,
 quibus Pia mater, & cerebrum ipsum abundat,
 dilatatione, atque infarctu (b); ex his vero fre-
 quentiorē esse vasorum dilatationem, colluviem-
 que serosam, & viscidam cerebrum, ejusque ven-
 triculos inundantem: quæ omnia in senibus, pa-
 rum perspirantibus; pituitosis, crudisque humori-
 bus plerumque scatentibus; & canalium in primis

*Causa-
 rum ex-
 plicatio.*

cerebraliū indurationibus, aut atoniæ, contrariis prorsus vitio obnoxiiis, ac proinde congestionibus, collectionibusque humorum accommodatissimis paulatim fieri incipiunt, & sensim ita increscunt, ut demum, accedente aliqua procatarctica causa febrī movendæ idonea, in huiusmodi terrificum, lethalemque morbum incidant. Non hic disputabo, quot modis, quibusque serosa ista colluvies in cerebro congeratur, cum partim id in pathologia generali explicatum arbitror, partim opportunius explicabitur, ubi de Apoplexia, & congeneribus affectionibus, præsertim soporosis, peculiariter agemus. Nec quæram modo, an ab huiusmodi causa semper febris accendatur, num vero interdum aliunde orta, cum ipsa tantummodo copuletur, aut eam gignat, aut augeat; nam longioris res esset indaginis. Illud solum mihi videtur veri simile, quod serosa colluvies stuporem quidem, & somnum præstare possit, non vero febri, nisi acrimonia quædam seroso humori insit, aut cum eo aliqua meningum, & cerebri phlogosis conjungatur; unde medullares ejusdem fibræ, appensique nervi sic irritentur, ut spasmo inducto, primum extremarum partium perfrigeratio sequatur, deinde etiam motus cordis, & arteriarum augeatur, humoresque omnes concitentur, atque effervescent. Ab eadem cerebri vellicatione perspicuum est, delirium, subsultus tendinum, & convulsiones pronasci debere, & si quando irritationi compressio prævaleat, partes, puta linguam, fauces, brachiorum, & crurum alterutrum, quæ loco in cerebro compresso magis respondent, resolvi non secus, ac in paralyti, & hemiplegia. Quoniam vero aucto humorum per febri motu serosa colluvies paulatim in circuitum rapitur, & cerebrum tum appensione, tum ab irritatione levatur, mentem

tem ad se redire, soporem discuti, & febrim sensim defervescere; probabile est, donec, renovata intra quoddam certum temporis intervallum congestione, accessio modo citius, modo tardius, modo fortius, modo mitius, prout ejus quantitas, aut irritandi vis variat, cum iisdem prope symptomatibus instauretur.

(a) BONET: Sepulcr. T. I. sect. III. itemque MORGAGNI, Epist. anatom. medic. Epist. VI. tota.

(b) MORGANI: *ib.*

§. CCCCLI.

Sæpe etiam accidit, ut cum hujusmodi causa (§. CCCCLV.) diathesis sanguinis inflammatoria, præsertim ab initio, complicetur, aut phlogosis erysipelatodes interiorum viscerum, unde sitis, ardor, singultus, anxietas, extremorum perfrigeratio, ut in veris Lipyriis, una concurrat. Pro causarum igitur varietate concursu, aut aliorum morborum complicatione non parum febris ipsius magnitudo, vis, & periculum, nec non symptomata differant; necesse est. Idcirco in septuagenario, quem supra (§. CCCCL.) decessisse undetrigesima die narravi, primis diebus, cum e frigore accessionis cujusque emergeret, pulsus erat vehemens, durus, vibratus, sanguisque e vena eductus tenax, firmus; & crusta inflammatoria obductus. Progressu vero morbi, & in primis post decimam quartam diem frigus exteriorum partium fere perpetuum evasit, dum interim de summo interiore æstu, & inexplebili siti ægrotus querebatur; demumque pulsus ita exilis, parvus, inæqualis factus est, ut interdum, sicut in alphycticis, pene deficeret, sensibus nihilominus integris, quamquam

Varie complicationes, unde etiam symptomata variantur.

aliquantum languidioribus, permanentibus. His perniciosissimis symptomatibus accessit primum liquida, foetida, colliquans diarrhœa, & tandem tympaniticus abdominis tumor. Sed huic ægro præter soporem illum accessionum febrilium comitem abicessus erat, qui vesicam urinariam occupabat, & magnam puris foetentissimi copiam a multo jam tempore sine insigni molestia cum urina, quæ sponte, ut in incontinentia, extillabat, effundere solebat. Vesicam vero in primis affectam fuisse, indicabat ejus prægrandis tumor, in hypogastrio situs, manuique facile subjectus. Hinc fortasse singultus, quo postremis vitæ diebus æger summo opere conflictabatur.

§. CCCCLVII.

Curatio.

Non aliam hic curandi rationem proponere auserim, quam illam, de qua in cura febris generali (§. XLII.) mentio facta est. Plerumque enim quæcunque artis præsidia effectu carent. Si quæ tamen aliquid boni unquam præstiterunt, id profecto a sanguinis missione a cucurbitulis scarificatis, & potissimum a cantharidibus *nuchæ*, brachiis, aut cruribus, imo ipsi capiti applicitis, ulceribusque inde natis, diu manantibus profectum esse novimus. Uno verbo omnia, quæ a capite revelantur, vim nerveam excitant, vitales vires erigunt, serosi humoris copiam minuunt, educuntque ceteris præstantiora usus comprobavit. Cl. LE ROY corticem peruvianum in tenuem pulverem redactum, & larga manu datum interdum prospere cessisse affirmat. A cortex peruvianus in hac *continua febre soporosa senum* inefficax omnino est, imo plerumque febrem ipsam exasperat, uti pluries expertus sum. Fortasse, quando profuit, febris in-

intermittens *perniciosa* erat, soporoso affectu commitata, qualem alibi commemoravimus, cum qua facile hæc, de qua facile hæc, de qua differimus, confundi potest.

FEBRIS PUERPERALIS NEOTERICORUM *

§. CCCCLVIII.

Nihil vetat, quo minus puerperæ aliis quibuscumque morbis, & febribus, ut reliquæ mulieres, facile pateant. Idcirco rarum non est, eas peripneumonia, pleuritide, angina, apoplexia, catarrho, rheumatismo, febribus continuis, aut intermittentibus, cum benignis, tum malignis, variolis, morbillis, purpura miliari, aliisque malis, & quidem ex causis communibus, & fortuitis prehendi, ita ut nullus ferme morbus existat, in quem ipsæ aliquando non incidant. Quid enim communibus hominum ærumnis eas subtrahat? At præterea non vacant propriis quibusdam, & peculiaribus morbis, qui a partu ipso proxime consequuntur. Supra jam, ubi de *febre lactea puerperarum* (§. CCCCLVII.) disputatum est varias non modo ejus differentias explicui, verum etiam singulas quasdam febres secundarias, sive symptomáticas, quæ a lacte in mammis uberius congesto, aut coacto, vel ab uteri inflammatione, vel a subita, & inexpectata lactis, aut lochiorum metastasi (§. CCCCLXV. & CCCCLXVIII.) excitantur, breviter, ut tum erat opus, indicavi. Hic vero dicendum superest de quadam febre (quoniam modo quotidie, modo alterne exacerbatur) acuta, pleurisque maligna, aut putrida habita, qua speciatim corripitur puerperæ dicuntur, & magnum inde periculum subire. Hanc, quoniam propria puer-

*Puerperæ
a communibus
morbis
non liberæ.*

*Febres
earum
proprie.*

perarum existimatur, complures Neotericorum *puerperalem* ** vocant, quasi novum febris genus, & veteribus penitus ignotum esset, & peculiari nomine careret, nec ad ullam febrem arte cognitam reduci posset.

* Synonyma.

Febris puerperalis EDUARDI STROTHERII, critic. feb. or a critical essay on fevers chap. IX. pag. 212. The puerperal fever. Lond. 1718. NATHANIEL. HULMI, A Treatise on the puerperal Fever &c. & JOH LEACKE, Pratical observ. on the chil-bed Fevers &c. Febris Puerperarum CAROLI WHITE, Avis aux Femm. enceint. & en couches sect. 3. art. 2. p. 184. Febris lochialis vulgo in Anglia dicta, sed perperam EJUSDEM ibid. Febris lactea maligna Puerperarum LE ROY, Premier Memoir. sur les fievr. aiguës p. 198. Febris putrida puerperis superveniens ex bilioso humorum apparatu, vel ex diætæ erroribus RIVERII, Prat. med. lib. XV. c. 24. Febris putrida puerperarum RAYM. Jo. FORTIS, De febrib. & morb. mulier. pag. 484. Febris putrida, seu potius maligna puerperarum WILLISII. De febribus, cap. XVI. pag. 76. Febris uterina a partu tam humoralis, quam nervosa RAULINII, Traité des malâd. des Femmes en couche sect. III. chap. X. pag. 219. Febris miliaris complicata, sive putrida maligna GASTELLIERII, Traité de la Fievr. miliaire des Femm. en couche p. 6.

** *Primus, qui de ea scripserit, atque hujusmodi denominatione usus sit, ab HULMIO fuisse dicitur. EDUARDUS STROTHER, Londini anno 1718. edito opere, cui titulus Criticon Febrium &c.*

§. CCCCLIX.

*Antiqui-
tus cogni-
ta febris
puerpera-
lis.*

Novam vero non esse hujusmodi febrem, nec veteribus prætervisam, facile eruitur ex antiquissimorum scriptorum monumentis, ut rectissime animadvertunt SWIETENIUS (a), WHIETEUS (b),
alii-

aliique inter eos ipsos, qui nova illa denominatione utuntur, & peculiariter de ea edisserunt. Sed nullibi luculentius apparet, hanc ipsissimam febrem notam antiquitus fuisse, atque accuratissime descriptam, quam in primo, & tertio epidemiorum HIPPOCRATIS (c), ubi octo historiæ puerperarum ea laborantium referuntur, ita similes illis, quas nuperi scriptores ediderunt, ut ovo ovum similis non sit. Non nullas quasi illinc exscriptas diceret. Laudandi tamen præstantissimi hujusmodi auctores sunt, quod novis, iteratisque investigationibus illustrare eam conati sint, quanquam non satis constare videantur, num pro Scriptorum numero, & labore par utilitatis ratio consequuta sit. Nam de hujusce morbi natura, causis, & curatione tantam invenio inter eos diffensionem, tantam opinionum varietatem, ut cui tirones fidem habeant, quem sequantur, quem, ut ducem, sibi proponant, discerni minime possit. Quam ob rem, antequam ad ejus descriptionem gradum faciam, in qua pariter non exigua est apud auctores dissimilitudo, operæ pretium me facturum existimo, si primoribus saltem labiis præcipuas attingam opiniones, quæ de natura, atque origine *febris puerperalis* non sine magna interdum animorum contentione evulgatæ hætenus fuere; simulque ad examen, quantum in me est, revocem argumenta, quibus istæ innituntur, ut planior, tutiorque fiat aditus ad veram ejus pathologiam, & Therapeuticen; quod in primis nostri instituti ratio postulat.

(a) In Boerhaav. §. 1329. (b) L. c.

(c) Lib. I. epid. sect. III. Ægrot. IV. V. XI. Lib. III. sect. II. Ægrot. X. XI. XII. sect. III. Ægrot. II. XIV.

§. CCCCLX.

*Gallicam
a lacte re-
tentio de-
rivat.*

Apud plerosque Gallos hodie, post PUZOSII, & LEVRETII, aliorumque edita scripta, jam invaluit, a Lacte intra sanguinem retento non solum varios, & gravissimos morbos, uti apoplexiam, peripneumoniam, & abscessus quosdam, ideo *lacteos* vocatos, verum etiam febrem istam, de qua verba facimus; potissimum proficisci in Puerperis. Inter eos præ ceteris eminet Cl. LE ROY, qui natura, ita, inquit provisum est, ut a partu insignis quædam in corpore animali mutatio accidat; qualac, quod ad uterum nutriendi fœtus causa ferebatur, illico ad mammas convertatur, ut ibi secretum ab infante in lucem edito exfugiri possit. Si naturæ errore, aut causa aliqua alia intercedente fiat, ut necessarium, & salubre hujusmodi opus turbetur, & lactis ista secretio in mammis deficiat, nec a lochiorum copia suppleatur; tunc mala, quæ paulo ante memoravimus, ex lacte sanguini permixto, nec ab eodem secedente oriantur, necesse (a) est.

(a) Premier. Memoir. sur les fevr. aiguës, p. 202, & seqq.

§. CCCCLXI.

*Argumen-
ta eür ita
sentiant.*

Hanc februm perniciosarum, quæ puerperis superveniunt, causam omnium verissimam, frequentissimamque contra veterum sententiam, qui eas lochiis plerumque retentis tribuisse dicuntur, esse ipse censet, i. ex eo quod fœminæ, quæ lac non porrigunt natis, proniore in hujusmodi febres existant; aut, si nihil incommodi bona fortuna patiuntur, maciei deinceps, hystericiis affectionibus, ver-

vertigini , tussive permolestæ obnoxia reddantur , dum ab his lactantes , sive nutrices immunes , & liberæ esse solent ; 2. quod lac congestum , aut coactum in mammis sæpe causa sit tumorum , inflammationum , & abscessum , quibus eadem vexantur 3. quod lac in sanguine fluitans , ad aliquam tandem partem , nunc anteriorem nunc posteriorem delatum , non raro ibi consistat , collectumque tumores varios , tam lymphaticos , quam inflammatorios efficiat : 4. quod secta , & reserata cadavera plane demonstrent , hujusmodi abscessus , qui plerumque circa uterum , ejusque ligamenta , aut circa musculos iliacos , & psoas , aut in celluloso peritonei textu , aliisque partibus utero propioribus reperiuntur (a) , jure *lacteas* nuncupari , cum ipsemet vir clarissimus in fœmine ventre , quæ ex febre puerperali perierat , serum copiosum invenerit , cui innatabant flocculi lacti coagulato persimiles ; 5. quod lochia magnam partem constent ex succis quibusdam lacteis , qui , si illa supprimantur , retenti sanguinem ipsum contaminent , inficiantque . Nam negat ipse , febrem hanc a lochiis cohibitis , retentisque originem habere , quia eorum suppressio non antecedit , sed plerumque subsequitur ; 6. quod exercitatissimi clinicorum , ubi lac in puerperis copiosius ad mammas affluere , & secerni vident , sibi quam maxime gratulentur , & rem in tuto positam esse credant : ex adverso vehementer timeant , & male ominentur , si , lacte non apparente , flaccescentibusque mammis , febris aliquando gravior accedat ,

(a) Puzos second. Mem. sur les Depots laiteux, *Irem* vid. LEVRET, L'art. des accouchem. p. 146. 147. 150. & seqq. CHOMEL , Acad. des scienc. l'an. 1728. Mem. p. 581. & seq. & *demum* Acad. des scienc. l'an. 1746. Mem. p. 160.

§. CCCCLXII.

His, similibusque argumentis confidunt qui a lacte in sanguine retento cum Cl. LE ROY, aliisque Gallis hujusmodi febrem agnoscunt. Tanta autem est hac de re persuasio vulgi, ut quidquid adversi puerperis obveniat, id non dicam a medicis, & chirurgis, sed ab imperitissimis aliis omnibus continuo huic causæ adscribatur. Quorum tamen sententiæ, doctrinæque ne rationalis medicus acquiescere possit, multa profecto impediunt, obstantque. Nam 1. neque lac, neque lacteus humor, neque chylus vere est, qui ad uterum deferretur nutriendo fœtui, sed sanguis, atque ex eo tenuiores secreti liquores ad ejus nutrimentum impenduntur, ut Physiologi celebriores, minusque hypothesebus addicti universim hodie (α) docent. Verum largiamur, chylum, aut lacteum humorem revera esse, qui ad uterum deferretur pro nutriendo fœtu. Licebit, ni fallor, mox petere, num chylus iste, humorve lacteus per communes sanguinis vias ad uterum feratur, vel per vasa peculiaria, intacto prorsus sanguine, ex chyli receptaculis illud descendat? Si primum, quod anatomix magis consonum est, quanquam sanguini permisceatur, quis dixerit, ab ejusmodi commixtione ullam noxam induci? Ergo neque ab utero in sanguinem refluens, aut in eodem retentus quidquam mali afferat, necesse est. Humor enim nutriendo fœtui accommodatur, natura videlicet blandissimus, temperatissimusque cur matri noxius evadat? Chylus vero nonne sanguini quotidie permiscetur, atque in eodem retinetur, ut quæ vita ipsa consumuntur, reparet, & resarciat? Si porro alterum dixeris; ostende quæso vias istas, & rem gratissimam ne-

dum

dum mihi, sed omnibus etiam physiologis feceris. Sed hisce tamen positis, & demonstratis, peterem adhuc, cur chylus sive humor lacteus, quotidie in homine e ductu thoracico, aliisque etiam viis in sanguinem influit, & in eodem retinetur innoxie, solis demum puerperis retentus in sanguine, ut contendunt, tam insolenter, & ferociter noceat? Neque difficultatem declinabis, si regeras, lacteum humorem in utero ipso confici, & secerni; nam vasa *lactifera*, aut *lymphatico-lactea*, quæ in muliebri utero se vidisse nonnulli jactantur, aut confinxerunt (*b*), in humano genere non ita ostensa sunt, ut de iis summopere adhuc ambigere (*c*) non liceat. 2. Quamquam id, quod de lactantibus dicunt, generatim experientia comprobetur, videlicet has melius habere, & fortasse febribus acutis obnoxias minus esse, quam non lactantes; de quo nunc disputare non vacat; tamen haud infrequens est, lactantes quoque febre puerperali interdum corripì, & periclitari, quod non semel nobis videre contigit; imo lac quandoque copiosum, præsentente hac febre, in mammis secerni, eoque mammam ad postremum usque morbi stadium manifestissime (*d*) turgere; quod hercle * argumento est, lactationem puerperia, quia naturæ instituto consentaneam, utilem multis de causis esse posse, sed non ex eo, quod lactis retentionem, refluxum præcaveat. 3. Mala, quibus non lactantes deinceps, videlicet procul a partu, affici, & cruciari dicuntur, eas nec semper infestant, nec ab illis nutrices omnino præservantur; cum hæ frequentius macie, vertigine, hysterica passione, virium languore, tabe, ut propriis lactationis symptomatibus, (*e*) vexentur, quam non lactantes, nisi robusto, bonoque corporis habitu polleant.

1505. HALLER Physiolog. lib. XXIX. §. 1504. 1505. HALLER Physiolog. l. XXIX. §. 33. 34. 35. 36. CALDAN. Instit. Physiol. §. 508. 524. 525.

(b) VIEUSSEN, post VERHEYEN: II. p. 43. FALGONET & DEIDIER, FIZES, HORN, *aliique*, & *praesertim* ASTRUCIUS (malad. des Femm.) *Sed* ii quidem, *inquit* HALLERUS (l. cit. §. 36.) fabricam ruminantium animalium ad hominem traduxerunt.

(c) HALLER Physiolog. l. 28. sect. 2. §. 46. & 48. *ubi sic scriptum reliquit*: Eo (nempe ad vasa lymphatica uteri) refero vasa lactea uteri olim dicta, de quibus retulerat jam lib. 27. At multo confidentius hac ipsamet vasa negantur a CLARIS. AZZOGUUDIO non solum in Instit. medic. vol. I. §. 154. verum etiam in Observat. ad uteri constructionem pertinentibus, Bonon. an. 1775. editis, ubi (p. 36. & seq.) cl. vir non modo MORGAGNII auctori aitem, quae magni momenti est, & ANNAE MANZOLINAE in anatomicis disquisitionibus exercitatissime fidem, & PETRI MOSCATI celeb. anatomes Professoris, atque incredibilis in observando dexteritatis observationes, sed etiam suas diligentissime institutas, atque iterata adducit.

(d) LEACKE l. c.

(*) In Collectaneis medicis societatis Medicorum Hamburgensium a GISEKIO germanice editis (pag. 156. ad 160.) hoc ipsum confirmatum legitur: Nam ibi cl. Auctor profertur, mala, quae lacti aberranti tribui solent, uti febris, tumores circa uterum, & crura &c. interdum evenisse iis etiam puerperis, quae lactabant, quaque lactis copia non superflua gaudebant, & quibus simul lochia rite manabant. Vid. PAULI DIETERICI GJSEKE M. D. Albandlungen und Beobachtungen aus der Arzneygelahreith, &c. aut Comment. Lipsiens. volum. XXII. pag. 131.

(e) MORTON Physiolog. lib. I. cap. VI.

§. CCCCLXIII.

Animadvertendum 4. est, interdum parciorem lactis secretionem, & proventum in mammis fieri, imo etiam penitus deficere, nec lochia interrim solito copiosiora esse, quin tamen aliquid mali puerperæ subeant, & multo minus febris puerperali corripiantur. 5. E contrario hanc sæpe accendi visam esse, antequam lac e mammis decedat, & post eam exortam diu adhuc lacte turgere mammās quandoque solitas, neque semper eam vitari ab illis, quæ ubera suis infantibus mature, & libenter sugenda præbeant, ut exemplis infra proferendis evincetur. 6. Compertissimum quidem esse, lac quandoque in mammis mora, & stagnatione, & calore ita vitari, & corrumpi, ut noxam corpori inferre possit, si nimirum diu in iis stagnet, aut concreascit: quo tamen casu quidquid in sanguinem remeat, plerumque, nisi nimia copia, & repentino, subitoque impetu repellatur, ut supra jam monitum est, id facile aut alvi fluxu, aut sudore, aut urina, aut alia aliqua via, aut pluribus simul sine magno valetudinis incommodo a natura expelli, quod magni plane viri (a) ultro concedunt; illud vero, quod in mammis jam coivit, nec resolvi amplius potest, tumores plus minus duros, aut abscessus procreare, curatu non admodum arduos, fereque periculi expertes. 7. Quoniam probabile est, quotidie aliquod lactis e mammis per vasa lymphatica sine ulla sanitatis noxa in sanguinem infundi, ut Cl. MECKELII (b) injectiones suadere videntur, nullo modo concipi mentē posse, quare liquor adeo blandus, adeo dulcis, temperatusque, adeo naturæ amicus in puerperis,

*Continuatio
constitutionis.*

peris, five retentus, five resorptus, febrem mali moris, inflammationes, tumores, abscessus, dolores tam interiorum, quam exteriorum partium excitare debeat, nisi antea insignem labem contraxerit, aut alia quædam causa intercefferit, uti subita refrigeratio puerperæ, aut grave aliud diætæ erratum, cui hujusmodi mala rectius, veriusque attribui possint.

(a) SVVIETEN. in Boerhaav. §. 1329. *ubi testes appellat celeberrimos auctores, uti* PEU (*pratique des accouchemens*, p. 214.) , LEVRETUM *ipsum* (*L'Art des accouchemens* p. 135.) &c. *qui id experientia convicti fatentur.*

(b) Nov. experim. & observat. de finib. venar. & vasor. lymphatic. Berolin. ann. 1772. p. 56. & 57. *ubi latissimus campus, inquit Cl. Auctor, hic pateret in errores hinc oriundos in Medicina animadvertendi, qui in practicis libris sæpe occurrunt. Sapius mihi in praxi visum est ab aniculis, & medicastris absque fundamento lactis in sanguinem regressum, tamquam causam morborum fere omnium secundum illorum sententiam accusari, qui puerperas post puerperium infestant, quos inflammatoriæ febris post partum ortæ, aut refrigerationis, aut erroris in diætâ effectus, ac sequelas esse peritus in arte facile cognoscit &c. Similia habet* LEACKE l. c.

§. CCCCLXIV.

*Continuat
tur resu-
tatio.*

Quæram 8., si lac in sanguinis vias repulsum quando adhuc blandum, & minime acre est, ne ullum ex mora cepit vitium, teterrima illa male efficeret, cur iisdem Nutrices, ubi alumnos dimitunt, atque a mammis lac abigunt, non pari ratione objicitur? Plurimas equidem vidi, nullam vero earum, quæ ex hac causa in gravem morbum inciderit. 9. Ut ad sectiones cadaverum, a

quas

quas a factis accusatoribus provocor, me conver-
tam, materia illa lacti similis, quam circa intelli-
na, aliaque viscera, aut in cavo abdominis effu-
sam inveniri dicunt, nihil sane aliud esse videtur,
quam pus ex omento suppurato delapsum; secun-
dum quorundam sententiam, vel ex aliis visceri-
bus, partibusque suppuratis, ut peritonei, quod
nuper Angli viderunt, dilapsum (a); liquor vero
ille, serum lactis referens, quo abdominis ca-
vum interdum scatere viderunt, vel pus tenue
fuit ab intestinis inflammatis expressum, vel lym-
pha concreviscibilis illinc effusa, & corrupta vel
chylus ex venis fortasse lacteis ruptis, laceratis,
extensis, aut sphacelo destructis, apertisque cum
lymphatico latice stillatim emissus. Nec novum
est, materiam lacti similem sæpissime prosectoribus
obviam fieri in abscessibus tam internis, quam ex-
ternis, ubi nulla lactis suspicio, aut culpa adduci
poterat (*). 10. Quod attinet ad tumores varii
generis, atque abscessus, qui circa uterum, ejus-
que ligamenta, aut intra musculos iliacos, &
ploas, aut ad inguina, fœmora, aut alias partes
puerperis obveniunt, hos æquiori jure, ut de lo-
chiorum retentione, aut metastasi nihil dicam, vel
ex utero gravido, tumente, & proximas qualque
partes urgente, vel ex vi, quam eadem partes in
iteratis partus nisibus passæ sunt, vel ex circuitu
humorum impedito, vel ex lymphæ tenaci, acri-
que in tela cellulari alicubi accumulata, & sta-
gnante, vel ex materia purulenta intra vasa geni-
ta, & vi vitæ demum alicubi deposita, cujus fre-
quentissima extant apud scriptores exempla, dedu-
cendi videntur, quam ex lacte, sive retento, ut
ajunt, sive repulso.

(a) Cel. CAROLUS RICHA (*Constit. epid. Taurinen. al-*
BURSER. Vol. II. T ter.

ter. p. 40. æger 4.) historiam adducit puerperæ, cui febris cum horrore tertia a partu die supervenit; ex qua die denum duodecima quasi repente interiit. In ejus cadavere inventa est magna puris foetidi quantitas, quæ in cavum abdominis effluxerat ex abscessu tubæ Falloppianæ dexteræ. Pusne esset istud, Cl. auctor ne dubitavit quidem. Ostendit præterea uteri caveam grumoso sanguine plenam, vasa uterina distenta, & varicosa, intestina intrinsecus nigrificata, & gangrænosa.

(*) Cl. SVVIETENIUS (in Boerhaav. §. 75.) refert exemplum ex Hist. Acad. Paris. an. 1729. pag. 17. 18. tumoris in abdomine nobilis Juvenis inventi, qui continebat septem libras cum dimidia materia alba, partim lacti, partim caseo similis. LIETAUDIUS (Hist. Anat. med. Tom. 1. p. 257. 258.) eo act. Parisiensibus producit historiam humoris lactei magna copia in abdomine puella septennis inventi cum mesenterio scirroso, vel materia quadam albicante, & quasi cretacea infarcto; itemque ex LOSSIO sectionem pueri ascite laborantis, cujus abdomen latice quodam mere lacteo repletum deprehendebatur. In muliere consistentis ætatis (apud MORGANIUM Epist. anat. medic. 45. n. 16.) ex peripneumonia intra quinque dies mortua sinistram thoracis cavum replebatur sero, quod a pure admisto albicare libentius dixisses; si ulla puris hic fuissent indicia. Eodem albido humore turgebat quoque pericardium, ut a primo non pericardium, sed apertum magnum quemdam abscessum videre crederes. Superficies vero omnis pericardii inferior, exterior autem cordis, & auricularum, & magnorum vasorum obducebatur materia quadam ex albo cinerea, nihil magis quam calcem, parieti modo inductam referente; nec tamen cor, aut pericardium, ea deterfa, corsum, aut suppuratum apparuit. Mulier autem hæc nec puerpera erat, nec partui ulli proxima, quantum ex historia conjici potest. Similis materia cor obducens, observata etiam a GUARINONIO, memoratur ibidem, sed fusius Epistol. 20. num. 37. Ego quoque pluries in cadaveribus tam morbis acutis, quam chronicis denatorum, & quidem virilis sexus, pericardium humore lacti simili plenum, cor vero materia quadam caseosa circumdatum, & scdaturum deprehendi, qua

*obsterfa, nulla alia labe, nisi levior inflammatio, cerne-
batur. CL. PERCIVALIUS (Essays medical and experimen-
tal on the following subjects &c. p. 232.) narrat, bis pa-
racentesim institutam esse in puella octenni, ascite, &
anasarca laborante, & qualibet vice insignem copiam hu-
moris lacti cum aqua remixto similis extractam esse. Tres
abscessus, post variolas superatas infanti octimestri oborti
sunt, unus circa cubiti articulum, alter ad malleolum
internum, & externum, tertius sub clavicula dextera, &
musculo pectorali: His incis, (LUDOVIG Advers. med.
practic. vol. 2. part. 1. pag. 183. & seq.) materia puru-
lenta tenuis, & saniosa cum lactis coagulo, sive grumo ca-
seoso effluxit. Nec in solis corporis caveis, atque abscessi-
bus materia lacti similis pluries, verum etiam in ipsomet
sanguine non semel reperta est: Legitur in historia acade-
mia scientiarum Parisiensis ann. 1752. Sectam esse venam
brachii viro recte valenti, sed valde plethorico, & multo
plus humoris lacti simillimi, quam sanguinis prodisse:
Idemque pluries vidit MURYUS in iis, qui assidue equis
vehuntur. Neque hac singularia, sed obvia passim reperiun-
tur apud observationum medicarum scriptores. Ex quibus
omnibus, ni fallor, elucescit, inesse sanguini, humoribus-
que nostris materiam, quæ a reliquis ejus partibus sejun-
cta, aut alicubi deposita, humorem albicantem, & lacteum
referre possit, aut lacti similis videri. Non a vero longe
abesse putaverim, chylum ipsum hic maxima consideratio-
ne dignum esse. Sæpe in sanguine paucis a partu horis ex-
tracto chylus conspicuus est, serumque ejus albidum red-
dit. Quid si aut copia excefferit, aut non intime sangui-
ni admisceatur, aut aliqua ex causa a sanguine secedat,
& alicubi consistat? Num a lacte id repetas? Chyli pars
pinguior, & adiposa cum lymphâ animali mixta, & in cel-
lulis membranæ adiposæ deposita, HALLERO docente, (*Phys.
lib. XXV. sect. 2. §. VIII.*) pinguedinem, sive adipem for-
mat: Numquid hinc lacteos tumores, sive decubitus, ut
vocant, quibus puerperæ obnoxie interdum sunt, rectius
quam a lacte deduxeris? Chylus quandoque contra valvu-
larum ductum, & resistenciam a thoracico canali refluere,
& in glandulas iliacas, lumbalesque, atque in earum vas;*

cula sponte se diffudisse, eodem HALLERO observante (*Physiol. l. XXV. sect. 1. §. XII.*), visus est. Multo facilius istud fieri posse conjicies, si aliquod accesserit obstaculum, quo ille refruere, & novas vias sibi parare cogatur. Habes igitur probabiliorem causam, cur tumores, congestiones, abscessusque istos puerperarum, qui cellularem talem, qui glandulas conglobatas tam internas, quam externas sæpe occupant, quando humorem lacti similem continent, *adipsos*, aut *chylofos* vocandos malim, quam *laeteos*.

§. CCCCLXV.

Examinantur postrema duo argumenta adversaria.

Supereft demum, ut duo postrema illa argumenta, quæ supra quinto, & sexto loco (§. CCCCLXI.) allata sunt, aliquantulum excutiantur. Itaque quod de lochiis magnam partem lacteis afferitur, id sane ejusmodi est, ut omnino per se corruat, si quæ contra vasa lactea uteri, aut lacteum humorem ad uterum confluentem disputavimus, memoria teneantur. Deinde animadvertere oportet, colorem albidum, quo interdum lochia * prædita sunt, lacteam eorum naturam non satis ostendere. Albicant enim, vel quod vasa, undæ rubens sanguis effluebat, jam contrahi incipiunt, & ferolum tantummodo, lymphaticumque humorem transmittunt, vel quod purulenta materia decolorantur, ut ex fœtore, quem tum exhalant, aperte liquet. Quod si porro lochia interdum non supprimuntur, nisi febre jam provecta, aut ad finem tendente, mirum id quidem nequaquam est. Nam non omnem febrem, quæ puerperas corripit, ex lochiis suppressis, aut cohibitis, & retentis oriri necesse est, cum multiplices pro-
fecto causæ suppetant, unde ea derivari possit.

Mi-

Mirum potius esse debet, fluentibus lochiis albis, id est, ut adversariis videntur, lacteis, febrem sæpe nedum cessare, verum etiam illico excitari, uterum tumere, & tendi, ex retenta nimirum rubra sanguinis parte, nec satis evacuata; quod a me non semel observatum est: dum contra, lacteo humore exeunte, ex eorum sententia, puerperis recte natura consuleret. Quam ob rem, quando justo citius in plethoricis, sanguineisque puerperis lochia pallere, aut albicare video, quamvis ubertim fluant, suspectus profecto mihi eorum color est, & non raro aliquid mali imminentis portendit; nisi cito, & provide medicus opem ferat. Quod attinet porro ad lactis uberiores secretionem; nulla me subit admiratio, si ea ut naturæ ordinem, & institutum sequitur, omniumque functionum integritatem plerumque significat, sic quoque causam medicis exhibet, cur sibi gaudeant, & puerperæ gratulentur: contra vero si inopia lactis, aut defectus, quoniam turbatæ, atque aberrantis œconomiae animalis indicium est, eos terere debeat, & mala, quæ imminet, præfagiat. Verum utrumque de fluxu lochiorum dici etiam potest. Eorum copia securitatem plerumque: penuria aut defectus periculum, metumque non levem multo certius affert.

* *Mulieres, & non pauci ex medicis simul ac vident lochina pallida, aut albida fieri, mox dicunt, lac ad uterum converti, atque ex eo prodire; nulla temporis, quo id evenit, habita ratione. Sed ut plurimum pallere incipiunt, imo etiam albicare, febre lactea, ut vocant, accedente, aut lacte in mammis secerni cæpto, aut mammis jam lacte turgentibus. Non ergo tunc ejusmodi decoloratio lochiorum lacti ad uterum converso tribui potest. Imo fre-*

quentius, & citius albicant in lactantibus, in quibus certe, cum lac ab infante nato exsugatur, ipsum deferi ad uterum, haud verisimile est. Nam si ex lacte lochiis admixto albidus iste color oriretur, albicaret profecto multo magis in non lactantibus post lactis e mammae reflexum, & non in iis, quae lac praebent; aut in iis ad summum, in quibus nulla lactis secretio in mammae apparuit; quamquam in his posterioribus dubitandum adhuc esset, num ex mixtione lactis lochia tum vere decolorarentur; quia neque lac, ut dictum jam est, sub forma lactis in sanguinem inest, nec uteri fabrica ad illud discernendum in humano genere a natura confecta est. Eget enim glandulosa mammae structura, ut secernatur, pareturque, Non secretum, neque paratum, ubinam existere poterit, quoniam ex loco manabis? At instant non nulli, ut lac vere sanguini inesse, & cum lochiis ab utero effundi probent, sudores puerperarum, & lochia ipsa acidum quemdam odorem spirare, qualem lac aescens emittit. Quod incertum sane, & dubium argumentum est; nam quamquam odor istiusmodi revera sudoribus, & lochiis infideret, nec aliunde, nempe ab aliqua lactis portione, qua in linteola circumposita ex mammae stillaverit, & mora acuerit, emanaret: tamen necessario non sequeretur, ut a lacte prae retento, siue refluyente repetendus esset. Non enim solum lac in nobis est, quod aescat. Aescit etiam gelatinosa, ut vocant, pars sanguinis, qua ideo magnam habet cum lacte affinitatem (SENAC. del cuore T. 3. l. 3. c. 4. p. 105. 106.) Jura carnis diu servata acidum saporem acquirunt, odoremque similem exhalant. Gelu inde paratum, dum corrumpitur, eidem vitio obnoxium est. Jus, & glutina vituli sibi relicta acorem concipiunt (Memoir. de l'Acad. de chirurg. Tom. 3. Par. 2. pag. 70. edit. in 12. SENAC. Essays de Physiq. pag. 93. LORRY des aliments Tom. 1. p. 353.) Adeps etiam, oleumque nostri corporis aescit. Cor ipsum, quia adipe circa basin saepe sater, diutius servatum, acidum odorem interdum spiravit. (Id. ibid. Tom. 2. pag. 111.) Imo ex carne bubula putrescente spiritum sabacidum elicit NAVIERIUS referente HALLERO (Phyiol. lib. V, sect. 2. §. 32.) qui etiam testatur, in humoribus

juniorum animalium manifestum acorem reperiri, in adipe adhuc evidentiore (ibid.) Hinc animalia prius acescunt, quam putrescant (WALLERIUS chem. p. 237. In pure acidam indolem deprehendit QUESNÆUS (Oecon. anim. T. I. p. 269. 295. 247.) ; quamquam id fere ab adipe repetit HALLERUS l. cit. Acet puerorum halitus, & sudor (PECHLIN. obser. p. 332.) Odor acidus percipitur in sudore febrilium quarundam malignarum) MORGAGN. de sed. & caus. T. 2. p. 262. JOURNAL de medecin. ann. 1763. mens. August. FORDYCE. p. 24. 62.) item in purpura (ROSEN. symptom. purpur. chronic. scorbutic. pag. 16. & LUDVVIG. Pathol. pag. 64. 122.) ; in febre miliari (HAMILTON de Prax. regul. & febr. miliar.) ; Accidum sudorem & quidem criticum in febre quadam anomala observavit GRAINGERUS (De febr. Batav. pag. 33.) & in scæmina, cui ossa emollita erant, NAVERIUS (sur l'émolissement. des os p. 62.) & in pari casu vaporem acidum ex abdomine erumpentem notavit ZELLEUS (De struct. glandul. præt. nat.). Similis ergo odor acidum spirans reperitur etiam in aliis morbis, ubi nulla lactis suspicio esse potest ; cur non item in puerperis ? cur non in lochiis, quæ multum feri, & lymphæ continent, ad corruptionem pronissimis ?

§. CCCCLXVI.

Quæ quidem omnia sic accipiantur velim, ut *Noxæ vera a lacte.* Gallorum de hac re opiniones, doctrinæque minimum, ut mihi videntur, protensas, & latius, quam par est, effusas quodammodo justos intra limites contineant, non vero lac prorsus ab omni noxæ suspicione vindicare debeant. Acescens enim mora, aut corruptum, aut alia quacunque ratione acre redditum, aut repente, & magna copia repulsum, non innocuum esse, supra (§. CCCCLXIII.) posuimus ; cum sic sanguini affusum, aut ad cerebrum, pulmones, aliaque viscera translatum, aut

*Anglorum
de Lochiis
judicium.*

Refutatur.

alibi in celluloso textu depositum, congestumque non modo febrim, verum etiam deteriora mala, quorum jam (§. CCCLXVIII.) meminimus, procreare possit. Nec dum a Gallis quantum licet, recedimus, ita movemur auctoritate Anglorum recentium, ut cum his lochia iminuta, aut suppressa, aut quocunque modo retenta e numero causarum, quæ febrim puerperalem invehunt, excludi penitus velimus. Namque haud audiendi mihi videntur, dum quasi ex tripode delphica decernunt, nullum discrimen esse inter humorem, qui lochiorum nomine ab utero effunditur, & illum sanguinem, quem vasa disrupta, aut dilacerata, aut aliter faucia cujuslibet partis evomunt, atque adeo utrumque æque blandum, infontemque haberi volunt. Neque facile eisdem (a) fides habenda est, quando nihil mali ex imminuta, aut retardata; aut cohibita hujusmodi uteri evacuatione se unquam vidisse declarant *. Sola enim sanguinis, licet boni copiam, quæ, prout contrahitur uterus, exprimi paullatim, atque effundi debet, retenta collectiones, & quandoque inflammationes, & febrim non levem parere sæpe ** visa est. Si vero sanguis, qui in uteri vasis copiosior jam est, aut ad ea, utero vacuo facto, uberius ferri cœpit, subito repellatur, & repentina metastasi, rapidoque motu in debilioremque aliquam partem, puta cerebrum, aut pulmonem, impetum faciat, nonne expectandum continuo est gravissimum aliquod malum *** ex iis, quæ inæqualis sanguinis distributio, inæqualisque ejusdem motus, & vis efficere consueverunt? Id nonne frequentissimum & manifestissimum est in hæmorrhagiis reliquis, & præsertim in catameniis ipsis, illico, & repente compressis? Quæ non tum pectoris oppressiones, anxietates, suffocationes, quæ non capitis perturba-

tio-

tiones; cephalalgiae, vertigines, aliaeve terrificae affectiones subsequuntur?

(a) LEACKÉ in printis l. c.

* Prodiit anno 1768. Lugduni Batavorum Clariss. GERHARDI FAUVARQ. *Dissertatio absolutissima De Lochiorum metastasi*. Hac recusa invenitur in Syllog. BALDINGERI vol. 2. pag. 278. Doctissimus Auctor, etsi metastasim lactis prorsus non neget, multa tamen, imo omnia mala, quae alii lacti tantum referunt accepta, lochiis etiam aberrantibus sapissime tribuenda censet. Cum vero utriusque generis metastases summopere affines sint, signa etiam tradit; quibus altera ab altera distingui possit. Turba, inquit (§. V.), quae primis a partu diebus observantur, lochiis, quae vero post febrem lactariam nascuntur, lacti suam originem debent. Deinde addit, in metastasi lactis mammas flaccescere, in lochiorum aberratione turgere posse, citatque assentientem cl. SVVIETENIUM (comm. in Boerhaav. T. 4. p. 610. & 612.)

** Similia timet etiam a copia boni sanguinis in uteri vasis retenti idem FAUVARQ. l. c. §. IV.

*** Eadem quoque docet FAUVARQ. l. c. §. eod.

§. CCCCLVII.

At interdum lochia ita a boni sanguinis indole desciscunt, ut cum eo, qui in hæmorrhagiis evasis erumpit; comparari, ut temere volunt, minime queant. Supra (§. CCCLXV.) ostensum est, aliquando ea purulenta aut puriformia esse. Tunc certe resorpta, aut retenta innocua fore, nemo dixerit. Quandoque etiam in uteri, aut vaginæ cavea restitantiæ, & loci calore fota, aut aeris accessu contaminata ita alterantur, * ut, ni vere putrefiant, ad putrescendum certe paratissima evadant. Hinc terram inephitim exhalant, acidum, vel foetidum nidorem emittunt, atque acrimonia,

*Lochia
quomodo
nocere
possint.*

quam

quam acquisiverunt, non solum partes, per quas depluunt, quodammodo inflammant, & mordent, verum linteola etiam ipsa, quibus excipiuntur, brevi exedunt, consumuntque. Istane tuto retineri, aut cum sanguine circumeunte communicari, & circumagi poterunt? Adde, ab universo corporis habitu non raro ad uterum pravy, alienoque succos post partum confluere, ut providentissimo naturæ consilio, conatuque excernantur. Si casu, aut malo fato fiat, ut expiatio ejusmodi impediatur; quis non viderit, quanta, & qualia puerperis mala impendeant?

* *Mihi omnino adstipulatur laudatus FAUVARQUEUS, dum (§. 2.) sic inquit: „ Quamquam sanguinem ex va-
 „ sis in matricis cavitatem influentem sanum esse adse-
 „ ram, idem tamen de sanguine de genitalium rima exte-
 „ riori prodeunte semper adfirmare nollem. Notum enim
 „ est & calorem, & humiditatem horum locorum, & sta-
 „ gnationem in iisdem facillimo negotio, & brevissimo tem-
 „ pore corruptionem inducere; hanc igitur ob causam san-
 „ guis de genitalibus prodit omnino corruptus, non quod
 „ qua talis in uterum effundatur, sed quoniam hanc la-
 „ bem in his demum locis contraxerit. Accedit, quod par-
 „ tícula relicta placenta, amnii, chorii, atque omentosa
 „ substantia, quæ chorium cum utero ubique necit, cor-
 „ rumpantur, corrupta cadant, & sanguinem transeuntem
 „ varia ratione inquinant “. Idque præsertim evenire sub-
 „ dit in regionibus calidioribus, ubi Judæi olim habitabant,*

§. CCCCLXVIII.

Quibus vero neque lac cum recentioribus, neque lochiorum repulsio, & metastasis cum veteribus quibuldam causa febris puerperalis videntur; hi ad uteri potius inflammationem, quæ in puerperis non infrequens est, animum convertunt, atque hanc originem ejusmodi febribus veluti probabiliorem assignant. At HULMIUS, & LEACKIUS uteri inflammati symptomata ita a febre puerperali aliena reputant, ut ingens inter utramque discrimen esse, fidentissime statuunt. In demortuis præterea ex hac febre puerperis uterum omnino naturaliter constitutum atque illæsum; omentum contra, & tenuia intestina inflammata, & gangræna affecta, itemque abdominis cavum humoribus putridis, & corruptis, nec non spiritu foetentissimo plenum reppererunt. Quo factum est, ut non uteri, sed omenti, intestinorumque inflammationi hanc puerperalem febrem ambo tribuendam judicaverint. Quamquam vero eam inflammationis esse sobolem velint, non tamen omnem putredinem primarum viarum, aut etiam ipsius sanguinis, saltem secundariam, & accessoriam ab ea excludunt. Verum quod attinet ad hujusce febris symptomata, adeo varia, & diversa ab auctoribus referuntur; ut non facile, quæ ipsius propria, quæ aliena * sint, quis definiverit. Itaque si descriptiones omnes persequamur, quas de hac febre puerperali tradiderunt observatores, quasdam certo inveniemus, in quibus uteri inflammati symptomata non defuisse, fateri cogimur. Quod si etiam sectiones cadaverum earum, quæ ex hac febre perierunt,

Num uteri inflammatio quandoque causa ejus sit.

Omenti & intestinorum inflammationi accusatur ut causa hujus febris.

con-

consultantur, id multo evidentius apparebit, nec ullum dubium supererit; quin interdum nullum inter hysteritidem, & febrem puerperalem discrimen extiterit. Cl. enimvero LE ROY in ea ipsa foemina ex hac febre extincta, in cujus abdomine notabilem feri quantitatem cum flocculis albis lacti coagulato similibus (§. CCCCLXI.) invenit, uterum etiam, partesque vicinas inflammatas fuisse; confitetur. Binas quoque sectiones mulierum, quas febris puerperalis rapuerat, extant apud POUTEAU (a); quarum uterus interiorum membranam nigram, & mollem habebat; rubore quodam livido, & vere gangrænofo subtus existente: GASTELLERius etiam duas mulieres febre puerperali, & quidem exanthematica abreptas secuit (b) in quibus uterus luculentissimas inflammationis notas exhibuit. Quibus si addideris eas, quæ passim in *Miscellaneis Naturæ Curiosorum* (c) observationes, uterum sæpe inflammari in hujusmodi morbo, nemo negabit. Sed pro mille aliis illa esse poterit, quam typis mandavit J. P. XAVERIUS FAUKEN (d). Is enim narrat, annum 1770. puerperis febre omnibus exitiosum fuisse Vindobonæ, sed præcipuæ illis, quæ in nolocomio *Divi Marci* decumbebant. His mox post partum uterus erat durus, & tumidus cum doloris sensu, lochiis suppressis, alvi fluxu, æstu, siti cute humida, capitique dolore. Tertio, aut quarto die universum abdomen, speciatim versus diaphragmatis regionem intumescebat, tendebatur, & dolebat, flaccidis interrim mammis, & lacte vacuis. Die sexto, & septimo hæc ita incresebant, ut velut suffocata necarentur. Sectio anatomica in earum abdomine degebat pseudo membranam ex materia quadam caseo, & lacti simili conflatam, qua omnia viscera obdu-

obducebantur. Totum ejus cavum sero veluti lactis
 icatebat; neque id deerat interdum in ipsomet
 thorace. Non unum viscus sed aliud, atque aliud
 inflammatione obsessum reperiēbatur. In non nul-
 lis vero uterus sic affectus occurrebat, ut sphacelo
 correptus videretur. Simillimam huic epidemicam
 constitutionem puerperis exitiosissimam, quæ hieme
 anni 1746. grassata est, ex commentariis Regiæ
 Scientiarum Academiæ ejusdem anni commemorat
 Cl. SWIETENIUS hisce verbis; *Aquæ, dum partu-*
riēbant, effluebant, & postea uterus siccus, durus,
dolens tumebat, nec lochia solito fluebant modo.
A ventris fluxu morbus incipiebat, dolor ventris
sequebatur, in primis circa locum, quem occupant
ligamenta uteri lata, tensum erat abdomen, caput
dolebat, & quandoque aderat tussis, Tertio, vel
quarto post partum die, mammae, quæ tunc turgere
solent, flaccescebant, & quinto, vel septimo die
puerperæ moriebantur. Pauperes solas invadebat hic
morbus, præcipue si in nosocomio peperissent. Fe-
bruario mense adeo periculosus erat morbus, ut ex
viginti vix una evaderet. In cadaveribus invenie-
batur coagulum lactis (Gallorum sermone hinc uti-
tur) externæ intestinorum superficiei adhærens,
& serum lacteum in cavo abdominis effusum; si-
mile serum in quibusdam reperiēbatur in pectoris
cavo, & dum pulmones secabantur, eructabant si-
milem lympham lacteam, sed putridam. Ventricu-
lus, intestina, uterus, rite examinata, videbantur
inflammationem passæ fuisse, & grumi sanguinis ex
dissectis canalibus uterinis exhibant: in multis etiam
ovariorum suppuratio videbatur adfuisse (e). Quæ
omnia tam ratione symptomatum, quam obser-
vatorum in cadavere adeo conveniunt cum des-
criptionibus HULMII, LE ROY, & LEACKII, ut
 nihil

nihil similius esse possit, excepta uteri labe, quam hi nunquam in suis puerperis repperant.

* Cl. WHITEUS (p. 210.) vehementer & ipse miratur, vix duos auctores esse, qui eadem ratione hanc febrim descripserint. Credit tamen cujusque descriptiones fideliter ex ipsa observatione desumptas fuisse, prout nimirum morbus se se eorum oculis obtulerit: quod probe animadvertas velim; ne quæ deinceps dicturus sum, absurda; aut commentitia tibi videantur.

(a) Melang. de chirurg. p. 182.

(b) De la fièvre miliar. des fem. en couche p. 108.

(c) Miscell. N. C. Dec. 1. Ann. 2. obs. 85. Ann. 4. observ. 195. Dec. 2. Ann. 4. observ. 94. Dec. 3. ann. 1. obs. 22. ann. 3. obs. 123. WHITEUS ipse (l. c. p. 206.) non negat; in hac febre uterum interdum inflammatione & gangraena tentari.

(d) Das in Wien im Jahre 1771. &c. vid. Comm. Lip-
sien. vol. XIX. p. 189.

(e) Comment. in Boerhaav. §. 1329. pag. 450. Cl. GEOR-
FRØYUS ann. 1773. vidit epidemicam febrem puerperalem
in Nosocomio (l'Hotel-Dieu) Parisiis, brevemque ejus hi-
storiam conscripsit; quæ legitur in Vol. 2. Reg. Soc. Med.
Opuscul. p. 23.

§. CCCCLXIX.

*Inflamma-
tio omen-
ti, & in-
testinorum
en causa
hujus fe-
bris.*

Quantum porro fidendum sit cadaverum sectio-
nibus ab HULMIO, & LEACKIO ad proximam ha-
ram febrium causam detegenda institutis, ex eo
facile constabit, quod ex XI. puerperis; quarum
historiam conscripsit Cl. WHITEUS, nulli sanguis
missus sit, & nihilo secius ferme omnes evaserint.
Quod nequaquam contigisset, si quæ ab illis supe-
rioribus in omento, atque intestinis inventa in-
flammatiō dicitur, principem revera morbi causam,
sive continentem; ut vocant, & conjunctam

præ-

præstitisset. Quo vero id magis eluceat, legenda ea sunt, quæ in novam HULMII doctrinam doctissime animadvertit idem WHITEUS (a), ostendens, effectum pro causa ab eo temere acceptum fuisse. Namque enimvero ejusmodi inflammatio si primaria, & non secundaria exstitisset, nullo modo, sine prompta & larga sanguinis missione, vitari, aut discuti unquam potuisset. Sed sua quoque est WHITEO peculiaris opinio, qua a reliquis pene omnibus dissentit. Puerperas enim nec ex lacte, nec ex lochiis retentis, nec ex ulla viscerum inflammatione in puerperalem febrem incidere, sed ex eo tantum putat, quod sanguis earum putridis effluviis inficiatur, Effluvia autem hæc partim ex lochiis in vagina, aut circa pudenda gerentis, & facile putrescentibus, partim ex bile acri, & corrupta, aut putridis intestinorum sordibus elevari, a venis inhalantibus, aut membranarum interstitiis resorberi, & cum reliquis humoribus communicari; eoque facilius, promptiusque sanguinem hinc computrescere, quo major aeris, cubiculi, lecti, potiusque calor est, aut largior calefacientium medicamentorum, & ciborum abusus, minusque aeris temperandi, & renovandi studium, aut minor mundum corpus servandi diligentia (b). Ideoque, quamquam communiter in demortuis inveniuntur intestina inflammata, & glutine quodam exterius obducta, & conferruminata, sero cuidam purulento immersa, magis ad putridam, quam ad inflammatoriam naturam hujusmodi febrem accedere. Intestina vero, omentum, aliasque partes, quæ in puerperarum cadaveribus corruptæ reperiri solent, facilius, citiusque contaminari, quia utero, lochiis, excrementisque propriores existunt. Quod ut credibilius reddat, non modo pluribus utitur ipse argumentis e physica, & physiologia ductis, verum
etiam

*Rationes
Whitei
infirmantur.*

etiam confirmare illud non desinit narratione quarundam feliciū curationum, quas solo regimine refrigerante, medicamentisque acescentibus, atque antisepticis præstitit. In Anglia utique, ubi victu animali, vinosis liquoribus & regimine calefaciente frequentius abuti fortasse solent puerperæ, nec satis manditiei corporis studiosæ videntur, & plerumque angustioribus, parumque aere perflatis cubiculis includuntur, in primis plebejæ, & non opulentæ, sæpe eas ex hac causa febribus acutis, & putridis corripī, verisimillimum est. At, quia non ubique, nec universim ejusmodi vitæ regimen obtinet, idcirco absurdum plane esset credere, puerperas isto dumtaxat febris genere peculiariter, & ubique conflictari. Vidi equidem ipse non semel fœminas contraria omnino ratione viventes, gravibus hiis febribus obnoxias, alioque curationis genere, quam quod WHITEUS proponit, egentes, ut, sanarentur.

(a) L. c. Post-script. p. 377. & seq.

(b) L. c. sect. 3. art. 2. p. 209. & seq.

§. CCCCLXX.

*Alia as-
feruntur
contra
eundem.*

Præterea etsi magnam in hiis causis, quas WHITEUS adduxit, nocendi potestatem insidere ultro concedam, non ita tamen celeriter ab iis corpus affici posse videtur, ut primo mox die, aut altero a partu, quod sæpe evenire cum HUMIO, LEACKIO, aliisque WHITEUS ipse haud negat, febrem mali moris excitent, nisi dyicrasia jam aliqua humores ante peccaverint, aut corpus gastrica saburra, aut biliosa colluvie scateat, aut aliunde cacohymicum sit, aut aliter male affectum. Id profecto suo jam tempore cognovisse videtur RIVERIUS medendi scientia, & usu multis recentioribus, licet theoreticis disciplinis elegantius instructis, & perpolitis antefere-

endus.

Jus . Is enim post enumeratas causas, ex quibus *Biverius quid senserit de causis hujus febris.* puerperis febres putridæ, * superveniunt, & comprehensa in illis lochiorum suppressione, aut imminutione, sic inquit: Si vero rite fluentibus lochiis febris oriatur, illa vel ex bilioso humorum apparatus, vel ex diætæ erroribus provenit . Pravi humores ex partus laboribus, ac doloribus agitati calorem, & putredinem facile concipiunt, febremque excitant (a). Quod vero attinet ad diætæ errores, quoniam & de his mentionem opportunæ facit, e re erit hic ipsissima ejus verba referre: Diætæ errores variis modis contingere possunt . Ac primum in victu, in quo puerperæ plurimum peccare solent, pluribus, & copiosis ferculis sese ingurgitantes, quæ sufficienter concoqui non possunt, & in corpore putredinem contrahunt . Alter error committitur, dum puerperæ frigido aeri (hoc probe notent nimii frigidi regiminis laudatores) se se imprudenter exponunt, præcipue urgente febre ex lacte, quæ per sudores, & diaphoresim solvi consuevit . A frigore autem ambiente incaute admissa diaphoresis impeditur, unde fit, ut febris illa, quæ per se salutaris erat, & paucis diebus cessatura, in putridam, & periculosam mutetur . Inno interdum febris hæc in ipso pariendi tempore, aut etiam prius uno, vel altero die puerperas invadit, quod ex historiis Hippocratis ipsius, ut ceteros præterem, constat; unde facile deducitur neque a lacte, neque a lochiis, neque a perverso puerperarum regimine semper ejusmodi malum derivare .

* Putrida febres eo sensu hic accipiuntur, quo a Galenisis acceptas supra tradidimus.

(a) Prax. medic. lib. XV. cap. 24. §. 6.

§. CCCCLXXI.

causæ.

*Willisius
ad Rive-
rium ac-
cedit.*

At præter humorum antecedentem dyscrasiam , & putridum , aut biliosum in primis viis apparatus , aut subitam diaphoreses , aut lochiorum repulsionem , *aliam* vir probatissimus *causam* satis frequentem febris puerperarum commemorat , portionem videlicet aliquam secundinarum , utero adhærentem , aut sanguinis grumum , aut *aliud quid* , præter naturam post partum in uteri cavo relictum , & putrescens , unde lochia virescentia , male olentia , & cadaverosa profluere solent . Ex his quippe non modo uterus computrescit , verum totum etiam corpus putridis ichoribus , halitibusque venenatis inficitur , ut putridissimæ inde febres oriantur . Duoque exempla in utriusque causæ confirmationem ex HARVEI tractatu de partu in medium profert perquam sibi accommodatâ . Nec unus RIVERIUS talia docet . Similia , & prope eadem a WILLISIO (a) traduntur , & probantur . Nam harum febrium causas enumerans , primo assumit *pravam sanguinis diathesim* tempore graviditatis acquisitam ; secundo *malas uteri affectiones* a partu relictas . Illa nisi copioso , & continuato lochiorum fluxu tollatur , sanguinem dicit ad effervesendum ; putrescendumque ex levi occasione promptissimum reddi , imo nervorum succum , quasi veneno , pessime depravari . His vero , & lochia sisti , & totius sanguinis depurationem impediri , & fætidus illinc ichores cum sanguine communicari , eumque graviter infici , quin imo motus convulsivos circa uterum inceptos , indeque aliis partibus continuatos in sanguine & succis inordinationes concitare , quæ sæpe in febris aut productionem , aut exacerbationem conspirant . Nec præterit alias duas occasiones in arbitrio

bitrio patientium sitas, & facile evitabiles, quæ hujusmodi febrem excitare solent, malam nimirum victus rationem, & frigoris susceptionem. A victu enim pleniore, & jurulento, quo immaturius utuntur, statim in visceribus indigestio, & magnæ molestiæ, atque in sanguine ob succum nutritium debito opimiorum turgescentiæ, inquit, febriles oriuntur. Frigore vero suscepto, cum intra diem unum, aut alterum, aut citius, quam oportuit, vestibus induuntur, lectoque exsurgunt, non solum transpiratio cohibetur, sed non raro lochia derepente sistuntur, ære ad uterinas partes penetrante. Quorum utrumvis febrilem effervescentiam excitare poterit.

(a) De febr. cap. XVI. pag. 77.

§. CCCCLXXII.

Ex quarum opinionum varietate quisque satis intelliget, probabiliter non unam febris puerperalis causam, sed fortasse aliam, atque aliam constituendam esse, & proinde non unum ejusdem generis, sed plura videri, quibus nomen istud conveniat, aut a scriptoribus inditum sit, & quamquam quæ postremo loco ex RIVERRIO, & WILLISIO prolata sunt, magnam veri similitudinem præ se ferant, in re tamen adeo controversa, & disputationibus adhuc subiecta prudentis esse judicium cohibere, nec quidquam decernere, donec ea, quæ a ratione dictantur, experientia ipsa comprobaverit. Quare, ut quænam causæ potissimum hic locum habent, & quænam hinc veræ morbi differentiæ deducendæ sint (quod plurimum scire interest) tutissime pateat; nihil opportunius, nihil aptius, nihil convenientius existimo, quam aliquas febrium, quas puerperales vocant, historias examini submit-

*Willisii
observa-
tiones.*

tere, ut quid ex iis probabili ratiocinio ad quæstiones dirimendas elici potest, a posteriori, quod ajunt, planissimum fiat. Itaque eas primum quodammodo percurram, quas WILLISIUS ipse nobis reliquit, deinde non nullas alias summam attingam, quoad ad me spectare videbitur, quædam confectaria, veluti sponte inde fluentia, breviter colligens. Septem ille puerperas, febre laborantes, diligenter descripsit, quarum quatuor vi morbi extinctæ sunt, binæ vero servatæ. Septimam omittam, quia cum variolas tantum passa sit, proprie ad hujusmodi disquisitionem non pertinet.

Historia 1.

PRIMA earum pluribus ex causis in febrem incidit: nam & difficulter enixa est, & SECUNDA statim die carnes liberalius comedit, & TERTIA e lectulo surrexit per horas quatuor. Nocte insequente male habuit, quo tempore lac ad mammas confluit, sed illico disparuit ab applicato emplastro, cui nomen diachylon est. QUARTA die mane febricitabat cum cacochyliæ signis circa ventriculum. QUINTA major febris, & eadem circa ventriculum incommoda. Lochia imminuta, atque albicantia. *Lactis fluorem* dicunt. Caput vespere impeti cœpit. Hypochondria, & epigastrium tenduntur. SEXTA accessit linguæ paralytis. SEPTIMA pectoris oppressio, & sensuum abolitio. OCTAVA mors ex metastasi, ut videtur, ad cerebrum facta. Ex brevi hac morbi descriptione eruitur, febris multiplicem originem fuisse, nempe saburram primarum viarum, lac repente repulsum & lochia imminuta. Febris ergo primum *gastrica* extitit, quam deinde lac repulsum, & lochia retenta funestiores reddiderunt. Febris secundo loco descripta causam proegumenam habuit parvum humorum apparatus ex victu insalubri, & vita deside præcedente *. TERTIA die tantummodo ac-

Historia 2.

ces-

cessit; cui mox diarrhœa supervenit. Ad hanc sistendam die SBXTA adhibita fuere remedia adstringentia, quæ alvum uterique purgamenta imprudenter, & præpostere cohibuerunt. Hinc febris intenditur cum magnis, & crebris pectoris oppressionibus, atque hysterico gutturi veluti præfocati sensu. SEPTIMA graviora omnia, licet alvus iterum laxaretur, & lochia, parca tamen, redirent. Demum accesserunt tinnitus aurium, sensus quidam capitis præter modum turgentis, subsultus tendinum, subitæ totius corporis concussiones convulsivæ, & NONA die mors. Metastasis ad præcordia primum, deinde ad caput. Erat febris *gastrico putrida*, quam diarrhœæ, & lochiorum suppressio lethalem fecit. Tertia observatio est febris cujusdam, quæ sine ullo morbido apparatu vespere dici QUARTÆ, cum in prandio *ex carne pulli plus debito* puerpera comedisset, eam invasit cum vomitu, & lochiorum cessatione. Die QUINTA soluta est alvus, & lochia copiose iterum fluere cœperunt, sic ut paucos intra dies ægra perfecte convalesceret. En exemplum febris gastricæ puræ, & benignæ ex intempestivo carniū esu. Quartæ vero ægrotae historia est hujusmodi. A die partus usque ad septimam puerpera carnibus semper usa est, & quotidie e lecto surrexit; SEPTIMA autem die febris corripitur. Hinc lochia imminuta. Nocte DECIMÆ delirium, lochiorum suppressio; convulsiones. Obiit die proxima post alvum sponte laxatam. Cibi copia, frigus susceptum, atque hinc transpiratio cohibita causam febris dedere; quæ a principio exigua fuit cum pulsu parvo, malignarum instar. Lochiorum accedens suppressio exitium attulit. Num hæc *gastrico-lochialis* vocanda esset? Quinta in febrem incidit ex lochiis, & diarrhœa per adstringentia temere usurpata cohibitis: sed

Historia B

Historia C

Historia D

utraq; evacuatione revocata febris brevi desit .
 Fuit ergo *gastrico-lochialis benigna* . Verum paullo
 fusius exponenda est sextæ ægrotantis historia .
 Puerpera die a partu ALTERA cum se in pedes
 supra lectum erexisset , frigus ad pudenda admisit .
 Historia 6. Hinc lochia continuo subistere ita , ut vix aliquid
 serosi humoris ex utero stillare pergeret . TERTIA
 accessit febris , & dolor pleuriticus cum sputo cruen-
 to . Quarta cuncta veræ pleuritidis symptomata .
 Tunc sanguinis uncia sex e brachio detractæ cum
 levamine , quod decem horas continuasse dicitur .
 At nocte recruduit dolor pleuriticus . Mane QUIN-
 TÆ iterum sanguis ad uncias quatuor e brachio
 missus . Dolor imminutus , & faciliior respiratio .
 Remediis prolectus sudor est . Dormivit . Sed post
 somnum pulsus invenitur frequentior , & languidior .
 Supervenere subsultus tendinum cum delirio . Die QUINTA mors , viginti quatuor horis ab
 iterata phlebotomia . Dubium quodammodo videretur ,
 num pleuritis gangræna terminata mortem
 sola attulerit , an vero etiam metastasis ad cerebrum
 aliqua eidem se adjunxerit . Illud omnino certum est ,
 morbum fuisse pleuritidem ex lochiis repressis ,
 atque aberrantibus , & , propter humoris pravitatem ,
 aut nimium retardatam sanguinis missionem , cito in gangrænam transisse .

* *Febrem puerperalem ex morbo humorum apparatu , tempore graviditatis acquisito natam describit etiam RAYM. Jo. FORTIS (l. c.) & docte , ut solet , commentatur . Narratio sic habet : „ Mulier gravida trigesimum annum agens , „ hepatis calidioris , gracilis habitus , & potius cacochymica , toto gestationis tempore fructibus , & aliis pravi succi eduliis usa , tandem nono mense peperit filiam ; & „ purgationibus secundum rationem sequutis , nihilominus „ tertiæ die , acuta febre correpta est cum hypochondrio- „ rum ,*

rum, & capitis doloribus, vigiliis, siti molesta. Cui
 vero obstetrix existimaret febrem hanc fuisse lactis, cum
 tamen septima præterierit dies a partu, qua febris, cum
 horroribus invaluit, adeo ut nocte elapsa deliraverit mu-
 lier, post diminutam lochiorum expurgationem, mutata
 opinione, credidit, febrem aliunde provenire posse. Et
 ideo &c. “ In epicrifi vero ait: putrida itaque censen-
 da est, nec lochiorum retentione, verum potius a mor-
 boso apparatu, ab humoribus cacochymicis, crudis, & utro-
 que modo biliosis, a sanguine alienis, in venoso genere
 corruptis &c. Ex apparatu etiam morbofo præcedente vide-
 tur in febrem incidisse illa apud Hippocratem Epicratis
 uxor, quæ, cum instaret partus, duobus diebus ante par-
 tum rigore vehementer correpta fuit, tertio peperit filiam
 feliciter cum ceteris omnibus secundum rationem: secundo
 vero a partu die febris vehemens cum oris ventriculi dola-
 re, & muliebrium exacerbata est &c. Epid. 1. sect. 3. Ægr.
 V. Nec fortasse aliam originem habuit febris, quæ prehen-
 dit Dromeada conjugem secunda die, postquam filiam enixa
 esset, & alia omnia secundum rationem evenissent. Epid.
 lib. 1. sect. 3. Ægr. XI.

§. CCCCLXXIII.

Ab observationibus WILLISII transeo ad eas, Observat.
Whitci.
 quas WHITEUS enarravit ad calcem sui opusculi.
 Extant ibi quidem complures, sed ex iis novem
 solum vere pertinent ad febrem puerperalem; nam
 prima, decima, duodecima, & reliquæ sequentes
 circa alios morbos versantur. His igitur, uti a
 nostro instituto alienis; prætermisissis, incipiam mox
 a secunda, eamque in compendium redigam, sic
 tamen, ut quæ origini, & naturæ morbi signifi-
 candæ valent, minime omittantur; id quod etiam
 in ceteris deinceps recensendis ad amussim præsta-
 bo. *Observ. II.* Mulieri cuidam post facilem, Observ. II.
 naturalemque partum, & post adhibitum regimen

nimis calidum sine ulla aeris, in quo decumberebat, renovatione, & post abortos inde assiduos sudores, supervenit diarrhœa cum torminibus ventris, & signis acidæ cruditatis circa ventriculum: idque contingit die a partu QUINTA. Eadem die febris, lochia copiosa, sed admodum foetentia, & lingua alba. Febris, diarrhœa, & tormina diu protrahuntur. Fœtor ingens undique erumpit. Regimine refrigerante, aere cubiculi sæpius renovato, ipecacuanha, & demum cortice peruviano curata est. Causa autem fuit cacoehylia primarum viarum cum putrida sanguinis dissolutione. Febris inde genita cur non dicenda erit *gastrico-colliquans*, sive *gastrico putrida*? *Observ. III.*

Observ. 2.

Cubiculum nimis occlusum, & calens. Lochia foetida. Die QUINTA dolores vehementes in imo ventre. Abdominis tumor, inflatio, tensio, aucta sensibilitas; frequens dejiciendi desiderium; tenesmus permolestus, egestiones paucæ; pulsus creber; lingua alba; demum cibi fastidium, vomitus, atque alvi profluvium. SEXTA primum lochia sistuntur. Tum etiam lac in mammis minuitur. OCTAVA lac, & lochia redeunt, & febris desinit. Causa eadem cum priore, & idem morbi genus. *Observatio IV.*

Observ. 3.

Frigus in partu susceptum. Die SECUNDA circa vespertam febris; & tormina ventris. TERTIA horror, calor, atque alvi excrementa compacta. QUINTA horror vehementior; alvi fluxus cum torminibus; dejectiones acres, calidæ, exurentes. SEXTA alvi excretio copiosior, lochia pallent, & mammae detumescent; non tamen lac omnino evanuit. SEPTIMA idem alvi profluvium. Febris minor. OCTAVA dejectiones rariores, parcioreque. Hinc lac uberius in mammis. NONA morbi finis. Patet, febrem ex perspiratione cohibita; & prava primarum viarum biliosa colluvie ortam esse. Itaque *gastrica pura*.

Ob-

Observ. V. exhibet historiam febris miliaris, sive *Observ. 4*
 morbi ex miasmate miliari cum cacochylia gastrica complicati, qui non puerperam, sed utero gerentem juvenulam sexto gestationis mense corripuit, unde abortum passa est. *Observ. VI.* ostendit *Observ. 5*
 quantum possit regimen refrigerans, abstinencia ab omni victu animali, & fructuum acescentium usus. His enim adjumentis *febris biliosa ardens*, quæ prope imminebat, valide propulsa est. *Observat. VII.* *Observ. 6*
 PRIMA a partu die circa vespeream horror, qui POSTERA etiam die rediit. TERTIA ingens vomitus, & diarrhœa cum dolore capitis, lumborum, illum, & ea infimæ partis abdominis tensione, ut præ dolore non pateretur se tangi. QUARTA accessit sitis, calorque: Pulsus erat celer, lingua alba, lac paucum, lochia suppressa. SEXTA solo regimine refrigerante, aeris puri, & recentis accessu, & vitato carniū jure febris cum omnibus symptomatibus decessit. Sic in ipso ferme ortu repressa est febris, quam gastrica, & putris saburra excitaverat. *Observat. VIII.* Magna hæmorrhagia uteri *Observ. 7*
 ob placentam retentam. Quinque post horis ea manu chirurgi extracta est: hinc hæmorrhagia illico cessavit. TERTIÆ primum horror; calor deinde; denique sudor. SEPTIMA accessio similis eodem ordine. NONA vomitus creber; nausea; sitis; cibi fastidium; pulsus parvus, celerrimus; lingua ad latera albicans, in medio fusca, & sicca. Ægra lactabat. Abdomen ita dolebat, ut tactum non ferret. Lochia satis copiose fluebant, sed putrida, & fœtencia. A partu ad hanc usque diem ex alvo nihil prodierat. Continuus lectuli calor, & fervidi potus usus non modo eam adstrictiorem reddiderat, verum etiam excrementa ad putrescendum expeditiora, eoque magis, quod in palustri loco, atque obsoleta domuncula fœmina hæc ruri

degebat . Curata est emeticis , & alvum laxantibus . Nulla hic lactis metastasis accusari potuit ; nam ubera infanti porrigebantur . Neque lochiorum retentio , quia fluebant satis copiose . Igitur potius fæcum intestinalium copia , & putrida cacochylia . An aliquid etiam corrupti in utero ? Longior placenta in eo mora , & subsequens lochiorum fœtor suspicionem non levem movet . Neque

Observ. 8. ab hac dissimilis est *Observat. IX.* in qua eadem

Observ. 9. curatio morbum devicit . *Observatio X.* Ex retenta per tres dies in utero placenta , ibique corrupta , febris putridissima cum pustulis miliaribus orta est , quæ die VIGESIMA SECUNDA a partu mulierem rapuit .

§. CCCCLXXIV.

*Gastellerii
Observationes.*

Hæ quidem observationes propositæ satis esse possent , nisi feбри puerperali sæpe , licet per epigenesim , miliaria exanthemata adjungerentur , ita ut tum febris ista *miliaris puerperarum* appellari soleat . Itaque non me pigebit septem alias historias , quas nuperrime Gastellerius (a) edidit , superioribus adjicere , quod melius varia hujusce morbi ori-

Ægra 1.

go , & natura expendatur . *Observatio 1.* Mane quædam mulier peperit feliciter . Vespere terrore repentino lochia suppressa . Hinc horror totius corporis , suffocatio , pectoris angustia . Nocte garrulitas ; sermo intercius ; dolor capitis , & lumborum ; respiratio laboriosa ; oculi rubri ; scintillantes ; pulsus durus , plenus , frequens , carotidum micatus validiores ; cutis ardens , & latis maculis rubris notata ; sitis inexplebilis . Quæ omnia partim terrori , partim calefacientibus , & vini potui , quibus ad discutendum horrorem usa est , accepta referri debent .

bebant. His accessit delirium ferox, & paullo post exanthemata etiam miliaria. Repetita sanguinis missio opem tulit, sic ut die *nona*, lochiis copiose fluentibus, & mente omnino restituta, tres horas extra lectum sine languore manere potuerit. Dubitari non potest, quin lochiis suppressis, & sanguini vehementius, & copiosius ad caput irruenti tribuendum fuerit id febris genus, cui fortasse *phrenitidis lochialis* nomen non male conveniret,

§. CCCCLXXV.

Observ. II. Post partum undique facilem, & natural^{*Ægra 23*}em, lochia admodum parce fluxerunt. Hinc non satis bene habuit puerpera usque ad diem xiv.*; imo sine evidenti alia causa nocte hujusce diei correpta est acutissimis doloribus imi ventris, quos comitabantur vomitus crebri, & vehementissimi. Mane postero alta voce conqueritur, atque ejulare cogitur. Pulsus erat parvus, tardus, & valde contractus; extrema frigida; urina suppressa; venter subtumidus, non tamen tactu indolens; magna spirandi difficultas, & demum vesiculis miliaribus, quæ jam ab aliquot diebus eruperant, totum corpus conspersum. Nihil lactis in mammis a partu ad hanc usque diem apparuit, nec ulla febris, quam *lacteam* dicunt, præcesserat. Sanguinis missione bis in pede instituta, potu diluente, subacido, balneo tepido totius corporis diu, & pluries adhibito, tartaro deinde emetico, quo multum purgata est, & demum lochiis revocatis, & abunde fluentibus brevi convaluit. *Colicam nephriticam* auctor eam vocavit. Probabilius tamen videtur, morbi causam fuisse lochiorum par-

parcitatem, atque aberrationem, saburrâmq; intestinalem.

* HIPPOCRATES in I. epid. sect. 3. ægror. IV. *historiam puerperæ; qua decima quarta die febris prebensa est, lacedæmonice, ut solet, sed accuratissime refert. Quam; cum similitudinem habeat quamdam cum modo exposita; non erit inutile totam transcribere. In Thäso Philini uxorem; quæ filiam pepererat; quum purgatio secundum naturam facta esset, & alias leviter degeret, DECIMAQUARTA a partu die febris vehemens corripuit cum rigore. Ab initio vero cor (id est scrobiculus cordis) dolebat, & circa præcordium dextrum; muliebrium partium dolores: purgatio cessavit: Ubi vero glandem subdidisset; hæc quidem levioris facta sunt. Capitis autem, colli, & lumborum dolores permanebant. Somni non aderant. Extremitates frigidæ. Siticulosa erat; alvus combusta; pauca egerebat. Urinæ tenues, ab initio decolores. SEXTA DIE ad noctem multum deliravit, & rursus resipiscebat. SEPTIMA siticulosa, sæcessus biliosi, abunde colorati. OCTAVA superriguit: febris acuta; convulsiones multæ cum dolore; multum delirabat. Glande subdita exurgebat, multaque cum fluxione biliosa prodibant. Somni non aderant. NONA convulsiones. DECIMA parum resipiscebat. UNDECIMA dormivit; omnium recordata est. Statim autem rursus deliravit. Urinam autem reddebat cum convulsionibus, acervatam; multam: illis autem parum admonentibus, crassam albam, qualis est ex his, quæ subsiderunt, ubi multo tempore sitæ, fuerint conturbatæ: non subsidebat, color, & crassitudo talis, qualis est in urinis jumentorum. Talia mingebat, quæ & ego vidi. Circa DECIMUM QUARTUM diem palpitationes per totum corpus; tremores multi; parum resipiscebat: verum statim rursus delirabat. Circa DECIMUM SEPTIMUM voce destituebatur. VIGESIMA inortua est. Cl: MERCURIALIS in commentario ad hanc historiam putat purgationem statim a partu secundum naturam quidem factam fuisse, sed subsequentibus diebus justo parciolem, sic ut non suffecerit. Ex ea itaque deficiente mulierem demum in febrim incidisse; qua caus-*

sam haberet inflammationem uteri, atque hepatis, a lochiis retentis, & aberrantibus profectam. Hemitirica ei nomen dedit. Verum non defuit biliosorum humorum apparatus, ex quo febris ista magnam partem derivari posset.

§. CCCCLXXVII.

Observatio III. Toto graviditatis tempore valetudo adversa, prava victus ratio, febricula diuturna. Post partum lochia primum copiosa, deinde parca, & lenta. Lac vix ullum, etsi ubera ab infante sugerentur. Plerumque extra lectum Puerpera exstitit, sic ut lecti, aut cubiculi calor ei certe non nocuerit. Die DECIMA a partu aeri humido, licet brevi tempore, corpus exposuit. Mox nocte insequenti vehemens febris eam invasit. Hinc lochia, quæ adhuc stillabant, omnino supprimuntur. Die POSTERO omnia ingravescent; pulsus parvus, durus, frequens, obscurus, compressus, cutis ardens, quamvis assiduo madore perfusa; parvis vesiculis crystallinis distincta; caput in latus revolutum; oculi squalidi; lingua arida; mammæ flaccidæ; respiratio anxiosa; subobscurum delirium; difficilis loquela; pectus oppressum; brachia huc illuc jactantur; & manus floccos conquirunt. Inter hæc abdomen molle erat, & doloris expers. Pectori, & capiti egregie succurrit sanguinis e pede missio, qua pulsus etiam elatioris, majoresque facti sunt. Reliquam curationem perfecit purgatio, qua multa biliosa, & putrida educta fuerunt, & sudor largus, & lochiorum fluxus, qui brevi reversus est. Sic paucos intra die sanitatem omnibus numeris absolutam consecuta est, si lactis proventum excipias, qui nullo modo restitui potuit. Corpus pravis humoribus jamdiu scatebat*; neque lochio-*

Febris a pravo humorum apparatus, & lochiis imminutis.

runt

rum copia, aut alvi fluxu, aut sudoribus post partum satis expurgatum est. Accessit ex aere humido, & frigido insensibilis perspirationis interceptio, qua febris illico mota est. Nec est, ut opinor, cur aliæ causæ dubiæ, aut incertæ arguantur.

* *Apud HIPPOCRATEM (epid. iii. sect. 3: agr. 2.) extat historia puerpera, quæ tempore gestationis febriculosa fuit, & post partum, cum purgatio facta non esset, acuta, horrida febre tertia die correpta est. Causa fere eadem fuerunt ac in modo exposita, sed graviores, & perniciosiores, ita ut non modo diu febribus continuis, acutis, horridis cum pessimis symptomatibus conflictata sit, verum etiam post varias in melius, & pejus mutationes octogesima tertiæ die obierit.*

§. CCCCLXXVII.

Ægra 4. Observ. IV. SEXTA a partu die ita res se habebant: pulsus plenus, durus, frequens, inæqualis. lingua aspera; & sicca; cutis madida cum pustulis ubique miliaribus albis; pectus non nihil impeditum; abdomen præter modum distentum, & summo opere tactum præ dolore refugiens; urinæ paucæ, & rubræ; alvus adstricta, sitis ingens; horrores, & accessiones crebræ in primis post febris lætæ invasionem. Lochia primis diebus parca, tunc penitus deficientia. Caput tamen liberum. Lactis exigua in mammis secretio. Ex his accitus medicus conjecit, morbum principem esse uteri inflammationem. Itaque sanguinem bis intra paucas horas ex brachio mittendum curavit, & potui serum lactis dedit. Hinc citissime abdomen detumuit, alvus laxata est, biliosis multis dejectis; lochia iterum abunde fluxerunt, & omnia ad pristinum secundæ valetudinis statum intra tres, vel quatuor dies

dies redierunt. Non equidem hic disceptabo, ut-
 tusne solus, an etiam intestina inflammationis su-
 spicione laborarent; nec utrum alvina excrementa
 aliquid tam lochiis retardandis, sistendisque, quam
 feбри inferendæ contulerint, vel dumtaxat cum ea
 complicarentur. Sed id unum manifestum existimo,
 ex lochiis suppressis, & alvo adstricta febrem istam
 ortam esse.

*Febris ab
 alvo ad-
 stricta, &
 lochiis
 suppressis*

§. CCCCLXXVIII.

Observ. V. Lochia nimis cito imminuta. Lactea
 febris fuit admodum procellosa. Nox intra tertium,
 & quartum a partu diem in somnis cum summa an-
 xietate, & delirio. QUARTA die mane omnia ali-
 quantum remissa; vesperi vero exasperata vehe-
 menter. Magnæ tum querelæ de dolore capitis
 lancinanti, & acutissimo, oculi mobiles valde, &
 coruscantes; facilis sine causa risus; lingua sicca,
 & nigra; sitis inextinguibilis; pectus præfocatum;
 respiratio summopere impedita; mammæ vacuæ,
 & flaccidæ; nullus lochiorum fluxus; venter mol-
 lis; cutis humida cum pustulis miliaribus albis hic
 illic conspicuis; pulsus valde plenus, intermittens,
 & creberrimus; & subinde mentis aberrationes.
 Omissa est sanguinis missio, quæ maxime necessa-
 ria videbatur. Hinc omnia in præceps ruunt, Cir-
 ca OCTAVAM diem fato cessit ex metastasi ad ce-
 rebrum.

Ægra 5.

*Phrenitis
 ex Lochio-
 rum me-
 tatestasi.*

§. CCCCXXIX.

§. CCCCLXXIX.

Ægra 6. *Observ. VI.* Partus labores biduum continuati, nec nisi forcipe adjutus infans in lucem prodit. Inter pariendi conatus febris accessit. Sex horis a partu lochia penitus cessant. Tempore febris lacteæ omnia ingravescent. Caput dolet atrociter cum pulsu duro, frequenti, contracto; venter & lumbi vehementi dolore torquentur. Facies livet; respiratio anxietatibus præcordiorum sæpe intercipitur; calor cutis exurens est; abdomen tumet, tactus impatiens. Uteri moles præter modum aucta amplius occupat spatium, quam cum gravidus esset. Lassitudine languent membra. Nihil ex alvo egeritur. Examine instituto consistit, mulierem ab imperita obstetrice plurimum in partu passam, viroque, ut lochia promoverentur, abusam fuisse. Regimine antiphlogistico, atque iteratis sanguinis missionibus primum ægræ subventum est, deinde saburra verminosa, quæ progrediente morbo se prodidit, opportune subducta, sicque exanthemata miliaria, quæ supervenerant, evanescere. Princeps morbus, ut auctoris verbis utar, utero insedit, qui in graviditate, & multo magis in partu vehementer distensus, & vexatus fuit. Hinc inflammatio eum occupavit, sed cum putrida tum primarum viarum, tum humorum omnium diathesi complicata. Retente lochia, alvus adstricta, humorum corruptio causas primarias suppeditarunt, quæ febrim anormalem, & diuturnam, quadragesima tantum die ex toto desinentem * excitaverunt.

Uteri inflammatio complicata cum cachectia, & diathesi putrida.

* Dignissima sunt, quæ hic inferantur bina historia mulierum ex partu laborioso vehementissima, &

Et lethifera febre correptarum, quarum altera est duodecima lib. 3. epid. sect. 2. apud Hippocratem, altera quarta decima ejusd. libri sect. 3. En primam. Mulierem quæ decumbebat in Mendacium foro, primum tunc enixam dolore masculum, febris corripuit. Statim ab initio siticulosa, anxia, cor dolebat, lingua arida, venter turbatus est tenuibus, paucis, non dormivit. Secunda die parum riguit; febris acuta, parum circa caput sudavit frigidum. Tertia laboriose ab alvo cruda, tenuia, multa prodierunt. Quarta riguit. Omnia exacerbata sunt. Insomnis. Quinta laboriose tulit, sexta per eadem. Ab alvo vero prodierunt liquida multa. Septima riguit, febris acuta, sitis multa, jactatio. Circa vesperam frigidum sudorem per totum sudavit, frigiditas, extremitates frigidae non amplius recalescebant, & rursus ad noctem riguit. Extremæ partes non recalescebant: non dormivit, parum mente mota est, & rursus brevi resipuit. Octava circa meridiem recalescens est; siticulosa, soporosa, fastidiosa, ac nauseabunda. Vomuit biliosa, pauca, subflava. Noctem moleste tulit, non dormivit. Urinam mixit multam acervatam inscia. Nona remiserunt omnia, soporosa. Ad vesperam parum riguit. Vomuit pauca biliosa. Decima rigor, febris exacerbata est, nihil dormivit. Mane multam urinam subsidentiam habentem minxit, extremitates recalescens sunt. Undecima vomuit virosa, biliosa. Non ita longe postea superriguit, & rursus extremitates frigidae. Ad vesperam sudor, rigor. Vomuit multum, noctem laboriose transegit. Duodecima vomuit multa, nigra, graveolentia; singultus multus, sitis laboriosa. Decimatertia nigra, graveolentia multa vomuit, rigor. Circa meridiem voce destituta. Decima quarta, sanguis per nares. Mortua est. Huic perpetuo alvus lubrica, horrida. *Ætas circa annum decimum septimum. GALENUS in hanc historiam nihil scitu dignum protulit; imo quid de causis hujusce perniciosissimæ febris, ejusque natura, & nomine senserit, ne verbum quidem fecit. Vitetur tamen eam ardentibus adnumerasse. MERCURIALIS vero in commentario conjecturis tantum utitur, & valde inclinat ad suspicandum, a lockiorum metastasi ad ventriculum, atque intesti-*

na esse repetendam ; fluxumque ventris colliquantem procreasse , genere autem horrificam , & hemitetræam Galeni fuisse . Utcumque sit , probabile est non modo ex retentis , aberrantibusque lochiis , verum etiam ex apparatu biliosorum humorum natam esse , atque ad Tritaophyas ardentes , malignas , colliquantes , putridas , in lipyriam desinentes quam proximè accessisse . Fortasse uterus etiam ex laborioso partu inflammationem passus est . Altera HIPPOCRATIS historia est hujusmodi : In Cyzico mulieri filias enixæ gemellas , & quæ difficulter perpèrerat , & non admodum purgata fuerat ; primum quidem contigit febris horrida ; acuta : capitis & colli gravitas cum dolore ; vigil ab initio : taciturna autem , & tristis , & non obsequens : urinæ tenues , & decolores : sitibunda : anxiosa multum : alvus erratico modo turbata : & rursus consistens : sexta ad noctem multa obloquebatur , nihil dormivit . Circa vero undecimam existens furore correpta est : & rursus ad mentem rediit : urinæ nigræ , tenues : & rursus deficientes , oléosæ , & alvus multis ; tenuibus , turbulentis . Decimaquarta convulsiones multæ , extrema frigida : nihil ampliùs intelligebat , urinæ substituerunt : Decima sexta sine voce . Decima septima mortua est , phrenitis . GALENUS & MERCURIALIS hanc historiam exponentes non solum purgamentorum defectum , utriusque inflammationem ex laborioso partu , verum etiam pravorum humorum in caput metastasim causantur ; unde phrenitica mulier occubuerit . Morbum vero Phrenitidem ipsæ HIPPOCRATES appellavit .

§. CCCCLXXX.

Ægr. 7. *Observ. VII.* Mœror diuturnus , & prava victus ratio antecessit per totum gestationis tempus . Hinc febricula duos menses molesta mulierem afflixit . Demum partus facilis . Lochiorum fluxus , & lactis secretio secundum naturam . Hæc rite , observato etiam recto vitæ regimine , ad octavam

hſque diem. Sed tum repente ex filii convulſi intuitu gravi animi pathemate correpta eſt. Mox lochia ſupprimuntur. Veſperi febris inceſſit cum capitis dolore, ſiti; & calore; quæ quotidie mane aliquantum remittebat, vespere vero intende-
batur. Oris ſapor depravatus; lingua lurida, mœ-
ror prægreſſus, & prava victus ratio, qua antea uſa erat, indicabant cacochyliam primarum via-
rum. His ſupervenere puſtulæ miliares, ex pra-
vis tum gaſtricis; tum venoſis humoribus procul
dubio genitæ. Curata eſt catharticis, quibus bi-
liola, viſcida; putridiſſima dejecta ſunt cum cita
febris; omniumque ſymptomatum ceſſatione. For-
taſſe his etiam factum eſt, ut lochiorum defectus
ſuppleretur; nam lochia nullo modo revocari un-
quam potuerunt. Gaſtrica igitur ſaburra; & repen-
tina lochiorum ſuppreſſio febrim excivit. Hinc *Febris gæ-
ſtrico-lo-*
mixta quodammodo febris *chialis* non ine-
pte dici poſſet:

§. CCCCLXXXI.

Quas ſingulas obſervationes ſi quis ſine præjudi-
cata opinione conſideraverit, atque ad cauſſas ma-
niſeſtas, ex quibus puerperæ tot febris, malis-
que implicari ſolent, reſpexerit; cogetur, niſi in-
ſaniverit; conſiteri; illarum præcipuas; frequentio-
resque non unas eſſe, ſed alias; atque alias, ni-
mirum morbo lochia retenta; ſuppreſſa; corrupta,
aberrantia, modo placentam; aut ſecundinarum
reliquias in utero relictas; & putreſcentes, modo
piavum humorum antecedentem apparatus, modo
cacochyliam putridam; aut biliola; aut cujuſque
alterius generis primis viis inſidentem; aut copiam
alvinarum fœcum diu retentam, modo ſanguinis
alkaleſcentiam, aut putridam liquationem, ſive
X 2 hæc

*Cauſſæ
maniſeſtæ
complurēs*

hæc sit a calefaciente regimine, sive a nimio lecti, & cubiculi calore, sive ab aere phlogistico, & mephitico, sive quocunque putri miasmate infecto, modo partum laboriosum, uterique offensionem, modo etiam, sed rarius, subitam lactis e mammis retrocessionem, & metastasim, aut ejusdem jam corruptionem, aut aciditatem mora, & stagnatione adepti in sanguinem refluxum, aut plures ex hisce causis simul junctas, & complicatas, quod frequentius est. Pro varietate vero causarum, earumque noxia potestate, varia etiam febriunt, & morborum genera necessario consequi, nimirum, ut supra comperimus, modo hysteritides, enteritides, pleuritides, peripneumonias, phrenitides; modo febres *gastricas acutas*; modo *gastrico-putridas*, vel *gastrico-lochiales*; vel etiam *lochiales* simplices, modo *tritæophyas biliosas ardentes*, aut *colliquantes*, sive *putridas*, atque ex his omnibus alias *benignas*, & *puras*; alias *malignas*, *perniciosas*, & *complicatas*, hemitritæique naturam sæpe æmulantes. Præ ceteris vero crebrius occurrere *gastricas*, & *lochiales* simplices, aut ex his complicatas & coalescentes, ut *gastrico-lochiales*: & *gastrico putridas*, vel *gastrico inflammatorias*, nemo poterit inficiari.

Pro causarum varietate differre febres puerperales.

§. CCCCLXXXII.

Recte Riverius, & Willisius sentiunt.

Hinc consequitur, summo in errore versari illos, qui vel lactis tantum retentionem, aut repulsionem, vel lochiorum aberrationem, vel uteri phlegmonem, vel putridam sanguinis diathesim, vel peculiarem aliam hujusmodi causam in febris puerperali accusandam duxerunt; rectissime vero judicasse, qui cum RIVARIO, & WILLISIO modum unam, modo aliam, atque adeo multiplicem ejus

ori-

originem statuerunt . Quo fit etiam , ut non solum prognosa , sed curatio ipsa pro caussarum natura , aut complicatione variare plane debeat : quod a nuperioribus nequaquam satis animadversum videtur . Hi enim , prout præconcepta opinione seducti sunt , vel prout epidemicam aliquam constitutionem , in qua puerperæ eodem ferme morbo passim , aut multo magis in Nosocomiis aerem miasmaticum impurum habentibus conflictatæ fuerunt , tantummodo observarunt , hoc , vel illud febrium genus puerperarum proprium esse , sibi persuaserunt , & suam quisque descriptionem , ut naturæ , & veritati magis consentaneam , reliquis prætulerunt ; unde intelligitur , cur jure Cl. WHITEUS conquestus sit , vix duos auctores inveniri , qui in febris puerperali describenda consentiant , quamquam ipse concedat , unumquemque eorum id fideliter scripsisse , quod ipsis in medicinæ exercitio observare contigerit .

*Nuptiores
decepti .*

§. CCCCLXXXIII.

Quæ hætenus exposita a nobis sunt , & successively ex aliorum observationibus a posteriori , quod ajunt , modeste deducta , sufficerent plane tum ad causas , & naturam hujusmodi febrium cognoscendas , tum ad earundem curationem opportune instituendam , sic ut supervacaneum prope esset ulterius in his aut indagandis , aut tradendis tempus impendere . At quoniam nuperi quidam scriptores , uti HULMIUS , LEAKE , WHITEUS , alique puerperalem febrem pro peculiari morbo , puerperarum proprio , atque ab aliis omnibus morbis , quibus eæ obnoxie esse possunt , omnino diverso habent , non omitam , ut supra (§. CCCCLIX.) pollicitus sum , illius descriptionem tradere , cu-

*Morbus
puerperis
proprius .*

iustmodi eam aut in Nosocomiis puerperarum aut, ipsarum, sed epidemice puerperas infectantem (a) ipsi viderunt; ne quidquam hac super re clinices studiosis optandum spernit; daboque operam, ut quæ de ejus causis, de prognosticis signis, & de curandi ratione comperta ab illis, & præcepta sunt, in unum contracta præ oculis cuique obversentur.

(a) LEAKE, qui suum Tractatum anno 1772. primum, deinde anno 1774. recensum edidit, febrim hanc in Nosocomio Londinensi WESTMINSTER, & per urbem etiam epidemice diffusam, in primis mense Januario ann. 1769. itemque anno 1770. & 1771. sævientem vidit. Plurima tum puerpera, præsertim Majo anni 1770. perierunt. Ideo aeris noxiam constitutionem causatus est. Similem malignam constitutionem observarunt quoque HULMIUS, & WHITEUS. JOHNSONIUS quoque (Art. obstetric. p. 253.) cognovit, hanc febrem speciatim in Nosocomitis puerperarum desavire solitam, frequentioremq; deprehendi, quia in iis aer miasmatis putridis, quæ ex agrarum corporibus manant, diffunduntur, & lectulis, stragulis, parietibusque adhærescunt, plus minus contaminatus, infectusque esse consuevit.

Descriptio morbi ex Neotericis.

§. CCCCLXXXIV.

Vespere secundæ vel tertiæ a partu diei vehementer, & plerumque repente puerperæ horrescunt, diuque horror iste aut rigor eas tenet. Quandoque citius id incidit, quandoque serius, raro tamen quinta, aut sexta a partu die *. Horrorem comitantur capitis dolor, anxietates, nausæ, vomitus biliosus, & virium prostratio (a). Horror, WHITEO referente (b), interdum revertitur more febrium intermittentium, sed erraticarum, & irregularium, donec brevi in continuam febrem desinat remittentem, quotidianam, aut tertianam, sive simplicem, sive duplicem. In quibusdam, eodem teste, nullus horror præcedit febrem, sed ea paulatim aggreditur, & gradatim invalescit, mox sudoribus se prodens putridis, quos suspectos, perniciososque reddunt nausæ, vomitus porracei, & alvi fluxus. Horrori autem calor ingens ** succedit. In pulsu magnam varietatem sive roboris, sive celeritatis notavit LEAKIUS. Plerumque intra minutum numerantur a 90. ad 137. micatus. Sed WHITEUS monet, ab initio pulsum parum a naturali recedere, esseque tantum paullo plenior, & velociorem; progrediente vero malo fieri celerem, & parvum, cum anxietate, & oppressione præcordiorum, suspiriis, dejecto animo, lassitudine, & magna debilitate ***. Die secunda a febris ingressu ægrota queritur de dolore vehemente circa epigastrium, ut ad costas spurias, atque umbilicum protenditur; quin imo interdum ad scapulas usque. Interea abdomen intumescit, & elevatur. Si hæc abdominis tensio diarrhææ cessanti, &

Febris hæc quando, & quomodo invadit.

Horror.

Calor. Nausæ, Vomitus, Diarrhæa.

Pulsus qualis?

Dolor Epigastrii.

Abdomen tumidum.

*Aspectus
ferax tre-
mor artu-
um, cæru-
leus color
labiorum.*

desistendi supervenit, & simul regio epigastricas & reliquæ partes dolent, venterque attollitur, signum lethale est. Tunc vultus feritatem nescio quam præsefert, artus tremunt, genæ rubent, labia cœruleo colore livescunt, pinnæ narium diductæ cernuntur. Quo in casu nullum ab arte juvenimen.

Lochia.

Lochia interim rite fluere a LEAKIO dicuntur, quamquam id HULMIUS neget, & si quando subsistant, non exinde maligniora symptomata insurgere, nec delirium, nec signa hysteritidis ulla apparere. Sæpe lochia non minui, etiam WHITEUS affirmat; interdum tamen concedit, parciore esse, & quidquid extillat, valde foetere; fierique

*Lac in
mammis.*

quandoque, ut omnino supprimantur ****. Lacte mammae in iis, quibus adsticit LEAKIUS, turgabant ad mortem usque; contra, si WHITEO credendum est, in aliquibus eæ flaccescunt; lac minuitur, & sæpe, si malum trahitur, omnino evanescit; quamquam hoc non perpetuum esse, palam ipse profiteatur.

*Pathogno-
monica
signa.*

Decolorari, sin minus minui, hujusmodi purgamenta visa sunt HULMIO, aliis contra negantibus. Ab eodem celebri viro ut pathognomonica signa habentur vehemens epigastrii cruciatus, febris cum ingenti horrore incedens, & frontis plerumque dolor; quæ symptomata mox a partu aggrediantur.

* Interdum ante partum, aut in ipso partu febrim hanc incipere, interdum etiam decimaquarta tantum die accessisse, historia supra exposita vincunt.

(a) Pleraque ex LEAKII descriptione deprompta scito.

(b) L. c.

** Horrorem excipit calor, & postea sudor. WILLISIUS.

*** Quando acutissimus morbus est, ad æxylum die tertio, aut quarto pervenit. Tunc calor intensior est, & pulsus vehemens, & citatur. WILLIS. Ingravescente morbo, &
ad

ad exitium tendente, fieri debilem, & inaequalem pulsum, idem concedit. Vires fere semper subito prosteruntur. Id.

**** *Febre universo corpore expansa, lochia, si non prius fuerint suppressa, supprimuntur; aut parciora fiunt. Id. Lochia in puerperali febre plerumque sisti, tradit RIVÉRIUS.*

§. CCCCLXXXV.

Lingua illico, ut adnotat WHITEUS, alba est, & humida; sed brevi crusta contegitur mucosa, aut exsiccatur, indurescit, nigricat, aut etiam crusta, qua obducebatur, in fuscam commutatur. Similis fusca materies, quæ putridorum halituum erumpentium effectus creditur, dentibus etiam adhæret, eosque inquinat. Alimenta quæcunque, & quæcunque potiones ut plurimum vomitu rejiciuntur, exceptis frigidis, atque acidularis. Alvi dejectiones quandoque ita copiosæ sunt, frequentes, & putridæ, ut fœtore totam domum inficiant, contagionemque in universam familiam diffundant. Alias ægrotae torquentur assiduo, & molesto renfimo, crebroque mingendi proritu, quem comitantur ventris dolores, & permolestæ inflationes. Dolent interim caput, dorsum, pectus, latera, coxendices ilia, nec abest tussis, & spiritus difficultas. Post quamlibet egestionem plerumque sibi videntur relevari; sed paullatim incipiunt excrementa, urinæque contra voluntatem demitti; accedunt sudores colliquativi, singultus, convulsionem, & tandem mors ipsa, modocitius, modo serius. Plerumque dies undecima exitium affert, quamquam non desint exempla aliquarum, quæ intra quatuor, & viginti horas vitam amiserint, aut ultra undecimam etiam diem produxerint. Urinæ generatim saturatissimæ ** perhibentur, quandoque tamen pallescent aut turbantur, cum filamentis quibusdam innatan-

*Lingua
qualis.*

*Vomitum
alimento-
rum.
Factor de-
jectionum.*

*Tenesmus,
& alia
symptoma-
ta circa
ventrem.*

*Dejectiones
involuntariæ.
Quæ mor-
tem antec-
cedunt.*

Urinæ.

tan-

Peticula,
& Milsa-
ra.

Nihil cri-
tici præ-
ter diar-
rhœam.

tantibus. Nec rarum est, in primis ubi regimen, & medicamenta calefacientia adhibentur, aut sudoribus nimium promovendis indulgetur, peticulas erumpere ***, aut pustulas miliares albas, aut rubras, aut mixtas, quæ primum circa collum, & pectus apparent, deinde per totum corpus disseminantur, & novæ prioribus subinde succedunt, donec vires exhauriantur. Nihil enim hujusmodi eruptionibus ægrotantes levantur, cum symptomaticæ esse soleant. Reapse, addit WHITEUS, in hac febre nihil critici occurrit (a), nisi sit diarrhœa.

* Circa ventrem mira inflationes & tensiones excitantur, quæ passionem hystericam emulantur. WILLIS.

** Urina crassa, rubra. WILLIS.

*** Maculas in non nullis purpureas, aliaque malignitatem indicantia observavit quoque idem WILLISIUS.

(a) WILLISIUS id ante WHITEUM docuit; nam, inquit, dum calor intensior, sitis molesta, pulsus vehemens, & citatus, vigilia pertinaces, jactatio assidua, atque alia gravia symptomata urgent, & urina crassa & rubra est, nunquam ulla crisis accidit, sed paullo post metastasis ad caput fit, unde cerebri, & nervorum functiones laeduntur, tendines subsiliunt, hystericismi invalescunt, quandoque phrenitis accedit, delirium, stupor, aphonia &c.

§. CCCCLXXXVI.

Ab horum (§. CCCCLXXXIII.) descriptione *Descriptio*
non dissentit Cl. LE ROY, qui brevissime omnia *Cl. Le Roy.*
complectens, multum, inquit, hæc febris habet af-
finitatis cum aliis febribus symptomaticis puerpera-
rum. Primis statim a partu diebus corripit; raro
serius quarto, aut quinto. Mammæ molles, & flac-
cidæ, sed solitum volumen servant. Mox plerum-
que symptomata periculosissima se exserunt; nec
ullum tam malignum existit, quod aliquando eidem
non superveniat. Frequentiora sunt pulsus debilis,
inæqualis, interdum durus, & vehemens, alvus
liquida, lochia suppressa, abdomen tumidum, re-
sonans; delirium, stupor, sopor, tendinum subsul-
tus, motus convulsivi capitis, oculorum, manuum,
quandoque etiam epileptici, paralytici, & sæpissime
signa inflammationis in visceribus imi ventris, aut
alicujus congestionis in pectore. Nec desunt exan-
themata * miliaria: quandoque, in quibusdam præ-
sertim regionibus, aut tempestatibus, aut saltem
sub morbi finem, quando in mortem terminatur,
erumpunt circa collum, & pectus exiguæ phlyctæ-
næ, caput aciculæ æquantes, sero limpidò plenæ,
quæ a minus attentis pro sudoris guttulis accipi
possunt. Rapidissime suum cursum persolvit mor-
bus, tantoque celerius, quo lethalior est.

* Non ideo febris ista confundi debet cum Nono morbo
puerperarum a GODOFRIDO WELSCHIO accuratissime descri-
pto, qui Lipsiæ anno 1665. epidemicus fuit, puerperis exi-
tiosissimus. Nam in eo exanthemata miliaria omnibus com-
munia erant, & primum morbum constituiebant, diver-
sum profecto ab exanthematis hisce symptomaticis, aut epi-
genomenis, quæ feбри puerperali interdum superveniunt, aut
admiscentur.

§. CCCCLXXXVII.

§. CCCCLXXXVII.

Quid sectiones cadaverum HULMIO, & LEAKIO ostenderint, supra (§. CCCCLXVIII.) jam retuli. Cum vero ibi generatim de iis actum sit, liceat modo eas aliquanto diffusius exponere, ut de puerperali febre neotericorum, cujus hic peculiariter historia traditur, speciatim differentem decet. Itaque HULMIUS uterum in hac febre illæsum invenit, sed inflammata intestina, & omentum, imo sæpe gangrænosa, & corrupta, atque in abdominis cavo pus, aut ichorem effusum ex suppurato, & disrupto omento. Omentum quoque LEAKIUS vidit vel penitus absumptum, & corruptum, vel in pus lacti corrupto persimile conversum, vel partim inflammatum, partim suppuratum: intestina extrinsecus inflammationis notas habentia: in abdominis cavo purulentam materiam sero lactis affinem, atque aliam crassiorem admixtam, quæ lac coagulatum referebat. Fereque eadem, aut non absimilia reperit THORPHILUS DE MEZA (a), sed præcipue abdominis cavum pure plenum, & variam viscerum in eo contentorum corruptionem. Is vero addit, præter omentum, atque intestina, uterum quoque inflammatione tentatum inveniri. Non audet tamen definire, utrum inflammationes hujusmodi, atque abscessus pro causa febris, aut pro ejus effectis haberi debeant. At audentius negat WHITEUS, vitia, quæ abdominis viscera offerunt, causam harum febrium esse, nec dubitat; quin illa vere sint earundem effecta. Quod satis comprobatum credit ex observationibus PRINGLI, CHICOYNEAVII, LINDII, & LECATI, ex quibus elucet, in cadaveribus eorum omnium, qui *febre putrida maligna* occubuerunt, intestina, omentumque

Extispicia.

*Dubitatio
Mera.*

*Whitei
assertio.*

que corrupta extitisse, quamvis certe, ut patet, eo in casu nec inflammatio febrim efficeret, nec inflammatoriam diathesim ostentaret.

(a) Compend. Medic. Fasc. I. de Febr. cap. XXIV.

§. CCCCLXXXVIII.

Nihilo tamen minus, ut jam innui, HULMIUS *Causa* tanti facit memoratas cadaverum sectiones, ut sine *proxima,* ulla dubitatione *causam proximam* febris puerperalis ponat in omenti, atque intestinorum inflammatione; *proegumena* vero in pressione, quam hæ partes ab utero gravido, & tumente patiuntur, *procatarrhica juxta Hulm.* unde sanguinis circuitus in iis non modo retardetur, sed etiam sistatur; in quo cum plerisque inflammationis naturam sitam existimat. Quærit deum *procatarrhica*, sive occasionalem ejus causam in iterata omenti intestinorumque irritatione, & valido, reciprocoque affricu, cui necessario subjiciuntur, dum uterus, musculi abdominales, & diaphragma inter partus dolores, parturiendique conatus multimodis vim, actionemque tuam exercent. Neque ab HULMIO in eo, quoad *causam proximam* attinet, quidquam dissentit LEAKIUS; quoniam, ut jam diximus, eadem propemodum vitia in cadaveribus puerperarum deprehendit. Verum, ut *Objectiones.* prudentissime præter ea, quæ supra (§. CCCCLXIX.) contra hujusmodi opinionem protulimus, animadvertit WHITEUS, si res ita haberet, sequeretur etiam, ut multo frequentius tempore graviditatis omentum, atque intestina hujusmodi inflammationi obnoxia essent, & gravidæ mulieres potius in febrim hanc inciderent, quam enixæ, & post editum infantem, cum scilicet uterus vacuus, & detumescens non amplius memoratam pressionem

facit, liberamque sanguinis per vicina viscera trã-
jectionem permittit; vel primiparæ huic malo cre-
brilus objicerentur, quam quæ plurius perpererunt;
dum tamen experientia contrarium commonstrare
posset. Nec porro, concessa Hulmiana pathologia,
satis intelligitur, cur istud febris genus frequen-
tius; funestiusque in nosocomiis obstetriciis; urbi-
busque populosioribus occurrat, quam in privatis;
peculiaribusque domibus, aut in pagis, aut ruri;
cum tamen nemo ignoret, morbos inflammatorios
sæpius; & facilius vagari inter mulieres agrestes,
& ruricolas, quæ duriori vitæ generi; vehemen-
tioribusque corporis exercitationibus deditæ sunt;
quam inter illas; quæ in urbibus majoribus degen-
tes otio, & desidria languere (a) solent. Demum
si ab inflammatione omenti, atque intestinorum fe-
bris ista vere nasceretur, cur, quæso, sanguinis
missio, quæ alioquin inflammationis præcipuum;
& fere unicum remedium est; in ea ab HULMIO,
si non rejicitur, ægretantummodo admittitur? cur
ab aliis non necessaria reputatur; cur etiam a qui-
busdam, ut noxia reapse reperta, damniatur? Cur
puerperæ, quibus in Nosocomio mammæ exulcera-
bantur; observante LEAKIO, multo mitiori febre
laborarunt; minusque periclitatæ fuerunt, ita ut
nulla earum alvi profluvium perpessa sit; ut vi
morbi oppressa interierit? Cur in cadaveribus ea-
rum, quæ ex hac puerperali febre mortuæ sunt;
omentum aliquando illæsum, intaminatumque ap-
paruit, ut LEAKIUS ipse, etsi id sibi, suæque sen-
tentiaæ adversari videret. ingenue tamen, & sin-
cere fassus est?

(a) L. c. In postscripto.

§. CCCCLXXXIX.

Reliqua, quæ a WHITEO, aliisve de causa pro-^{Causæ}
xima, & vera morbi natura excogitata sunt, cum ^{remota.}
supra (§. CCCCLIX. ad CCCCLXXXII.) satis
exposita nobis videantur, modo non repetam, ne
crambe recocta stomachum moveam: Non reticebo
tamen, unumquemque pro suæ opinionis ratione
eas causas enumerare, quas sibi magis crediderit.
Sic HULMIUS nimios labores tempore gestationis
toleratos accusat; utpote, nisi male ego interpre-
tor, diathesi inflammatoriæ gignendæ magis ido-
neos. Contra WHITEUS ea cuncta recenset; quæ
alkalescentiam, aut putridam corruptionem promo-
vent; cujusmodi sunt aer impurus; alimenta ex
animali genere, potus calidus, calefacientia quæ-
que, assiduus in lecto decubitus, stragulorum mul-
tudo, cubiculum angustum, atque occlusum, &
calefactum nimis, regimen sudoriferum; & præce-
teris liquorum vinosorum, & rerum aromaticarum
imprudens usus, quo frigus, aut horror abi-
gatur. His enim notum est, sanguinis motum; &
calorem augeri; sudores prolici, & putredinem
excitari, in qua intimam hujusce febris naturam
consistere ipse retur. Hasque causas gravioras, &
perniciosiores evadere existimat, si violenta acces-
serit placentæ extractio, si uterus immaturis con-
atibus, aut præpropera in ejus orificium manus in-
troductione, aut laborioso, & difficili partu vexa-
tus fuerit, sic ut inflammatione tentetur; si lochia
accumulentur, resistent, & computrescant, atque
alia hujusmodi concurrerint, quæ putredinem pro-
moveant.

Prognosis.

§. CCCCXC.

Non differ-
re a pro-
gnosi alia-
rum fe-
brum.

Periculo-
sissima
quando
sit.

Quicumque tamen sit de istis dissensus, quo in varias abeunt sententias memorati scriptores; is non eos ita divisit, quo minus cum veteribus omnes judicent, gravissimum, & periculosissimum hunc morbum esse. Nam recte dictum a RIVERO, experientiaque confirmatum fatentur, prognosim ejus haud differre a prognosi aliarum febrium acutarum, nisi quod puerperalis hæc ob virium a partu majorem debilitatem, & lochiorum interdum suppressionem, aliaque puerperarum incommoda multo acutior, & perniciosior existat, majusque ut plurimum afferat periculum, quo citius a partu mulierem (a) corripuerit. Generatim ergo periculosissima est. Si tamen inter initia rectum diætæ regimen instituat, lochia rite fluant, aut cito revertentur, & apta curatio adhibita sit, aliquando in salutem (b) finitur. Contra si febris jam processerit; atque ab initio neglecta fuerit, timendum plane exitium est, eoque certius, quo puerpera, dum toto corpore fervet, crebrius rigoribus quibusdam afficitur (c).

(a) HULM. l. c. LE ROY l. c.

(b) WILLIS l. c. (c) Idem ib.

§. CCCCXCI.

Signo pra-
vi exitus.

Speciatim malum exitum prædicunt dolor ventris acerbus; inflatio; spirandi difficultas, vigiliæ; lingua arida, aspera, & variegata; genarum lividus color; cruditas urinæ; vomitus virides, aut nigri;

gri; pulsus celerrimus, atque humilis, ut vix pulsationes numerari queant; dejectiones involuntariæ; sudores viscosi, & frigidi, præcipue circa extremitates (a). VILLISIUS perniciosos hæc signis adjicit quoque inquietudines, subitas corporis concussiones, aut tendium subsultus, aurium tinnitum tertia die supervenientem, capitis quandam, nescio quam plenitudinem, de qua ægræ quærantur, præcordiorum oppressiones, pectoris pondus, respirationem impeditiorem, brevem, altam, crebram, suspiriosam, orthopnoicam, anxiam, atque, si peiores capitis, nervosique generis affectus cum pulsu debili, inæqualique insurgant, desperatam rem esse. Inter infausa, & funesta signa a THEODORO DE MEZA (b) refertur, os, dentesque in decursu sordescere, dysphagiam pati, petiulas, & miliaria non critica prodire, animo dejici, angere, mente aberrare, & spasmus convelli.

(a) HULM. *ibid.* (b) L. c. cap. 24. §. 255.

§. CCCCXCII.

Bene sperare jubent facilis in utrumque latus conversio; commodus, & tranquillus corporis positus; lingua humida, mollis, rubra; sudores universales pulsus lentiori facto succedentes; moderatus, & perennis lochiorum fluxus; urina turbida cum sedimento flavescente, aut leviter rubro. Sed præcipue pulsus animadversionem meretur. Is, si ex celerrimo, qui in minuto temporis centum, & viginti octo, aut centum & triginta micatus edebat, sensim fiat rarior, tardior, & moderatior, optimum indicium præbet: contra, si pergit æque vehemens esse, & frequens, & mutabilis, periculum ingens ostendit. Imo licet alia symptomata

*Signa
fausti exitus.*

videantur cessasse, si tamen pulsus persistat valde frequens, & celer, & non remittat febris proportionate, haud fidendum sane est; nam brevi ingravescere, atque exacerbari tunc omnia solent (a). Sin vero lochiorum fluxus, qui substiterat, revertatur, aut diarrhœa levans accedat, interdum spem aliquam facit (b). At diarrhœa ut salutaris & levans sit, pulsus debet tardiores, rarioremque efficere: alias noxia, periculosa, & symptomatrica est (c). Generatim quæ primis diebus, secundo nempe, aut tertio, aut quarto prorumpit, ut advertit RIVERIUS, lethalis esse consuevit; contra quæ post septimum, aut novum lochiis deficientibus succedit, plerumque utilis. Bonum etiam est, ventris cruciatus imminui, abdomen detumescente, & molliori, sudores æqualiter calidos undique manare, respirationem liberiores fieri, tendinum subsultus sedari, atque ægram mente constare, & placidius morbum sustinere.

(a) HULM. l. c.

(b) WILLIS. l. c.

(c) HULMIUS ibid.

Curatio.

§. CCCCXCIII.

Sanguinis
missio.

Quemadmodum de natura, & causis febris puerperarum inter neotericos, ut ostendimus, variæ extant sententiæ; sic non facile convenit inter eos, qua potissimum ratione curari debeat. Non levis in primis est eorum de sanguinis missione altercatio. LEAKIUS, qui febrem hanc omenti, & intestinorum inflammationi tribuit, ut inflammatoriam tractandam esse docet, symptomata, si qua accesserint putridæ naturæ, a pure dumtaxat resorpto per-

permanere ratus . Quapropter copiosas sanguinis missiones mature institutas commendat tam præservandi, quam curandi consilio, habita tamen pulsum, & ægrotantis prudenti ratione . Contra WHITEUS, cui febris putridæ omnino indolis ista videtur, a phlebotomia religiosissime abstinet . Media autem via se continet HULMIUS, qui nullam perpetuam legem hic statui posse arbitratur . Nam etsi cum LEAKIO eam ab inflammatione omenti, atque intestinorum repetat, sanguinis tamen missionem non semper necessariam, aut opportunam ducit . Itaque symptomatum considerationem maxime inculcat, & pro eorum varietate ut in aliis morbis, sic etiam in isto deliberationem ineundam esse, existimat . Hinc ad febris, & doloris magnitudinem; ad morbi stadium, ad sanguinis fluxum, qui partum antecessit, aut subsequutus est, atque ad alia respicit hujusmodi . Tunc autem sanguinis missionem non reprobatur, cum pulsus plenus, vehemens, & vibratus, aut dolores ventris, epigastrii, laterumve acerbiores, & lancinantes eam exposcere videntur: sed inter initia tantum, & pariori manu vult sanguinem detrahi . Fortasse experientia eum docuit, in puerperis, quas curandas in nosocomiis, aut malignis quibusdam constitutionibus suscepit, non admodum salutarem fuisse phlebotomiam .

§. CCCCXCIV.

Plerisque tamen saburra gastrica videtur primam indicationem exhibere; ideoque quam primum eam educi oportere, unanimi ferme consensu decernunt . Inchoant igitur ab enematribus, quæ molliunt, alvumque laxant . Si hæc non satis eam Purgatio
Y 2
evo-

evocaverint, transeunt ad blanda eccoprotica, speciatim ad salem catharticum amarum, multa aqua dilutum, ad oleum seminum *Ricini americani fructu racemoso hispido* *, ad tartarum emeticum, aut vinum antimoniale, quod ex croco antimonii, si-
ve metallorum, & vino albo hispanico paratur. Expiatis primis viis, sicque sedatis abdominis doloribus, diaphoresi promovendæ animum applicant. Id autem medicamentis moliuntur, quæ nequaquam calefaciant, nec alvum adstringant. Quare omnibus aliis præferunt exiguas, & partitas doses ipecacuanhæ, aut tartari emetici, aut vini antimonii **, addito tantillo opii, ut minus intestina ad egerendum proritent, magisque adjuvent perspirationem. WHITEO plurimum arridet spiritus Mindereri, qui egregie huic indicationi facit satis. Si vomitus excitetur, leniter eum promovere student potu largo & tepido ex diluto florum chamæmeli. His etiam interponere subinde non omittunt *Mixtura salinam RIVERII* *** tamquam antiphlogisticam, & diureticam, aut, ut aliis videtur, tamquam ad bilem viscidam incidendam, emendandamque maxime accommodatam, putredinique ob-
sistentem. Sed plerique hodie mixturam hanc in *actu effervescentiæ* propinandam volunt, ut *aeris fixi* erumpentis vis, quæ antiseptica valde est, non desideretur. Valet etiam sic propinata ad vomitum ipsum, quando pertinacius vexat, refrenandum; hinc non immerito *antiemetica* etiam appellatur. Præterea potum commendant, qui temperet, diluat, & refrigeret (a); suadentque, ut puerperas rascias, quibus ventrem constringere solent, diligenter vitet; lac infanti præbeat, in cubiculo amplo, & temperato degat; aerem renovandum curet, sed caute, ne frigus repente susceptu noceat; munditiei quam maxime studeat; frequenter res-
deat,

f *Mixtura salina Riverii.*

f *Regimen dieteticum.*

deat, & cito, quoad fieri potest, e lecto surgat, ut lochia facilius descendant, nec mora putrescant.

* LEAKIUS hujusmodi oleum adhibet in hunc modum :
 ℞. Olei Ricini vitello ovi subacti unciam unam, Magnesiae albae drachmas duas, Manni Calabrin. drachmas tres, aquae hyssopi uncias octo. M. dentur omni bihorio, aut trihorio duo, vel tria cochlearia. Loco olei Ricini nos parini fallor, emolumento uti possumus oleo ex amygdalis dulcibus, non rancidis sint ignis ope expresso, aut oleo seminum lini recenti, aut olivarum optima nota.

** Leakius in eum finem utitur sequenti formula : ℞. Tartari emetici granum unum cum dimidio, Magnesiae albae drachmam unam. M. f. pulvis dividendus in sex partes aequales ; quarum una detur quovis horae quadrante ex Julapio, quod habet aquae cinnamomi simplicis, menthae, vel aquae communis ana uncias quatuor, syrupi croci drachmas tres. Quod si tartarus emeticus, etsi tam exigua dosi, nimis irriter, & alvum immodice solvat, Julapio addit ipse tincturae thebaicae, sive Laudani liquidi guttulas quinque : simulque suadet copiosum potum, quo sudor a tartaro excitatus provide sustineatur. Varium emeticorum usum, qui fieri potest utiliter in compluribus morbis, vide sis in Dissertatione inaugurali medica de eximio Ipecacuanhae, nec non aliorum quorundam emeticorum refracta dosi exhibitorum usu, quam in Academia Goettingensi defendit ann. 1779. CAROLUS ARNOLDUS MEYER Hannöveranus.

*** Mixture salina Riverii constat sale alkalino fixo absynthii, & succo citri, aut limonum ad saturationem addito, aqua aliqua dilutis. Eidem, ut blandior, temperatiorque evadat, adjicere solet LEAKIUS sperma ceti, & gummi arabicum. Post emesim ea usitur ad bilem crassam & viscidam, quam in cysti fellea cadaverum sectione deprehenderat, emendandam, leniterque subducendam.

(a) WHITEUS laudat dilutum aliquod theiforme, aut decoctam tenue hordei, aut avenae, aut tamarinderam, aut herbarum pectoralium, aut serum lactis, aut similem aliam potionem, sed vix egelidam, aut interdum etiam frigidam.

§. CCCCXCV.

Sympto-
matum
curatio.

Sic universim medentur morbo simplici. At si symptomata, cum quibus complicatur, graviter urgeant, peculiarem his quoque adhibent curationem. Sæpe alvi fluxus, ut jam narravimus, cum hujusmodi febre occurrit. Hunc HULMIUS salutarem pronuntiat, non ideo sistendum. Imo si diluentibus copiose sumptis non satis abstergi, repurgarique intestina videantur, emeticis, & eccoproticis, ut supra propositum est, sordes excutere tentat; quæ in re non dissentientem habet LEAKIUM, qui eadem omnino probat, ubi scilicet bilis copiosa exuberet, aut corruptionem subierit. Istamen prudenter animadvertit, ab eorum usu, quoniam ventriculi, & intestinorum vis irritabilis, & sensibilitas aucta est, atque excedit, hæc partes jam irritatas nimium exasperari; turbas, & spasmos augeri; evacuationesque immodicas reddi. Quam ob rem si alvi profluvium justo copiosius evadat, ipse sua fortis est, ut clysteribus demulcentibus, & simul medicamentis leniter diaphoreticis reprimatur. At si vires hujusmodi evacuationibus dejiciantur, non dubitat ad ea, quæ opium habent, & adstringunt, etiam confugere, ut cito alvus compressa conquiescat. WHITEUS quoque, si intestina non satis repurgata videantur, diarrhœamque idcirco protrahant, auctor est, ut salibus neutris diu insistamus, aut his pro quavis dosi addamus semidrachmam pulveris radicis *colombo*. Laudat etiam exiguas rhabbari doses ad justa intervalla datas. Sed si adsint irritationis tantum signa, tuto, & utiliter, dummodo delirium desit, ad medicamenta, quæ opium habent, properare æquum est, præsertim si cuique opiati medicamenti dosi adjiciatur pauxillum.

lum Ipecacuanhæ. Ubi autem LEAKIUS de putrida timet humorum liquatione, quam, suppuratione in visceribus facta, demum ceteris malis superaddi ex resorpto pure existimat, mature eidem, quæcumque sit ejus causa, obistere nititur antisepticis, & præcipue cortice peruviano omnium efficacissimo,

§. CCCCXCVI.

Non raro peripneumonizæ metus oboritur. Tunc *In peripneumonia metu.* cantharidum applicationem non nulli cum HULMIO proponunt. At, quoniam earum vis suspecta quibusdam in puerperis videtur, *simpissimos* substituere satius judicat LEAKIUS. Quod si eo in casu pul-*Vesicantia.* sus langueat, & putrida humorum diathesis propius instet, cardiacorum usum non prætermittendum censet. Dolori pleuritico, aut cuicumque alii *Cardiaca.* pectus occupanti sæpe semidrachmam pulveris *Polygale Virginianæ*, sive *Senekæ* ter quater in die datam opitulari vidit Cl. WHITEUS. Doloribus ventris a flatibus, & spasimis ortis succurrunt enemata *Dolores ventris.* tibus opportunis, & mixtura quadam, cui aliquid assæ foetidæ, & opii adjectum sit. Si vero abdominis cruciatus præscriptæ methodo non aulescent, fomenta, & cataplasmata ventri admovent, imo etiam amplum ex cantharidibus emplastrum. Lo-*Lochia.* chiorum suppressionem, quia febris supervenire solet pro ejus effectu habent; & reapse, febre cessante, ea iterum profluunt. Sed supra patuit, non raro lochia suppressa causam etiam esse. Sed inter symptomata. quæ puerperas ab initio vehementer exagitant, fere proprium hujusce febris est frigus, & horror, quandoque etiam rigor, ad horas aliquot eas affligens. *Horror.* Huic discutiendo nihil opportunius post sanguinis missionem LEAKIO vi-

detur, quam potu calido sæpius uti, & vesicas aqua calente semiplenas axillis, & plantis pedum admove. Interdum evenit, ut vomitus, & nausea neque emeticis, neque aliis medicamentis etiam iterato adhibitis sedentur. Jure tunc suspicari licet, bilem adhuc acrem, & corruptam in causa esse; cum hæc symptomata perseverent. Quo in casu ter, aut quater in die scrupulum; aut semidrachmiam radicis *colombo*, aut ejus extracti, aut aliquot cochlearia ejus diluti dari jubent, ut bilis vitiosa indoles emendetur. Verum si sola irritatio vomitum producat, paregoricis nihil præstantius esse perhibent. Morbo demum ad finem tendente non modo alvum apertam servandam præcipiunt, dandum potui dilutum florum chamæmeli cum elixirio vitrioli acido, & corticem peruvianum, ut corruptioni antiseptica sua vi obnitantur; dein corpus moderate exercendum, ut viscera paulatim firmentur.

*Sub morbi
finem quæ
conve-
niant?*

§. CCCCXCVII.

*Whitei
monitum.*

Monet demum WHITEUS, signa, quæ primis diebus inflammatoriam diathesim indicant, aut alicujus alicubi inflammationis suspicionem injiciunt, non diu perdurare, & mox commutari in ea, quæ veram putridam naturam ostendunt. Quam ob causam difficillime ipse inducitur, ut sanguinis missionem admittat; quemadmodum ex historiis ægrarum supra recensitis apparet; in quibus nunquam sanguinem mittendum curavit, sed utilius duxit regime refrigerante, potu acidulato, atque antiseptico, victuque vegetabili febrem, ejusque symptomata paulatim coercere. Morbus etiam ille, qui an. 1770. in Nôlôcomio sancti Marci Viennæ puerperis omnibus infestissimus fuit (§. CCCCLXVIII.)

ab

ab initio pro inflammatorio habebatur, atque adeo sanguinis missionibus, at infelici semper eventu, oppugnabatur. Erat autem natura putridus, natæque ex eo inflammationes in gangrænam citissime desinebant. Inflammationes vero hujusmodi, manifestæ malignæ, & putridæ sanguinis missionem nequaquam ferunt. Itaque morbo accuratius examinato, & recognito, suasu Cl. STORCKII omitti cœpta est sanguinis missio, & ejus loco dari camphora ad magnam dosim cum cortice peruviano, itemque in clysmatibus ad drachmam unam pro qualibet injectione cum drachmis duabus gummi arabici subacta, & deinde unciis octo aquæ soluta adhiberi. Hac methodo antiseptica plures, quam quadraginta servatæ dicuntur.

*Inflam-
mationi
putrida
nocet san-
guinis
missio.*

§. CCCCXCVIII.

Jam vèro si omnia, quæ de *febre puerperali Neoteri-
corum* fideliter exposuimus, æqua lance experi-
dantur, si ad bilem crassam, & corruptam, quam
in cysti fellea sectione demortuum reperit LEA-
KIUS, si ad vomitus biliosos, virides, porraceos,
ad nauseas, ad tormina, ad ventris inflationem,
ad alvi fluxum, ad tenesimum, quibus puerperæ
hoc in morbo affligi tradunt, animus advertatur;
& simul conderemus, quibus auxiliis potissimum
sublevari, & cum sanitate in gratiam redire so-
leant; videlicet emeticis, eccoproticis, bilem e-
mendantibus, acescentibus, & antiputridis cujusque
generis: profecto concludendum erit, febrem hanc
non novum, nec distinctum morbi genus esse,
quod seorsum pertractari debeat, sed speciem quam-
dam *febris gastricæ acutæ* habendam esse, plus mi-
nus malignam, putridam, & complicatam; eam-
demque curationem exposcere, quam reliquæ ga-
stri-

Conclusio.

*Febris gas-
trica ma-
ligna est,*

Africæ febres in primis malignæ, & putridæ; de quibus fusius (§. CCCLXXII.) actum est. Rem ita se habere, nuperrime Cl. DOULCETUS* observationes, de quarum veritate nemo dubitaverit invictum nobis documentum exhibent.

* Anno 1782. proxime elapso cum febres puerperales in Nosocomio (*l'Hotel Dieu*) complures fœminas a partu corripere, & cito necarent, quod ibi sæpe accidit ob aerem fortasse noxiis ægrotantium halitibus contaminatum, ut in nosocomiis crebro fieri solet, nec ratio ulla inveniretur, quæ tantam morbi perniciem averteret, Cl. DOULCETUS utilissimam demum iis medendi methodum excogitavit, quæ omnes, ut fertur, servatæ sunt deinceps. Nempe mox in ipsa morbi invasione dabat grana XV. radicis Ipecacuanhæ in duas doses divisa, intervallo unius hæræ cum dimidia sumendas. Repetebat remedium eadem dosi, & ratione mane postero, sive imminuta essent symptomata, sive non. Redibat ad idem medicamenti genus tertio, & etiam quarto, prout e re videbatur. Intervallis intermediis mixturam cochlearim porrigebat ex duabus unciiis olei amygdalarum dulcium, una syrupi althææ, & granis duobus Kermes mineralis. Potui vero dabat liberaliter decoctum seminis lini, aut radicis scorzonæræ syrupo althææ edulcatum. Circa septimam, vel octavam diem propinabat ecceproticum, idque iterabat deinceps, prout opus erat, ter, vel quater. *Vid. Journal de Médecine de Paris T. LVIII. p. 448.*) Quæ medendi ratio, si vere adeo feliciter cessit, ut perhibent Galli, nullibi magis accommodata videtur quam in febre gastrice acuta, sive hanc a sordibus primarum viarum, sive ab receptis, & deglutitis miasmatibus venenatis natam volueris. Totâ enim curatio eo spectat, ut quidquid noxii in ventriculo, atque intestinis insidet, cito, & valide ejiciatur, acre omne obvolvatur, & spasmi laxentur, quod facile cuiquam patet eam consideranti. Nec quidquam obstant eam, quæ auctor de humore lacteo retento, & in cavum abdominis effuso sub casei, & seri forma, ut ipse sibi suadet, & de peculiari Ipecacuanhæ vasa lymphatica roborandi

di facultate commentatur, ut hypothesei præconceptæ subserviat. Effusiones enim hisce persimiles in abdomine etiam eorum, qui alvi fluxu, aut febre flava, aut alia maligna, & contagiosa perierunt, invenit Cl. LINDIUS (*mémoire sur les fieures, & sur la contagion. p. 44. & pp. 157. 158. 159. 160. &c.* Observationes autem istæ non in fœminis, sed in maribus habitæ fuerunt. Videatur epistola nostra de Cl. Medic. CURTIUM R. Poloniæ Archiatrum, quæ exstat in Volum. VIII. (*Degli Avvisi sopra la salute umana p. 448.*) Florent. edit.

§. CCCCXCIX.

Verum non hac una puerperæ laborant. Supra *Febris puerperalis multiplex.* (§. CCCCLXXII. & seqq.) ostensum est, eas in febrem incidere modo ab uteri inflammatione, modo a lochiis suppressis, modo a lactis aberratione, & metastasi, modo a bilioso, aut pravo humorum apparatu, modo ab aere putridis miasmatibus infecto, modo a perspiratione cohibita, modo a retentis, corruptisque in utero secundinis, modo a cacochylia gastrica, modo a pluribus hujusmodi causis simul junctis, ac proinde varia, multipliciaque febrium genera esse (§. CCCCLXXXI.), quibus illæ per sæpe corripuntur. Qui ergo omnia, quæ de febre lactea puerperarum (§. CCCLVII.) & de febre gastrica acuta (§. CCCLXXIII.) & de tertiana continua, & causo (§. CCCCXCIX.) alibi tradita fuere, mente tenuerit; noverit etiam *Curatio ideo varia.* §. CCCCXCIX. quibus intelligat, quando ex una causa, quando ex alia, quando uno genere febris, quando alio puerperæ ægrotent, & qualis curatio singulis adhiberi debeat.

QUARTANA CONTINUA; SIVE TETARTOPHYA.

§. D.

*Tetartophya ut
differt à
Quartana
intermit-
tenti.*

Hoc nomine illud febrium remittentium genus designatur, in quo accessiones similes, & sibi in omnibus notis respondentes quarto quovis in die tantum fiunt, nulla intermediis diebus subsequente apyrexia. Differt à quartanis intermittentibus, quod sine frigore, horrore, aut rigore exacerbatur, atque invalescit, & citra sudorem se se remittit, nec unquam pervenit ad integritatem. Rara adeo hæc febris est, ut JOELI, medico septuagenario, numquam eam videre contigerit (a). Plerumque diuturna, & periculosa esse consuevit; imo sæpe, ut testatur SAUVAGESIUS (b), in mortem terminatur. Quandoque ex quartana intermittenti originem ducit. Ceterum ad iisdem causis videtur derivanda, a quibus reliquæ continuæ remittentes gignuntur. Nequæ equidem dubito, quin eisdem omnino differentiis, quibus illæ, subjiatur.

(a) CULLEN: Gen. morb. ord. I. Feb. sect. I. gen. 2. N. ad quart. contin. ubi op. JOELIS T. V. allegatur.

(b) Nosol. cl. 2. ord. 2. gen. VIII.

Tetartophya simplex Sauvagesii. (a)

§. DI.

Quartanam continuam simplicem vocat SAUVAGESIUS (a) eam, quæ nullius visceris speciatim affecti signa præbet. Huic, inquit, calor obtusus est, sed acer, pulsus parvus, & tardus initio paroxysmi, dein plenior, velocior, quam in quartana, ex-
 puitio frequens, temperamentum melancholicum; extenditur ad sex septimanas, nisi æstiva sit, Paroxysmi sunt typici citra frigus, & sudorem; curatur
 aperientibus, incidentibus, antiscorbuticis, præmissis generalibus; nempe sanguinis missione, emesi, aut
 alvi ductione, prout aut plethora, aut diathesis inflammatoria, aut gastrica cacochylia postulaverint. Curatio.
 At in hujus quoque curatione multa eorum, quæ supra pluribus in locis pro rerum, & causarum
 ratione commendavimus, locum habere poterunt; & præcipue, ubi de generali febrium omnium curatione egimus, aut intermittentiam particularem
 therapeuticen persecuti sumus.

§. DII.

Sed præter tetartophyam simplicem non paucas
 alias species idem SAUVAGESIUS commemorat, quæ
 tamen ab hoc febris genere omnino sejungendæ
 erant, uti ab eodem alienissimæ. Nam primum
tetartophya splenalgica (a), qua dicitur FERNELIUS
 occubuisse, non fuit quartana continua, ut perpe-
 ram putavit, sed acuta continua simpliciter, &
 ni fallor, symptomatica, utpote quæ splenitidis
 suppuratæ comes erat, & dies decima octava eum
 rapuit. A multis quidem annis FERNELIO lien in-
 Species
 quadam
 Sauvagesio
 con-
 stitutæ re-
 probantur.

tumerat, & fortasse post quartanam intermittentem, qua jam pridem laboraverat, sed morbus, quo tandem decessit; nec *intermittens*, nec *continua* quartana extitit, ut ex PLANTIO in FERNELII *vita* colligitur. Neque *tetartophya carotica*, quam ex WERLHOFIO quarto loco ibi (b) recenset; ad hoc genus febris pertinet; cum ea, cuius meminit WERLHOPIUS (c), *intermittens*, & plerumque *tertiana* fuerit. Sub eadem specie complexus etiam est idem SAUVAGESIUS febrem, quæ in *observatione trigesima nona libri tertii* a FORESTO refertur; sed quartana ibidem descripta nec *carotica*, nec *comatosa* est. Neque huc referri potest *tetartophya maligna* (d), quam ex MARCELLO DONATO, & HORSTIO (f) adducit, cum utramque quartanam intermittentem, non continuam, fuisse, apud eosdem videre est. Quæ vero quinto loco *tetartophya semitertiana*, sive *Hemitritæus major* SCHENCKII (g) ponitur, rectius ad febres complicatas, & proportionatas, quam ad quartanas continuas revocanda est.

- (a) Spec. 2. (b) Spec. 4.
 (c) Observ. de febr. p. 17. (d) Spec. 6.
 (e) L. 3. c. 14. & l. 2. c. 6.
 (f) L. 1. observ. XV. (g) Spec. 5.

Tetartophya soporosa.

§. DIII.

Æquæri jure *tetartophyæ* differentia haberi debet *quartana continua soporosa* CAROLI PISONIS (a), cuius descriptio hæc est; Ex *quartanariis* autem memini Nobilem virum Joannem de Reini D. de Brepecourt ante tres hyemes sibi gratulantem; quod

tempus rigoris, & acerbationis molestissimum cetero-
 roqui, & gravissimum sine sensu transigeret: alto
 quippe sopore Vir splendidus, eoque duodecim hora-
 rum, & amplius tenebatur, sed indolentiam ab hac
 causa in malis rebus potius ponebam in febre, quæ
 ad apyrexiam non perveniret; & non temere; nam
 quinto circiter mense soporem illum cum æterna no-
 ã commutavit. Huic paullo post subnectit aliam
 observationem haud dissimilem quartanæ continuæ
 comatosæ, quam tetartophyam hepatalgicam, quia
 cum hepatis phlegmone complicabatur, nominavit
 SAUVAGESIUS (b). En ejus historiam: Postremo
 mihi subit in memoriam pene intermortuam febris
 quartanæ continuæ longe memorabilior ceteris histo-
 ria, quæ in Amplissimo Præsidi Michaelæ Bouveto ad
 hepatis phlegmonem ad annum vertentem exporrectam
 accessit, quartumque intra mensem agrum confecit:
 principium enim cujusque exacerbationis se pulsu ad-
 modum parvo, simulque raro, ut quandoque pluscu-
 las horas penitus lateret, se se prodens comate su-
 pra modum gravi, nisi quando deliriis interturbare-
 tur, & eo ut plurimum quindecim, & amplius ho-
 ras continuo urgente fuit insigne (c). Inter utra-
 que istas observationes binæ aliæ apud eundem ex-
 tant quartanæ soporosæ, quas silentio prætereire (d)
 satius duco, quia non satis liquet, intermittente-
 ne, an continuæ essent, quam dubia pro certis af-
 ferre.

(a) Select. observat. & consil. de prætervis. hætenus &c.
 observ. 166. p. 492.

(b) L. c. spec. 3. (c) L. c. observ. 169.

(d) Observ. 167. & 168.

§. DIV.

Curetio. Quæ curatio Quartanæ continuæ simplici opportuna sit, jam paullo ante (§. DI.) indicavimus. Jam vero aliquid dicere oportet de ea, quam peculiare aliquod Symptoma, quocum complicata sit, veluti sopor, aut coma, requirere videatur. Si temperamentum, ætas, habitus, & vires ferunt, primum sanguis mittatur, deinde saburra primarum viarum melanagogo aliquo medicamento deturbetur, aut si habitu cachectico, & pituitoso sit æger, hydragogo, sed mitiori, & temperato. Postea succi herbarum recentium, uti cichorei, taraxaci, agrimonix, fumarix, nasturtii aquatici, aut earum decocta, aut diluta propinentur, interpositis ad intervalla blandis eccoproticis, nec omnis vesicatoriis, cucurbitulis, sinapismis, aliisque revulsionum generibus, de quibus pluries jam mentionem fecimus. Soporem egregie etiam discutiant volatilia, ut spiritus cornu cervi tam simplex, quam succinatus, tinctura castorei, spiritus salis ammoniaci caute adhibitus. Verum si his non cesset malum; sopore perseverante, & periodice redeunte, & discedente; non aliter curanda est, quam si intermitteret, cortice nimirum peruviano, cujus vim, & efficacitatem præstat experiri, quam ægrotantem incerto naturæ conatui duntaxat concedere.

P A R S Q U A R T A .

DE FEBRIBUS CONTINUIS
COMPOSITIS.

SIVE PROPORTIONATIS.

§. D.V.

IN generali febrium divisione de quarta quadam earum differentia (§. LXII.) mentio facta est , quæ febres *compositas* , sive ut aliis vocant , *proportionatas* , item *complexas* , aut *complicatas* comprehenderet . Absoluta igitur *intermittentium* , & *continuarum* omnium tam *continentium* , quam *remittentium* recensione , locus admonet , ut de *compositis* aliquid dicere non obliviscar . *Compositas* autem hic voco eas febres , quæ ex plurium generum diversorum mixtione coalescunt , & quodammodo componuntur . Harum vero multiplex , & varia compositio , sive complicatio esse potest , cujus præcipuas tantum differentias exponam ; nam singulas , quæ mente consingi possunt , perquirere non modo longum esset , sed etiam supervacaneum , atque inutile . Prima igitur compositio est , quando febres intermittentes inter se commiscuntur ; veluti quando quotidiana intermittens cum tertiana , aut quartana , aut quintana , aut aliis hujusmodi intermittentibus implicatur * ; aut etiam quando plures quotidianæ , aut tertianæ , aut quartanæ una concurrunt , ut duplices , aut triplices , aut quadruplices fiant , quemadmodum alibi suo loco a nobis dictum est , cum de intermittentibus ex professo ageretur . Altera compositio se sistit ,

*Triplex
compositio-
rum ge-
nus .*

quando intermittentes cujuscvis generis complicantur cum febribus quomodocumque continuis, sive hæ continentes fuerint, sive remittentes *. Tertiæ demum faciunt febres continuæ uniformes, sive continentes cum continuis remittentibus conjunctæ, uti quando ephemera, aut synochus simplex, aut putris; aut aliud quodvis continentium genus *** cum quotidiana, aut tertiana, aut quotidiana continua copulatur. Atque in his fere omnes febres, quas *compositas*, sive *proportionatas* appellamus, contineri videntur. Reliquæ vero, si quæ ab auctoribus referuntur, quoniam confictæ magis, aut subtilius excogitatæ sunt, ab ipsa natura, atque ab usu ipso rejiciuntur:

* Quando accessiones hujusmodi intermittantium horis diversis fiunt, ut singula distingui possint; complexæ, sive *compositæ* a GALENO dicuntur. Si vero accessiones diversarum intermittantium ineamdem horam cadunt, sic ut unam ferme accessionem efficiant, quia non facile discerni possunt, confusæ ab eodem vocantur. De Febr. diff. l. 2. cap. VII.

** CL. STORCKIUS sæpe vidit quotidianam intermittentem, quæ cum febre petechiali, & miliari complicabatur. Id in primis contigit mense Sept. anno 1758. Quotidianam citam corticis administrationem postulabat, & sic fugata intermittenti mitior evadebat, procedebatque exanthematica febris. Ann. medic. 1. mens. Septemb. 1758. Idem in febribus vernalibus acutis observavit crebras horripilationes, quæ morbum turbabant, & cortice peruviano sedabantur. Hinc scripsit: An tempore vernali diversæ febres intermittentes febribus acutis sæpe junguntur, atque eas turbant? Lib. citat. mens. Mart. Ibidem mense Aprili narrat, febres acutas die decima quarta in intermittentem quotidianam, aut tertianam desinentes, a se visas. Probabile est intermittentes cum Synocho putri compositas tunc fuisse, quæ absoluta, intermittentes perspicua, & solitaria postea prosequerentur. CL. MARTINUS GHISIUS Medicus Cremonensis

in proprio filiole, qui ex angina ulcerosa epidemica laborabat, febrem acutam symptomatice, sive febrem continuam anginosam cum tertiana subintrante, quam cortice peruviano sustulit, complicatam observavit. (*Lettere Medic. Lett. 2. p. 3. Cremon. 1759.*)

*** GALENUS (De different. febr. lib. 1. cap. 10.) *mulieris meminit, quæ hæctica marasmode cum quotidiana putrida conjuncta laborabat. In comment. ad hunc locum MONTIUS docet, posse hæcticam permisceri cum febre cholericâ, cum phlegmaticâ, cum melancholicâ, & cum sanguineâ, si-ve Synocho; quemadmodum hæ ipsa permisceri inter se possunt, & revera interdum permiscantur. Ibidem GALENUS tradit signa, quibus dignoscantur hujusmodi complicationes. Nec solum hæctica cum putridis, verum cum ephemeris ipsis complicata interdum occurrere dicitur. Ibid. l. c. p. 385.*

SEMITERTIANA, SIVE HEMITRITÆUS.

§. DVI.

Celebre apud Scriptores, & frequens est illud ^{Galen} *compositarum* genus, quod Græci *Hemitritæum*, nostri *Semitertianam* vocant. Hoc nomine comprehenditur febris continua, quæ, et tertianæ intermittentis, aut remittentis naturam, & morem redo-^{hamitri-} ^{taus quæ-} ^{lis.} leat, ab utraque tamen differt, quod dimidiam tantum levaminis, & remissionis partem præ illis experiatur. Descriptiones vero ejus adeo variant, ut modo necesse sit singulis adijcere auctoris nomen, quo a reliquis opportune distinguantur. GALENUS (a) duas peculiare notas, sive proprietates vero *Hemitritæo* assignat, ut nimirum febris *continua* sit, & simul *horrida*. Si careat alterutra conditione, negat, *semitertianam* dici posse. Non ergo ex ejus sententia duæ intermittentes, quotidiana nempe, & tertiana una complicatæ, *semitertianam* efficient, quia *continua* sit, oportet; neque ex duabus con-

tinuis confici, & constare poterit, quia tunc *per-
rifica* esse nequit. Sed jam ad varias *hemitritæi*
species describendas progrediamur.

§. DVII.

*Varia he-
mitritæi
species:*

Ut igitur *hemitritæus* suis non careat propieta-
tibus, componi debet ex tertiana, & quotidiana, &
altera continua; intermittente altera; & præcipue
ex tertiana intermittente, & quotidiana continua;
aut etiam ex quotidiana intermittente, & tertiana
continua, sic ut alternis, sive imparibus diebus
binæ fiant accessiones, vel una eædem concurrant,
& confundantur: paribus vero unica dumtaxat,
sed sine ulla continuitatis intermissione. Prior *se-
mitertiana* GALENI dici solet; posterior illa esse vi-
detur, quæ a RIVERO secundo loco describitur,
quæque a TORTIO etiam in *semitertianarum* nu-
merum cooptatur. A cl. viris SWIETENIO, atque
HAENIO binæ aliæ species *hemitritæi* memorantur;
quarum una fit ex tertiana accessiones adeo pro-
tractas habente, ut nullam, aut sane exiguam re-
linquant integritatem. Hæc *Hemitritæus* CELSI es-
se dicitur. Qui CELSI auctoritatem sequuntur, ad
hanc febrem referunt tam ardentem periodicam,
quam tertianam duplicem ex productis accessioni-
bus, sive circuitibus continuam factam; de quibus
alibi rectius a nobis dictum est. Altera vero con-
flatur ex febre *continua acuta*, & *tertiana inter-
mittenti* commixtis. Hanc admittere videtur SEN-
NERTUS, quando non absurdum existimat eas quo-
que febres appellare *semitertianas*, quæ sua natu-
ra sunt tertianæ intermittentes, sed cum inflam-
matione alicujus visceris conjunctæ, a qua inflam-
matione febris continua symptomatice excitetur,
sic ut ex utriusque mixtione quoddam *hemitritæi*,
sive

*Celsi se-
mitertiana-
re:*

sive *semitertianæ* genus exurgat . Nec desunt qui *semitertianam* eam quoque febrim esse dicant, quæ sæpius, aut pluries intra Nychthemeron horrore, & frigore exacerbatur, nullum accessionum ordinem servans: ex quo ab aliis etiam *horrida* nuncupatur.

§. DVIII.

Quod spectat ad CELSI *semitertianam*, ejusque affines modo memoratas; ea vel ad tertianas *ex* *tenfas*, & *spurias*, vel ad *subintrantes*; aut *subcontinuas* TORTII; vel ad *Tritæophyas* referenda est, neque hic locum mereri videtur. Neque huc pertinet fortasse illa SENNERTI; quæ ex continua symptomatice ab inflammatione alicujus visceris, & ex intermittente coalescit; nam ad *comitatas perniciosas* TORTII revocanda plerumque est. Quæ vero horrore pluries in die redeunte exacerbantur, rêdunt ad *Symptomaticas*, inflammatorias, hystericas, scorbuticas, suppuratorias, ulcerosasque, vel ad *gástricas acutás*, putridas malignasque ablegantur, in quibus ab acris humoribus, aut malignis, putridisque halitibus sensibiles; irritabilesque partes affectæ, & vellicatæ horrores illos spasticos exsuscitant. Reliquum igitur est, ut verè, & propriè *Hemitritæus* sit ea febris, quæ ex tertiana intermittente cum quotidiana continua, aut ex quotidiana intermittente cum tertiana continua componitur.

Celsi hemitritæus non est hujus loci.

§. DIX.

Hemitritæus legitimus & illegitimus.

Illegitimus duplex.

Legitimum, & verum, sive exquisitum hemitritæum vocant, in quo tertianæ, & quotidianæ æqualis ratio est; nothum, sive illegitimum, in quo Symptomata tertianæ, aut quotidianæ manifestiora se produnt. Hinc hemitritæus illegitimus duplex est, prout vel tertiana quotidianam, vel quotidiana tertianam gravitate, & magnitudine exsuperat. Si tertiana prævaleat, tota febris horridior est, & quandoque rigorem sibi etiam addeiscit. Tum quoque magis æfluat, & fervet, biliofisque aliquid aut vomitu, aut alvi fluxu, aut sudoribus excernit. Si quotidiana vero tertianam excedat, & superet; frigus intentius extremas afficit partes; rariores, minoresque horrores incidunt; pulsus non valde efferuntur; accessio lentius increfcit, atque ad statum tardius pertingit, nec admodum magna fiti, nec ingenti calore molesta esse solet. Alii *legitimum hemitritæum* dicunt esse acutum, & brevem; diuturnum & lentum alterum, sive *nothum*. Prior a SCHENCKIO *hemitritæus major*, posterior *minor* appellatur. Ad hoc febris genus revocanda est *Amphimerina hemitritæus* SAUVAGESII (*spec. 7.*), itemque *Amphimerina pseudo-hemitritæus* ejusdem (*spec. 8.*) nec non *Tetartophya semitertiana* SAUVAGESII (*spec. 5.*), utpote febres composiæ, & complicatæ, perperam Amphemerinis, & Tetartophyis adnumeratæ.

§. DX.

Semitertiana Swietenii.

Si quis velit etiam cum SWIETENIO, HAENIOQUE *semitertianæ*, sive *hemitritæi* nomine appellare eam febrem, quæ ex continua continenti acuta, uti

uti Synocho simplici, aut putri, & tertiana intermittenti copulatis coniungitur, non sane quidquam repugnare, dummodo ille cogitet, concedatque hanc suam semitertianam vero hemitritæo GALENI non parum differre. Nam in vero hemitritæo non modo continuas febris & horrida natura attendenda est; verum etiam alternis diebus duplex accessio, unica vero intermediis, requiritur. *Diagnosis.* *Prognosis.* Diagnosin ex dictis facile patet. Quod ad prognosin attinet, omnis semitertiana periculosa est tam ratione continuas, & complicationis, quam ratione symptomatum, aut malignitatis, aut interiorum partium inflammationis, in quam sæpe ipsa terminatur. Curatio vero omnis petenda est ex iis, quæ de curatione febrium intermittentium, & continuarum remittentium alibi uberrime tradita, & præcepta fuerunt.

PROPORTIONATA EX SYNOCHO ET INTERMITTENTI.

§. D XI.

Non semel, cum de Quotidianis, & Tertianis continuis supra ageremus, a nobis animadversum fuit, sæpe earum nonnullas, etsi a principio continuas, progressu deinde, & sensim in intermittentes commutari; idque interdum fieri, quod febris composita, sive proportionata esset, id est, ex continua, & ex intermittente junctis coalita. Priore enim desinente, aut soluta, quid mirum, si altera suos circuitus manifestius obeat, veramque se intermittentem ostendat? Hoc in primis sæpissime accidit, cum febres intermittentes, ut alias docuimus, epidemice pervagantur, vel saltem morbum prædominantem, & stationarium efficiunt. *Quando hæc frequentior.*

Nam tum omnes ferè morbi aliquid similitudinis cum intermittentibus habent, vel quæcunque etiam aliæ febres sporadicæ; aut intercurrentes cum intermittentibus ipsis complicantur. Sed nunquam id frequentius Clinicis occurrit, quam in vernalibus, atque æstivis febribus, aut autumnalibus citius solito, nempe mense Julio (a) ingruentibus; quod pluries variis in regionibus, diversisque temporibus egomet ipse observavi; nec puto quemquam ex clinicis esse posse, qui illud aliquando non observaverit.

(a) SVVIETENUS in Boerhav. §. 727.

§. DXII.

Descriptio. Febris autem ista jam ab initio continua est; incipitque a levi frigore, aut horrore, deinde invalescit, & cum symptomatibus ferme iisdem, quibus stipatur synochus simplex, aut putris, progreditur, continentis plerumque in modum, nisi quod aut quotidie, aut alternis diebus aliquanto ingra-
velcat vel vesperi, vel mane, & post aliquot horas mitescens, sudore aut madore exiguo oborto, ad solitum gradum, & tenorem, qui continentium proprius est, redeat. Sæpe tamen primis diebus nulla hujusmodi incrementi, aut decrementi indicia, satis manifesta, aut distincta exhibet, nec ullo unquam aut frigore, aut horrore exacerbatur, sed vehemens & assidua tenet, donec exacto quatuor, vel septem ut plurimum dierum spatio, vel, quod summum est, undecim, vel quatuordecim dierum curriculo, paullatim continuitate illa uniformi deperdita, remittat primum periodice, deinde etiam desinat in quotidianam, aut tertianam intermittentem, quæ modo cum frigore aut horrore, mor-
do

do prorsus sine his suas accessiones repetat, statimque horis sudore, aut urina sedimentosa, aut alvi fluxu, aut omnibus istis evacuationibus supervenientibus sensim solvatur, & decedat.

§. DXIII.

Videtur ergo tum solum in intermittentem de- Signa di-
finere, cum synochus sive simplex, sive putris, gnostica,
cum qua complicatur, sanguinis missionibus; alvi ubi frigus
expiatione, diæta, quiete, & diluentibus discussa deest.
fuerit. Quando vero nec frigus, nec horror accessiones antecedit, nec eas præmonstrat; illud saltem evenit, quod ingruente paroxismo sitire intensius æger soleat, de gravitate, & pondere circa epigastrium, & pectus conqueri; anxietatibus premi, dorsi, & artuum dolore quasi contundi, natusea; aut vomitu corripì, irrequietus esse, agrypnia cruciari; procedente vero ad augmentum febre, & his symptomatibus aliquantum remittentibus succedat atrox cephalalgia, urens calor, faciei rubor, atque interdum delirium; quæ tamen, inclinata accessione, ut dixi, evanescent; laxatur cutis; mollescit, sudor erumpit, utiq; crassæ, aut crocæ prodeunt, mens resipiscit, & quies, aut somnus aliquis obrepit.

§. DXIV.

Quomodo
differat a
subconti-
nuis, a
subintran-
tibus &
hemitri-
sais.

Attenta horum consideratio, nota synochorum, & intermittentium febrium phænomena, constitutio epidemica, anni tempus, aliaque hujusmodi pluries alibi explicata ad diagnosim facile ducunt. Distinguitur a *subcontinua* TORTH, quod ab initio nullo modo intermiserit, nec ab intermittente in continuam migraverit: a *subintrante* vero, quod ejus continuïtas primis saltem diebus magis uniformis sit, neque ullo frigore, aut horrore, qui in subintrantribus deficere non solet, ingravescat. Iisdem propemodum de causis differt etiam a vera *femitertiana*. Plerumque periculi expers est, si rite curetur; neglecta, aut male curata in inflammatoriam alicujus visceris, in ardentem, in malignam, perniciosamque degenerat.

Curatio.

§. DXV.

S. missio
& purga-
tio.

Ab initio sanguis mittatur, etiam iterato pro gradus, & symptomatum gravitate, atque ea omnia administrentur, quæ ului esse in Synocho simplici, & patri supra indicavimus. Si saburra biliosa, aut gastrica suis signis se prodatur, hæc expurganda, simul ac febris impetus aliquantum resederit, medicamento eccoprotico, & refrigerante. Interdum etiam emetico locus esse potest, in primis biliosa colluvie primas vias infestante, aut tempestate anni, & regione, aut causis remotis illud exigentibus. Quando jam ad intermissionem pervenerit; quid tum factum opus sit, non attinet dicere,

cere, postquam præcipue de Intermittentium curatione tam generatim, quam speciatiim multis verbis pertractaverim. Summum præsidium cuique erit peruvianus cortex, qui etiam, ubi febris nondum vere intermittens evaserit, sed continua remittens dumtaxat facta sit, ut *subintrantis*, aut *communicantis*, ut vocant, aut *coalterne* speciem referat, quamquam sine frigore, aut horrore exacerbetur, cortissime eam debellare poterit; dummodo reliquas intermittentium notas, & proprietates acquisiverit.

§. DXVI.

Interdum evenit, ut febris proportionata diutius trahatur, quin ad intermissionem pertingat, aut accessionibus irregularibus, atque anomalis continuitatem suam instauret, ita ut nullum ad typum adstringatur. Tunc regularem reddi, atque ad intermittentis manifestæ naturam reduci posse, non desperant PRINGLIUS (a), & BUCHANIUS (b), ni sanguinis missio, aut alvi purgatio id jam præstiterit, datis pluries in die salibus mediis, aut emetico dato, iteratove. Ille hunc in finem bis in die mixturam RIVERII, quæ salis absynthii habeat scrupulum, succi limonum semunciam, & sacchari albi drachinam, propinandam jubet, aut ejus loco, quarta, vel sexta quaque hora, haurienda cochlearia quatuor ex alia simili mixtura, quæ est ejusmodi. R. Sal absynthii drachmam. Solv. in aqu. font. unciis decem, & instill. spirit. vitriol. q. s. ad saturat. deind. add. aquæ cinnam. spirituos. sequiunciam, syrup. cortic. aurant. unciam. Ac si, remittente accessione, sudores deficient, aut parcius, quam opus est, erumpant, eos promovere annittitur spiritus Mindereri uncia, in duas, aut tres partes

Quando
non inter-
mittit.

Quæ in-
termissio-
nem acce-
lerant.

tēs tributa, & potui addita. Alter vero; videlicet BUCHANIUS, vomitum ciet quindēcim, aut viginti Ipecacuanhæ granis, aut tartaro emetico magna aquæ vi diluto, & parvis haustibus præbito, donec votis respondeat.

(a) Malattie delle Armate P. 3. c. 4.

(b) Medecin: Domestiq. T. 2. chap. XI. p. 215.

§. DXVII.

Quæ fe-
bres huc
spectant.

Hujusce generis videntur fuisse febres illæ continuæ remittentes: quas cortice peruviano sanabiles literis propōdit MORTONUS (a); itemque illæ inalignæ, & perniciosæ, quatum meminit LAPIUS, tamquam aeris, & ruris romani (b) propriarum; atque eidem remedio obtemperantium: Neque ab his valde differentem crediderim *febrim biliosam*; sive *remittentem* PRINGLI de qua doctissime ipse scripsit (c), sicuti etiam illam alteram; quam *remittentem* vocavit BUCHANIUS (d), febrem scilicet multiplicis naturæ, & modo *regularem*, modo *irregularem*, sæpe *biliosæ*, aut *nervosæ*; aut *putridæ* speciem referentem; & facile in *inflammatoriam*; aut *malignam* mutabilem; si tamen hoc titulo cl. auctor multa; & varia febrium genera, ut suspicior, in unum non congefferit, simulque consarcinaverit. Possem equidem plures alias febres huc spectantes ex Scriptoribus commemorare, si res ipsa postularēt, aut adducta exempla non sufficere viderentur. At, cum neutrum ex his appareat; tempus jam est, ut, illis præteritis, neglectisque, non modo compositarum febrium, sed ceterarum etiam universa tractatio hic finem faciat. Illud unum optandum remanet, ut studium, laboremque nostrum, quo omnia illa collegimus, excussimus;

di-

digestimus & disposuimus, par quoque fructus, ilque utinam uberrimus, consequatur discipulorum. Utcunque tamen evenerit, ausui tamen, & consili rationi non deerit sua laus. De morbis demum exanthematicis febrilibus, qui proxime veniunt, dicam in volumine sequenti.

(a) De febr. exercit. 2.

(b) Ragionamento contro la volg. opinion. di non poter venir a Roma nella state pag. 13. 45. 47. Roma 1749.

(c) L. c.

(d) L. c.



APPENDIX

Ad febres remittentes, quæ modo quotidiana, modo tertianæ typum servant ().*

FEBRIS COLLIQUATIVA PRIMARIA, SIVE ESSENTIALIS.

§. DXVIII.

SI quando corpus nimis alvi, urinæ, sudorisve evacuationibus extenuatur, atque emacescit, *colliquari* tunc illud dicitur, *febris* vero, si qua est, unaque concurrît, *colliquativa*, sive *colliquans*. Corpus autem sic colliquescit, quod sanguis, & reliqui humores nimium soluti, & propemodum corrupti sub varia evacuationum specie undique effluunt. Id communiter a principio quodam heterogeneo, acri, fundente, alcalino, septico, sive putrefaciente fieri creditur: Sed non semper ab ejusmodi causa liquationis genus istud originem ducit. Interdum enim satis est, humores spontanea degeneratione sic immutari, ut naturalem crasim, coherendique vim amittat, rarefiant, & disjecta elementorum mixtione fere corrumpantur; & solidas simul partes; in primis organa secretionibus, excretionibusque dicata laxati, diduci, & præter naturæ morem hiare, ut quidquid appellit, quæ data porta, ruat.

Quid colliquatio,
& febris colliquativa?

Quot modis liquari corpus possit.

(*) §. CCCCXXXVI.

§. DXIX.

§. DXIX.

Plerumque ad liquefcendum, effluendumque omnia parata eſſe ſolent in morbis lentis, & diuturnis, potiſſimumque in iis, qui pthiſim, tabemque ſubſequentur. Interdum etiam in liquationem quam maxime inclinant morbi acuti præſertim maligni, ardentes, aut putridi, ut paſſim, pluriesque adnotavimus. Speciatim vero traditum, animadverſumque a nobis eſt, liquationem iſtam non raro in *Febre gaſtrica acuta* (a) deprehendi, quandoque *Tritæophyis bilioſis*, ſive *Tertianis continuis* (b), multoque frequentius *Cauſis tam continentibus* (c). *Signa liquationis*, quam periodicis (d) ipſam accedere; idque tum cognosci ex ſupervenientibus die quarta crudis, liquidis, ſinceris, ſpumofis, fætidis, pinguibus, bilioſisque dejectionibus nihil conferentibus, nec judicantibus; circa vero ſeptimam urinis copioſioribus, in quibus liquata pinguedo ſupernatat, & demum ex ſubita totius corporis macie. Verum, quoniam hæc *Liquationes ſecundariae*, liquationum genera aliis morbis, aut febribus ſuperveniunt, aut, ut rectius dicam, ab eiſdem quodammodo profluunt, ſecundaria omnino a nobis habentur, ac proinde uti morbi ſymptoma, aut ſymptoma ſymptomatis conſideranda videntur, nec peculiarem tractationem requirunt.

Quinam morbi huius colliquationi obnoxii?

Signa liquationis

Liquationes ſecundariae.

(a) §. CCCGXXVI. (b) §. CCCGXXI.
(c) §. CCLXII. (d) §. CCCGXXII.

§. DXX.

*Febres
colliquati-
væ prima-
riæ.*

*Sæpe cum
gastricis
confun-
duntur.*

*Qua ra-
tione dis-
ferant.*

At præter hæc colliquationes, febresque colliquativas secundarias, quas modo (§. DXIX.) innui, dantur etiam primariæ, sive essentialles, quæ nimirum nec ab aliis morbis, nec a febre ulla degenerata proficiscuntur. Tales quippe vel ab initio se se offerunt Clinicis inter mendendum, quamvis non ita facile primis saltem diebus internoscantur, & sæpe a multis cum secundariis, aut congeneribus, affinibusque febribus confundi soleant. Has igitur non modo Neoterici, verum Antiquiores etiam observarunt, apud QUESNÆUM (a); JO RAYMUND, FORTIS (b), MICHAËLEM ETTMULLERUM & colliquativis febribus nomen indiderunt, ut (c), aliosque videre est. Speciem quandam ego quidem *febris colliquativæ* pluries offendi, quæ vere ad hoc genus (*) spectat, alvi fluxu speciatim comitatam, cujus causa pro gastrica, quæ pariter cum alvi plerumque fluxu conjungitur, facile sumi solet, eoque magis, quod ipsa quoque, uti *gastrica*, continua remittens sit, quotidianæ modo, modo tertianæ periodum tenens. At tamen differt a gastrica, quod manifesta cacochylia signa non habeat; lingua non fœdetur, neque os amarescat; neque vomituritio, aut vomitus ægrum ita exerceat, ut in gastrica, in qua fomes febrilis primas vias occupat, nec sanguinem subit, nisi secundo: eum contra in colliquativa sanguini, reliquisque humoribus primario insidet, nec ad primas vias, sive intestinalia fertur, nisi secundo. Utramque enim causa colliquans, & corrumpens gignit, ut videtur,

etur, sed diverso in loco sita, diversoque modo agens.

(a) *Febris colliquativa putrefaciens* QUESNÆI, *Des Fievr.* Tom. 2. p. 391.

(b) *Febris colliquativa* JO. RAYM. FORTIS, *de febrib. & ETTMULLERI, oper. T. 2. P. I. p. 337. Febrilis Tropica VETERUM, Quesneus l. c.*

(*) In prima hujus Libri editione sciens, volensque omisi de febre colliquativa hac verba facere, quamquam in academicis prælectionibus eam explicare consuevissem. Timui enim, ne quis rem supervacuam putaret, postquam de colliquatione humorum, & de febribus colliquativis pluribus in locis quodammodo jam actum esset, nec prætermisum, ubi de gastrica febre sermonem habui, non omnem alvi fluxum, qui eam sæpe comitatur, a gastrica colluvie, sed interdum ab humorum pravorum e toto habitu ad intestinæ confluxu (§. CCCLXXIV.) pendere. Sed, re melius pensata, satius consultiusque duxi in hac altera editione peculiare de ea caput adjicere, ut quidquid attentior morborum observatio in medici commodum, eruditionemque protulit, a nemine desideretur.

§. DXXI.

Insuper non solum discrepant gastrica, & colliquativa inter se morbidi fomitis sede, verum etiam effectibus, & curationis modo. Nam etsi in ambabus liquidæ dejectiones non absint, nec supprimi sine nocumento queant; hoc tamen interest discrimen, quod gastrica alvi ductionem & postulat, & bene sustinet, atque inde mitescit, minuitur, & brevi judicatur; in colliquativa vero alvum ducuntia, nisi quam lenissima fuerint, & cautissime adhibita, plurimum nocent, morbum nec minuunt, nec breviorē reddunt; imo vires, & corpus indulto immodico, profusoque fluxu exhaustiunt. In

Non solum sedes sed effectibus etiam differunt.

illa quippe fordes, quæ in intestinis stagnantes, ac putrescentes morbum faciunt, utiliter, & tuto purgatione egeruntur; sicque febris, subtracto fomite, minuatur necesse est: in hac contra quidquid sanguinis, reliquorumque humorum corrumpitur, & colliquatur, paullatim quidem magna ex parte in alvum descendit; debetque utique, ut noxium, & vitiatum expelli; sed non ideo causa colliquans & corrumpens, quæ in venis est, febremque efficit, quidquam decrescit, aut emendatur, nec quidquam de ejus gravitate, & duratione demitur: nisi postquam colliquatio finem attigerit; id quod sensim, & longo tantum spatio natura assequitur. Quod si in hac summa ad colliquefcendum, putrescendumque humorum proclivitate purgantia improvide, inconsultoque dentur, ita dissolutionem augent, humoresque ex alvo immodice exprimunt, ut evacuationes inde naturæ vix comprimi, continerique possint.

§. DXXII.

Præmonstrata utriusque febris differentia, reliquum est; ut colliquativam, qualem ut plurimum Clinicis ostendit, per suas notas describam. Dixi supra, eam esse continuam remittentem; quotidianæ, aut tertianæ continuæ ordinem servantem: Nunc addo, interdum, sed raro, ardentis symptomata sibi assumere, & sua natura in longum trahi; hincque *tropicam* a Veteribus appellatam fuisse: quo maxime a gastrica iterum distinguitur, quæ breviori tempore solet finire. Initio febris colliquativa hæc ut plurimum non valde acuta est nec vehemens, & paullatim; morbo progrediente, quando simplex, pura, & benigna est, mitior, & tolerabilior, adhuc evadit. Pulsus in ea molles, crebri, & debiles plerumque inveniuntur. Fereque alvi fluxus cum ea jungitur, tenuis; foetidus, crudus, non admodum variegatus; pinguis, sinegmatibus soluti sæpe similis; concrementa quædam, minuta, albicantia, sevi inderati instar, aut fabuli crassioris specie ad fundum vasis deponens, sed sine signis; ut paullo ante admonui, manifestæ cacochylia primarum viarum. Præter alvi fluxum, quæ solemniior, frequentiorque evacuatio mihi semper visa est, non desunt plerumque sudores aspidui, viscerum, pinguiusculi, foetidi, aliæque dissolutionis notæ. Minimum vapor olidus, foetensque e corpore emanat. Vires pro evacuationum frequentia, ac ratione magis; magisque infirmantur. Ad urinas vero quod attinet, hæc primis statim diebus nec valde saturæ sunt, nec confusæ, nec turbidæ; sed nubeculam quamdam plerumque præ se ferunt, aut enæorema exhibent rarum, divulsam, suspensumque, aut pellicula pingui in summitate operiuntur.

Describitur febris colliquativa prout Clinicis se exhibet.

Pulsus.

Alvi fluxus.

Sudores.

Vapor olidus.

Vires.

tur . Sensim deinde saturatiores fiunt , ex rubro obicuræ , & confusæ , sedimentumque demittunt ejusdem coloris , vix cohærens , & inæquale , quod demum fursuri , aut farinæ simile evadit , aut in mucosum , & viscidum , variumque colore permutat . Id sæpe non totum matulæ fundum petit , sed partim ejus lateribus adhærescit , partim urinæ ipsi intermiscetur , ejusque pelluciditatem obscurat , & tollit . Cum primum tamen urinæ redduntur , ut plurimum claræ , & perspicuæ sunt ; paullo post vero , simul ac refrixerint , intime perturbantur , quia succos cohærere aptos frigus cogit , & condenſat . Subinde iterum clarescunt , tenues , crudæque factæ , deinde iterum turbidæ , & confusæ redeunt ; sicque varias vices toto morbi cursu subeunt . Interdum nihil horum accidit . Tanta quandoque est humorum attenuatio , ac solutio , ut cum urinis nihil communicetur , quod frigore accedente lenteſcere , & compingi iterum possit .

§. DXXIII.

Tanti vero urinarum inspectio facienda hic est, ut nihil certius, evidentiusque colliquationem præsentem, aut absolutam, & ad suum terminum perductam significet. Nunquam enim sanis revera simile se ostendunt, nisi colliquatione omnino finita; ita ut earum variatio, & frequens vicissitudo certissimum indicium porrigat, morbum nondum ex toto desisse, etiamsi alvi fluxus, sudoresque penitus substiterint, & febris prorsus conquievissimæ videatur. Non nunquam enim, præsertim quando morbus diu jam excucurrerit, febris cessat, quam colliquatio, & corruptio humorum ex toto nondum finem attigerit. Tunc, quoniam febris abest, & virium languor sui rationem exposcit, sæpe maturius, quam decet largior cibus conceditur; sed male ægri rebus consulitur, nam præpropera ejusmodi cura febris illico reviviscit. Igitur urinarum, & fœcum alvinarum naturalis & constans constitutio, atque integritas expectanda est, ex qua sola certo noscitur, omnem liquationem extinctam, finitamque esse. Si contra in his aliquid præter naturam adhuc superest, si excrementa liquida, aut mollia prodeunt, si urinæ quodammodo turbantur, si malus odor inde exhalat; liquationem adhucdum proserpere, non dubitaveris.

Urina certissimum colliquationis signum.

Interdum cessante febre non cessat colliquatio.

Qua ratione id cognoscatur.

§. DXXIV.

*Morki dy-
ratio.*

*Præter
continuas
febres col-
liquati-
vas, dan-
tur etiam
intermit-
tentes ta-
les.*

Longum esse morbum, præmonui. Enimvero ad triginta, aut quadraginta, imo ad sexaginta dies, & ultra sæpenumero protrahitur, sic ut frequentius ad *acutos ex decidentia*, quod ajunt, pertineat, quam ad acutos simpliciter. Quibusdam visa est febris ista ad plures menses extendi. Sed tunc e chronicarum, lentarumque genere fuisse dicenda est. QUESNÆUS narrat, se eam vidisse adeo diutinam, ac contumacem, ut ægrum non reliquerit, nisi post sex menses exactos; quem demum macie prope confectum lacte asinino restituit. Nec solum continuæ remittentes, verum etiam intermittentes febres ipsæ colliquativarum effecta edere, imo colliquativæ interdum esse possunt. In quibusdam febrium intermittantium constitutionibus, præsertim perniciosarum non raro evenit, ut iis correpti intra breve temporis intervallum ad summam maciem pervenerint. Id quidem fieri nequit, nisi soluta per vim fermenti febrilis universa pinguedine. Idem QUESNÆUS modo memoratus tertianæ meminit intermittētis colliquativæ, quæ tres menses perduravit. In hac certe colliquationis ratio mitior, & lentior fuisse videtur, quam in perniciosis a me observata, in quibus ægri post aliquot accessiones sic extenuabantur, ut e febrē per corticem domita convalescentes sceleti potius, quam hominis formam, effigiemque referrent.

§. DXXV.

Hactenus colliquativam febrem benignam expo- *Descriptio*
 sui, nimirum nervorum affectionibus, ac spasmis *benigna*
 carentem; quo a maligna distinguendam QUES- *hactenus.*
 NÆUS autumat. Is enim etiam malignam ponit, *Nunc de*
 dicitque eam esse, quæ caput, nervisque afficit; *maligna,*
 functiones animales potissimum lædit; spasmos in-
 ducit, indeque lethales gangrænas, aut sphacelos
 parit; aut parvo humore alicubi deposito partes,
 in quas ipse procubuit, sensu, ac vita repente ex-
 uit. Nec desunt in hac specie subsultus tendinum,
 motus convulsivi membrorum, inæquales pulsuum
 micatus, atque inordinati capitis, & pectoris dolo-
 res spaltici, quos demum excipit mors. Pro varia
 vero acrimoniæ colliquantis vi, & pro vario colli-
 quationis gradu effecta etiam plus minus variari
 dicuntur, ita ut non modo humores, verum etiam
 solidæ ipsæ partes liquentur. In utraque vero, vi- *In utra-*
 delicet tam benigna, quam maligna colliquativa *que una*
 hujusmodi febre videtur una, eademque causa, *caussa,*
 gradu solum, & pravitare differens. Cl. Vir paul- *tantum*
 b ante laudatus, qui peculiari capite eam com- *differens.*
 mentatus est, eo adducitur, ut putet, unum ali- *Opinio*
 quem ex humoribus putrescere, & dissolvi, qui *Quesnæi,*
 fermenti in modum se se paulatim diffundit, &
 successive de uno in alios proserpens, prout eos
 ad putrescendum procliviores reperit, contaminat,
 corrumpit, liquatque, donec finem colliquationis
 faciat recentium succorum accessio acescenique na-
 tura: quamquam non adeo planum est intellectu,
 quo modo humor aliquis seorsum corrumpi, colli-
 quarique possit, reliquis intactis. Fortasse vero si- *Fortasse*
 milius est, sanguinem ipsum late sumptum non om- *adept pri-*
 nem, neque universum, sed in aliqua tantum ejus *mum vi-*
 parte

parte vitari, corrumpi, dissolvique, idque lente; & successive fieri, donec omnis humor eandem vicem subierit; excretus paulatim, & paulatim novo succo, sive chylo refectus sit. Quod si peculiaris aliquis humor accusandus unquam videatur, non alius æquiore jure accusari posse videtur, quam oleosus ille, atque inflammabilis, cui adeps, sive pinguedo nomen est. Is enim stagnatione, & mora, aut spontanea degeneratione, aut quacunque alia ex causa accedente depravari, rancescere, paulatim corrumpi, & liquari potest, & reliquos humores sic pervertere, ut non modo febrim cieat, verum evacuationes quasque, & præ ceteris copiam bilis hepaticæ, & cysticæ adaugeat, & corpus universum emungat, nec prius œconomiam animalems pessum dare desistat, quam totus excretus fuerit: quemadmodum macies summa, & cita insequens, dejectiones foetidæ, & pingues; urinæ oleosæ, sudoresque olidi, & crassi, quibus febris comitatur, satis ostendere videntur.

C U R A T I O.

§. DXXVI.

In benignæ colliquantis febris (§. DXXV.) curatione duo maxime observanda sunt, nempe ut quidquid quotidie corrumpitur, naturæque alienum fit, e corpore excernatur, ne retentum causam morbi, liquationemque intendat, & fomitis corrumpentis, liquantisque acrimonia corrigatur. Primæ indicationi in primis satisfaciunt ea, quæ prævios humores ad intestina delatos cito, & blandissime educunt, uti sunt serum lactis leviter tamarrindis incoctum, aut aliud levissimum eccoproticum opportune, & quotidie propinatum, sed præ ceteris crebri, & mites clysteres; alteri vero diluentia, aciescentia, acida, subaultera, farinosa, & involventia. Prudenti manu modo hoc, modo illud auxilii genus adhiberi debet, quousque tota sanguinis labes elota sit. Nam ad rem maxime scripsit GORTERIUS: *Corrupti humores emendari nequeunt, neque omnes simul ejici; retenti in deteriorem corruptelam abeunt. Quare moderata evacuatio est facienda per conveniens organum, dum antiseptici ulterior progressus prohibetur. Quæ vero hac facultate prædita sint, quæque huc opportuna esse queant, non est, ut pluribus verbis explicetur, cum de his alibi jam satis, superque actum sit.*

Indicationes in benigna.

Quibus ut satisfiat?

§. DXXVII.

*In maligna cur
majus periculum.*

*Curatio
fere eadem.*

*Spasmi
quo modo
occurrenti-
um.*

*Quando
cardiaca
anodynus
addenda.*

*Enematum
usus con-
tinuandus.
Dubitatio
de vesi-
cantibus.*

In maligna vero specie, cum liquatio non solum liquidis, verum etiam solidis partibus vim inferat, majus periculum, imo certum fere exitium impendet. Pro varia autem partium solidarum passione varii quoque gradus morbi, & periculi consequuntur, ita ut non defuerint, qui eam talia sibi assumere posse epiphænomena crediderint, quibus non modo malignæ febris, verum etiam pestilentis, & quidem ferocissimæ formam, & speciem indueret. Quoad ejus curationem, hæc fere perficitur iis, quibus benignam curandam tradidimus; hoc solo discrimine, quod antisepticis acidis magis opus sit, cautiusque leniri alvus debeat. Periculum enim majus est, ne evacuationes levi negotio enormes excitentur, vitalemque vim omnem extinguant. Nervorum distentionibus, spasmisque iis occurrendum est, quæ anodyna simul, & subacida facultate pollent, cujusmodi sunt sal volatile succini, ejusque spiritus, sal sedativum HOMBERGII, sal volatile cornu cervi aceto saturatum, liquor anodynus mineralis HOFFMANNI, liquor cornu cervi succinatus, sed cum prædominio acidi; & similia. Quod si spasmi vitales actiones inhibeant, ægrumque prosternant, anodinis, antispasmodicisque recensitis adjicere oportet cardiaca, quæ opium recipiunt, uti laudanum liquidum, theriaca, diascordium, mitridatum, & alia hujus generis. Neque tunc camphora aliena erit, maxime aceto soluta. Interea non omittenda sunt blanda enemata; quæ excrementa ex alvo leniter auferant. Dubitari potest, an vesicantia locum hic habeant ob timorem, ne dissolutionis humorum angendæ favent. Quia vero extrorsum vim morbi deletri-

cem

cem avocare possunt; non omitti prorsus debent; in primis ubi & vitalis facultas languet, & stupor, & sopor tenet, & vires omnes deficiunt. In casu magis dubio epispastica sine cantharidibus tutiora erunt. Antisepticiis supra laudatis adnumeranda quoque sunt corticis peruviani decoctum vitrioli spiritu acidulatum; & dilatum saturatius radicis Arnicæ; quod a COLLINIO, STOLLIO, aliisque medicis Vindobonensibus summopere excellere asseritur. Sanguinis missio, ut patet, locum non habet generatim; & si quando admittenda sit, id protinus ab initio tantum erit; & cum vehemētissima febris motu, & calore acrimoniam intendere, atque exaltare magis possit. Alimenta sint juscula oryzæ, avenæ, hordei, horumque cremores, gelatinæ vituli acido citri conditæ, emulsa seminum melonum; amygdalarumque dulcium, poma aurantia, fructus acidiusculi, pruna, fraga; cerasa, pyra costæ, & similia. Potui vero aqua frigida, & in majore humorum liquatione, & solidorum laxitate, & atonia etiam nivata dari poterit. Aer cubiculi sæpe renovetur, & ad frigidum inclinet; cautione tamen adhibita, ne evacuationes intempestivius cohibita metastases ad interiora lethales pariant.

*Epispastica tutiora
Alia antiseptica.*

Sanguinis missio ubi conveniat.

Alimenta.

*Potus.
Aer qualis.*

Cautio.

FINIS VOLUMINIS II.







